



Ոգի-Նաիրի
Vogi-Nairi

**ЛЕОНИД ЮЗЕФОВИЧ
ФИЛЭЛЛИН**

Неисторический роман

Перевод с русского на армянский язык
Нерсес Атабекян



Հրատարակվել է «Թարգմանության ինստիտուտ»
ինքնավար ոչառևտրային կազմակերպության
աջակցությամբ, Ռուսաստան

**LEONID YUZEFOVICH
PHILHELLENE**

Non-historical novel

Translation from Russian into Armenian
Nerses Atabekyan

Vogi-Nairi, Yerevan

Լեոնիդ ՅՈՒԶԵՖՈՎԻՉ

ՀԵԼԼԵՆԱՍԵՐԸ

*Վեպ` օրագրերով, նամակներով ու բացակա
գրուցակիցների հետ մտովի զրույցներով
Ոչ պատմական վեպ*

Թարգմանությունը ռուսերենից`
Ներսես ԱԹԱԲԵԿՅԱՆԻ

Երևան 2023

ՀՏԴ 821.161.1-31 Յուզեֆովիչ
ԳՄԴ 84(2)-44
Յ 672

«Գեղարմ» հանդեսի մատենաշար

Յուզեֆովիչ Լեոնիդ

Յ 672 Հելլենասերը: Ոչ պատմական վեպ: Թարգմ.՝ Ն.Աթաբեկյան:–
Երևան, «Ոգի-Նաիրի» հրատ., 2023, 336 էջ:

Հելլենասեր՝ հույներին սիրող: XIX դարի 20-ական թվականներին այսպես սկսեցին կոչել նրանց, ովքեր համակրում կամ անմիջաբար մասնակցում էին Օսմանյան կայսրության դեմ հույն ապստամբների պայքարին: Հունաստան մեկնած և այնտեղ մահացած Բայրոնի պես՝ իրեն հելլենասեր է համարում վեպի գլխավոր հերոսը՝ պաշտոնաթող շտաբ-կապիտան Գրիգորի Մոսցեպանովը: Գրքում ազատություն է տրվել հեղինակային երևակայությանը, բայց նախշերը հյուսվել են իրական դեպքերի հենքի վրա: Գործողությունները սկսվում են Նիժնի-տագիլյան գործարաններում, շարունակվում՝ Եկատերինբուրգում, Պերմում, Ցարսկոյե Սելոյում, Տագանրոգում, Ռուսաստանից տեղափոխվում Նավայիոն ու Ալեքսանդրիա և ավարտվում Աթենքում՝ Ակրոպոլիսում: Վեպի կենտրոնական հերոսներից են Ալեքսանդր I-ը, միստիկ բարոնուսի Յուլիա Կրիդները, եգիպտացի զորավար Իբրահիմ փաշան և այլ իրական դեմքեր: «Հելլենասերը» ավելի շուտ պատմական թեմայի վարիացիա է, քան ավանդական պատմավեպ:

ՀՏԴ 821.161.1-31 Յուզեֆովիչ
ԳՄԴ 84(2)-44

ISBN 978-9939-969-65-7

© Юзефович Л. А., 2023

© Издательство АСТ, 2023

© «Ոգի-Նաիրի» (թարգմանության համար), 2023

ՀԵՂԻՆԱԿԻ ԿՈՂՄԻՉ

Այս վեպը պատմականորեն շատ ավելի հավաստի է, քան կարող է թվալ ընթերցողին: Իհարկե, ներառված օրագրերն ու նամակները,- չխոսելով արդեն հերոսների մտովի գրույցների մասին,- երևակայության արգասիք են, բայց այդ օրագրերի ու նամակների որոշ հեղինակներ և նամակներում հիշատակվածներից շատերն իրական դեմքեր են և գործում են սեփական անուններով կամ ունեն նախատիպեր: Ալեքսանդր I-ի կյանքի վերջին տարիների հանգամանքները, այդ թվում՝ Բրեստ-Լիտովսկում ստացած սրունքի վնասվածքը և ուղևորությունն Ուրալ, ինչպես և այլ պատմական դեմքերի կենսագրական մանրամասները գերազանցապես համապատասխանում են իրականությանը: 1820-ական թվականների Հունական պատերազմը հանուն անկախության, ներառյալ՝ թուրքերի կողմից պաշարված հունական Ակրոպոլիսի ապաշրջափակման երկու փորձերը և Հունաստանում Օտտոն I թագավորի գահակալման սկիզբը, հիմնականում ստույգ են շարադրված ու թվագրված են այն ժամանակով, երբ տեղի են ունեցել: Հերոսները մտածում, գրում ու խոսում են այն մասին, ինչի մասին այդ ժամանակ մարդիկ մտածում, գրում ու խոսում էին, ճիշտ է՝ ոչ այնպես, ինչպես այն ժամանակվա իրենց կրկնակներն ու կրկնակների ժամանակակիցները, այլ հաճախ իրենց լրիվ ուրիշ կերպ էին պահում: Ես անցյալի վերստեղծման խնդիր չեմ դրել, բայց գուցե խստապահանջ ընթերցողն ավելի ներողամիտ կվերաբերվի այստեղ շարադրված պատմությանը, եթե իմանա, որ այն ծավալվում է բնական բեմապատկերներում և դարաշրջանի իրական միջավայրում:

ՕՁԸ

Գրիգորի Մաքսիմովիչ Մոսցեպանովը Պետական խորհրդի ռազմական գործերի դեպարտամենտի պետ և Նորին Մեծության անձնական գրասենյակի կառավարիչ կոմս Ալեքսեյ Անդրեևիչ Արակչեևին

Նոյեմբեր, 1822 թ.

Առանձնակի կարևոր մի գաղտնիք ունեմ հայտնելու, որը մեծապես կարող է նպաստել կիսալուսնի հանդեպ խաչի հաղթանակին: Պատրաստ եմ ընդհանուր գծերով բացելու որևէ զինվորական կամ պետական անձի՝ ձերդ պայծառափայլության կողմից նրան լիազորելու դեպքում, իսկ լիովին՝ ձերդ պայծառափայլությանը կամ գերապայծառ տեր թագավոր կայսր Ալեքսանդր Պավլովիչին, համայն Ռուսիո ինքնակալ միապետին՝ մշտապես հոգաձու իր ժողովուրդների բարօրությանը:

Պերմի նահանգապետ, բարոն Անտոն Կառլովիչ Կրիդները կոմս Արակչեևին

Մայիս, 1823 թ.

Պաշտոնաթող շտաբ-կապիտան Գրիգորի Մաքսիմով Մոսցեպանով, 36 տարեկան, հույն-ուղղափառ դավանանքի, Կիևի նահանգի ազնվականներից: Ամուրի: Կենում է Նիժնիտագիյան գործարաններում՝ կոմս Ն. Ն. Դեմիդովի կալվածքում, որը ներկայումս դեսպանորդ է Ֆլորենցիայում, Տոսկանայի դքսի արքունիքում:

Հրետանային կորպուսն ավարտելուց հետո ծառայել է հրետանու կազմում, պաշտոնաթող է եղել ոտքի մատները կորցնելու հետևանքով:

ԼԵՆԻՆԻ ՅՈՒԶԵՖՈՎԻՉ

Ուսուցչի պաշտոն է վարել Պետերբուրգի Օխտայի վառողի գործարանին կից զինվորների երեխաների դպրոցում. 1820 թվականին կոմս Դեմիդովի կողմից հրավիրվել է Լոյսն պաշտոնին Նիժնիտագիյան գործարանների ուսումնարանում: Աշխատանքից ազատվել է կառավարիչ Ս. Մ. Սիգովի և գավառական ոստիկանապետ Ն. Ի. Պլատոնովի դեմ բանսարկությունների համար, որոնց տարբեր պաշտոնատար անձանց ուղղված խնդրագրերում սուտ մեղադրում էր կաշառակերության և այլ հանցանքների մեջ և նրանց ոչ հատուկ որակներ վերագրում: Գրում էր նաև, որ նրանք ծրագրում են սպանել իրեն: Հարբեցողության մեջ չի նկատվել, խոստովանության գևում է, հաղորդություն ընդունում է: Կենսակցում է քաղքենուհի Նատայա Բաժինայի հետ, որի տանն էլ բնակվում է:

Ինչ վերաբերում է նրա գաղտնիքին, ապա, չնայած, ամենայն հավանականությամբ, հորինված է բարձր անձանց ուշադրությունը գրավելու նպատակով, Վերինուրալյան Լեռնային գումարտակի պետ մայոր Չիխաչովին հանձնարարել էմ դրա մասին տեղեկանալ անձամբ Մոսքեպանովից: Նրա զեկուցագիրը ստանալուն պես՝ անհապաղ կհասցվի ձերդ պայծառափայլության գիտությանը:

Գրիգորի Մոսքեպանովը Մատվեյ եղբորը՝ Կազան

Հունիս, 1823 թ.

Ինձ համար չանհանգստանաս. ռոճիկից հետ գցած փողը դեռ չի վերջացել: Պետերբուրգում դրանով չես ապրի, բայց այստեղ մթերքը թանկ չէ, իսկ Նատայան ձրի է պատրաստում: Տեսնում է, որ չեմ նեղացնում իր Ֆեդկային, գրել ու հաշվել եմ սովորեցնում: Շատ լավ տղա է: Սիրեց ինձ, չխոսենք արդեն մոր մասին: Առաջին իսկ պահանջով պառկում է հետս, թեկուզ օրը ցերեկով, ոչ թե հանգուցյալ կնոջս պես: Նրա առաջ, պատահում էր, շաբաթով չոքեչոք էի անում, մինչև մոտ թողներ: Ասենք, պառկելն էլ դագաղում պառկելու պես էր, դեռ լավ է, եթե լաց չէր լինում:

Պարապությունից սովորեցի արմտիքից ու ճիպտոսներից շրջանակներ հյուսել: Առաջինը՝ իշխան Ալեքսանդր Իպսիլանտիի համար: Վերխո-

տուրիեում, հունական խանութում նրա վիմատիպն էի տեսել. հասակով մեկ, գեներալական համազգեստով, մի ձեռքը՝ ծայրատ: Ֆրանսիացիներն են պոկել Կուլմի մոտ: Դիմանկարը վաճառքի չէր, տերերը կախել էին պատից, բայց ձրի տվեցին՝ իրենց հերոսի հանդեպ իմ սիրո համար: Նախանցյալ տարի նա հույներին ապստամբության կոչ էր արել Օդեսայից և ինքն էլ հազար հետերիստներով թուրքերի վրա գնացել Վալախիայում. ջարդվել էր, փորձել Տրիեստոյով Մորեա, նույն ինքը՝ Պելեպոնես լողալ, բայց ավստրիացիք բանտ էին դրել: Այնտեղ քար էր նրա շուրջը, իսկ այստեղ շրջանակված է սոճու արմտիքով: Անփորձությանս պատճառով ծուռտիկ են հյուսված, բայց կարծում եմ՝ ինձնից չի նեղացել: Հետո, ձեռքս վարժելով, մի փորագրանկար էլ շրջանակեցի: Ուսումնարանի գրադարանի մի հատորյակում էր տունծած, պոկեցի՝ չամաչելով, որ կողոպտում եմ ինչ-որ մեկին,- մեկ է, ինձնից բացի՝ այնտեղ գիտական գրքեր կարդացող չկա: Աթենք քաղաքն է փորագրված՝ լուսավորության հայրենիքը. իրար գլխի կիտված տնակներ, վերևում ժայռուտ լեռը, գազաթին՝ առանց աշտարակների պարիսպ: Չասենք, թե ահեղ ամբողջ է, բայց ժայռը բարձր է, զառիվեր, հեշտ չես բարձրանա: Ավելի վեր՝ Պարթենոնը, հաշմ կանգնած է այն ժամանակից, երբ ներսում պայթեց թուրքական վառոդը: Տանիքը՝ պոկված, սյուների կեսը չկա, քամին է խաղում մնացածների արանքում, իսկ ներսում թուրքերը մզկիթ են սարքել: Հիմա այն դատարկ է, բայց փոփոխամիտ է պատերազմի բախտավիճակը: Աստված չանի աթենացիք նորից լսեն՝ մոլլաներն ինչպես են կանչում Ակրոպոլիսում: Դրա համար՝ անպարտելի Աթենաս Պալլասն իր վահանն ու նիզակը դրեց Սուրբ կույսի ոտքերի տակ:

Ասում են՝ տեր թագավորի փողը չի հերիքում սուլթանի հետ պատերազմելու համար. ինչ կա որ, ես գիտեմ՝ որտեղից վերցնել, ու գրել եմ ֆինանսների մինիստր կոմս Գուրիկին, որ ուրալյան բոլոր ոսկեհանքերը, ում էլ որ պատկանեն, թեկուզև հենց Դեմիդովին, պետք է հանձնել պետական կառավարման, իսկ գավառական ոստիկանապետերի փոխարեն, որոնք բոլորը գող են, նշանակել ինձպետներին՝ վերքերի ու հաշմության պատճառով ծառայությունից ազատված սպաների: Բարձր Դռան հետ պատերազ-

մի դեպքում դա, ի թիվս իմ մտածած այլ նորամուծությունների, մեծապես կնպաստի կիսալուսնի հանդեպ խաչի հաղթանակին:

Ես դրա մասին սկսեցի մտածել, երբ Սորեան Իպսիլանտիի կոչով ապստամբեց, և Սուրբ կիրակի օրով սուլթան Մահմուդը հրամայեց հովվապետ Գրիգորիին կախել եկեղեցու դարպասից. հենց պատարագից տարան, ոսկեկար շուրջառը հագին: «Ռուսկի ինվալիդում» նրա նահատակության մասին կարդալու օրվանից ապրում եմ մտքով, որ պատերազմն անխուսափելի է, և ինձ՝ հաշմանդամիս, հարկ է պատրաստվել դրան: Հունական կրակը վառվեց իմ սրտում, բայց նույնիսկ նրա լույսի ներքո ճշմարիտ ուղին միանգամից չհայտնվեց մշուշից:

Սկզբում, չթաքցնեմ, սարսափելի էր ոտք դնել այդ ճանապարհին: Մինչև առաջին խնդրագիրը որոշեցի կրկին մտածել հետևանքների մասին ու գնացի լճափին զբոսնելու: Ես նրանցից եմ, ովքեր լավ են մտածում քայլելիս: Անցնում եմ ամբարտակի մոտով, ծեռքս տարա գրպանս, իսկ այնտեղ ինչ-որ կլոր, պինդ բան կա: Հանեմ ընկույզ է, կարմիր թղթով փաթաթած: Միդորկա Վանյուկովը՝ սիրելի աշակերտս էր, ի տրիտուր իր հանդեպ բարության, նվիրել այդ գանձը, դրել էի գրպանս ու մոռացել, իսկ սերթուկս ամառային է, աշունքից չհագած: Միրոս միանգամից թեթևացավ, ասես հունական հողն էր կանչում իր պտուղով, որ չմոռանամ իր տառապանքները: Տանը ընկույզը դրեցի իմ առջև ու սկսեցի գրել արդեն առանց վախի:

Նահանգապետին՝ բարոն Կրիդներին, հայտնեցի, որ Նիժնիտագիլյան գործարանների կառավարիչ Միգովը, գործակատար Ռյաբովի հետ, սպանել է շտեյգեր Պրոկոպի Սպիրինին, ինչը թաքցրել է լեռնային ոստիկանապետ Պլատոնովը: Սպիրինը Չերեմշանկա գետակի ափին անխառն ոսկու հանքակտոր էր գտել ու չէր հայտնել, ինչը, իհարկե, օրենքին դեմ է, բայց որ սպանեն մարդուն, այդպիսի օրենք ոչ մեկը չունի, բացի շրջմոլիկներից ու ավազակներից: Իսկ նրան սառցահարել էին նկուղում, մանեկաբանալիով մատները ոլորել, գլուխը խփել պատերին, ինչից էլ մեռել էր, իսկ Պլատոնովի թղթերով դուրս էր գալիս, որ հարբած՝ խուզահորան և ընկել:

Երկրորդ խնդրագիրն ուղարկեցի ներքին գործերի մինիստր կոմս Կոչուբեյին: Սևագիրը պահպանվել է, բառացի արտագրում եմ. «1806 թվակա-

նին կոմս Ն. Ն. Դեմիդովը, առաջնորդվելով մարդասիրությամբ, կարգադրել է Նիժնիտագիյան գործարաններում մանկատուն բացել ապօրինաձին երեխաների համար: Ինքը ներկայումս դեսպանորդ է Ֆլորենցիայում, ու քանզի կառավարիչ Սիգովը, սարսափելով իր խարդավանքների բացահայտումից, խոչընդոտում է իմ և նրա նամակագրությանը, հայտնաբերածս իրազեկում եմ ոչ թե նրան, այլ ձերդ գերագանցությանը:

Այնուհետև՝ ըստ կետերի.

«1. Մանկատան փոխարեն, ինչպիսին մտահղացել էր պարոն սեփականատերը, Սիգովը վեց արշին երկարությամբ ու դրանից էլ փոքր լայնությամբ մի խրճիթ է սարքել: Երեխաներին կցված հսկիչ կանայք կամ հարբած են, կամ էլ գնում են իրենց գործերով՝ սաներին թողնելով առանց հսկողության: Մանկիկներն օրորոց չունեն, օրորոցների փոխարեն ուռենու ճյուղերից հյուսած ցանցեր են, ինչպիսիք մուրացկաններն են ունենում: Երկուական, երեքական երեխա են դնում ամեն մեկի մեջ՝ խոտով լցված խսիրե պարկերի վրա: Մի՞թե այդպիսի հարուստ կալվածքում նրանց համար բարձր չեն ճարվել, սպիտակեղեն, տակաշորեր և այլ անհրաժեշտ պարագաներ: Իսկ ի՞նչ աղաղակ է այնտեղ, ի՞նչ աղմուկ: Մեկը սկսում է լաց լինել, ու բոլորը միանում են: Հիվանդը պառկած է առողջի հետ, իրարից վարակվում ու մեռնում են: Որև էլ չի մեռնում, ընդմիջտ կորցնում է առողջությունը, որ կյանքի առաջնագույն բարիքն է: Սիգովն իր համար քարաշեն պալատներ է կառուցել, իսկ տարաբախտ փոքրիկների համար խնայել տասը արշին հողն ու տանիքի թիթեղը, չնայած ներկայիս թագավորող միապետը 1802 թվի մայիսի 16-ի մանիֆեստում հռչակել է. «Հավաստելու համար, թե սրտիս որքան մոտ են դաժան ճակատագրի զոհերը, նրանց առնում եմ իմ հատուկ հովանու տակ»:

2. Հակառակ 1715 թվի նոյեմբերի 12-ի գերագույն հրամանագրի, որով կարգադրվում է ամոթապարտ մանկանց առողջությունը պահպանելու համար ընտրել հմուտ կանանց, Սիգովի անհոգի հսկիչները կաթով եռջուր են լցնում նրանց կոկորդները, ինչից երեխաները մեռնում են: Ծայրահեղ քաղցը նրանց ստիպում է ուտիճներ փնտրել պատաճեղքերում և ագահաբար ուտել,- իսկ ի՞նչն է աշխարհում ավելի խղճալի, քան ամե-

ԼԵՆԻՆԻ ՅՈՒՋԵՖՈՎԻՉ

նայն օգնությունից զուրկ ու անխուսափելի մահվան մատնված մանկիկը: Նրանք՝ Սիգովի և լեռնային ոստիկանապետ Պլատոնովի անփութության զոհերը, երկնքում կկանգնեն այն անմեղ քրիստոնեական մանկանց կողքին, որոնց Թիոսում մորթեցին Կարա-Ալիի եկիչերիները:

3. Կոմս Ղեմիդովի տեղիս կալվածներում երկու սեռի 20000-ից ավելի մարդ է ապրում: Եթե այդ թվից ընդունենք տարեկան միջինը 40 ընկեցիկ, ապա 16 տարում, մանկատան հիմնումից հետո, 640-ից պակաս չպիտի լինեն: Գոնե կե՛սը մնար»:

Սրանից հետո ևս երկու կետ է գալիս, բայց այսքանն էլ բավական է իմ ուղղությունը հասկանալու համար: Բոլոր պաշտոնյաներին գրում եմ նույն ոճով, սլավոնական բառեր դնում, եթե տեղին է, սակայն ջանում եմ հնության չանցնել: Անցյալով բարեբարոյությունն է արտահայտվում, բայց դրա ավելցուկն ինքնահավանությունն է:

Ընդամենը քսանից ավելի խնդրագիր եմ ուղարկել. Պերմ՝ Լահանգային պաշտոնավարեր, և Պետերբուրգ՝ կառավարական: Փոստատուն էի հանձնում Վերխոտուրիեում, որ այստեղ չբռնեն, բայց ոչ մեկից պատասխան չստացա: Կոչուբեյը մանկատան մասին խնդրագիրը քննության էր ուղարկել վաճառական Դանիլովին՝ Պետերբուրգում դեմիդովյան գործարանների գլխավոր գրասենյակի կառավարչին, իսկ ևս վաղուց է ատամ սրում վրաս, որ իր գլխից թռնելով՝ ճշմարտություն եմ փնտրում: Ուսումնարանից վռնդեցին, գրասենյակային բնակարանից դուրս արին: Ոյաբովը ունեցած-չունեցածս թափեց ուղիղ փողոց՝ ո՛չ ազնվական կոչումս հարգեց, ո՛չ պատվո դաշտում ստացած հաշմությունս:

Ես այստեղ բոլորին պատմում եմ, որ ոտքիս մատները ռումբն է տարել, և չնայած դրանք ճզմվել են հրետասայլի անիվի տակ, տարբերությունը մեծ չէ: Այսպես, թե այնպես, կորսվել են պատերազմում, իսկ արշավանքի ժամանակ, թե ճակատամարտում կարևոր չէ: Շները չէն կրծել, ոնց որ Սիգովի գյադա Վենկա Ոյաբովի անդամի կեսը, երբ փողոցում հարբած հանել էր պետքի համար ու մոռացել հետ գցել շավարի մեջ, ու գիշերը քնել-մնացել էր ցանկապատի տակ: Իսկ որ շտեյգեր Սպիրիևի մասին գրել էի, թե մեռած է, իսկ ևս ողջ դուրս եկավ, իմ մեղքը չէ, այլ ինձ խաբածնե-

րի: Իսկ ինչ նրա տառապանքների մասին գրել էի բարոն Կրիդներին, լրիվ ճիշտ է, բացի մարդասպանությունից, բայց Սիգոլփի ու Ռյաբովի դահճու-թյունը ներեցին, իսկ ինձ զրպարտիչ հռչակեցին:

Գլխավորը, ինչի մասին ուզում եմ գրել քեզ, անցած տարվա մայիսին է պատահել: Տարուց ավելի է անցել, բայց աչքիս առաջ այնքան կենդանի, այնքան պարզ է կանգնած, ասես առավոտյան արթնացել ու անկողնում պառկած՝ հիշում եմ, թե ինչ է եղել երեկ: Այդ ժամանակ Նատալյայի մոտ չէի ապրում, այլ գրասենյակի բնակարանում՝ Աղվեսասարի տակ, Լեռնա-յին վաշտի զորանոցների դիմաց: Ընթրիքից հետո ծխամորճով նստել էի լուսամուտի տակ ու փեղկ էլ բացել էի, որ ծխահոտը սենյակները չընկ-նի: Տանել չեմ կարողանում: Լուսամուտի շրջանակներն այնտեղ ծխնիներ-րով են, ոչ ինչպես Նատալյայի մոտ: Նատալյայի տանը դրանք, որ Էժան նստի,- քաղցենիները մաքուր օդի օգտակարությունը չգիտեն,- այնպես են սարքած, որ ոչ միայն փեղկ չես բացի, անգամ օդանցք չկա: Նույնիսկ հի-շում եմ ինչ էր հագին: Խալաթի վրայից ոչխարենու կացավեյկա էր, գլխիս՝ նրբադիպակի թասակ, որ ճաղատս չմտի: Անցած տարվա գարունն ու-շացած էր, մինչև Համբարձման տոնն էլ դեռ տեղ-տեղ ծյուն կար: Լույսը բացվելուն պես քամին սկսում էր փչել ուղիղ հյուսիսից, ասես կողմնացույ-ցով, բայց այդ երեկո, ինչպես լինում է մայրամուտից առաջ, հանդարտվել էր: Արևը դեռ չէր նստել, երբ լուսինը դուրս եկավ: Կոմս Նիկոլայ Նիկիտիչ Դեմիդովի կավածքներին պահակություն անելու նրա հերթն էր: Պատու-հանի տակ փոքրիկ պարտեզ էր՝ շամբուկով ու յասամանով: Նոր-նոր էին կանաչել, իսկ խաշամը տանտերը կիտուկ էր արել, որը այլևայլ աղբի հետ ցանկապատի տակ սպասում էր, թե երբ կվառեն: Յերեկները հավերն էին այդտեղ քուջուջ անում, բայց երեկոյան նրանց փակում էին հավաքնում:

Հանկարծ լսում եմ թփերը դողացին, ասես ոչ թե գարուն է, այլ աշուն, ու չոր տերևները թափվելուց առաջ խշշում են վերջին անգամ, ինչպես չորացած ամեն ինչ, որից հեռանում է կյանքը: Միևնույն ժամանակ՝ ժա-պավենաթել շղարշավարագույրն անշարժ էր, չնայած կարող է նույնիսկ քնած երեխայի շնչից թրթռալ: Դիմացի մայթին ջահել բարդիները նույն-պես անշարժ էին: Ուրալում բարդի չի աճում, իսկ այսպիսին, որ մոմի նման

ԼԵՆԻՆԻ ՅՈՒՋԵՖՈՎԻՉ

երկևուղեշ լինի ու արծաթած սաղարթով, առավել ևս: Դրանց տնկիները իմ ու քո հայրենակիցները կոմս Դեմիդովի կարգադրությամբ Մալոռոսիայից են բերել և տնկել գործարանի գրասենյակի ու Լեննային վաշտի զորանոցների դիմաց: Զսան տարում մեծ ծառեր են դարձել: Մեկ-մեկ այցելում եմ, ականջ դնում՝ ինչպես են քչփչում մեր ծնողների, իմ և քո մանուկ տարիների, Դնեպրի մասին, թե ոնց է կիևյան բլուրների տակ փռված՝ արևի տակ շողում այնպես, որ փայլը երկինք է հասնում: Այդ բարդիները զգայուն են մթնոլորտի ամենափոքրիկ տատանումների հանդեպ, բայց այդ երեկո ոչ մի տերևիկ չէր դողում:

Շուտով թփերն էլ խաղաղվեցին: Նայեմ՝ լռության մեջ մի փոշեայուն կանգնեց ցանկապատի տակ կիտած աղբից: Բարձրացավ, սկսեց փքվել՝ տեղում պտույտ գալով, չաղանալով, լցվելով իր իսկ պտույտով, ու գնա՛ց, գնա՛ց ներս քաշելու ամենը, որ կարող է քաշել:

Օխամորճս հանգել էր: Շնչելը մոռացած՝ նայում էի, թե ոնց է կատարյալ անհողմության մեջ իմ առաջ հառնում հերվա սաղարթի, հավի ծերտի հետ խառն հողի, փտած տերևի այդ սյունը, բայց ո՛չ մաշկով, ո՛չ նույնիսկ ակնակապիճներով ամենաթույլ սյուք անգամ չէի զգում: Շուրջը ոչինչ չէր շարժվում այն ամենից, որ իր թեթևությամբ ենթակա է օդի տարերքին: Փողոցն ամայի էր, միայն ես էի տեսնում պարտեզի վրա հառնած հրաշագործ սյունը, որին մի անիմանալի ուժ էր պտտում: Գլուխը հասավ տանիքին, և այդ ժամանակ լույս ցայտեց ներսում, կլոր ճերմակ կրակը կենտրոնից շատրվանեց միանգամից բոլոր կողմերը, հորդեց՝ չնվազելով, քշված մի ուժով, որով ծովի ալիքները երբեմն ոչ թե քամին, այլ հենց ծովի խորխորատն է քշում: Այդ մշուշային կրակից մի անմարմին գլուխ հյուսվեց ու հայտնվեց դեմքը, փայլով փողփողացող, ինքը՝ հուր, երերուն, ինչպես արտացոլումը հոսող ջրի մեջ: Սկզբում կնոջ դեմք թվաց, հետո՝ պարմանու, մի վայրկյան անց՝ այրական: Մեկը ալիք-ալիք հորդում էր մյուսի ու երրորդի վրա, մինչև հասկացա, որ այդ ամենը գոյություն չունի, կա միայն հոգին պայծառացնող լույսը, որ արծակում են անմարմին մաքուր ոգիները: Մի քանի բառ արձակվեց նրանից այնպիսի արագությամբ, որ, եթե ենթակա լինեին բնության օրենքներին, այդ ժամանակամիջոցում ո՛չ լեզուն

կհասցներ արտաբերել, ո՛չ ականջը լսել: Ես հասկացա, որովհետև ոչ թե ականջիս հնչեցին, այլ ընկան ուղիղ սրտիս մեջ:

Թասակս հանելով՝ չոքեցի: Հողմայունը ցրվել էր, միայն լույսն էր կանգնած օդում: Իսկ երբ նա էլ անհետացավ, նետովեցի սեղանի մոտ ու թղթին տվի այն ամենը, որ դուրս էի բերել սրտից: Այնպես էր զարկում, որ արյան հոսքը կարող էր քշել այնտեղ թափված բառերը:

Հետո վազեցի փոքր սրահ, մի շերեփ ջուր առա դուլից, կեսը խմեցի, մյուս կեսը լցրի գլխիս ու հիշեցի Սաղմոսարանից. «Նա քամիները հրեշտակներ դարձրեց իրեն, և կիզող հուրը՝ սպասավորներ»:

Կիևս միշտ մեղադրում էր, թե քարսիրտ եմ: Գուցե այդպես էլ կար. բայց մի՞թե դա այդքան վատ է: Գուցե Տերը հենց այդպիսի սրտերում է դնում իր խոսքը, որ չմշուշվեն կենդանի ջերմությամբ:

Իհարկե, կարող էր և աչքիս երևալ: Ինքս երբեմն մտածում եմ, որ այդպիսի բան չի եղել, եղել է միայն իմ գլխում,- բայց եթե հայտնվեց, ուրեմն մեկն այնտեղ դրել էր, չէ՞: Եվ եթե զուտ մայրամուտի շողերի բեկում էր և արյան խշռոց՝ ականջներում, ինչո՞ւ գաղտնիքը, որ այսքան երկար հասկանալ չէի կարողանում, դրանից հետո բացվեց ինձ: Ո՛չ այն պատճառով, որ ստով պարուրված հոգիս մաքրվել էր վերին կանջի համար:

Փառք Աստծու, հասցրի միևնույն պատերազմը, իսկ այն սարերի հետևում չէ: Միայն չեմ հասկանում, թե ինչու է հապաղում տեր թագավորը, քանի դեռ հարցը կարելի է լուծել փոքր արյունով: Մեզ պետք չէ նույնիսկ նավատորմ ուղարկել Մորեա և ավի իջնել, բավական է միայն տիրել Դունայի ամրոցներին ու Սուլինի գետաբերանին, գրավել Դունայով միևնույն Չեռնովոդի գիծը, իսկ Տրոյական ամրապատնեշով՝ միևնույն Թյուսթենջի, և սուլթանին այդ խիստ հարմար դիրքերից սպառնալով՝ ստիպել ճանաչելու Հունաստանի ազատությունն այն սահմաններում, որ հարմար կլինեն տեր թագավորին:

Նատայա Բաժինան Մատվեյ Մոսցեպանովին

Հուլիս, 1823 թ.

Առավոտյան Գրիգորի Մաքսիմովիչը պետքի համար դուրս էր եկել բակ ու ցանկապատի տակ մի գրություն գտել: Ըստ երևույթին ցանկապատի վրայով էին գցել: Չտվեց կարդամ, ինքս գրպանից հանեցի ու կարդացի առանց թույլտվության: Գրված չէր՝ ումից է, բայց հեշտ էր հասկանալ: Մայր էին հայիոյում, սպառնում, որ թողնի գրպարտություններ գրելը, թե չէ կգտնվեն բարի մարդիկ, ծեծելով կսպանեն, մարմինն ածուխ կանեն, հետք չի մնա: Միայն թե Գրիգորի Մաքսիմովիչին չգրեք, որ կարդացել եմ: Ձեր անունից գրեք, որ իր խնդրագրերից բարի բան դուրս չի գա: Գրիգորի Մաքսիմովիչից շատ եմ լսել ձեր ու Գրիգորի Մաքսիմովիչի եղբայրական սիրո մասին ու մտածեցի, որ կլսի ձեզ: Չէ՞ որ իր համար էլ սարսափելի է: Այսօր գիշերվա կեսին վեր թռավ իր իսկ բղավոցից: Խռպում էր, հագում, մի կերպ շունչը տեղը բերեց: Ձեռքս դրեցի ճակատին՝ լրիվ քրտինքի մեջ կորած:

Ասում եմ. «Վատ երա՞գ էր»:

«Տեսա՞ր,- պատասխանում է,- ասես կրակից դուրս սողաց, ճանկերով բռնեց կոկորդս ու պատռեց մինչև փորս»:

«Ո՞վ», - հարցնում եմ:

Չպատասխանեց:

Մայրո Բորիս Չիխաչով: Հիշատակարան

Հուլիս, 1823 թ.

Նիժնիտագիլյան գործարաններ հասնելուն պես ուղղվեցի գործարանային գրասենյակ: Կառավարիչ Սիգովը տեղում էր: Բացատրեցի, թե ինչ հարցով եմ ուղարկվել նահանգապետի՝ բարոն Կրիկների կողմից. խոստացավ, որ կաջակցի, բայց խնդրեց մի քիչ սպասել: Շտապ պիտի հոգար տիրոջան կովերի նախրի հոգսը, որ Դեմիդովը գնել էր Մաքսունիայում՝ տե-

ղական ցեղատեսակը բարելավելու նպատակով: Այդ կովերն իրենց ուռթով կտրել էին Եվրոպայի կեսն ու այստեղ հասել ինձնից մի քիչ առաջ:

Սիւն Սիգովը կենդանիներին կտեղավորեր բակերում, նայեցի նրա աշխատասենյակը: Սպարտական կահավորում, վարագույրներ չկան, պատերին նկարների փոխարեն՝ հնոցների ու մեխանիզմների ուրվանկարներ: Սեղանի գլխին՝ Նիկիտա ԱկինՖեւիչ և Նիկոլայ Նիկիտիչ Դեմիդովների դիմանկարները, սեղանին՝ արույրե գրապարագաներ, երկու թանաքաման՝ կափարիչներին գործարանատիրոջ խորհրդանշանը: Նույնպիսի դեմիդովյան հին սամույր է դրոշմած գրիչների ու մատիտների գավաթին: Մատիտները միանման սրված են, գրչաձայրերի եզրերը՝ հատած, իսկ ձայրերը՝ սրտիկածն խուզած: Կահավորման ու հարդարանքի մեջ ասկետիկ կարգ կար, կամ, ավելի շուտ, պճնամոլ ասկետիզմ, որը չի անցնում ո՛չ խեղճության, ո՛չ խստության:

Սիգովը ծնունդով դեմիդովյան ճորտերից է, արհեստավոր է եղել թերթագլանման ֆաբրիկայում, ազատական ստացել իրբիտյան քաղթենության կցագրումով ու նշանակվել կառավարիչ: Ես նրա հետ գործ ունեցել էի և կարող եմ պնդել, որ ունակություններով ու եռանդով աչքի ընկնող կերպար է: Կառավարում է պողպատե աջով, բայց որպես իսկական ռուս մարդ՝ տասը մեղավորից իննին մտրակածեծ կանի, տասներորդին կների, օդի կիսի հետը, ու ժողովուրդը նրան դեռ կխճա էլ, որ եղպիսի շան գործի է՝ մարդկանց է չարչարում, հոգին կորցնում: Նա, իհարկե, միզանտրոպ է, մարդկանց ավելի բարձր չի դասում, քան Դեմիդովը՝ ուրալյան կովիկներին, սակայն չի երազում բարելավել մարդկային ցեղատեսակն ու հույսը չի դնում Տիրոլի և Սաքսոնիայի վրա, որտեղ գուցե գոյություն ունի կովային կատարելատիպը, բայց՝ ոչ մարդկային:

Շուտով աշխատասենյակի տերը վերադարձավ:

«Հիմա նրան կբերեն,- ասաց՝ նկատի ունենալով Մոսցեպանովին,- բայց պետք է զգուշացնեմ՝ ձեզ համար դժվար կլինի: Այնքան էլ չի հարգում նարնջե եզրաքուղերով ու մերակներով պարոններին»:

Ինչպես հայտնի է, 1819 թվականին բոլոր նահանգները ի լրումն զինանշանների սեփական գույներն էին ստացել, և Պերմին շնորհվել էր

ԼԵՆԻՆԻ ՅՈՒՋԵՖՈՎԻՉ

ևարնջագույնը: Հասկացա, որ Մոսցեպանովը, մայրաքաղաքային ղեկավարության ուշադրությանն արժանանալու իր հավակնություններով, դժգոհ կլինի այն իմ շքազգեստի վրա տեսնելուց:

«Ու նաև,- հավելեց Սիգովը:- Եթե մի բան սրտով չի, այնպիսի տողկալի բառերով է հայիոյում, որ լսած չկամ: Ձեր շահերից է բխում դրանց ուշադրություն չդարձնելը»:

«Կջանամ առիթ չտալ», - պատասխանեցի ես:

Ու հենց այդ պահին էլ նա հայտնվեց: Ձեռքին՝ ձեռնափայտ, քայլելիս մի քիչ ընկնում է աջ ոտքին: Թղթերով 36 տարեկան է, բայց ավելի մեծ է երևում: Բավական բարձրահասակ, կորամեջք, լայն, ներս ընկած կրծքով: Գագաթը՝ ճաղատ, շուրջը վուշի գույն մազերն օժած են, հոտից դատելով՝ յուղով: Շրթունքները հաստ են նեգրի շրթունքների պես, իսկ մանր աչքերը՝ կապույտ: Այդպիսիք ունենում են մաքուր աղջնակներն ու անառակ տղեկները: Կոկիկ սափրած այտերն ու ճակատին փոփոլացրած քյանքուլը վկայում էին, որ տևից դուրս գալուց առաջ որոշ ժամանակ է անցկացրել հայելու առջև, հետևաբար ամենայն լրջությամբ է վերաբերվում ինձ հետ հանդիպմանը: Դա թույլ էր տալիս հուսալ, որ առաքելությունս բարեհաջող էլք կունենա:

Սիգովը մեզ ներկայացրեց իրար ու դուրս եկավ՝ ինձ մենակ թողնելով Մոսցեպանովի հետ: Ես առանց ավելորդ երկարաբանության նրան հայտարարեցի, որ եկել եմ Պերմի նահանգապետի՝ բարոն Կրիդների կողմից, որն ինձ հանձնարարել է պարզել, թե այդ ինչ գաղտնիք էր ուզում բացել նորին պայծառափայլություն կոմս Արակչենին:

Մոսցեպանովը խնդրեց ներկայացնել Արակչենի հանձնարարական նամակն ու համոզվելով, որ չունեմ, ասաց, որ իր գաղտնիքը կբացի միայն նրան, ով կզա նորին պայծառափայլության գրավոր լիազորություններով: Համառ փորձերիս՝ համոզելու, որ բարոն Կրիդները Արակչենից այդ լիազորությունները ստացել ու բանավոր ինձ է փոխանցել, հաջողություն չունեցան: Նա իրենն էր պնդում:

«Լավ,- հաշտվեցի ես:- Գրավոր շարադրեք ձեր գործը, կնքեք ձեր կնիքով ու ստացականով հանձնեք ինձ: Սուրհանդակի միջոցով, պետա-

կան կնիքով ծրարում կուղարկեմ Պերմ»:

Բայց նա դրան էլ չհամաձայնեց՝ ծիծաղելի պատճառաբանությամբ, թե ճանապարհին կնիքը կկտորեն ու կկարդան իր նամակը:

Ասացի, որ սուրհանդակները պաշտոնական նամակները չեն բացում, բայց նա այդտեղ էլ պատրվակ գտավ. իբր նախ պիտի իր աչքով հավաստիանա պարոն բարոն Կրիդների՝ կոմս Արակչենկից ստացած լիազորություններին, հնարավոր է, որ նա այդպիսիք չունի:

Հանձն առա նրան հասցնել Պերմ, որպեսզի համոզվի, որ նահանգապետն ունի այդպիսիք: Չցանկացավ մեկնել՝ առանց պատճառները բացատրելու, փոխարենը պատրաստակամություն հայտնեց պետության հաշվին ինձ հետ մեկնել Պետերբուրգ՝ կոմս Արակչենկի մոտ:

Ասացի, որ ուրախությամբ կտանեի, ինքս տասը տարի չեմ եղել Պետերբուրգում, բայց այդպիսի հրաման չունեմ: Նա կարծես ըմբռնումով ընդունեց փաստարկներս: Լարվաճությունս թուլացավ, ու կրկին սկսեցի համոզել, որ բացի իր գաղտնիքը: Հանկարծ նա ձեռնափայտն ուժգին զարկեց հատակին ու հայիոյեց, ըստ երևույթին այն նույն բառերով, որոնց մասին զգուշացրել էր Սիգովը: Ես երեխա չեմ, զինվորներից ինչ ասես լսել եմ, բայց այդպիսի բառեր՝ երբեք: Թողած տպավորությամբ դրանք գերազանցում էին ցանկացած հայիոյահաչի:

Սուցեպանովի դեմքին հայտնված գայրույթի մեջ ակնհայտորեն խանգարված բանականության հետքեր կային, և դա հաստատեց կասկածներս, որ նրա գաղտնիքը կտորած կոպեկ չարժի:

Սիգովի խորհրդին հետևելով՝ անհետևանք թողեցի այդ արարքը, բայց խնդրեցի գրավոր հաստատել, որ հրաժարվում է ինձ հետ խոսել իր գործի մասին, և նշել հրաժարվելու պատճառը: Նա թուղթ ու գրիչ վերցրեց ու գրեց. «Մայրո Չիխաչովի հետ իմ գործի մասին խոսելուց հրաժարվում եմ, քանզի նա կոմս Արակչենկից լիազորություններ չի ներկայացրել»:

Բացեց սեղանին դրած դրոշմարկղիկը, մեջը խոթեց կանաչավուն քարով կնքամատանին, որ վաղուց էի նկատել մատին, ու սեղմեց թղթին: Թերթին դրոշմվեց ձվածիրը՝ դրա մեջ առնված նրա անվան սկզբնատառերով՝ Գ և Մ: Տառերը բաժանված էին կետով, բայց երկրորդ կետը, չգիտես

ինչու, բացակայում էր: Կամ ջնջվել էր, կամ չէր էլ եղել:

Տեսելով, որ ևս հանդարտվեց, առաջարկեցի գոնե այլաբանորեն ակնարկել, թե ինչին է վերաբերում գաղտնիքը: Իմ այդ խնդրանքն էլ կատարվեց: Մոսցեպանովն ինչ-որ բան ավելացրեց գրության տակ ու թուղթը կրկին տվեց ինձ:

«Առասպելական Չմեյ Գորինիչը,- աճող զարմանքով կարդացի ես,- քթանցքերից ծուխ էր արձակում, երախից՝ կրակ, իսկ սպանվելուց հետո սև արյուն հորդեց ներսից, որը հողը չէր ընդունում: Մույն գաղտնիքն ունեմ բացելու նորին կայսերական մեծությանը՝ նորին պայծառափայլություն կոմս Արակչենկի միջոցով»:

Առողջ գիտակցությամբ այսպիսի բան չես գրի:

Պարզ էր, որ դայակի հեքիաթների հրաշունչ օձը այլաբանություն է, բայց ոչ մի կերպ չէի կարողանում կապել ո՛չ խաչի ու կիսալուսնի, ո՛չ էլ, առավել ևս, երկրորդի հանդեպ առաջինի հաղթանակի հետ:

«Հրաշալի է»,- գլխով արեցի ես՝ ձևացնելով, թե գրվածը հարցեր չի հարուցում, բայց Մոսցեպանովը դրան չհավատաց:

«Վերաբերում է մեր օգնությանը հույներին»,- իմ անհասկացողությամբ զիջում արեց ևս, բայց հետագա պարզաբանումներից խուսափեց:

Կես րոպեի չափ լուռ իրար էինք նայում: Նրան առաջինը ձանձրացրեց այդ պահմտոցին, մոտեցավ բաց պատուհանին և փողոցում կանգնած ինչ-որ մեկին ձայն տվեց. «Տո՛ւն գնա: Շուտով կգամ»:

Մյուս պատուհանից նայելով՝ ներքևում տեսա մի ջահել կնոջ՝ թաթարական աչքերով ու երկար քթով: Այլ մեկը չէր կարող լինել, բացի Մոսցեպանովի կենակցուհուց՝ Նատայա Բաժինայից: Անունը գիտեի Մոսցեպանովի՝ Արակչենկին ուղղված նամակի պատճենից, որ տվել էր Կրիդները: Կինը գրավիչ չթվաց, բայց նրա պոռթկուն մղումն այդ ճաղատ բանասարկուին ընդառաջ՝ բացառիկ նրբագեղ էր: Նազանքն անհնար է արտահայտել բառերով: Այդ հատկությունը,- կարծես թե միակը մեր բնական հատկություններից,- կապված է ինչպես մարմնի, այնպես էլ հոգու հետ, մտնում է կանացի հմայքի բաղադրակազմի մեջ և հաճախ հենց միայն դրան էլ հանգում: Նայելով պատուհանի տակ կանգնած երկարաքիթ կնոջը՝ մտա-

ծեցի, որ եթե տղամարդու մասին իրոք պետք է դատել նրան սիրող կնոջով, ապա Մուցեպանովը այնքան էլ խելագար չէ, որքան ուզում է թվալ:

Ես մեր խոսակցությունն ավարտված էի համարում, բայց նա, սպասելով, մինչև կանչեմ Սիգովին, նրա ներկայությամբ ինձ բողոքեց, որ Սիգովը խոչընդոտում է կոմս Դեմիդովի հետ իր նամակագրությանը. իբր Պետերբուրգում, դեմիդովյան գործարանների գլխավոր գրասենյակում, Ֆլորենցիա՝ Դեմիդովին ուղղված իր նամակները բացում ու հասցեատիրոջը չեն ուղարկում: Իբր այդպես են վարվել ուսումնարանի պանսիոնում կատարվող անկարգությունների մասին իր նամակի հետ. այնտեղ շիլան եփում են հին պղնձե կաթսայում, շիլան արջասպից կապտում է, իսկ եթե որևէ աշակերտ սխալ է գրում կամ գծում և ուզենա ջնջել, սխալներն ուղղելու համար ուրիշ ուսումնարաններում գումելաստիկ կա, իսկ այստեղ հացի պատառով են ջնջում: Պատահում է՝ հացն ուտում են, և արդեն ոչնչով չես ջնջի: Ձմռանը շատերը դրսի հագուստ չունեն, ո՛չ ականջակալներով գլխարկ, ո՛չ թաղիքե կաճակներ, ո՛չ վզնոց թաշկինակներ: Դրանից վնաս է գալիս առողջությանը, ու կորցնում են սովորելու ցանկությունը:

Սիգովը լսում էր անխռով հանգստությամբ: Կարծում եմ, որ առարկելիք ուներ ու նախկինում առարկել էր, բայց արդեն ձանձրացել էր: Իսկ այդ ընթացքում Մուցեպանովն ուսումնարանից անցավ ապօրինի երեխաների մանկատանը, որտեղ նրանք իբր հարյուրներով են մեռնում սովից ու վատ խնամքից: Սկսեց թվեր շաղ տալ, ինչ-որ բան էր բազմապատկում ինչ-որ բանով, գումարում, հանում, արդյունքում ստացվեց, որ ներկա պահին սաները պիտի այսքան լինեին, իսկ եթե այդքան չկան, ուրեմն տարբերությունը մեռածներն են:

Այդ ճառի ընթացքում աշխատասենյակ մտավ նախորդ այցերից ինձ ծանոթ գործակատար Ոյաբովը ու կանգնեց դռան մոտ: Ըստ երևույթին սպասում էր, թե Սիգովը երբ կիրամայի միջանցք շարտել աղմկարարին:

Նրա հայտնվելուն պես Մուցեպանովը քթանցքերով աղմուկով ներս քաշեց օդը, կնճռոտեց ճակատը ու քիթը մատներով սեղմելով՝ խոնթխոնթաց. «Թո՛ւ: Կարգադրեք դուրս կորչի: Սապոգներից գարշահոտ է փչում»:

«Ինչի՞ հոտ», - վիրավորվեց Ոյաբովը:

«Նրա,- բացատրեց Մոսցեպանովը,- որ քեզից թափում ես քո էնի-քով, որ շները կես են գցել: Ու սապոզներից դենը չի թափվում»:

Ես վերջնականապես դադարեցի որևէ բան հասկանալ:

Ոյաբովը հարձակվեց վիրավորողի վրա, բայց Սիգովը, ինձ ցուցադրելով իր համբերատարությունը, նրան դուրս հանեց աշխատասենյակից: Մոսցեպանովը հաղթական կայեց նրա հետևից, ապա վերադարձավ ընկեցիկներին՝ նրանց համեմատելով Քիոսի հույն մանուկների հետ, որոնց կոտորել էին Կարա-Ալիի ենիչերիները, իսկ Սիգովին՝ անձամբ չարագործ փաշայի հետ, և հասավ այնտեղ, որ նրան պատվիրում էր օրինակ վերցնել ոչ այլ ոքից, եթե ոչ Նապոլեոն Բոնապարտից. կա իբր Մոսկվայի հրդեհի ժամանակ հրամայել էր զինվորական պահպանություն կարգել մանկատան մոտ՝ կրակից ու կողոպուտից պաշտպանելու համար:

«Օ՛: Ահա թե ով է ձեզ մարդասիրության օրինակ ծառայում», - չներեց Սիգովը:

«Դու ինձ Բոնապարտին երեսով չտա՛ս,- եռաց Մոսցեպանովը:- Ես նրա հետ պատվո դաշտում եմ հանդիպել, նրակից նշան ունեմ վրաս»:

Նա առաջ պարզեց մատնագուրկ ոտքն ու հայտարարեց, որ այդպես կվարվի Բարձրյալի գահի առաջ՝ Ահեղ դատաստանի օրը, և հրեշտակները իր ձեռքը կտան իր խնդրագրերը՝ որպես արդարացուցիչ փաստաթղթեր:

Սիգովը թաքուն աչքով արեց ինձ՝ կոչելով տեղի ունեցողը գնահատել որպես բալագան: Չէի կարող չհամաձայնել: Ես էլ այն տպավորությունն էի ստացել, որ Մոսցեպանովը գիժ է ձևանում իր մասին կեղծ տպավորություն ստեղծելու համար, բայց վերջին արտահայտությունն այլ կերպ հնչեց և ինձ ստիպեց նրան վերաբերվել որպես մարդու, որն իսկապես ինչ-որ կարևոր բան գիտի և, որ ամենավտանգավորն է, պատրաստ է ամեն ինչի:

«Օձը չի ուզում թողնել որսը, որով պարարտանում է», - ծակր հառաչեց նա, ինչից կրճքի տակ ինչ-որ բան սուլեց ու խոխուռաց: Երևի վատ թուրթուն էր ծխում:

Հանելուկային օձի կրկնակի հիշատակումը բերեց այն մտքին, որ դրա տակ ինչ-որ վնասակար մարդ էր հասկացվում, եթե արյունը սև էր, որը Մոսցեպանովի կարծիքով արժանի էր մահվան: Կարծես թե նրան թուրքերի բարեկամն ու հույների թշնամին էր համարում:

Գրիգորի Մոսցեպանովը Մատվեյ Մոսցեպանովին

Հուլիս, 1823 թ.

Երեկ երկար խոսակցություն ունեցա Պետերբուրգից ժամանած լեռնային մայր Չիխաչովի հետ: Նահանգապետը՝ բարոն Կրիդները, նրան ուղարկել է այստեղ՝ իմանալու իմ գաղտնիքը, բայց Պերմի նահանգում այն ոչ մեկին բացել չեմ պատրաստվում, այլապես օգուտ չի լինի ո՛չ ինձ, ո՛չ հույներին: Այն ժամանակից, որ դրա մասին գրեցի Արակչենին, ութ ամիս է անցել, և Աստված գիտի դեռ ինչքան կանցնի, մինչև նրանք իրար գան: Ռուսական պետության նահանգները շատ են, իսկ մայրաքաղաքային գրասենյակների միջանցքները՝ երկար. մինչև մեկից հասցնեն մյուսը, թուղթը կփտի:

Որոշել եմ ավելի նուրբ գործել: Չիխաչովը խնդրեց ակնարկով բացատրել գործս, ու ես նրան մի այնպիսի բան գրեցի, որ աչքերը ճակատը թռան: Իհարկե, դա կհասցնի Կրիդներին, Կրիդների միջոցով կհասնի Արակչենին, իսկ նա բացատրությունների համար ինձ կպահանջի Պետերբուրգ, ինչպես ցանկացած խելամիտ մարդ կվարվեր նրա տեղում:

Իմ վիճակում միայն հետագա հանդգնությունը կարող է փրկել: Սիգովին ու Պլատոնովին լավ գիտեմ. գայլ են, մարդ չեն: Եթե գնում ես նրանց դեմ, առանց վախի պիտի գնաս: Տերիք է նույնիսկ ոչ թե հաշտվեմ, այլ կես քայլ նահանջեմ, վերջս կգա: Կզգան թուլությունը, ու այդ ժամանակ դրանց ոչնչով չես կանգնեցնի: Այստեղ երկաթ շատ կա, կիերիքի մի մութ անկյունում գլխիս հասցնելու համար:

Դեռ ջահել եմ, ինչքան կարելի է կուկու կանչել ես խուլ անկյունում, հաշվել ուրիշի տարիները, երբ քոնոնք անցնում են: Իմ գաղտնիքը հենց իմ մեջ է, ոչ ոք նրան չի տիրի, մինչև ինքս չբացեմ: Ամենը, որ կարող էի, այստեղ արել եմ, դրանից ավելի անելիք Նիժնի Տագիի գործարաններում չունեմ: Աստված տա, թռչող օձն ինձ կհասցնի Պետերբուրգ, իսկ Նատալյային ու Ֆեդեևկային հետո կբերեմ: Արդեն հինգերորդ ամիսն եմ կենում նրա մոտ, այդ ընթացքում հասկացել ու տեսնում եմ, որ ավելի լավ կին ոչ մի տեղ չեմ գտնի: Այդպիսի ծաղիկներ հարյուր տարին մեկ են ծաղկում աղբակույտից, բայց դրանք պետք է տեղափոխել լավ հողի մեջ ու պաշտ-

ԼԵՈՒՏՈՒ ՅՈՒԶԵՖՈՎԻՉ

պատել հողմերից, թե չէ կթռչեն՝ չհասցնելով մեզ ուրախացնել իրենց գեղեցկությամբ ու բույրով: Որպես ազնվական՝ ես ազատ եմ ապրելու որտեղ խելքս փչի, բայց իմ փողով գնալ Պետերբուրգ, բնակարան վարձել, նոր հագուստ առնել, որ դրանով ընդունեն պաշտոնական վայրերում, մեր թանկ ժամանակներում դրան ո՛չ իմ փողը կհերիքի, ո՛չ քոնը: Համ էլ, մինչև ե՞րբ եմ քեզնից պարտք անելու: Խիղճն էլ լավ բան է, չնայած և եղբայրներ ենք:

Այստեղ ապրելու փող դեռ կա, բայց նայում եմ առաջ ու տեսնում, որ այստեղ էլ մի օր կվերջանա: Եվ այդ դեպքում ի՞նչ: Աշխարհ փորձեցի նավթից յուղ քաշել՝ կանթեղների համար, ու լավ էլ գնում էր, առաջին ամիսը 12 ռուբլու ծախեցի, իսկ երկրորդ ամսին՝ համարյա ոչինչ: Սիգովը նամակ էր ուղարկել բոլոր եկեղեցիներն ու վանքերը, որ իմ յուղը չվերցնեն:

Ես նրա դեմ դուրս եկել ու ճշմարտություն էի փնտրում ոչ թե զուտ ճշմարտության, այլ մահկանացուներից թաքուն գաղտնիքը գտնելու համար հոգիս մաքրելու: Դրա մասին միայն դու գիտես, բայց ճշմարտությունն այնպիսի բան է, որ փնտրողը չի կարող անտարբեր լինել նրա հանդեպ: Թող որ չգտա, Սիգովն ու Պլատոնովը պատժված չեն, բայց իմ խնդրագրերից վախենալով՝ երկուսն էլ ավելի զուսպ են դարձել: Մարդիկ տեսան, որ եթե համարձակ մերկացնես պետերի չարաշահումները, վերադասի առաջ մերկացվելու վախից դրանք կամաց-կամաց արմատախիլ կլինեն:

Կիևում, ասենք՝ թեկուզ Պետերբուրգում ապրած մարդու համար Նիժնիտագիլյան գործարանները երկրային դժոխք են: Սատանան փորձանքի մեջ գցեց, որ հավատամ դեմիդովյան խոստումներին: Սիրենի պես գայթակղեց այս թավուտներն, ու դու չմտածեցիր ականջներս խցանել մոմով: Հիմա աղոթիր Գրիշա եղբորդ համար, որ ամեն ինչ կարգի ընկնի: Նա հավատում է, որ շատ շուտով կկանգնի կոմս Արակչենսկի կամ Լույնիսկի հենց իր՝ թագավորի առաջ: Հունական կրակն ավելի ու ավելի է տարածվում ռուսական սրտերում, ու թագավորն էլ ռուս մարդ է:

ՄԱՐԳԱՐԵՈՒԹՅՈՒՆ

Իգնատի Ելովսկի: Ալեքսանդր I կայսեր կամեր-քարտուղարի մատյանը

Օգոստոս, 1823 թ.

Մեր փոքրիկ ցարսկոսելսկյան հասարակությունը քննարկում է վերջին տորությունը. մեզ մոտ կարող է ևս մեկ պալատական բժիշկ հայտնվել, ոմն Կոնստանտին Կոստանդին, հույն: Ինչ-որ մեկը նրան երաշխավորել է տեր թագավորին որպես, չնայած տարիքին, փորձառու ախտորոշող ու դեղագետ:

Հույն հացահատիկավաճառի ընտանիքից է, ավարտել է Տագանռոգի գիմնազիան, բժշկություն է ուսումնասիրել Փարիզում ու Կոստանդնուպոլսում. այս քաղաքում ժառանգական հրեա-բժիշկների մոտ, որոնց նախնիները բուժում էին բասիլևսներին ու ստրատեգոսներին, իսկ նրանցից անցան սուլթաններին ու փաշաներին: Պատրիարք Գրիգորիի զարհուրելի մահապատժից հետո, երբ Ստամբուլի խաժամուժը սկսեց կոտորել հույն-ֆանարիոտներին, Կոստանդինը թաքնվել էր ֆրանսիական նավում, ապրել Ֆրանսիայում, բայց որոշել էր վերադառնալ Ռուսաստան: Մայրը Դոնի կազակուհի է, ռուսերենը մանկուց է նրա մայրենի լեզուն: Լեյբ-վիրաբույժ Տարասովին կարգադրված է փորձել և օգնական ընդունել, եթե բռնի քննությունը: Տեր թագավորն ուրախ է ցույց տալու, որ մորեական ապստամբների հանդեպ իր վերաբերմունքը չի տարածվում ընդհանրապես հույների վրա:

Նրա դիրքորոշումը հունական հարցում անփոփոխ է: Ես դրանում համոզվեցի նրա և Աստվածաշնչյան ընկերության անդամ, բոստոնյան քվակեր ու աբուլիցիոնիստ Թոմաս Շիլլիտոուի գրույցի ժամանակ: Նա մեզ

մոտ է ժամանել Լոնդոնից, որտեղ հանրության սրտերն էր բորբոքում շաքարի ու ծխախոտի պլանտացիաներում անմարդկային աշխատանքից տառապող թշվառ նեգրերի մասին դասախոսություններով ու նվիրատվություններ հավաքում նրանց փրկագնելու համար: Մեր տիկնայք իշխանուհի Գոլիցինայի գլխավորությամբ քարոզչին ընդունեցին ինչպես Մովսեսը՝ Աստվածատուր օրենքը, ու պոկ չեն գալիս նրանից: Քորոցների համար ամուսիներից խնդրած, բայց սև ստրուկների ազատագրման աստվածահաճո գործին զոհաբերած փողերը նրանց թույլ են տալիս մաքուր խղճով մագերից բռնած գետնին քարշ տալ կավածատան աղջիկներին: Գոլիցինան Շիլլիտոուփի համար ոչ միայն թագավորի մոտ մասնավոր ընդունելության, այլև նրա ներկայությամբ գլխարկը չհանելու թույլտվության է հասել: Թվակերները գլխարկը միայն աղոթելիս են հանում, Աստծո առաջ:

Թարգմանիչ պետք չէր, տեր թագավորը հրաշալի տիրապետում է անգլերենին: Բազմիցս հանդես է եկել ստրկության դեմ և մինչև վերջերս հովանավորում էր Աստվածաշնչյան ընկերությանը. Շիլլիտոուն հիմքեր ուներ ֆինանսական աջակցություն ակնկալելու, բայց պետք չէր իրեն թագավորի շոջապատում այդպես տնավարի պահել: Իսկ նա անպատշաճ մտերմավարությամբ հայտարարեց, թե իրենց ընդհանուր նպատակը Ավետարանի հաղթանակն է ժողովուրդների կյանքում: Տեր թագավորը նրբանկատորեն լռեց, բայց ես կրկին նկատեցի, թե ինչպիսի հմտությամբ է տիրապետում միայն աչքերով ժպտալուն՝ ընտրյալների այդ արվեստին:

Կիսաշրջված էր նստել դեպի հյուրը՝ աջ ականջը դարձնելով նրան: Չախը, որ պատանության տարիներին վնասվել էր հրետանու որոտից, համարյա չի լսում: Ես տեսնում էի նրա կիսադեմը՝ պարզորոշ, ասես քարին քանդակած: Ուղիղ նայելիս դեմքն այդպիսի հստակ գծեր չունի ու քիչ հոգս չի պատճառում դիմանկարիչներին: Դժվար է իրար նման երկու պատկեր գտնել: Չար լեզուներն ասում են, որ նա Պրոթոնս է. հեշտությամբ փոխում է համոզմունքները, ու դրա հետ մեկտեղ՝ արտաքինը, սակայն դիմագծերի փոփոխականությունը վկայում է ոչ թե ոգու անկայունության, այլ այն մասին, որ դրանք ձևավորող կամքը չի կարողացել սեղմել մինչև այն սահմանները, որ, հասարակության կարծիքով, վայել են տղա-

մարդկանց: Փափուկ գծեր ունենալ մեզանում թույլատրվում է միայն երեխաներին ու հրեշտակներին:

Թեյ մատուցեցին՝ բիսկվիթով ու մի ափսե ընտրագույն վայրի մորինով: Տեր թագավորն ինքն է աճեցնում իր ջերմոցում, ու պատահում է, որ պահքի օրերին միայն դրանով էլ սևվում է: Բիսկվիթն ու մորին արդեն բավական էին աղանդերի համար, բայց սեղանին շաքարաման էլ կար: Տեսնելով՝ Շիլլիտոուն ափը կտրուկ դրեց իր ու դրա միջև՝ հայտարարելով, որ շաքարը ստրուկների աշխատանքի պտուղն է, և ինքը շաքար չի օգտագործում:

Ծիծաղս եկավ: Իմ լաքեյը, ցանկանալով գոնե մի բանով տարբերվել իր նմաններից, նույն հպարտությամբ հայտարարում է. «Ես տառեխ չեմ ուտում, տե՛ր իմ: Այ էդպիսի մարդ եմ ես»:

Խոսք բացվեց Աստվածաշնչյան ընկերության մասին, որը բաժանմունքներ ուներ մեր շատ ևսահանգներում: Նահանգապետերը գիտեին՝ ում հովանու տակ է այն ստեղծվել, միահամուռ անդամագրվել էին, բայց անցած տարվանից թագավորը սառել էր ընկերության հանդեպ: Պատճառն այն էր, որ այն Լոնդոնի շահերին էր ծառայում: Անգլիացիները գիտեն իրենց օգտին դարձնել նույնիսկ այնպիսի աստվածահաճո գործը, ինչպիսին Ավետարանի թարգմանությունն է հնագույն լեզուներից ժամանակակից լեզուների:

Թագավորի հայացքների փոփոխությանը Շիլլիտոուն տեղյակ չէր ու ոգևորությամբ հայտնեց, որ Աստվածաշնչյան ընկերության անդամ դոկտոր Պիկերտոնը հասարակ ժողովրդական հունարենով տասը հազար Ավետարան է հասցրել Մորեա՝ վերջերս թուրքերից մաքրված Ասթրոս:

«Որպեսզի Ավետարանը հաղթանակ տանի Ղուրանի դեմ,- արտաբերեց նա այնպիսի տոնով, ասես խոսքը երկու գրական դպրոցների մրցակցության մասին էր,- հույները պետք է հասկանան, թե այնտեղ ինչ է գրված: Թարգմանությունը կենդանի ժողովրդական լեզվի նրանց կօգնի ազատագրվել»:

Ես փախցրի հայացքս, որ խեղճ քվակերը աչքերիս մեջ չկարդա իր դատավճիռը:

«Ազատությունը,- սառը պատասխանեց թագավորը,- հիմա ավելի հե-

ԼԵՆԻՆԻ ՅՈՒԶԵՖՈՎԻՉ

ռու է հույներից, քան ապստամբության սկզբում: Նրանց առաջնորդները գժովել են իրար հետ, մի բռնակալության փոխարեն նրանք ստացել են միանգամից մի քանիսը»:

«Բայց և այնպես, դա ավելի լավ է, քան Քիոսի կոտորածը», - առարկեց Շիլլիտոուն՝ դեռևս չգիտակցելով իր սխալը:

«Մինչ Կարա-Ալին իր ենիչերիներով ափ կիջներ Քիոսում, - հակադարձեց թագավորը, - Սամուսից այնտեղ էին լողացել հույներն ու կոտորել բոլոր մահմեդականներին, ներառյալ երեխաներին»:

«Նրանք վրեժ էին լուծում հովվապետ Գրիգորիի համար, Ստամբուլի հույների սպանության համար», - նրանց արդարացրեց Շիլլիտոուն:

«Իսկ Կարա-Ալին՝ մորեական թուրքերի, - այդ գրոհն էլ հետ մղեց թագավորը: - Երբ Իսպիլանտին ապստամբության կոչ արեց Օդեսայից, խռովությունը Մորեայում հենց դրանից էլ սկսվեց, որ հարևան հույները գլխովին կոտորեցին նրանց: Այդպիսի պատերազմներում մեկի հանցանքների համար վճարում են մյուսները»:

Հիմա էլ նույնն էր կատարվում. հույների պատճառով տուժեցին նեգրերը: Շիլլիտոուն ստիպված էր բավարարվել նրանով, որ արևիցիոնիստների համար բաց է թագավորի սիրտը, բայց ոչ քսակը: Սև լայնեզր գլխարկն անհետացավ անաղմուկ փակված դռների հետևում: Եթե ֆլիզել-համհարզն ավելի երկար նայեր նրան, մահուդը կսկսեր ծխալ հայացքի տակ: Դրախտային այգուց Ադամին ու Եվային վտարող հրավառ սրով հրեշտակապետը պակաս ցատումով էր նայում նրանց:

Ջրոսայգուն նայող պատուհանը կրկնի վրա բաց էր, կանաչի մեջ ճերմակին էին տալիս աստվածների և աստվածուհիների հելլենական անդրիները, որոնց անունները դատարկ հնչյուն են ներկայիս Հունաստանի բեղավոր ավազակների համար: Մոտիկ կանաչի ծիծաղ էր հնչում: Անտեսանելի քրքջանները, արծաթաջուրը բերանում, հույս ունենին, որ թագավորը լսում է իրենց ու շատ էին ջանում, բայց վերջին կես տարին կանայք նրա համար ընդամենը հաճելի գրուցակիցներ էին: Ոչ ոք չի կարող պարծենալ, թե իրեն նրա մասին հայտնի է մի այնպիսի բան, որ չիմանային մյուսները:

Երեկոյան նա միայնակ գբոսում էր այգում: Ելիզավետա Ալեքսեն-

Լան սովորաբար այդ նույն ժամանակ է զբոսնում, բայց ամուսնու և կնոջ երթուղիներն այնպես էին կազմված, որ նույնիսկ հեռվից չկարողանան տեսնել իրար: Նրանց միակ, մանկահասակ դստեր մահվանից հետո թագավորը երկարամյա կապի մեջ էր Մարիա Նարիշկինայի հետ, իսկ նրանից լքված կողակիցը կապվել էր կավալերգարդ Օխտոնիկովի հետ և աղջիկ ունեցել նրանից, որը նույնպես շուտով մահացավ: Այդ ժամանակից ի վեր ամուսինները շարժվում են չհատվող ուղեծիրներով: Նրանց հարաբերություններն անցել էին այն փուլը, երբ փոխադարձ ջղագրգռությունը ստիպում է հանդիպման առիթ փնտրել, բայց այդպես էլ չէին մտել այն փուլը, երբ հանդիպումն ընդհանրապես ոչինչ չի նշանակում:

Թագավորը հրաժարվեց ընթրիքից: Չբոսանքից հետո անցանք աշխատասենյակ, որը նրան ևս ևնջարան է ծառայում, և այնտեղ ինձ հիևզ ևամակ թելադրեց: Այդ ընթացքում երկու գավաթ կանաչ թեյ խմեց ու մի բուռ կեղևահան սալորաչիր կերավ: Թույլ ստամոքսը նրա անեծքն է:

Նամակներից մեկն ուղղված էր կոմս Սպերանսկուն:

«Նա,- հասցեատիրոջը նկատի ունենալով՝ հիշեց թագավորը,- մի անգամ ինձ ասաց, որ ժամանակը մեծ հրաշագործ է. մերթ հզոր, մերթ՝ հեզ»:

Ես հարցրի, թե դա ինչպես հասկանալ, արդյոք ո՞չ այն իմաստով, որ որոշ ժամանակներ վեհացնում են հոգին, այլ՝ հակում հողին»:

«Ո՛չ,- պատասխանեց թագավորը:- Նկատի է առնվում, որ մեր կյանքը երբեմն դանդաղ է հոսում, և մենք տարբերում ենք յուրաքանչյուր ակնթարթը, երբեմն էլ թռչում է անևկատ»:

Չհարցրի, թե դա ինչից է կախված: Սեր և բաժանում ճանաչածի համար հասկանալը հեշտ է:

«Նունական պատմության վերջին հարյուրամյակները մեզ համար մի ակնթարթի պես են անցել»,- ավարտեց ևս իր միտքը:

«Որովհետև նրանց մոտ ոչինչ չէ՞ր կատարվում»,- ենթադրեցի ես:

Գլխով արեց. «Այո՛, ինչպես երագում»:

Ես առարկեցի, որ երագը երկար էր, բայց հույներն արթնացել են:

«Նրանք չեն արթնացել,- եղավ պատասխանը:- Գիտես, հեքիաթներում մարդը ուտում է կախարդական պտուղը, առավոտյան իրեն նայում

ԼԵՆԻՆԻ ՅՈՒՋԵՖՈՎԻՉ

հայելու մեջ ու տեսնում, որ գիշերվա ընթացքում պոզեր կամ ավանակի ականջներ են աճել, կամ էլ պատվել է բրդով: Ներկայիս հույները այբանացիների, սլավոնների ու թուրքերի խառնուրդ են՝ հելլենական արյան մի փոքրիկ չափաբաժնով: Նրանք ձևանում են այն, ինչ իրենց ցանկանում ենք ընդունել»:

Պատուհանից այն կողմ, եղրևանու թփերի տակ պահված փոքրիկ փողային սվազախումբը կամացուկ գերմանական նուրբ մեղեդիներ էր հնչեցնում: Երաժշտությունը թագավորին օգնում էր հաղթահարել անքնությունը: Մենք ավարտեցինք աշխատանքը այն շեփորների օրորոցային երգեցողության ներքո, որ ժամանակին դրդում էին Լայպցիգի մոտ ու Բորոդինոյի դաշտում: Ուզմական պղինձը իրեն օտար հնչուններ արտամղելով՝ խոսում էր այն մասին, որ հերոսի կյանքը նույնպես երազ է, իսկ երազն ու մահը քույր ու եղբայր են:

«Ստույգ չեմ հիշում հռոմեացիներից ո՞վ, կարծես թե Ցիցերոնը, իրեն ժամանակակից Հունաստանը համեմատել է զոհակենդանու կաշվի հետ, ափսեից վերջին սալորաչիքը վերցնելով՝ ասաց թագավորը: - Պառնների ու ցլերի մտեղիքը վառում էին զոհասեղաններին, իսկ քերթած կաշին սրբազան էր համարվում ու պահպանվում տաճարական պահոցներում: Այսօր, ինչպես կեսարների ժամանակներում, Հունաստանը սևամեջ պատիճն է նրա, որ ժամանակին աստվածների կերակուր է եղել: Հույները հելլենսերների օգնությամբ դրանից խրտվիլակ են սարքել, պարում են շուրջն ու գոռում, թե Հելլադան հառնել է»:

Օգոստոսին Պետերբուրգում շուտ չի մթնում: Ժամը իննիս դեռ լույս է, բայց նրա աշխատասենյակում մշտական կիսախավար, պատուհանի տակ աճած եղրևանիների պատճառով: Նույնիսկ ցերեկն այստեղ ստիպված են մոմեր վառել: Թագավորն արգելել է կտրել եղրևանիները: Մի անգամ համարձակություն ունեցա հիշեցնելու, որ ցերեկով վառվող մոմը տանը հանգուցյալ ունենալու նախանշան է, բայց նա ծիծաղեց իմ սևահավատության վրա: Կարծում է՝ հավատը սևահավատությունից նույնքան հեշտ է բաժանել, որքան քափգիրով քաշել արզանակի փրփուրը: Լուսավորյալ մտքերի այդ սևահավատությունից մենք ազատվում ենք այն տարիքում, որին թա-

գավորը դեռ չի հասել:

Պուրս գալիս գիտեի՝ հիմա ծնկի կգա սրբապատկերների առջև, կկարդա սիրած 91-րդ սաղմոսը: Այդ սովորության պատմությունը հասնում է 1812 թվականի օգոստոս: Այդ ժամանակ նա պետք է թողներ Պետերբուրգն ու մեկներ բանակ: Նախօրեին մինչև ուշ գիշեր փաստաթղթերի վրա էր աշխատել, իսկ երբ դուրս եկավ առանձնասենյակից, տեսավ իրեն սպասող մի կնոջ՝ մուգ կամզեով, որի ծայրերը հուզիչ պարզությամբ կապված էին գոտկատեղին: Թույլ լուսավորված սրահում թագավորը լավ չէր տեսել նրան, ու չնայած այդ դերին հետագայում հավակնում էր իշխանուհի Գոլիցինան, նրան չէր հավատում: Անդամ, անառն, կիսախավարից ելած և այնտեղ էլ չքացած անձանթուհին նախընտրելի էր նրա համար: Այդ հանելուկի անլուծելիության մեջ ավելի իմաստ կար, քան կարող է ունենալ ցանկացած պատասխան:

Կինն անխոս նրան մի քառաձայ թերթիկ տվեց ու հեռացավ: Թագավորը մտածելով, թե ինչ-որ խնդրագիր է, թերթիկը դրեց գրպանն ու մոռացավ դրա մասին, բայց գիշերակացին հանկարծ նորից գտավ, երբ գրպաններում ինչ-որ բան էր փնտրում: Բացեց թերթիկն ու հասկացավ, որ իր առաջ ձեռագիր 91-րդ սաղմոսն է: Ընթերցանությունը զարմանալի կերպով խաղաղություն բերեց նրան, պատերազմի սկզբից առաջին անգամ հանգիստ քնեց:

Իսկ չորս տարի անց, երբ բոլորիս ծանոթ հոգեվիճակում, երբ թվում է՝ խախտված նյարդերը կարելի է բուժել թղթերն ու գրքերը կարգի բերելով, գրքերն էր դասավորում աշխատասեղանին. մեկն ընկավ հատակին ու բացվեց: Գետնից վերցնելով՝ թագավորը մեքենայաբար նայեց բացված էջը. նրա առաջ նույն 91-րդ սաղմոսն էր: Անգիր արեց և այդ օրվանից ամեն երեկո կրկնում է. «Բարի է Տիրոջից գոհանալը, սաղմոս ասելը քո անվանը, ով Բարձրյալ, առավոտից քո ողորմությունը պատմելը և գիշերը՝ քո ճշմարտությունը...»: Առաջ այդ բառերն անդորր էին բերում, բայց հիմա դրանք էլ էին հաճախ անգոր:

Արդեն դռների մեջ ինձ կանգնեցրեց թագավորի ծայնը. «Սպասիր... Սա բարոնուհի Կրիդների նամակն է: Պատասխանիր, ինչպես հարկ կհա-

ԼԵՆԻՆԻ ՅՈՒԶԵՖՈՎԻՉ

մարես: Քեզ հայտնի է կարծիքս ինձ սուլթանի հետ պատերազմի մեջ քաշելու վերաբերյալ»:

Եվ գերմաներեն արշիևանոց տառերով գրոտած երկու թերթիկ տվեց: Այդպիսի ձեռագիր ունենում են զարգացած երևակայությամբ մարդիկ:

«Պատասխանել ձերո՞ւ մեծության անունի՞ց», - հարցրի ես:

«Ո՛չ, քո՛», - ոչ առանց տատանվելու որոշեց նա՝ հրաշալի հասկանալով, որ դա սարսափելի հարված կլինի բարոնուհու համար:

Բարոնուհի Յուլիա Կրիդները՝ Ալեքսանդր I-ին

Օգոստոս, 1823 թ.

Կրկին դիմում եմ ձեզ, քանզի գիտեմ՝ ինչ էլ որ ասեք, ձեր սիրտը պատկանում է Հունաստանին:

Եսայի մարգարեն ասել է. «Օձի զարմից դուրս են գալիս ի՞ժի ծնունդներ, իսկ սրանց ծնունդներից էլ՝ թևավոր օձեր»:

Իժը փարավոնների սրբազան օձն է: Նրա թույլից է մահացել Կլեոպատրան, իսկ հիմա Իբրահիմ փաշան՝ եգիպտական Մեհմեդ-Ալիի որդին, լավագույնը նրա գեներալներից, նավատորմ ու զորք է հավաքում Ալեքսանդրիայում օգնելու սուլթան Մահմուդին: Ոգու աղոթքում ինձ հայտնություն եղավ, որ իժը եգիպտական տեղապահն է, իսկ նրա պտուղը՝ Իբրահիմ փաշան՝ հենց Եսայու գուշակած թևավոր օձը: Նրա միջոցով է կատարվելու մարգարեությունը, թե՛ Հունաստանի կործանումը Եգիպտոսից կգա:

Այլևս հապաղել չի կարելի: Դուք պետք է պատերազմ հայտարարեք սուլթանին և ինչպես 1812 թվականին, գլխավորեք բանակը: Բոլոր քրիստոնեական միապետերը կզան ձեր հետևից, ինչպես Ազամեմունի հետևից, ձեր զորքը կմանավի հրեշտակների լեգեոնի, որի տակ կցնցվի հողը և Բոսֆորում կդողան միևարեթները:

Դրա մասին է ասում Եսային. «Ես արևելքից կանչեցի թռչուններին, իսկ հեռավոր երկրից՝ նրան, ում մասին մտածեցի»:

Նաև Երեմիան. «Հյուսիսից նրա վրա հարձակվեց մի ազգ, որը նրա երկիրն ավերակ պիտի դարձնի»:

Եվ կրկին նա. «Ահա հյուսիսից մի զորագունդ է գալիս, մի մեծ ազգ, նաև բազում թագավորներ ոտքի են ելնելու երկրի ծայրերից»:

Իզնատի Ելովակի. Ալեքսանդր I-ի կամեր-քարտուղարի մատյանը

Սեպտեմբեր, 1823 թ.

Բարոնուհի Կրիդներին ուղարկելիք նամակը գրեցի մի ամբողջ երեկո: Ահա թե ինչ ստացվեց երկու սևագրերից հետո.

«Ձեր նամակները վշտացնում են տեր թագավորին: Նա միշտ հեռու է եղել այն մտքից, որ, նախախնամության հանդեպ ձեր խորին հավատով, ձեզ թույլ կտաք ժամանակի ոգով գայթակղվել: Խռովությունն ու անիշխանությունը լավը չեն բռնակալությունից, ժողովուրդներին, ինչպես և առանձին մարդկանց հատուկ ազատության ձգտումը պետք է բավարարվի օրենքի լույսի ներքո, ոչ թե գաղտնագործության խավարում: Սուրբ մեզ ծնված ամեն ինչ սովորություն ունի խժռելու իր եղբայրներին:

Երեխան կարող է ընկնել պատուհանից և անվնաս մնալ, պատանին՝ ողջ թափով սլացող ձիու թամբից, կամ հարբած քնել-մնալ վառվող տանը և ոչինչ չզգալ, վախից բացի, բայց տարեցտարի ավելի ու ավելի քիչ է այդպես լինում: Պահապան հրեշտակները հոգևում են մեզ պահպանելուց: Միապաղաղությունը հոգևեցուցիչ է նույնիսկ նրանց համար, և քանզի բնավորությունը մեզ տրվում է բնությունից, օրորոցից մինչև գերեզման կատարում ենք միևնույն սխալները: Երկու հազար տարվա ընթացքում հույները բազում անգամներ ոտքը խփել են նույն քարին, բայց չեն հոգացել այն ճանապարհից հեռացնելու մասին: Նրանք երբեք չեն կարողացել լեզու գտնել իրար հետ ու կրկին զգվածվում են շների պես, չնայած եգիպտական սուրը արդեն կախված է գլխներից: Տեր թագավորն ինձ խնդրել է հիշեցնել ձեզ այդ հանգամանքը:

Անձամբ իմ կողմից կցանկանայի ավելացնել, որ հիշատակված Իբրահիմ փաշան Մեհմեդ-Ալիի մարմնի պտուղը չէ, ինչպես գրում եք: Ոչ թե նրա հարազատ որդին է, այլ որդեգրյալը»:

Ես թագավորին չէի խանդում Նարիշկինայի հանդեպ, երբ նրա հետ եր, առավել ևս՝ նրա թռուցիկ սիրո առարկաներին, որ անհետանում էին առաջին մերձեցումից հետո, առավելագույնը՝ երկրորդ կամ երրորդ, սակայն բարոնուհին ուրիշ էր: Թագավորը միայնակ է և կարեկցանքի կարիք ունի, իսկ բարոնուհին առանց մարմնական հավակնությունների նրա սրտում կարող է զբաղեցնել այն տեղը, որ պահել էի ինձ համար:

Ես կամեր-քարտուղար էի դարձել արդեն այն բանից հետո, երբ բարոնուհի Բեատա-Բարբարա-Յուլիա ֆոն Կրիդները, ծնունդով՝ Ֆիտինգոֆ, Պետերբուրգից հեռացել էր իր լիֆլյանդական կալվածքը,- բայց նրա կյանքը բավականաչափ ծանոթ էր ինձ: Մուսաներն էին դաստիարակել նրան դայակների փոխարեն. օժտված էր տարատեսակ տաղանդներով և դեռ երեխա՝ նամականագրական կապի մեջ էր Եվրոպական երևելիների հետ:

Ո՛չ վաղ ամուսնությունը կրկնակի տարիքով մարդու հետ, ո՛չ երեխաների ծնվելը նրան երջանիկ չէին դարձրել, բայց կաթիլը քար է ծակում: Ի վերջո ամուսնուն համոզեց ազատություն տալ իրեն, որ իր շնորհները չկորչեն, և ամուսինը ընդհուպ միևնույն իր մահը, տարիներով կնոջը չտեսնելով, կանոնավոր կերպով ապահովում էր նրա ապրուստը, իսկ երեխաներն անմայր էին մեծանում: Բարոնուհին շրջագայում էր Եվրոպայով մեկ, փայլում սալոններում, նվագաձում, ասմունքում, յուղաներկ կտավներ նկարում, սիրում ու լքում սիրեկաններին, քարոզում մեկ մենեստրելների սերը, մեկ կաշվե պարկիկը, որ ջենթլմենները հայտնի պետքի համար պիտի հագցնեն հայտնի մարմնամասին, երբ գործ ունեն օտար կնոջ հետ: Փարիզում, նմանակելով մադամ դը Ստալի «Դելֆինային», հրատարակեց «Վալերիա» նամականի-վեպը: Չեմ կարդացել, բայց լսել եմ, որ սիրո պատմություն է, որը պլատոնական ենք կոչում, նկարագրված մեծ իմացությունքով՝ թե իրենց ինչպես կպահեին հերոսները, եթե այդքան առաքինի չլիներին: Գիրքը չէին գնում, և այդ ժամանակ հեղինակն ինկոգնիտո պատվեց կանացի տաղավարներով՝ ներկայացնելով իբր a la Valerie ոճի նորածն զգեստներ, գլխարկներ, ժապավեններ: Հենց դրա մասին լուրը տարածվեց Փարիզում, խռովված տիկնայք մի շաբաթվա մեջ գնեցին ամբողջ տպաքանակը:

Սակայն բարոնուհին որոշել էր ընթերցող ունենալ անծամբ Բոնապարտին, այն ժամանակ՝ Առաջին կոնսուլ: Տիկնոջ հմայքին գերված՝ Պետական խորհրդի գրադարանավարը, որի պարտականություններից էր կոնսուլներին նոր հրատարակություններ ներկայացնելը, դրանց մեջ ընդգրկեց «Վալերիան», սակայն Բոնապարտը մի քանի էջ կարդալով, մի կողմ դրեց գիրքն ու այլևս դրան չվերադարձավ: Գիրքը երկրորդ անգամ խցկելու փորձի ժամանակ ասաց, որ նամականի-վեպերն իրեն չեն հետաքրքրում, սակայն բարոնուհին այստեղ էլ թևաթափ չեղավ և իր մտահղացումից հրաժարվեց միայն այն բանից հետո, երբ «Վալերիայի» երրորդ օրինակը, որ Բոնապարտը գտել էր իր սեղանին, թռավ բուխարու մեջ: Այնտեղ թռավ նաև գրքի մեջ դրված երկտողը, որով խնդրվում էր գնահատել Ֆրանսիան հոգու հայրենիք ընտրած օտարուհու աշխատանքը:

Բարոնուհին այն կանանցից չէր, որոնց զգեստի յուրաքանչյուր մետրակ գոց է կողպեքի պես, իսկ բանալիները պահվում են սրտի զարդատուփում: Մի անգամ նրան չթողեցին թատրոն, որտեղ ազատ տեղ չկար: Առանց երկար մտածելու բարոնուհին կարգադրիչին հարցրեց՝ իր համար բազկաթոռ կճարվի՞, եթե նրա առաջ մերկացնի կուրծքը: Կարգադրիչը ծիծաղելով համաձայնեց, մտածելով, թե կատակ է, սակայն բարոնուհին կատարեց խոստումը ու տեղ ստացավ պարտերում:

Սիրեկաններն ավելի ու ավելի էին ջահելանում, ավելի ու ավելի հաճախ էր փոխում նրանց: Մեկը, լրիվ տղա, որ կրքոտ սիրահարված էր նրան, ցուրտ առավ ու մահացավ: Նրա մահվանից հետո ինչ-որ բան կուտրվեց բարոնուհու մեջ: Հենց այդ ժամանակ էլ նրան ի Քրիստոս դարձրեց շվեյցարացի հերնիուտերների եղբայրությունից մի կոշկագործ, որը նրա համար կոշիկներ էր կարում:

Բարոնուհին կանխատեսության շնորհի հայտնաբերեց իր մեջ, սկսեց մարգարեություններով ձանձրացնել օգոստափառ այրերին և ի վերջո հասավ տեր թագավորին: Կայսրը նրա առաջին նամակը ստացավ 1812 թվականին. կանխատեսված էր սև հրեշտակի, այսինքն՝ Բոնապարտի անկումը և Ավետարանի մոտալուտ հաղթանակը՝ լուսավոր հրեշտակի, այսինքն՝ տեր թագավորի առաջնորդած ժողովուրդների մեջ: Թագավորն

ԼԵՆԻՆԻ ՅՈՒՋԵՖՈՎԻՉ

անուշադրության մատնեց կամակը, սակայն բարոնուհին շարունակում էր կամակների տեղատարափը: Դրանք թագավորին էր փոխանցում ֆրեյլին Ստուրծան: Թագավորը չէր պատասխանում, չնայած որոշ կամակներ կարողում էր:

Վերթական ուղերձը ստացվեց, երբ սև հրեշտակն արդեն բանտված էր Էլբայում: «Փոթորիկ է մոտենում, այդ շուշանները հայտնվել են, որ չքանան», - մարգարեանում էր բարոնուհին ու ճիշտ դուրս եկավ. շուտով Նապոլեոնն ափ իջավ Ֆրանսիայում, Փարիզը տրորեց Բուրբոնների շուշաններն ու նետեց նրա ոտքերի տակ: Թագավորը ծանր տարավ այդ նորությունը: Ճնշված վիճակում ժամանեց Վելբրոն և այնտեղ էլ ծանոթացավ բարոնուհու հետ:

Թագավորը 38 տարեկան էր, բարոնուհին՝ 52, բայց խելացի կինը ոչ մի տարիքում տգեղ չի լինում: Փակօձիք հասարակ սև զգեստով, հարթ սանրվածքով, առանց դիմաներկի, առանց զարդերի՝ բարոնուհին իր վեցերորդ տասնամյակում էլ հրապուրիչ էր: Միանձնուհու հագուստը նրան ապաշխարության կարիք ունեցող կնոջ տեսք էր տալիս:

«Ես,- ասաց նա,- մեծ մեղսավոր էի, բայց մեղքերիս թողություն գտա Զրիստոսի խաչի տակ: Սեփական թուլության գիտակցումը առաջին քայլն է քավության ճանապարհին: Դուք հոգեկան հանգիստ չեք գտնում, որովհետև չեք խոնարհվել, ինչպես մաքսավորը՝ Աստվածամարդուն, չեք կոչել սրտի խորքից. «Տե՛ր, գթա ինձ, մեղավորիս»:

Այս տոնով խոսեց երեք ժամից ավելի: Սկզբում թագավորը փորձում էր պատասխանել, հետո լռեց, գլուխը դրեց ձեռքերին ու լաց եղավ: Այդ օրվանից սկսեցին տեսնվել համարյա ամեն օր: Բարոնուհին նրան վարժում էր ոգու լռեցյալն աղոթքին, որին հետևում էին եղբայր հերնիուտներները: Նրանց կարծիքով՝ այդ աղոթքը պետք է բոլոր երկրաբնակների սեփականությունը դառնար, բայց առայժմ դրան միայն իրենք էին տիրապետում: Էությունն այն է, որ անբարբառ դիմես Աստծուն: Սուրբ Հոգին ամենուր է, պետք է գտնես քո մեջ ու ծուլվես Աստծուն, ոչ թե լեզվով ողորմություն խնդրես Նրանից:

Լռություն քարոզելով՝ բարոնուհին անդադար խոսում էր: Այդ ընթաց-

քում Նապոլեոնը բանակի գլուխն անցած դուրս եկավ պրուսացիների և անգլիացիների դեմ: Դա ցնցեց թագավորին: Նա համարյա պատրաստ էր հավատալ, որ աստվածային նախախնամությունը ոչ թե իր, այլ կորսիկացու միջոցով է գործում, ու տատանվում էր՝ չիմանալով՝ այդ դեպքում պե՞տք է արդյոք նոր պատերազմ սկսել նրա դեմ:

Բարոնուհին ցրեց նրա կասկածները: Կարողացավ համոզել, որ Փարիզը նոր Բաբելոնն է, իսկ տեր թագավորը՝ նա, ում մասին կանխագուշակել է Եսայի մարգարեն. «Հանուն քո սիրո կատարեցի կամքդ Բաբելոնի նկատմամբ՝ վերացնելու համար քաղղեացիների սերունդը»:

Վաթելոյոյից հետո այդ ամենն արդեն կարևոր չէր: Թագավորը վերադարձավ Պետերբուրգ, դաստիարակը հետևեց նրան: Այստեղ այնքան հաճախ չէին հանդիպում, որքան նա կուգեր, բայց հարաբերությունները պահպանում էին բարձր մակարդակը: Ի պատիվ բարոնուհու պետք է ասել, որ դա չէր չարաշահում և միայն մի անգամ, հանգուցյալ ամուսնու հանդեպ մեղքի զգացումից տառապելով, թագավորին խնդրեց աջակցել նրա սիրելի զարմիկի կարիերային: Այդ օրվանից բարոն Կրիդները սկսեց արագ բարձրանալ ծառայության մեջ, և հիմա զբաղեցնում էր Պերմի քաղաքացիական նահանգապետի պաշտոնը:

Բարոնուհին մեկնեց Լիֆլյանդիա՝ չամուսնացած կրտսեր դստեր մոտ: Մի քանի տարի նրանից ոչ մի լուր չկար, բայց ահա գարնանից, իր կալվածքում նստած, թագավորին ռմբակոծում է նամակներով՝ ամենադյուրին արտահայտություններով պահանջելով պատերազմ հայտարարել սուլթանին, և ծերունական մոռացկոտությամբ հղվում Սուրբ գրքի այն տեղերին, որոնցով նրան ոգեշնչել էր Նապոլեոնի հետ պատերազմի: Եսային ու Երեմիան կրկին զենքի էին կոչվել:

Մեր հերձվածողների հանգույն՝ բարոնուհին հավատում է, որ ցարի մեղքերի համար Աստված պատժում է նրա ողջ երկիրը, ուստի Ռուսաստանին սով, մահտարածամ, նոր Պուլգաչով ու Պետերբուրգի անկում էր գուշակում ծովի հատակը, եթե տեր թագավորը չսի իրեն:

Թագավորին դա այնքան էլ դուր չի գալիս, բացի այդ, դժգոհ է, որ բարոնուհին խնդրում է իրենից հեռացնել կոմս Արակչենևին՝ որպես ամե-

ԼԵՆԻՆԻ ՅՈՒԶԵՖՈՎԻՉ

Նայն, այդ թվում՝ հունական ազատության թշնամու: Կոմսի հանդեպ ատելությունից դրդված՝ երբեք անունը չի տալիս, նրա մասին գրում է այլաբանորեն, որպես ոմն «չարագործի»: Ճիշտ է, խելքը հերիքում է չօգտագործելու նրա ամենահայտնի մականունը՝ Օծ, թե չէ տեր թագավորը պարզապես դեն կնետեր նամակները: Առաջ հույս ունեի, որ նրա հոգու համար ճակատամարտում այդ երկունս իրար կոկորդ կկրծեն, բայց ըստ երևույթին Օծը կհաղթի հերևհուտերուհուն:

Մենք՝ տղամարդիկ, հաճախ մոլորության մեջ ենք ընկնում մեզ թանկ մարդկանց գնահատելիս, բայց սթափ ենք դատում նրանց մասին, ում ատում ենք: Կանայք, հակառակը, կուրանում են չարությունից, փոխարենը՝ սերը խորաթափանց է դարձնում նրանց: Եթե բարոնուհին այդքան չի հասկանում տեր թագավորին, ուրեմն չի սիրում նրան, իսկ Օծի հանդեպ ատելությունը զրկում է սթափ տեսնելու և քայլերը կանխատեսելու ունակությունից:

Կարծում եմ առաջին զոհը կլինի նրա զարմիկը՝ «Կո՛ւժ, քեզ ասեմ, կուլա՛, դու լսիր» սկզբունքով: Իմանալով, որ թագավորը բարկացած է բարոնուհու վրա՝ Արակչենը, իհարկե, կօգտվի նրա վրիպումից ու Պերմի նահանգապետի պաշտոնում բարոն Կրիդների տեղը կղևի իր հաճախորդներից որևէ մեկին: Ես համոզվեցի դրանում՝ թագավորին տեսնելով Պերմի նահանգի քարտեզն ուսումնասիրելիս: Այնպես էր նայում, ասես Ուրալյան լեռնաշղթայի շրջակա հողերը բնակեցված են շնագլուխ մարդկանցով: Չեմ կասկածում, որ քարտեզն Արակչենն էր տվել:

Նույն երեկոյան տուն դառնալիս հանդիպեցի Կոստանդիսին: Նրանից գիևու հոտ էր փչում: Պարզվեց՝ քննություն է անցել լեյբ-վիրաբույժ Տարասովի մոտ ու գրանցվելու է որպես նրա օգնական: Շնորհավորեցի, բայց և ինձ թույլ տվի հարցնել, թե ում հովանավորությունն է օգնել հայտնվելու գործընկերներից շատերի համար ցանկալի այդ պաշտոնում: Կոստանդիսը տվեց բարոնուհի Կրիդների անունը: Բուժել էր նրան Ռիգայում, երբ այնտեղ կանգ էր առել Պետերբուրգի ճանապարհին:

Մտքում հայիոյցի ինձ: Իհարկե, խելագարությանը սահմանակցող հուզավառությունն ընդամենը դիմակ է. բարոնուհին խելամտորեն հաշ-

վարկել է, որ թագավորը, և՛ իր, և՛ հույների հանդեպ մեղավորություն զգալով, չի մերժի շնորհագրկված խորհրդապահուհուն: Բարոնուհին լրտես էր ուղարկել թագավորի մոտ՝ նրա հիվանդությունների մասին տեղեկանալու և իր խարդավանքները նրա առողջությանը համակշռելու համար, բայց հաշվի չէր առել, որ Կոստանդիսը չի ցանկանա վտանգել այդպիսի պաշտոնը: Դժվար թե ամեն ինչ ազնվորեն զեկուցի բարոնուհուն:

«Ձեր բախտը բերել է,- ասացի,- Ուրիշները դրա մասին անգամ երագել չեն համարձակվում նույնիսկ ավելի ծանրակշիռ երաշխավորների դեպքում: Միայն թե չմտածեք, որ ձեր երջանկությամբ պարտական եք բացառապես բարոնուհուն»:

«Ահա թե ինչ: Իսկ էլի ո՞ւմ», - հետաքրքրվեց նա:

«Սուլթան Սահմուդին,- բացատրեցի ես,- Դուք փախել եք Կոստանդնուպոլսից, որտեղ ձեզ մահ էր սպառնում, բայց եթե ձեր տեղում հայտնվեր որևէ փորձառու թուրք բժիշկ, որը Սորեայից փախել է ձեր ցեղակիցների վայրագությունների պատճառով, տեր թագավորը նրան էլ կընդուներ: Նա կարեկցում է բոլոր հալածյալներին»:

Մի րոպեի չափ լուռ քայլում էինք: Օգոստոսի ծաղիկներն առաջվա պես ամառային-վառ էին, բայց համարյա չէին բուրում: Մի քանի օր առաջ թագավորն ուշադրությունս հրավիրել էր դրա վրա, իհարկե, ոչ առանց իր մասին ակնարկի: Քառասունվեց տարեկանում նա անընդհատ մտածում ու խոսում է իր աշխան մասին:

«Ազնվորեն խոստովանեք,- առաջարկեցի ես,- չե՞ որ դուք համակրում եք հույն ապստամբներին»:

Կոստանդիսն սկսեց հակառակը համոզել:

«Դուք հույն եք,- ընդհատեցի նրա կեղծավոր ժխտումները,- ես ձեզ ամեն դեպքում չեի մեղադրի, բայց վատ չէր լինի իմանալիք՝ ո՞չ Անգլիայի նենգությունը, ո՞չ Մետեռնիխի խարդավանքները, ո՞չ նողկանքը, որ թագավորը տածում է կոտորածի ու խռովության հանդեպ, և ո՞չ նույնիսկ հոգածությունը Բուսպարտի դեմ պատերազմից դեռևս ուշքի չեկած Ռուսաստանի բարօրության համար՝ չեն խանգարում նրան օգնության հասնելու հավատակից հույներին: Նա միշտ պատրաստ է զորակցելու բարուն ընդ-

դեմ չարի, բայց միայն պայմանով՝ պետք չէ հաշվել, թե այն որ կողմում է ավելի շատ: Եվ եթե հարկ է և նախ զատել մեկը մյուսից, հետո մեկը և մյուսը դնել կշեռքի տարբեր կծարների ու կայել, թե որը ծանր կկշռի, սխալվել կարելի է և՛ տեսակավորելիս, և՛ կշռելիս»:

Կոնստանտին Կոստանդին: Թափառիկ բժշկի նոթերը

Սեպտեմբեր, 1823 թ.

Ես ճանապարհ ընկա քարտեզով, որի վրա լեռները, ծովերն ու գետերը անընդհատ փոխում են գծագրությունը, և չգիտեմ ո՛չ տարածությունը, որ պետք է կտրեմ, ո՛չ երթուղու վերջնակետը: Մնում է հավատալ, որ ինչքան անորոշ է կապտակը, այնքան մեծ է ամենաանսպասելի տեղում նրան հասնելու հնարավորությունը:

Նոր վիճակիս համապատասխան կազմեցի հետևյալ կենսական կանոնները.

1. Պիմակը պետք է թաքցնի դեմքը, բայց համապատասխանի նրա գծերին, թե չէ կարող է մաշկը պլոկել մսից:

2. Իրերն իրենց ամբողջության մեջ տեսնելն ինձ համար անհասանելի շքեղություն է: Պիտի վերակազմեմ դրանք իրենց բեկորներից ու լեզվից թոցրած բառերից:

3. Ստվերների լեզվի թարգմանիչ. ահա իմ երկրորդ մասնագիտությունը:

4. Միտքը չափվում է այն թաքցնելու ունակությամբ:

5. Ուղիղ ճանապարհը տալում է գերեզմանոց:

6. Եթե ծարավը ստիպի ջրիոր, իսկ քաղցը կամ տապը՝ ծառ փնտրել, որ հագենամ նրա պտուղներով կամ արևից փրկվեմ սաղարթի տակ, և եթե ջրիորի հատակին ցերեկով աստղեր տեսնեմ, իսկ տերևների խշռոցի մեջ լսեմ երկնալուստների մեղեդին, պետք է հիշեմ, որ ո՛չ մեկը, ո՛չ մյուսը իմ խնդիրների մեջ չեն մտնում:

Եվ այսպես, Ցարսկոյե Սելոյում եմ:

Մութն ավելի ու ավելի շուտ է ընկնում, խոնավություն է փչում լճակներից: Պալատում ցուրտ է ու լուռ, այգին՝ ամայի, կողաշենքերը՝ մարդկանց փոխարեն բնակեցված սովերներով: Այստեղ ամեն ինչ հիշեցնում է մեռյալների թագավորություն, որը հիմա, ինչպես հավատում է հասարակ ժողովուրդը, ոչ թե Աիդն է կառավարում, այլ նավակն ու թիերը լքած ևավար Քարոնը: Ուղևորներից ստացած պղնձադրամները միջոց են տվել, որ նա վարձկաններ հավաքագրի ու հեղաշրջում անի: Կայսր Ալեքսանդր Պավլովիչը նույնպես գահի բռնատեր է և նախկին նավավարի նման սիրում է մառախուղ, ցուրտ ու լուռություն: Դրա ֆոնին՝ նրա թողովությամբ սպանված հոր ուրվականը պակաս վախենալու է թվում:

Մի հևօրյա երգ կա, որ երեխա ժամանակ ինձ համար երգում էր մայրս: Աթենուհի էր, չնայած այստեղ նրան Դոնի կազակուհի եմ ներկայացնում, իսկ այդ ատտիկյան բալլադը նույնիսկ մորեական հույները չգիտեն՝ չխոսելով արդեն ալեքսանդրիացիների մասին, որպիսին իմ հայրն էր: Երգվում է, թե ինչպես են երեք պատանի Քարոնից գողանում իրենց տապանասալերի բնակիչներն ու որոշում փախչել ստորգետնյա թագավորությունից: Այդ ծրագրի մասին տեղեկանում է նույնպես մեռած մի աղջիկ: Սկսում է խնդրել, որ իրեն էլ վերցնեն:

«Ո՛չ, ո՛չ,- պատասխանում են նրանք:- Քո մետաքսե շորերը շրջում են, թխկթխկում են քո կրունկները, լուսնի տակ փայլում արծակ վարսերդ, դու մեզ կմատնես Քարոնին»:

«Ես կհանեմ խշխշան շորերս,- խոստանում է աղջիկը,- կկտրեմ շքեղ վարսերս, Քարոնին կթողնեմ ոսկյա կոշիկներս...»:

Ես ուրախ կլինեի սափրել գլուխս ու հեռանալ այստեղից թեկուզ ոտաբորբիկ: Քաղաքականությունից, մեկ է, ինձ հետ ոչ ոք չի խոսում, բացի կամեր-քարտուղար Ելովսկուց, բայց մեր գրույցներից որևէ արժեքավոր բան քաղելու համար պիտի կարողանաս իրեն պատկանող մտքերը պերճախոսության հոսքում առանձնացնել թագավորից փոխ առած մտքերից: Ինքը դրանք իրարից չի տարբերում: Նա իր պատրոնի սովերն է: Այդպիսի սովերներ լինում են ձմեռային օրվա մայրամուտին. երկա՛ր-երկա՛ր,

քծնաբար պատճենող նրանց շարժումները, ում պարտական են իրենց գոյությամբ, բայց և անկարող են դույզն-ինչ մամուլությամբ կրկնել:

Ելովսկին ամուրի է և, Տարասովի ասելով, վերջին երեք տարիներին կանանցով չի հետաքրքրվում: Տղամարդիկ ևույնպես նրան չեն հետաքրքրում: Պատճառն ինձ համար ամենից է: Այնքան աստվածավախ չէ, որ դրանով բացատրենք նրա ասկետիզմը, իսկ սեռական անդամները ևորմալ զարգացած են: Ես գննել եմ նրան, երբ տառապում էր միզապարկի բորբոքումով: Եթե նրա համար, ինչպես Կանտի, Օլանի զբաղմունքն ինքնասպանությունից մահացու մեղք է, հասկանալի է, թե ինչու է միևնույն ականջները լցված լեղիով:

Երեկ որոշել էր այն թափել թուրքերից պաշարված Միսոլոնգիի պաշտպանների վրա. այն պատճառով, որ ամբողջի աշտարակները վերանվանել են Սպարտակի, Վիլիելմ Թելի, Սկանդերբեգի, Բենջամին Ֆրանկլինի և ազատության այլ մարտիկների պատվին: Դա նրան ահավոր ծիծաղաշարժ է թվում: Ես չեմ համարձակվում ո՛չ պաշտպանել ապստամբներին, ո՛չ մեղադրել, ո՛չ, ամապել ևս, ծաղրել, և ինձ թույլ եմ տալիս նրանց քննադատել բացառապես ողջամտության դիրքերից, իսկ դա հեշտ չէ. շատ ուժեղ հակվես մի կողմ՝ կկասկածեն արմատականության մեջ, մյուս կողմ՝ կկորցնես հարգանքը:

Ես ու Ելովսկին երեկոյան հանդիպեցինք այգում, ու նրան տուն ուղեկցեցի: Ճանապարհին նրանից անընդհատ հորդում էր, ինչպես ջրադացի աղունաշիթից. Արիստիդես, Թեմիստոկլես, Պերիկլես, Էսքիլես, Ֆիդիաս: Նրա կարծիքով՝ այդ ժամանակներից ի վեր Հունաստանում ուշադրության արժանի ոչինչ չի կատարվել: Ո՛չ քաջարի Դեսպոյին գիտի, որն իրեն դուստրերի ու թոռների հետ պայթեցրեց աշտարակում, ո՛չ ևավապետ Ստաֆեասին, որի ևավի հետևից հասել էին թուրքերը ու երբ առաջարկել էին իջեցնել առագաստները, պատասխանել էր թուրք ծովակալին. «Դու փեսա չես ու ես՝ հարս, որ քո հայտնվելուն պես հանեմ դիմաքողը»: Լսե՞լ է ևս պարզիացիների մասին, որոնք Կորֆու արտաքսվելիս կրակին էին տալիս գերեզմաններից հանած նախնիների ոսկորներն ու մոխիրը տանում իրենց հետ: Բոցարիս, Դյակոս, Յորգակի. այս անունները

Ելովսկու համար դատարկ հնչյուն են: Նրա երևակայությունը չի հերիքում պատկերացնելու, թե ինչպես են լեռնական սուլիաները, Վելի փաշայից սուլթանին հնազանդվելու պահանջով նամակ ստանալով ու տառաճանաչ չլինելու պատճառով չկարողանալով կարդալ՝ հասկանում մեկ բան. պետք է կովել: Կարևոր չէ այս անգամ ինչ է գրված: Սև տառերը սպիտակ թղթին նրանց միշտ մահ են խոստանում:

Ելովսկին հընթացս հարձակվեց ռուս հելլենաստերների վրա: Մասնավորապես, մի պատմություն արեց նրանցից մեկի՝ գեներալ Մ.-ի մասին, որը հայտնի էր որպես անուղղելի գանձագող, հարբեցող ու համարյա խաղախարդախ: Մի անգամ շարահրապարակում, գումարտակային գորաշարքը ստուգելիս, սկսում է զինվորներին հարցուփորձ անել, թե ով որտեղից է: Մեկին, որը Կուրսկի նահանգից էր, հարցնում է, թե ինչով է նշանավոր այդ նահանգը: Զինվորը զեկուցում է, թե՝ սոխակներով, ինչից հետո գեներալ Մ.-ն հետաքրքրվում է՝ չի՞ ուզում լսել նրանց: «Ոչ մի կերպ», - հատու զեկուցում է ղեկավարության այդպիսի հարցերի պատասխանելուն վարժեցված զինվորը: «Կեցցենս,- գովում է Մ.-ն: Հիմա սոխակների ժամանակը չի, երբ մեր հավատակից հույներն այսքան դառնություն են կրում կեղտոտ թուրքերից»: Անցնում է հաջորդին և պարզելով, որ Վյազմայից է ու գիտի, որ Վյազման հայտնի է իր քաղցրաբլիթներով, հարցնում է, թե ճաշակելու ցանկություն չունի՞: Այս զինվորն էլ է առաջինի նման պատասխանում և նույնպես արժանանում է գովեստի. թե՛ նկատի ունենալով սպասվող պատերազմը սուլթանի հետ, պետք է հրաժարվել անուշեղենից ու վարժվել զրկանքների:

Ես ծիծաղեցի, բայց պարզվում է՝ տոնը ճիշտ չէի ընտրել: Ելովսկին խստորեն հանդիմանեց, որ այստեղ արցունքների միջից ծիծաղն է վայելում:

«Գիտե՞ք ով է Մեհմեդ Ալին», - հանկարծ հարցրեց նա:

«Եգիպտական տեղապահ, սուլթանի վասալը», - պատասխանեցի ես և հաջորդ հինգ թույլներին իմացա, որ Սուլթան Մահմուդը հույների դեմ կովում է առանց սերալից դուրս գալու, ուրիշ բան Մեհմեդ Ալին: Այդ ալբանացին Կահիրեի իշխանությունը կառավարում է առանց հարեմի,

ԼԵՆԻՆԻ ՅՈՒՋԵՖՈՎԻՉ

առանց ներքինիների և առանց վեզիրների, ենիչերիներ ևույնպես չունի, նրանք կռիվ են գնում, եթե երկար խնդրես, փոխարենը՝ ցանկացած պահի պատրաստ են խռովություն բարձրացնելու և գահ բարձրացնելու նրան, ով կխոստանա մի կոպեկ ավելացնել իրենց ռոճիկին: Մեհմեդ Ալիի բանակը վարժել են ֆրանսիացի սպաները, ևավատորմը վատը չի, ֆրանսիացի ինժեներներն օգնել են ջրանցք փորել ծովի ու Նեղոսի միջև. ևս կարող է ջրի վրայով գործը Կահիրեից հասցնել Ալեքսանդրիա, ոչ թե թնդանոթներով հանդերձ քարշ գալ ցամաքով՝ կորցնելով մարդկանց ու ձիերը: Նրա որդեգիր Իբրահիմ փաշան կոտորեց Նուբիա փախած մամլուքներին. նրա ձեռքերն ազատ են և ուրախությամբ կլվանա հունական արյան մեջ:

Ես լսում էի՝ վախենալով որևէ բան բաց թողնել: Ելովսկու հետաքրքրությունը եգիպտական գործերի հանդեպ մատնում էր թագավորի շահագրգռությունն այդ հարցում, և քանի որ այդպես է, ուրեմն դրա մասին պետք է հայտնել Նավալիին: Զգուշությունից դրդված՝ այդպիսի նամակները փոստատուն չեմ հանձնում, Պետերբուրգում փոխանցում եմ մի մարդու, որը դրանք ուղարկում է ըստ պատկանելության: Որպես փոստատար հանդես են գալիս հույն ևավապետներն ու ռուսական և օտարերկրյա ևավերի ևավաստիները: Մենք ծովի ժողովուրդ ենք, մեր մարդիկ ունենք որջ Եվրոպայի առևտրական ևավերի վրա:

«Սուլթանը Մեհմեդ Ալիին համոզել է արշավախումբ կազմել հույների դեմ,- ասաց Ելովսկին:- Ես կտրատվում էր պչրուիու պես ու սակարկում գնչուի նման՝ որդիների համար փաշայություն խնդրելով Կրետեում կամ Մորեայում, բայց հիմա համաձայնության են եկել»:

Ես վախենում էի մատնել ուրախությունս: Ուրեմն թագավոր կայսրն անհանգստացած է նրանց պայմանավորվածությամբ: Ատուվա՛ծ իմ, վերջապես: Մտածում էի՝ ևս է ինձ հետ խոսում իր կամեր-քարտուղարի բերանով: Այլ խոսքով, թագավորը վճռել է միջամտել պատերազմին, եթե Իբրահիմ փաշան ափ իջնի Մորեայում կամ Ատտիկայում:

Ելովսկու ձայնն ինձ երկիր վերադարձրեց: Հասկացա, որ ոչինչ էլ չի կատարվի: Երբ մենք խեղդվենք արյան մեջ, թագավորը թաշկինակը կտանի աչքերին, ինչպես մի քանի օր առաջ այգու ծառուղում մեռած թռչնակին

տեսնելով, կհառաչի ու կգնա իր ջերմոցում մորի քաղելու: Ինչ սպասես մի տղամարդուց, որն ամաչում է իր բարակ ոտքերից ու անդրավարտիքի տակ դնովի սրնքամկաններ է կրում: Որպես բժիշկ՝ հասու էի այդ մակահիրների գաղտնիքին, որն անհայտ էր նույնիսկ Ելովսկուն:

«Մարգարեություն կա. Հունաստանի կործանումը կգա Եգիպտոսից»,- ասաց նա՝ նմանակելով թագավորի կեղծավոր-անկիրք ձայներանգը:

Ես չեմ հավատում այդպիսի գուշակություններին: Դրանք կամ հետին թվով են հորինվում, երբ արդեն կատարվել են, կամ նպատակ ունեն վախեցնելու նրանց, ում վերաբերում են, բայց իմ մեջ դեռ հիմա էլ ապրում է փոքրիկ տղան, ում համար մեծ սփոփանք էր իմանալ, որ տապանասալերը դռների պես փակվում են բանալիով, ու եթե գտնես ճիշտ բանալին, մահվանից հետո կարելի է դուրս գալ գետնի տակից: Երեխա ժամանակ հին, ժանգոտած բանալիների մի ամբողջ հավաքածու էի կազմել՝ հույս ունենալով դրանց մեջ հետագայում գտնել անհրաժեշտը, ու կտակ էի գրել՝ խնդրելով դրանք դնել դագաղիս մեջ, երբ գա իմ մահվան ժամը: Այդ տղան գիտի, որ աշխարհում ամեն ինչ վատ է վերջանում:

Գիշերը երկար չէի կարողանում քնել: Ժամացույցի ճոճանակի շարժումն իմ ներսում ռիթմական փուլերով արձագանքում էր հանգուցյալ մորս պաշտած՝ Միխայիլ Ակոմիևստի «Աթենքի ողբին»: Մայրս ստիպել էր անզիր անել այդ բյուզանդական դպիրի ողբը, որ համարյա հազար տարեկան է, բայց կարծես երեկ է գրվել:

Ես այն կրկնում էի բանաստեղծության պես. «Քո փառքը լեռներ էր շարժում, իսկ հիմա խաղում է միայն ամպերով: Երբեք չեմ տեսնի քաղաքը, որ ապրում է իմ սրտում: Ես Իքսիոնոսի նման եմ: Ես նույն կրքով սիրում եմ Աթենքը, ինչպես նա՝ Հերային, բայց նա երջանկություն ունեցավ գրկելու գոնե սովերը իրենից փախչող աստվածուհու, իսկ ես նույնիսկ սովերին չեմ տիրում: Ես Աթենքում եմ, բայց չեմ տեսնում Աթենքը: Տեսնում եմ միայն կմախքը՝ աղբի տակ կորած: Օ՛, մայր իմաստության, որտե՞ղ են գանձերը քո: Ո՛ր անհետացավ գեղեցկությունը քո: Ինչո՞ւ ամեն ինչ այստեղ կործանվեց ու վերածվեց ասքի...»:

ԼԵՆԻՆԻ ՅՈՒՋԵՖՈՎԻՉ

Ես Աթենքում չեմ եղել, բայց հաճախ եմ պատկերացնում՝ ինչպես եմ իջնում ևավից Պիրեոսում կամ Ֆալերոնում, աչքերով փնտրում Ակրոպոլիսը, բայց, ավաղ, փչում է աֆրիկյան քամին, նրա բերած փոշին պատում է երկինքը շեկ մեզով: Ու միջով լսվում է մուեզզինի աղաղակը:

Մյուս պատկերն իմ առաջ հառնում է քնի և արթնության սահմանին: Անհասկանալի է՝ երագո՞ւմ եմ տեսնում, արթնանալուց մի վայրկյան առաջ, թե՞ հիշում եմ աչքերս բացելուն պես: Երկրորդն ավելի հավանական է թվում: Երազներն անձայն են, իսկ ես լսում եմ տարածության մեջ խլացող ամբոխի ոռնոցն ու արյան հոտ առած թափառող շների կաղկանձը, որ բարձրանում են հնչյունները հսկա ծագարի պես իր մեջ քաշող անբարբառ երկինք: Չոհերի ճիչերը չեն հասնում այնտեղ, ուր ես եմ:

Ես Հովսեփ Գաբբայի՝ Սմիռնացի հրեայի տանն եմ: Նա ինձ պես բժշկություն է սովորել Փարիզում, բայց այստեղ՝ Կոստանդնուպոլսում, արևմտյան գիտությունը պակաս վստահություն է ներշնչում, քան հրեական իմաստությունը, ուստի Գաբբայը ներկայանում է որպես Մայմոնիդեսի հնագույն, ցեղակիցների փորձած դեղատոմսերին դիմող բժիշկ: Նա ինձ օթևան ու ապաստան է տվել, բայց չի դադարում հիշեցնել, որ հրեաները հույների մեղքով այդպիսի քիչ գիշերներ չեն տեսել:

Գաբբայն ու ընտանիքը քնած են, իսկ ես կանգնել եմ պատուհանի առաջ: Տունը հեռու է Ֆանարիոնից, որտեղ հիմա տղամարդկանց մահվանից առաջ բզկտում են դանակներով, կանանց բռնաբարում ու կոկորդներն են կտրում կամ էլ ստրկության քշում երեխաների հետ: Սպանությունները շարունակվում են արդեն հինգ օր, դրանց սկսել են վարժվել: Ծառան, շուկայից գալով, այնքան հանգիստ է պատմում առևտրականներից ու զևորդներից լսածը, ասես խոսքը փողոցային միջադեպի մասին է: Պատմողներից մեկը փողոցում մեռած հույն կնոջ էր տեսել՝ մերկ, հետանցքը շամփուր խրած: Ես չեմ կարողանում քնել, չեմ ուզում ուտել, բայց երբեմն ննջում եմ ու երբեմն հարձակվում ուտելիքի վրա, ինչից հետո սիրտ եմ թափում: Ստամոքսը չի ընդունում այն, ինչով թուլակամորեն գայթակղվել են աչքերն ու ռունգերը:

- Բարձր Դուռը, քանի դեռ կովում էր Արևմուտքի դեմ, չէր կարող

առանց հույների,- ասում է Գաբբայը:- Օսմանները միայն կռվել գիտեն, դուք նրանց ֆինանսիստներ, ինժեներներ, դիվանագետներ, կառավարիչներ էիք տալիս, ընդ որում նույնիսկ չէին պահանջում, որ ուրանաք ձեր հավատը: Հիմա եվրոպական միապետերը սուլթանի թշնամին չեն: Ինչ ձեզնից էին ստանում, թուրքերը կարող են վերցնել ուղիղ Եվրոպայից, ընդ որում ավելի բարձր որակի: Նրանք երախտագիտություն չեն տաճում ձեր հանդեպ, բայց էլի կհանդուրժեն, եթե ինքներդ չխախտե՞ք պայմանագիրը: Երբ Իպսիլանտին Օղեսայից դիմեց հունական ամբոխին, առաջին հերթին սկսեցին մորթել անմեղ մահմեդական հարևաններին: Ամբոխն ամեն տեղ նույնն է: Ստամբուլում դուք հնձում եք, ինչ հետերիստները ցանել են Վալախիայում, Մորեայում ու կղզիներում»:

Գաբբայն իրավացի է, ու ես ասում եմ նրան այդ իրավացիության համար:

«Դուք մեզ երբեք չեք հասկանա,- ասում եմ:- Ձեզ ազատություն պետք չի, որովհետև հայրենիք չունեք»:

«Ահա մեր հայրենիքը,- ցույց է տալիս նա արծաթով դրվագած փորագրաքանդակ դդումե տուփը` Թորայի զալարափաթեթով:- Մենք բավարարվում ենք մեր ազդեցությամբ ու հարստությամբ, բայց դա ձեր պատրիկներին քիչ է: Նրանք իշխանություն, փառք ու պատիվներ ցանկացան»:

Երկու թե երեք օր անց մենք գնում ենք նավահանգիստ: Ամեն ինչ վերջացած է, աղքատները մեռած են, հարուստները փրկագնվել կամ փախել են: Երեկվա մարդասպաններն ու բռնաբարոդները հանել են դիմակները, թե դիմակ հագել ու կրկին դարձել սովորական մարդիկ, ինչպիսին մի շաբաթ առաջ էին, երբ նրանցից բլիթ էի առնում, շոյում նրանց երեխաների գլուխները: Քաղաքը լուռ ու դատարկ է, ինչպես մեծ տոնի հաջորդ առավոտյան: Քնատ զինվորները նավահանգստի մուտքի մոտ ուշադրություն չեն դարձնում մեզ. հրեական հագուստն անցաթուղթ է: Իսրայելի որդիները սուլթանի հավատարիմ հպատակներն են: Նոր արտոնությունների ակնկալությամբ նրանք փողոցներով քարշ են տվել տաճարի դարպասներին կախած պատրիարք Գրիգորիի մարմինն ու նետել ծովը: Մրցակիցների ու հալածողների կոտորածը տոն է նրանց համար:

ԼԵՈՆԻՊ ՅՈՒԶԵՖՈՎԻՉ

Գաբբայի վարձած նավակն ինձ տանում է դեպի խարիսխ գցած ֆանսիական նավը: Առափնյա մեղմ զեփյոռ է փչում, արևը բարձրանում է ծովածոցի կայծկլտացող երեսին: Երբ թիակները դուրս են գալիս ջրից, ցայտերը մարգարիտների պես թափվում են թաթերից: Ափին տարածված նռնենիներն ու նարնջենիները ծաղկունքի մեջ են, և շաբաթվա ընթացքում առաջին անգամ սկսում են անարցունք լաց լինել՝ որ այգիները անուշ բուրում են, աշխարհը սքանչելի է, Աստված ամպրոպ ու փոթորիկ չի թափել այս քաղաքի վրա, հարկ չի համարել ցույց տալ, որ ամեն ինչ տեսնում է, ամեն ինչ լսում, ու ոչ ոք չի խուսափի իր պատժող աջից:

Աչքերս վառվում են, ինչպես ավազահողմից կամ անապատի չոր տապից: Նավակում նստել ու լալիս եմ առանց արցունքների:

Իսկ հիմա արթնանում եմ՝ արցունքների մեջ կորած:

ԱՐԱԳԻՐ

Ճառ-Անտուան Ֆաբին: Ապստամբի օրագիրը

Սեպտեմբեր-հոկտեմբեր, 1823 թ.

Կոստանդիսի զեկուցագրի հետ նամակ ստացվեց Ռուանից՝ հանգուցյալ մորս եղբորից: Ծրարում նաև ռուանյան «Մերկուրիից» մի թղթակցություն կար իմ մասին:

«Այսօր,- գրում էր անվանատառերի հետևում թաքնված հեղինակը,- հելլենասերները մեծ ազդեցություն ունեն Եվրոպայում: Ամենուր սվիրատվություններ են հավաքվում հույների օգտին, կամավորների հավաքագրումը համարյա բացահայտ է: Հասարակությունը դպրոցականների համար սեղմագրած Հերոդոտոս է կարդում, Կոլոկոտրոնիսին համեմատում են Միլտիադեսի հետ, Միաուլիսին՝ Թեմիստոկլեսի, սուլթան Մահմուդին ծառանկարներում պատկերում են Զսերքսեսի տեսքով և նոր Սալամին են կանխատեսում նրա համար: Լեոնիդաս թագավորի դերի թեկնածու դեռ չի գտնվել, բայց դա ժամանակի հարց է: Պատերազմը բորբոքվում է, պատմական համեմատությունների սիրահարների համար ամեն ինչ առջևում է: Այն բանից հետո, երբ ավստրիական բանակը Պիեմոնտում, իսկ մերոնք՝ Իսպանիայում, վերջ տվին հեղափոխությանը, այնտեղից փախած որոշ սահմանադրականներ իրենց ծառայությունն են առաջարկել Նավալիոնի հունական կառավարությանը: Այդ դատարկախոսների ու գրչակների մեջ մի քանի փորձառու մարտական սպաներ կան, այդ թվում՝ ռուանցի գեղապետ Շառլ-Անտուան Ֆաբին: Որպես մեր հայրենակից և Ստորին Սեւայի դեպարտամենտում երկու կալվածք ունեցող անձնավորություն՝ նա արժանի է, որ իր մասին ավելի մանրամասն պատմենք:

1812 թվականին մարշալ Սարմոնը նրան Նապոլեոնին ուղղված գեղուցագրով Իսպանիայից ուղարկեց Ռուսաստան: Ֆաբիեն կայսեր մոտ ժամանեց Մոսկվայի ճակատամարտի նախօրեին և չնայած չէր ուզում մասնակցել, գեներալ Բոնամի հրաձգային հատուկ գնդի շարասյունով գրոհեց ռուսական դիրքերը: Նռնակը հաշմեց ոտնաթաթը, բայց նա մնաց բանակում, ծառայությունը շարունակեց համբարակային մասով և արդեն որպես հաշմանդամ աղ դրած մսին հրամանատարություն անելով՝ հասավ գեղապետի աստիճանի: Ի դեմս Լյուդովիկոս XVIII-ի՝ միապետության վերականգնումից հետո հարեց դավադիր-հանրապետականներին, իսկ երբ դավադրությունը բացահայտվեց, բանտարկությունից փախավ Պիրենեյներ, որտեղ կանգնեց Ռիեգոյի դրոշների տակ: Երբ ֆրանսիական զորքերը մտան Իսպանիա, հայրենակիցների դեմ կռվում էր հանուն իսպանական ազատության, իսկ Սադրիդի անկումից հետո որոշեց թուրքերի դեմ կռվել հույների ազատության համար: Նա ամենուր փնտրում է գերագույն ճշմարտությունը, որպեսզի իր սուսերով ծառայի նրան, բայց այստեղ նրբություններ կան: Նրա կարծիքով ճշմարտությունը պիտի հալածվի, և եթե երբեմն հաղթում է, նրեմն դատապարտված է վերասերվելու ստի: Հետևելով այդ տեսությանը՝ Ֆաբիեն չի վշտանում պարտություններից և չի ուրախանում հաղթանակներով, բայց, ինչպես պատմում են նրան ճանաչողները, միշտ խոր քուն ու նախանձելի ախորժակ ունի: Հուսանք, որ բաշիբոզուկների ու ավազակների կռիվը, որի մեջ որոշել է խցկվել վերջիններիս կողմից, նրան չի զրկի ո՛չ առաջինից, ո՛չ երկրորդից»:

Կենսագրությունս հիմնականում ճիշտ էր շարադրված, իսկ լկտի ոճի հետ վաղուց ժամանակն է, որ հաշտվեմ: Հիմա ոչ մի ժուռնալիստ առանց հեգնանքի չի գրում նույնիսկ դիլիժանսի տակ ընկած կուրյի մասին: Այդ հասարակությունը սիրում է մարդկությանը պատկերել ծաղրածուների ամբոխի տեսքով, որի միակ զբաղմունքը իրար հնարավորինս անիմաստ ու անմիտ թակելն է,- դրանով իրենց պարտեզը մշակող բաժանորդներին ապացուցելով, որ աշխարհը վերջնականապես խելքը թոցրել է: Եթե առաջ բուրժուան բավարարվում էր նրանով, որ ողջամտության տիպար էր տեսնում իր մեջ, ապա մեր օրերում ցանկանում է իրեն իմաստնության անոթ համարել:

Հույն կանայք հորիզոնական արհեստով չեն զբաղվում, Նավպլիոնում բոլոր սիրո քրմուհիներն իտալուհիներ ու սլավոնուհիներ են: Նրանց հետ վտանգավոր է գործ ունենալ. գործը շատ է, շատերը վարակված են: Առաջին անգամ կին տեսա համարյա չորս ամսվա պահեցողությունից հետո: Միսիս Սյուզեն Փելիեմը նամակ էր բերել իմ լոնդոնյան բարեկամներից և շուտով ինձ համար պարզապես Սյուզի դարձավ: Եթե սանդալներով է, իսկ ես՝ բարձրակրունկ սապոգներով, նույն հասակի ենք:

Քանի տարեկան է՝ չգիտեմ: Տեսքից դատելով մոտ երեսուն: Երբեմն մտածում եմ, որ՝ քառասունից ոչ պակաս, բայց երեսուն է երևում, իսկ հաջորդ օրը՝ քսանից մի քիչ ավելի, բայց մեծ է թվում: Կանայք մեզից տարբեր հարաբերություններ ունեն ժամանակի հետ, կարողանում են կախարդել, ընտելացնել ու չափում են ոչ թե օրացույցով, այլ ապրած երջանկությամբ:

Անգլիայում նա և ամուսինը անգլիացի հելլենասեր ընկերներիս հետ նույն խմբակում էին եղել: Լորդ Բայրոնը նրանց կուռքն է, Հունաստանը սուրբ երկիր են համարում, հույներին՝ նահատակներ, որոնք քավում են մարդկային ցեղի մեղքերը, ինչպես Քրիստոսը խաչի վրա: Նրանց ուխտավորներ կկոչեի, եթե բերած ճամպուրուկների քանակը չլիներ: Ավելի ուշ պարզվեց, որ, Սյուզիի զգեստներից բացի, դրանք հինգ հարյուր օրինակ ժողովրդական հունարենով Ավետարան են պարունակում: Գրքերը Նավպլիոնից ուղարկվեցին վերջերս թուրքերից հետո գրաված Աստրոս, որտեղ դոկտոր Փինքերթոնը Աստվածաշնչյան ընկերության բաժանմունք է բացել:

Սյուզին ճամփորդության համար տունիկայի տեսքով սպիտակ զգեստ էր պատվիրել՝ փեշը եզրակարած հունական քառակկյուն զարդանախշով: Անունը՝ մեանդրոս, նրանից իմացա, ինչպես և այն, որ այդ երկրաչափական նախշը խորհրդանշում է մարդկային կյանքը՝ երեսակված չորս առաքինություններով: Սյուզին դրանք թվարկել չկարողացավ, բայց եթե մեկ ուրիշը նրա փոխարեն առաջին մտքին եկածը կասեր, ապա նա հենց ինքն էլ ծիծաղեց սեփական հիմարության վրա: Աչքին թոզ փչելը նրանը չէ: Իր հանդեպ նույն հեզևանքով էլ պատմեց, թե ամբողջովին սևա-

ԼԵՆԻՆԻ ՅՈՒՋԵՖՈՎԻՉ

զգեստ հույն կանանց տեսնելով՝ մտածել էր, որ այդպես են հագնվում հա-
նուն ազատության զոհված կամ թուրքերի կողմից մահապարտված ամու-
սիկների հիշատակին, մինչև որ այդպիսի այրիների քանակը չէր ստիպել
կասկածել այդ տեսությանը:

Հունական զգեստս հիացմունք պատճառեց Սյուզիին: Մանրակրկիտ
զննեց բոլոր կողմերից, ինչպես սպան՝ նորակոչիկին, ու հայտարարեց, որ
իմ հագին ավելի լավ է նայվում, քան իրենց՝ հույների: Միստր Փելիեմը հա-
մաձայնեց կնոջ հետ: Նա միշտ և ամեն ինչում նրա հետ համաձայն է:

Նկատի ունենալով բրիտանական սևոքիզմը՝ նրան հայտնեցի իմ բա-
րոնական տիտղոսի մասին, բայց ոչ ուղղակի, այլ մի տեսակ իմիջիայլոց,
զվարճալի մի պատմությունով այն մասին, թե յակոբինյաններն ինձ յոթ
տարեկանում ինչպես են մորս հետ վանական բանտ դրել, որտեղ սովորել
էի մուկ վարժեցնել. բանտապահները որքան էլ ջանացին, չկարողացան
նրանց խլել ինձնից: Մինչ Սյուզին ու ամուսինը ծիծաղում էին բանտա-
պահներինս վրա, աստվածության հետ համեմատությունից խուսափելու
համար բացատրեցի իմ կազության պատճառը, ավելացնելով, որ քանզի
Բայրոնը մանկուց է կաղ, մարմնական արատը նրբացրել է նրա հոգին,
իսկ ես դրանով պարծենալ չեմ կարող:

Հաջորդ հանդիպմանը երեքով մտանք սրճարան, որի պատերը
զարդարված էին Կապոդիստրիայի, Կոլոկոտրոնիսի, Միաուլիսի և Բայրո-
նի դիմանկարներով: Ըստ իր լոնդոնցի ընկերուհու պատմածի,- որի անու-
նը պետք չէր տալ այս փառավոր հնգյակից վերջինի հետ առանձնահա-
տուկ հարաբերությունների պատճառով,- Սյուզին մեզ հայտնեց, թե մի
անգամ Բայրոնն ինչպես է Շվեյցարիայում ուղեկցորդի հետ բարձրացել
լեռները: Հանկարծ փոթորիկ է սկսվել: Անձրևից սկսվում դարձած լեռնա-
լանջին ստիպված էր երկու ձեռքով կառչել քարերից, ձեռնափայտը չէր
օգնում, այլ խանգարում էր: Ուղեկցորդն առաջարկում է տալ իրեն, բայց
մերժում է ստանում: Ձեռնափայտի մեջ սուսեր էր պահված, և Բայրոնը
սուսերով ձեռնափայտը ուղեկցորդին տալ չէր կարող:

«Գիտե՞ք ինչու», - հարցրեց Սյուզին:

«Որ ուղեկցորդը չսպանի ու չկողոպտի իրեն», - անմիջապես գտավ
միստր Փելիեմը:

Սյուզին հոգևած հոգոցով հասկանալ տվեց, որ ամուսինը հերթական անգամ հաստատեց իր կարծիքը նրա մասին, բայց իմ մտքին էլ այլ բան չէր գալիս:

«Մի մոռացե՛ք հանգամանքները: Փոթորիկ էր», - հուշեց Սյուզին երկուսիս, սակայն ժպիտով միայն ինձ խրախուսելով:

Բայց ես չկարողացա արդարացնել նրա սպասումները: Ստիպված էր ինքը պատասխանել. «Երկաթը ձգում է կայծակները: Բայրոնը վախենում էր, որ կայծակը կսպանի ուղեկցորդին: Երբեք իրեն նման բան թույլ չէր տա»:

Միստր Փելիեմը ձեռքը շմփացրեց ճակատին, ասես մոծակ էր սպանում, ու սկսեց իրեն հանդիմանել անհասկացողության համար: Դրանով կրկին հարուցեց կնոջ դժգոհությունը: Նրան ցանկացած խոսակցություն իր անձին հանգեցնելու զարմանալի ունակություն մեղսագրվեց: Այդ պատրվակով Սյուզին ամուսնուն ուղարկեց հյուրանոց, իսկ մենք իջանք առափնյակով, ապա բարձրացանք Պալամիդայի բաստիոնները: Նա հիշում էր իմ կաղության մասին ու ջանում դանդաղ քայլել: Ճանապարհին պատմեցի որչ Եվրոպայից ժամանող հելլենասերներից գումարտակ կազմելու և գլխավորելու իմ ծրագրի մասին: Սյուզին հետաքրքրությամբ լսում էր, իսկ երբ ճանապարհին հանդիպած երկու հրացանավոր հույն իրենց լեզվով բարևեցին ինձ, նրա հայացքում ակնածանք հայտնվեց:

«Դուք կրունկով սապոզներ եք հագնում, ձեր ոտքի պարագայում դա տառապանք է,- ասաց:- Եթե ինձ համար եք հագել, էլ չհագնեք: Առանց դրա էլ ձեզ ներքևից եմ նայում»:

Ամոթը վառեց ինձ, բայց ժամանակին հիշեցի, որ իր հանդեպ սեր հարուցում է նա, ով միաժամանակ և՛ հարգանք, և՛ խղճահարություն է առաջացնում, ոչ թե այդ զգացումներից միայն մեկը:

Ներքևում ճերմակին էին տալիս Նավպիոնի տներն ու եկեղեցիները: Հունաստանի մայրաքաղաք լինելու նրա իրավունքն ապացուցում էին նավահանգստի կայմերի անտառը, պատշգամբների ճերմակ-երկնագույն դրոշների շարքերը, խելագար գները սրճարաններում և առափնյա բիլիարդանոցների թիվը: Բռնեցինք վերադարձի ճանապարհը: Սյուզին ճամփեզրով էր քայլում մեջտեղը զիջելով ինձ: Ժամանակ առ ժամանակ

ԼԵՆԻՆԻ ՅՈՒՋԵՖՈՎԻՉ

Էլ դուրս էր գալիս ճանապարհից, և բարձր ու չոր խտորը, որին չէին հասել տեղիս այծերը, սկսում էր զնգալ ոտքերի տակ: Այդ զնգոցից սիրտս սեղմվում էր:

Սկսում էր մթնել: Ուղեկցուհուն գորշ ռեզինգոտն ու վզի ևույնպիսի մկնագույն թաշկինակը ծուլվում էին արագ թանձրացող մթնշաղիս: Թվում էր՝ դեմքն ինքնին է լողում երկրի երեսին, զուրկ ոչ միայն մարմնից, այլև ևույնիսկ պարանոցից, ինչպես հրեշտակներինը՝ հունական եկեղեցիների որմնակարներում: Կատարյալ ևմանության համար միայն թևերն էին պակասում:

Պալամիդայի անկյունային աշտարակի վրա ազդանշանային կրակ վառեցին: Ի հակադրություն՝ գիշերը միանգամից ուժ առավ՝ սարալանջն ի վար կուլ տալով պատերի ու տանիքների գծագրությունը: Քաղաքը քնած չէր, բայց մեզ հասնող ձայները մթան մեջ բաժանվում էին իրենց արծակող մարդկանցից ու իրերից, և ապրում սեփական կյանքով: Նրանք լողում էին մեր շուրջը՝ զարմանահրաշ համադրություններով, ապշեցուցիչ միություններ կազմելով, որոնք անհնար են ցերեկվա լույսի տակ: Սյուզին ևույնպես ապշած էր, թե ինչպես է դրանցով լցվում ճպուռների երգեցողությանը ներծծված տաք օդը:

«Ծղրիդի՛կ, ծղրիդի՛կ, ինձ ծախիր քո ջութակը», - երգեց ևս:

Նոր էի հասկացել, որ չեմ ուզում բաժանվել նրանից, երբ իմ կացարանը տեսնելու ցանկություն հայտնեց: Թույլ չտվի երկար համոզել: Արդեն բնակարանում Սյուզին թուրթ ու թանաք խնդրեց ու մի երկտող գրեց ամուսնուն՝ բացատրելով, որ կարող է չանհանգստանալ իր համար: Ծառաս այդ ևամակով ուղարկվեց հյուրանոց:

«Գրեցի, որ ինձ հրավիրել եք ընթրիքի, իսկ սուտ ասելը լավ չի, - Ժպտաց Սյուզին: - Թող դա ճշմարտություն լինի»:

Նրա փոքրիկ եղունգը կտտաց սեղանին դրված գինու շշին:

Մինչ բակում լվացվում էր, գինուն գումարեցի հաց, պակիր, ծնեբեկ, ճաշից մնացած տապակած սառը սիսեռի ափսես: Ու դուրս եկա նրա հետևից: Ծառաս դեռ չէր վերադարձել, ինքներս մեկմեկու ձեռքերի ջուր լցրինք սափորից և մեզ ուխտի գաղտնի ծես կատարող դավադիրներ զգացինք:

Ճաշելիս Սյուզին խոսք բացեց Սոֆոկլեսի ողբերգությունների մասին, ավելի շուտ՝ թե դրանք ինչ ազդեցություն են գործում հոգու վրա, վեհացնում են, թե՞ մաքրում: Ասացի, որ նույն մեղալի երկու երեսն են. հոգին մաքրելը նպաստում է վեհացմանը և հակառակը,- բայց Սյուզին սկզբունքային տարբերություն էր տեսնում դրանց միջև: Ի հաստատումս՝ օրինակ բերեց իր զարմուհիներին, որոնցից մեկը մաքուր է հոգով, բայց չի գնահատում պոեզիան, այն դեպքում, երբ մյուսը պաշտում է Բայրոնին, բայց դրա հետ միասին՝ հազվագյուտ խոզ է: Այդ փաստի վրա Սյուզին փորձում էր մի ամբողջ տեսություն կառուցել, բայց ծայրը ծայրին չէր գալիս: Վերջնականապես խճճվելով՝ նա հանկարծ վեր կացավ ու համբուրեց շրթունքներս:

Թվում էր՝ համբույրն առավելագույնն է, որ կարող էի հուսալ այդ օրը, բայց Սյուզին, չդադարելով լեզվով բանել բերանիս մեջ, սկսեց արձակել ժիլետոս: Երկրորդ կոճակի վրա թողնելով այդ ոչ դյուրին գործը ու գոչելով «Ես ապրե՛լ եմ ուզում», ինքը սկսեց հանկել: Անպատեհ վերադարձած ծառային դուրս արեցի սենյակից:

«Սա ձեզ անհարմարություն չի՞ պատճառում»,- հարցրի՝ խեղված ուղքս սապոգից դուրս քաշելով:

Սյուզին կեղծ քնքշանքով շոյեց թաթս: Այդպես հյուր եկած երեխան է շոյում տիրոջ շանը, պարտադրված ծնողների հորդորով, բայց կասկածելով, որ չի կծում:

Մենք կրկին ձուլվեցինք համբույրի մեջ ու դանդաղ, ժամանակ առ ժամանակ ճանապարհից շեղվելով՝ սկսեցինք շարժվել դեպի մահճակալը: Ես շարժումս աննկատ ուղղորդում էի անհրաժեշտ կողմը: Սյուզին միայն մի անգամ շուրթերը պոկեց իմ շրթունքներից, որ նորից ասի. «Ես ապրե՛լ եմ ուզում»: Լռեցի՝ հասկանալով, որ պետք չի պատասխանել. նրա բառերն ինձ չէին ուղղված, այլ միստր Փելիեմին:

Մահճակալի վրա ձեռքս վերցրի նախածեռնությունը. պոկեցի հագուստն ու անմիջապես տիրեցի նրան: Սյուզին փորձեց երկարած գել նախերգանքը, բայց, ի հեճուկս իմ ցանկությունների, հասցրեց միայն մոմը փչել: Գլխի չէի ընկել մոմակալն ավելի հեռու դնել, որ շունչը չհերիքի: Ես ուզում էի մերկ տեսնել նրան, նա՝ վայելել, չհոգալով, թե ինչ տեսք ունի:

Մերձեցումից հետո անշարժ պառկած էր: Հիմա կիսախավարիև վարժված աչքերով առանց մոմի էլ կարող էի տեսնել նրան: Պատուհանից այն կողմ տարածված աստղաշատ երկինքը բավարար լույս էր տալիս դրա համար: Պնահատեցի կրծքի ձևը, բայց այդպիսի լույսի տակ անհնար էր հասկանալ՝ ինչ գույնի են պտուկները՝ վարդագույն, թե դարչնագույն: Ցայլքի բուսականությունը մի ոչ մեծ իջվածք ուներ այնտեղ, ուր պորտով մտովի տարած ուղղահայաց գիծը հատում էր ազդրերի վերին մասերը միացնող երևակայական գիծը: Սյուզին պառկած էր մեջքի վրա, այդ իջվածքը փորատակի փափկամազ եռանկյունը նմանեցնում էր սև սրտի:

Եւ արմունկին հենվելով՝ շրջվեց իմ կողմը: Ինձ համար շոյիչ մտերմիկ խոստովանությունների էի սպասում, բայց լսեցի երգեցիկ արտասանված երկու անգլերեն բանաստեղծական տող. «Օ՛, սքանչելի Հունաստան, ողբալի բեկոր հիևավուրց փառքի: Դու չկաս, բայց դու անմահ ես»:

«Բայրո՞ն», - հարցրի ես, չնայած կարելի էր չհարցնել:

Տեսնում էի, որ նրա պոռթկումը չի սպառվել, պատրաստ է շարունակելու, բայց վստահ չի՝ ինձ դուր կգա՞ կտրուկ անցումը սիրուց քաղաքական լիրիկային:

Խնդրեցի շարունակել: Ձայնը ամրացավ. «Ո՞վ կառաջնորդի աշխարհով մեկ սփռված քո որդիներին: Ո՞վ կխախտի ստրկության նրանց սովորությունը, որ տևում է այսքան երկար,- արտասանեց նա՝ ֆրանսերեն թարգմանելով իր կարծիքով դժվարըմբռնելի բառերը, բայց դրա հետև ռիթմից չընկնելով:- Սիրտս կարոտում է հայրենիքիս, հայրենի տունը: Սիրտս ուրախ է խփում հայրենի օջախի կողքին, բայց դուք, հավերժ թափառիկներ, մեկնեք Հունաստան, տեսեք երկիրը, որ տխուր է ձեզ պես: Այցելեք այդ սրբազան հողը, այդ կախարդական անապատները: Միայն չդիպչեք նրա վեհության բեկորներին: Թող ձեր ձեռքը խնայի հողը, որն առանց այն էլ շատերն են կողոպտել»:

Վերջին տողերում խոսքը Մորեայից հնությունների ապօրինի դուրսբերման մասին էր: Սյուզին բացատրեցի, որ չնայած այդ զբաղմունքը հանցավոր է հայտարարվել, և կառավարությունը չենթարկվողներին սպառնում է դաժան պատիժներով, Նավպլիոնում համարյա բացահայտ

են վաճառում հարթաքանդակների և արձանների բեկորները: Աստիճանավորները մաս ունեն իրենց իսկ արգելած առևտրի եկամուտներից:

«Հույները հայտնի խարդախներ են, չխաբվեք նրանց հաշվով», - չափավորեցի նրա ոգևորությունը:

Այնպես նայեց, ասես հայիոյանք էր լսում:

«Նրանց փչացրել է բազմադարյա ստրկությունը,- ավելացրի:- Դաժան են, նենգ, հակված գողության ու խաբեության»:

«Այդ դեպքում՝ ինչո՞ւ են նրանց հետ», - հետևեց հարցը:

«Որովհետև,- պատասխանեցի,- մեծահոգի են, ազնիվ, խիզախ, պատրաստ անձնագոհության»:

«Երկրորդը հակասում է առաջինին», - նկատեց Սյուզին:

Մարմնի՝ կենդանական աստիճանի հասնելուց հետո երջանիկ կերպով տրամաբանորեն մտածելու ունակություն էր գտել: Սոֆոկլեսի մասին նրա դատողություններում ոչ մի տրամաբանություն չկար:

«Այո՛,- խոստովանեցի ես,- բայց հենց կյանքն է այդ հակասությունը դրել նրանց մեջ, ես չեմ հորինել: Հույներն ազնվագույն են մարդկանցից, և հենց իրենք էլ ավազակներ ու գողեր են, միայն թե խորհուրդ չեմ տալիս փնտրել այդ հակադրությունների միջինը: Անիմաստ է դրանք գումարել, ապա գումարը բաժանել երկուսի, պետք է ընդունել երկու թեզիսներն էլ, եթե նույնիսկ հակասում են իրար: Ես եկել եմ այստեղ հանուն մարդկանց ազատության, որոնք այնքան լավը չեն, որքան ինձ թվում էր հեռվից, և պետք է սիրել այս երկիրը՝ հիշելով այն, ինչն իրենք՝ հույները վաղուց մոռացել են: Հունաստանը սովորեցնում է ապրել ճաքած սրտով»:

Վաղուց ոչ մեկի հետ այդպես անկեղծ չէի եղել: Սկսելով՝ այլևս չկարողացա կանգ առնել և կողքիս պառկած կնոջ հանդեպ երախտագիտության ալիքի վրա պատմեցի, թե ինչպես էի մի տարի առաջ, Պիրենեյներում, Իսպանիայի ու Ֆրանսիայի սահմանին կանգնել Բեռլինյան կամրջին, իսկ իմ կողքով շարասյուն առ շարասյուն անցնում էր ֆրանսիական բանակը, որ խեղդի իսպանական ազատությունը: Լսում էի՝ զինվորներն ինչպես են խոսում իմ մայրենի լեզվով, ու խեղդվում էի ամոթից:

Մերմդ թափելով՝ հոգիդ ես դուրս թափում: Դրանք մերձավոր սուրս-

տանցներ են, բայց կանայք դրանք պատրաստ են իրենց մեջ առնելու միայն այդպիսի հաջորդականությամբ: Ով սկսում է խոստովանությունից, մնում է և՛ առանց խոստովանահոր, և՛ առանց սիրուհու:

«Իսպանիայում,- ասում էի,- ես՝ ֆրանսիացիս, կռվում էի ֆրանսիացիների դեմ, ինչի համար փարիզյան թերթերն ինձ հայրենիքի դավաճան հռչակեցին: Մենք սովորել ենք հայրենիքն ամենագլխավորը համարել այն ամենից, ինչի համար կարելի է մեռնել, բայց տարբեր ժողովուրդների համար դրանք տարբեր են, և եթե նրանից բարձր ոչինչ չկա, այդ դեպքում ո՞ր է բոլոր մարդկանց համար միասնական ճշմարտությունը: Չէ՞ որ այն չի կարող չլինել: Մի՞թե արյան կանչը մեր երակներում դատապարտված է խլացնելու խղճի ձայնը: Երբ ինձ համոզում են, որ խիղճը ևույնպես հպատակություն պիտի ունենա ու որոշ դեպքերում ավելի լավ է լռի, ինձ գալլ եմ զգում շների ոհմակում»:

«Դու այն ձեռնափայտի պես ես: Ներսում պողպատ է»,- շնչաց Սյուզին:

Մեր մարմինները կրկին ծուլվեցին, բայց երբ ամեն ինչ ավարտվեց, շարունակեցի այնտեղից, որտեղ ընդհատել էի. «Ինձ հավատացնում են, թե միայն կրոնական ընդհանրությունն է եղբայրացնում մարդկանց: Բա չէ՛: Հելլենասերներն այստեղ են գալիս ողջ աշխարհից, մեր մեջ ֆրանսիացիներ կան, ամերիկացիներ, իտալացիներ, գերմանացիներ: Լյութերականներ, կաթոլիկներ, իմ պես անաստվածներ»:

«Դու աթեիստ ես: Ինչպես յակոբիյանները»,- ապշեց Սյուզին:

Ես դա հաստատեցի, և ևս գործի դրեց իմ գրկում ձեռք բերած տրամաբանությունը. «Յակոբիյանները երեխա ժամանակ քեզ բանտ են դրել մորդ հետ: Մի՞թե դա հետք չի թողել ողջ կյանքիդ վրա»:

«Իմ մեջ ավելի մեծ հետք է թողել այն, որ դա վանական բանտ էր,- պատասխանեցի ես, հետո ավարտեցի նրա հարցով ընդհատված միտքս:- Մենք՝ հելլենասերներս, այստեղ փնտրում ենք այն վայրն աշխարհում, որտեղ ճշմարտությունը կախված չի լինի տոհմից, իսկ եղբայրությունը՝ դավանանքից»:

«Դժվար թե դա դուր գա հույներին,- եզրակացրեց Սյուզին և անմիջապես էլ հայտարարեց, որ ուտել է ուզում: Ընդամիս, այնպիսի տեսք ու-

ներ, ասես հաճոյախոսություն է անում ինձ:

Ըստ էության՝ հենց այդպես էլ կար: Նա սովաճացել էր, ուրեմն ինձ որպես լավ սիրեկան էի դրսևորել:

Ձև առած՝ բերեցի սեղանին մնացած հացն ու պանիրը, և իմ ձեռքով, ինչպես երեխային, կերակրելով նրան՝ փոքրոգաբար հիշեցրի կտակի մասին, որ կազմել էի այն դեպքի համար, եթե զոհվեմ այստեղ. մարմինս Ֆրանսիա չտանել, այլ թաղել Հելլադայի հողում:

Սյուզին դադարեց ծամել: Որոշեցի, որ նրան անհարմար է ծնոտներով աշխատել այդպիսի խոստովանությունների պահին, ու սխալվեցի: Ինչպես կար՝ սկզբնականացավ վրայովս, սեղանից վերցրեց իմ բրեզետը, բայց կափարիչը բացել չկարողացավ: Ես բացեցի՝ նկատելով, որ եթե ժամն էր ուզում իմանալ, կարող էր հարցնել, կասեի:

«Ու կխաբեիր: Որ ավելի երկար մնամ», - անժպիտ պատասխանեց նա:

Սյուզին ուղեկցեցի հյուրանոց, ապա մարմնիս մեջ երանելի թեթևություն զգալով՝ վերադարձա, ու հանկարծ հասկացա, որ պետք է խնդրագիր ուղարկել ներքին գործերի նախարարություն, որ իրենց վրա վերցնեն Նավալին ժամանող հելլենասերների բնակարանների վարձը: Մի ամիս առաջ արդեն խնդրել էի ու մերժում ստացել, իսկ հիմա հասկացա, թե հատկապես որն էր իմ սխալը: Զառասուն տարեկանում, խեղված ոտքով ու ճերմակող մազերով՝ ինձ երիտասարդ էի զգում: Հեշտանքի բռնակալությունից ազատագրվելը նորացրել էր մարմինս, թեթևացած անդամներս ուղեղին թույլ էին տալիս աշխատել ողջ ուժով: Ահա, մտածեցի, այլաբանությունն այն փոփոխությունների, որ կկատարվեն Հունաստանի հետ՝ սուլթանի իշխանությունից ազատագրվելուց հետո:

Հոկտեմբերի սկզբին միսոր Փելիեմը սկսեց նավ փնտրել, որը Անգլիայի ճանապարհին կանգառ կաներ Պիրոսում: Նա և Սյուզին չէին կարող տուն վերադառնալ առանց Պարթենոնի սրբազան ավերակներին խոնարհվելու, իսկ առաջ դա անհնար էր: Աթենքը գարնանից մերն է, սակայն Ակրոպոլիսում նստած թուրք սփահիներն անձնատուր են եղել ընդամենը երկու շաբաթ առաջ:

Հարմար եւ զուրկ չեմ, և Սյուզի սկսեց կապել ճամպուրկները: Բաժանմանը սպասելով՝ նյարդայնանում էի, բայց համոզում էի ինձ, որ դա տառապանքի պատճառ չէ, մեկ է, մեր սիրավեպն անդառնալիորեն գնում էր դեպի վերջաբան: Դեռ մեկ-մեկ հանդիպում էինք, չնայած ճաքած սրտով արդեն սկսել էի հոգնեցնել, և ես ինչ-որ ավելի ամբողջական բան էր ցանկանում:

Մեկնելուց մի շաբաթ առաջ Փելիեմ ամուսինները մի մաշված կառքով, որի համար նրանցից թագավորական կառնեթի գումար էին պոկել, մեկնեցին Արգոս՝ նայելու այնտեղի ավերակներն ու հիանալու տեսարաններով: Ես չպնդեցի, որ ուղեկցեմ, իրենք էլ չհրավիրեցին: Սյուզին ապահովության համար հարսանքավորի պես պճնված երկու բեղավոր անբան էր հրավիրել, նրանցից, որ օրեր շարունակ թրև են գալիս հյուրանոցի առաջ՝ հուսալով որևէ բան պոկել կենվորներից: Վարձակալած ձիերին գումարած՝ նրանք էժան չէին նստել միստր Փելիեմի վրա, ի լրումն՝ գումարի առյուծի բաժինը կանխավճար էին պահանջել: Մեկը՝ ոմն Անգելոս, ժամանակին ապրել էր Կորֆուում, ու քիչ թե շատ կարողանում էր անգլերեն բացատրվել: Սյուզին գերել էր վշտալի պատմությամբ այն մասին, թե ինչպես է մորթել իրեն դավաճանած գեղեցկուհի կնոջն ու ստիպված փախել հարազատ վայրերից՝ սրտում տանելով հանգուցյալի անեղձ կերպարը, որին շարունակում էր հավատարմորեն սիրել: Այստեղ հաճախ են այդպիսի պատմություններ անում զբոսաշրջիկներին, բայց Սյուզին հպարտանում էր, որ տղան իր առաջ բացել է տառապյալ սիրտը: «Իմ եռակի թորած Անգելոսը», - ասում էր նրա մասին, ինչպես շատ մոտ մարդու մասին են խոսում: Սյուզին այդ հունական արտահայտությունը հենց նրանից էլ լսել էր: Այն տղամարդկանց մասին է, որոնք շատ բան են կրել կյանքում ու եռակի թորմամբ հասել մաքրագույն անխոնի օդու թնդության:

Հույները հրաշալի եւ ավազներ են, բայց՝ անպետք հեծելակներ: Երբ առավոտյան եկա հյուրանոց՝ Սյուզին ճանապարհելու, Անգելոսը, արքանական թութակային հագուստով, ձին խաղացնում էր նրա շուրջը, ու թամբին նստել էր, ինչպես շունը՝ ցանկապատի վրա: Մեջքին կարճացված փողով հրացան էր:

Սյուզին նրան օրինակ բերեց, թե՛ շատ ավելի բնական է նայվում, քան ես: Չհարցրի՝ ինչու, պարզապես համաձայնեցի. այո՛, հույներից շատերն են այբանացիների պես հազնվում: Տառապանքով՝ աչքերը ճակատը զգեց, ինչպես անում էր իմ ներկայությամբ ամուսնու հետ խոսելիս: Պարզվեց, որ նորից այնպես չեմ հասկացել: Վերջին շաբաթներին անընդհատ սխալ էի հասկանում նրան:

«Բաղաքլորը նախշուն է բաղից,- բացատրեց:- Ինչո՞ւ ոչ թե դուք մեզ, այլ մենք պիտի ձեզ գայթակղենք մեր փետուրներով: Արու թռչուններն էգերին գայթակղում են վառվողն գույներով, նույնը և այբանացիներն ու հույները: Տղամարդիկ գույնզգույն հագուստներ են հագնում, կանայք՝ սև»:

«Ղա մահմեդական սովորույթ է: Երկուսն էլ թուրքերից են փոխ առել,- բնության հետ Անգելուսի մերձության նրա պատրանքները ցրեցի ես ու կրկնեցի, որ չեմ վստահում նրան և վտանգավոր եմ համարում այդ ուղևորությունը:

«Ես ապրել եմ ուզում», - կառք նստելով՝ պատասխանեց Սյուզին:

Այդ բառերը, որ նրանից լսել էի այլ հանգամանքներում, խոցեցին ինձ: Կարծում եմ՝ հենց այդ էլ ուզում էր: Աչքերը գործնական մշուշվեցին: Հասկացա, որ Սյուզին փորձում է հավերժական ուխտավորի դերը՝ պատրաստվելով, ինչպես Բայրոնն էր սովորեցրել, Նավպիլիոնից դուրս գալուն պես նույնքան տխուր հայացք զգել երկրին, որքան տխուր էր այդ երկիրը:

Ձիերը շարժվեցին:

Միսթր Փիլիեմը հրաժեշտ տալով բարձրացրեց շքագլխարկը, բայց Սյուզին չբարեհաճեց նույնիսկ ձեռքով անել, չխոսելով արդեն օդային համբույրի մասին: Ինքնամոռաց սեթևեթում էր Անգելուսի հետ, որը ոչ թե կառքի հետևից էր վարգում ընկերոջ պես, այլ կողքից: Մորթված կինը, որի կերպարը անշեջ շողում էր նրա սրտում, առանձնակի հրապույր էր տալիս նրանց սիրախաղին:

Շուտով ողջ հնգյակը, կառապանն էլ հաշված, անհետացան փողոցի անկյունադարձին, բայց, ինչպես ավելի ուշ պարզվեց, հեռու չէին գնացել: Հաջորդ օրը իմացա, որ վատ կանխագագումներս չէին խաբել:

Նավպիլիոնից երեք-չորս մղոնի վրա կառքի անփվը թռել էր: Ոչ ոք

ԼԵՆԻՆԻ ՅՈՒՋԵՖՈՎԻՉ

չէր տուժել, ասենք, անիվն էլ ընդհանուր ջանքերով դրել էին տեղը, բայց սռնուն ամրացնել չէր հաջողվել: Կառապանը գնացել էր մոտակա գյուղ՝ օգնություն կանչելու, ուղևորներն այդ ընթացքում մի կտոր հաց էին կերել, հետո Սյուզին որոշել էր զբոսնել մերձակայքում: Ոչ հեռվում ընդարձակ ճահճուտներ էին սկսվում, որտեղ չէրակլեսը մենամարտել էր Լերնեյան հիդրայի հետ. հենց դա էլ գրավել էր նրան: Ուզում էր այլըմում տեղիս բնապատկերների մի քանի ճեպանկար անել: Միստր Փելիեմը որոշեց ուղեկցել կնոջը, Անգելոսը պոչ եղավ նրանց, իսկ երկրորդ պահևորդին թողեցին կառքն ու ձիերը հսկելու:

Սյուզին ու Անգելոսը սկսեցին քիչ-քիչ հետ մնալ միստր Փելիեմից, բայց դեռ նրա տեսողաշտում էին, երբ մի միայնակ կաղնի հանդիպեց, չորացած գազաթի երկճեղիում՝ արագիլի բույն: Ամենազարմանալիս այն էր, որ հոկտեմբերի վերջին տանտերը բնում էր, ոչ թե մյուսների պես թռել էր Եգիպտոս: Կամ հազվագյուտ տաք աշունն էր փչացրել ներսում դրված բնական օրացույցը, կամ հունական գորտերն էին ախորժալի Մեմֆե Ալիի տիրույթներում ապրողներից, և ափսոսացել էր բաժանվել նրանցից: Գուցե թուլացել էր ծերությունից ու հասկանում էր, որ չի հասնի Նեղոսի ափերը, կամ էլ թևն էր վնասվել, չգիտեմ: Անձայն, որ չվախեցնի արագիլին, միսթր Փելիեմը սկսեց նշաններով կանչել կնոջը՝ հասկանալ տալով, որ հետաքրքիր բան է գտել: Սյուզին դժկամորեն արձագանքեց, բայց մոտենալով՝ միանգամից հասկացավ, որ իզուր չէին կանչում: Հանեց այլըմը, զինվեց մատիտով ու պատրաստվեց նկարել՝ շշուկով հիանալով սքանչելի թռչունով: Այդ պահին թիկունքից դրոդաց կրակոցը: Տերևները խշշացին, գնդակահարված արագիլը ծանր ընկավ գետնին:

Սյուզին ճչաց, ցած գցեց նկարչական պիտույքներն ու ափերով փակեց դեմքը, իսկ միստր Փելիեմը շոջվելով տեսավ ինչպես է Անգելոսն իջեցնում ծխացող հրացանը: Կատաղած՝ ձեռնափայտն իջեցրեց գլխին և անմիջապես էլ դանակով փորին պատասխան հարված ստացավ:

Սրիկան վագեց-հասավ իր ձիուն, թռավ թամբին ու անհետացավ: Երկրորդ պահևորդը չփորձեց բռնել նրան: Սյուզիի օգնությամբ վիրավորին հասցրեց ճամփեզր, բայց նա ավելի շուտ մեռավ, քան կիայտնվեր կա-

ռապանը՝ գյուղի դարբնի հետ: Կառքը նորոգեցին, ու գիշերվա դեմ միստր Փելիեմը մեռած վերադարձավ Նավայիոն:

Վերջին շնչում կնոջը խնդրել էր մարմինը չտեղափոխել Անգլիա, այլ թաղել Հելլադայի հողում: Սյուզին այդպես սասց, բայց չեմ հավատում: Կարծում եմ՝ ոչ այնքան մարմնի անխուսափելի գմռաման հոգսերն էին վախեցրել, որքան մի ամիս հանգուցյալի կողքին լինելու անհրաժեշտությունը, որին դավաճանել էր: Ինչպես շատերին, նրան էլ, ըստ երևույթին, թվում էր, որ մահվանից հետո մարդուն հայտնի է դառնում այն, ինչ կենդանության օրոք իմանալ չէր կարող: Այդ դեպքում վախենալու բան ուներ:

Անգլիական գերեզմանատուն չունենալու պատճառով Փելիեմին թաղեցինք կաթուղիկ գերեզմանոցում, մռայլ նոճիների տակ, շրջապատված վենետիկցիներով, որոնք ժամանակին տիրել էին այդ հողին: Ես ինձ վրա վերցրի թաղման բոլոր հոգսերը, Սյուզին՝ ծախսերը:

Գերեզմանոցից գնացինք հյուրանոց: Սյուզին առաջ դրան խան էր ասում՝ չկասկածելով, որ հույներն այն փոխ են առել թուրքերից, բայց հիմա բոլոր հունարեն բառերը, որ ջանադրաբար սովորում էր ու պարծենում ինձ հետ խոսելիս, ջքացել էին նրա բառարանից:

Հոգեհացի սեղանը բացված էր երկու հոգու համար: Ես Սյուզինին տվեցի միսթր Փելիեմի մահվան վկայականը, որ ստացել էի ներքին գործերի նախարարությունից, որպեսզի Անգլիայում ամուսնու ազգականներին ներկայացնելու բան ունենա, բայց շնորհակալության չարժանացա: Այն ամենը, որ անում էի նրա համար, ընկալում էր հավուր պատշաճի:

Մեկական գավաթ գինի խմեցինք, և Սյուզին ինձ տվեց այն հարցը, որին վաղուց էի սպասում. «Անգելոսն ինչո՞ւ սպանեց արագիլին»:

«Դուրը չէր եկել, որ հիանում ես նրանով», - պատասխանեցի ես:

Դա հետաքրքրեց նրան. «Ահա՛ թե ինչ: Ինձ խանդել է արագիլի հանդե՞պ»:

«Ո՛չ», - հիասթափեցրի նրան, - պարզապես հույներն արագիլ չեն սիրում, որովհետև թուրքերը հարգանքով են վերաբերվում նրանց: Ասում են՝ արագիլներն ամեն երեկո նրանց կոչում են փառաբանելու Ալլահին: Սայրամուտին արագիլը երկինք է նայում ու սկսում է բարձր շխկացնել կտու-

ԼԵՆԻՆԻ ՅՈՒՋԵՖՈՎԻՉ

ցը: Խփում, խփում, դադարում է, կախում գլուխը, սպասում է, նորից բարձրացնում ու նորից շփակցնում: Ճիշտ ինչպես ուղղափառներին իրիկնային աղոթքի կանչող մուեզզինը»:

«Եվ դրա համար Անգելուսը գնդակահարե՞ց նրան», - կասկածեց Սյուզին:

Բացատրեցի, որ երբ մի միապետը չի պատերազմում մյուսի դեմ, այլ ժողովուրդը՝ ժողովրդի և կրոնը՝ կրոնի, այդ պատերազմը մարդուն վերադարձնում է նախնադարյան վիճակի: Այդ ժամանակներում ամեն ցեղ ուներ իր աստվածը՝ որևէ գազակի կամ թռչունի տեսքով, և մի ցեղի ռազմիկները հետապնդում էին մյուսի հովանավորին, որ թշնամուն զրկեն պաշտպանությունից:

Սյուզին զայրացած ընդհատեց՝ ասելով, որ Անգելուսը միայն արագիլ չի սպանել:

«Նաև կնոջը,- չդիմացա ես:- Ամուսինդ գիտեր՝ ում հետ գործ ունի: Պետք չէր խփել ձեռնափայտով: Հույները հպարտ ժողովուրդ են»:

«Ատում եմ այդ վայրենիներին», - պոռթկաց Սյուզին:

«Պատկերացրու մի մարդու,- առաջարկեցի նրան՝ հաղթահարելով զայթակողությունը հիշեցնելու, թե ինչպես էր հիանում բնության հետ նրանց մերձությամբ,- որի ձեռքերն ու ոտքերը ողջ կյանքում կապված են եղել, ու հանկարծ ազատվել է շղթաներից: Առաջին վայրկյանին անդամները արտասովոր թեթև են թվում, և անսովորությունից դրանցով վայրի շարժումներ է անում: Մենք՝ հելլենասերներս, հավատում ենք՝ դա կանցնի»:

«Քո տեղը ես ինձ հելլենասեր չեի կոչի,- ասաց Սյուզին:- Հելլենասերը նա է, ով սիրում է հույներին: Մի՞թե դու սիրում ես նրանց»:

«Մի՞թե ոչ», - զարմացա ես:

«Ո՛չ,- պնդեց նա անսպասելի թշնամանքով,- դու սիրում ես միայն նրանց վերաբերյալ քո երազանքները: Բայց եթե անկողնում սկսես քեզ բորբոքել իմ մասին երազանքներով և ձեռքով բավարարես քեզ, չէ՞ որ դա չի նշանակի, թե սիրում ես ինձ: Կնշանակի՞ քեզ ես սիրում»:

Ես չպատասխանեցի, և նա փոխեց թեման. «Դու բողոքում էիր, որ

հույները չեն վստահում օտարերկրացիներին ու սպայական պաշտոն չեն տալիս քեզ: Բայց չէ՞ որ դու ազնվական ես, պետք է որ կալվածքներ ունենաս Ֆրանսիայում: Ի՞նչն է խանգարում վաճառել դրանք: Ստացած փողերով կկարողանայիր գումարտակ կամ գունդ կազմել Բայրոնի պես, և ուզածիդ չափ հրամանատարություն անել»:

Ես համաձայնեցի, որ գաղափարը լավն է, բայց քանի որ Իսպանիայում կռվել եմ ֆրանսիական բանակի դեմ, Ֆրանսիայում իմ ողջ ունեցվածքի վրա արգելանք է դրված՝ որպես պետական հանցագործի սեփականության:

«Ես Հունաստանի կառավարության ծառայության մեջ եմ, կամավորներին վարժեցնում եմ զինվորական գործին: Կառավարությունն ինձ ռոճիկ է տալիս,- բացահայտեցի եկամուտներիս աղբյուրը:- Չնչին բան է, բայց Ֆրանսիայում մի փոքրիկ թոշակ ունեմ: Հորեղբայրս իմ վստահաբորով այն ստանում է Ռուսում ու փոխանցում ինձ: Թոշակը ռոճիկի հետ քավականացնում է ապրելուն: Գնդին չի հերիքի»:

Սյուզիի դեմքին այնպիսի արտահայտություն հայտնվեց, ասես հաղթաթուղթ էր ստացել: Շինծու զարմացավ՝ ինչպե՞ս, Իսպանիայում կռվել եմ իմ թագավորի դեմ, իսկ նա շարունակում է ինձ թոշակ՝ վճարել:

Պատասխանեցի, որ թոշակս արյամբ եմ վաստակել, թագավորն իրավունք չունի խլելու, բայց արդեն պատրաստ էր նրա նոր հարցը.

«Եվ դու՝ հանրապետականդ, փող ես վերցնում թագավորի՞ց»:

«Այդ փողն այն հարկերից է, որ նրան վճարում է ժողովուրդը,- արդարացա:- Ես օգնում եմ հույներին, իսկ ֆրանսիացի ժողովուրդը համակրում է հույների ազատագրական պայքարին»:

«Ոչ այնքան, որ ապրուստդ հոգա,- հակադարձեց Սյուզին:- Հույները ճիշտ են անում, որ չեն վստահում քեզ իրենց հրամանատարությունը: Վատ սիրեկանը չի կարող լավ սպա լինել»:

Լռեցի՝ հասկանալով, որ վերջին բառերն ինձ չեն ուղղված, ինչպես ինձ չէր ուղղված «Ես ապրել եմ ուզում» բացականչությունը: Նրա համար կարևոր են ոչ թե իմ հարաբերությունները թագավորի ու հույների հետ, այլ իրենը՝ հանգուցյալ ամուսնու: Նվաստացնելով ինձ՝ նրա բարեհաճությունն

ԼԵՆԻՆԻ ՅՈՒՋԵՖՈՎԻՉ

Էր փնտրում, որ խանդոտ ոգին բավարարվի այդ զոհով ու հանգիստ թողնի իրեն:

Սյուզիին մեռյալի իշխանությունից ազատագրելու միայն մի միջոց ունեի՝ վերածնել նրա մեջ այն զգացումը, որով հասել էր այստեղ:

«Ես ծնվել եմ Ֆրանսիայում, եղել եմ Հյուսիսամերիկյան նահանգներում, Անգլիայում, Իսպանիայում, Ռուսաստանում,- հեռվից սկսեցի ես:- Իմ հայրենիքում հավասարություն է օրենքի առաջ, բայց չկա ո՛չ ազատություն, ո՛չ եղբայրություն: Անգլիան ազատ երկիր է, բայց այնտեղ բացակայում են եղբայրությունն ու ազատությունը: Ամերիկայում պահպանվում են այդ երեք մեծ սկզբունքներից երկուսը. եղբայրության մասին այնտեղ խոսք լինել չի կարող, իսկ Ռուսաստանում հենց միայն այդ է: Իսպանիայում չկա ո՛չ մեկը, ո՛չ մյուսը, ո՛չ էլ երրորդը»:

Ես լցրեցի գավաթներն ու ավարտեցի. «Հունական հանրապետությունն այդ երեքն էլ կյանքի կկոչի: Արի մի քանի տարուց՝ ինքդ կամոզվես»:

Սյուզին նարինջ էր ծամում ու նայում պատուհանից դուրս: Դժվարությամբ կարողացա որսալ հայացքը:

«Ոչնչի համար մի գոջա», - ասացի ու նրան պարզեցի արևի տակ խաղացող գինով գավաթը:

«Հեռացի՛ր», - գավաթին ձեռք չտալով՝ խնդրեց նա:

Կրկնելու հարկ չեղավ: Նրա համար նախատեսված գավաթը դրեցի սեղանին, իմը խմեցի մինչև վերջ, հրաժեշտ տվի ու դուրս եկա: Այլևս չհանդիպեցինք: Հանդիպման խնդրանքով երկտողերս մնացին անպատասխան: Չորս օր անց հիդրացիների նավը նրան տարավ Անգլիա:

Ես նայում էի հետևից, մինչև որ անհետացավ ծովախորշի մուտքի մոտ, կղզու վրա վենետիկցիների կառուցած Բուրծի ամրոցի հետևում, ու զգում ցրտից նվացող ատամս, խոնավությունը ծակ սապոգիս մեջ, արդեն զզվեցրած բոված սիսեռի այրոցը, և զուտ մարմնական զգացողություններից ավելի՝ անսահման մենություն: Եթե հնարավորություն ունենայի վերադառնալու Ֆրանսիա, դեռ ամռանը կմեկնեի: «Դու պարզապես տեղ չունես գնալու, ահա թե ինչու ես այստեղ», - մի անգամ

ասաց Սյուզին: Արագ էր սովորել փորփրել վերքերս:

Վրա հասավ իսկական աշունը: Նեխող ջրիմուռների հոտը հիշեցնում էր, որ ամեն ինչ իր ժամանակն ունի. այդ կինը երբեք այնպիսին չի լինի, ինչպես այն գիշեր, երբ մերկ, փորատակի գեղմը՝ դեռ խոնավ, արտասանում էր. «Օ՛, սքանչելի Հունաստան, ողբալի բեկոր վաղեմի փառքի: Դու չկաս, բայց անմահ ես...»:

Հենց նույն օրը հյուրանոցից մի կնքած ծրար բերեցին: Թղթաբերն ասաց, որ նախորդ օրը Սյուզին է տվել իր տիրոջը՝ պատվիրելով հանձնել, երբ նավը մեկնած կլինի: Ծրարում նրա ցայքի մագերի մի փունջ գտա՝ թաթախված դաշտանի չորացած արյունով:

Եվ վերջ:

Ո՛չ հրաժեշտի նամակ, ո՛չ թեկուզև փուչ արտահայտություններով որևէ երկտող: Միայն մկրատով կտրած իրար կպած մագերի՝ հիշողություն նրա ոտքերի արանքի սև սրտի մասին: Դրանց չէր կցվել ոչ մի բառ, բայց առանց դժվարության կռահեցի ուղերձի իմաստը: Անբառ, ինչպես սկյութների նամակը Դարեհ արքային, իմաստների երկու շերտ էր պարունակում՝ մակերեսային և ավելի խոր: Առաջինով Սյուզին հայտնում էր, որ մեր սերը պտուղ չի տվել, որովայնն ամուլ է, երկրորդով՝ որ ես բոլոր առումներով անպտուղ եմ, և ոչ միայն ինքը, այլև Հունաստանն ինձ հետ հանդիպումից հետո կմնա այնպիսին, ինչպիսին կար:

ԿԱԼԱՆՎՈՐԸ

Նատայա Բաժինան՝ Մատվեյ Մոսցեպանովին

Հոկտեմբեր, 1823 թ.

Փորձա՛նք է, տեր իմ Մատվեյ Մաքսիմովիչ:

Աստվածածնի տոնի հաջորդ առավոտ Գրիգորի Մաքսիմովիչին ձեր-բակալեցին: Նոր էր տեղաշորից վեր կացել, դեռ նախաճաշ էլ չէր արել, եկան ոստիկանապետ Պլատոնովն ու գործակատար Ոյաբովը, հետևեցրը չորս լեռնային զինվոր ու պորուչիկ Պերեվոզչիկովը: Գիշերը անձրևը հեղեղի նման էր գալիս, լրիվ ողողել էր փողոցը, իսկ նրանք նույնիսկ սապոգները չչորացրին, բոլորով տուն թափվեցին: Գրիգորի Մաքսիմովիչին, ի՛նչ թեյ խմել, նույնիսկ չթողեցին կարգին հագնվի: Ցեխերի միջով, ցրտին տարան միտակ շապիկով, բոբի՛կ: Վերցրի սապոգները, վազեցի հետևևե-րից: Բայց ո՛ր: Վենկա Ոյաբովը էկպես բրթեց, քիչ էր մնում ընկնելի: Էս օրվանից, որ փողոցի շները մանկածին անդամը կրծել են, ինքն էլ շնից վատն է դառել:

Իրիկունը մարդ ուղարկեցին Գրիգորի Մաքսիմովիչի շորերի հետևից, բայց զինվորական համազգեստը չվերցրեց, վերցրեց քաղաքացիական սերթուկը, շալվարը, սապոգները, փոխևորդ սպիտակեղեն և ուրիշ ոչինչ: Ինչքան խնդրեցի, ո՛չ բրդի գուլպաները վերցրեց, ո՛չ կաշվե շալվարը, ո՛չ ոչխարենու կացավեյկան, ո՛չ էլ դիպակե թասակը, որ ուղարկել էիք Գրի-գորի Մաքսիմովիչին: Ոյաբովը ծանրութթև արեց ձեռքին, վերադարձրեց ինձ ու բացեց սեպերը. «Ծանր է, տեղ չեմ հասցնի»: Իսկ դրա քաշը՝ ոնց որ չոր թռչևաբուն: Գրիգորի Մաքսիմովիչը դևելիս միշտ հիշում էր ձեր եղբայ-րական սերն իր հանդեպ:

Իմ հին բաղնիքում արհեստանոց էր սարքել, լրիվ քարուքանդ արեցին, բանջարանոցն էլ քրքրեցին, տունն էլ, իսկ թե ինչ էին ման գալիս, գտան, թե ոչ՝ չասացին: Մյուս օրը ինձ նրա մոտ չթողեցին, չնայեցին արցունքներին: Նամակ գրեցի՝ չեն վերցնում: Ուզում էի ծխամորճն ու թութունի քսակը փոխանցել՝ չի կարելի: Մի ամբողջ օր գրասենյակում նրան փակի տակ պահեցին, իսկ առավոտ շուտ մարդիկ տեսել էին, որ ինչ-որ տեղ են տանում Վերխոտուրյան մեծուղով:

Թե որևէ քիչ էր նրա մեղքը՝ չգիտեմ, ինձ չեն ասում. իբր՝ կինը չեմ, որ ինձ գեկուցեն, ու եթե կինն էլ լինեի, չէին ասի: Իբր պետական գործ է, գաղտնի, իմ քաջի մարդու խելքի բանը չի, ու չպիտի էլ հարցնեմ, սուս պիտի նստեմ:

Ձեռներդ պաչեմ, մի լքեք ձեր հարազատ եղբորը: Ուր հարկն է խնդրագիր ուղարկեք, որ եկեղեցի գնում է, հաղորդություն առնում, ու խոստովանվում էլ է ու ոչ մեկի վրա ոչ մի վատ բան չի մտածել: Միգովն ու Պլատոնովը նրան օր ու արև չէին տալիս, որ բացում էր իրանց ստերը:

Նիժնիտագիյան գործարանների կառավարիչ Սեմյոն Միխեևիչ Սիգովը Պերմի նահանգապետ Կրիդներին

Հոկտեմբեր, 1823 թ.

Ս.թ. հոկտեմբերի 3-ին պաշտոնաթող շտաբս-կապիտան Գրիգորի Մոսցեպանովը ձերբակալվել է իր կենակցուհի Նատալյա Բաժինայի բնակարանում: Նրա մոտ հայտնաբերված բոլոր փաստաթղթերն ուղարկվել են Եկատերինբուրգի գավառական դատարան, իսկ իրերն առևվել են գրասենյակ և իրացուցակի հետ պահվում են գրասենյակային մեծ կնիքով կնքած արկղում:

Իրացուցակի պատճենը կցում եմ:

Սրբերի ծալովի, պղնձով շրջանակած պատկերակալ

«Իշխան Ալեքսանդր Իպսիլանտի, Կուլմի հերոսը» վիմատիպ դիմանկար

1806 թվականի Հրետանային կանոնագիրը

ժողովրդական լուսավորության մինիստրության հին հանդես, 1819

ԼԵՌՆԻՅ ՅՈՒԶԵՖՈՎԻՉ

թվական, թողարկում 4

Սուներ՝ պատյանով

Համազգեստ՝ հագած

Նապաստակի մորթուց ծածկոց, հևամաշ

Նոր ծածկոց՝ բևեռաղվեսի մորթով աստառած

Բրդե լայնեզր գլխարկ

Մսագույն կարտուզ

Կանաչ դիպակից թասակ

Կաշվե շալվար

Ոչխարի մորթով աստառած կացավեյկա

Հասարակ կտորից խալաթ. կապույտ, հևամաշ

Անմշակ կտավի չորս շապիկ

Ծխամորճ

Երկու խոզանակ, հագուստի ու կոշիկի

Երկու հյուսք թեյ

Ճենապակե թանաքաման

Փող՝ թղթադրամներով 36 ռուբ., արծաթով 3 ռուբ., պղնձով 24 կոպ.

Գրիգորի Մոսցեպանովը Մատվեյ Մոսցեպանովին

Նոյեմբեր, 1823 թ.

Նատայան քեզ հայտնած պիտի լինի իմ բանտարկության մասին, իսկ հետագան չգիտի: Չթողեցին հրաժեշտ տա: Հաջորդ օրը պորուչիկ Պերեվոզչիկովը, դեռ լույսը չբացված, որ ժողովրդի մեջ իրարանցում չլինի, ինձ տարավ Եկատերինբուրգ: Մեզ հետ չորս զինվոր կար, բոլորը՝ հրացաններով, նրանց պատճառով մեծուղու գյուղերում մարդիկ վախենում էին ջուր տան ինձ: Տեղ հասցրին ու փակեցին բանտում՝ գողերի ու մարդասպանների հետ: Իսկ թե ոնց վարվեցին ինձ հետ, չեմ էլ ուզում գրել: Ավելի լավ է չիմանաս, որ որոշ տեղերում ազնվականությունը շատ քիչ բան է նշանակում:

Էստեղի բանտը հեջ բանի պետք չի, տանիքը՝ ծակ, վառարանները՝ քանդված: Ոնց վառում ես, տաքություն չկա: Քնում եմք ծխի մեջ, իսկ

գիշերը անդամդ սառում-կպկում է փոշտիդ: Պարսպի ցցերը փտել են, ձողաններ են դեմ տվել կամ պահանգներով կապել, որ իրար հենվելով կանգնած մնան, թե չէ թափվում են: Պարսպի տակով մի գետնափոր անցք կա, մեր կողմից ելքի վրա ցախ է կիտած: Անցքով անառակ աղջիկներ են մտնում բանտ: Քանի ձմեռ չէր, տկլոր էին խցկվում: Շորերը հանում էին, փաթաթում ու ձեռներին պահում, որ չցեխտովեն, իսկ մայր բնության տվածն էնքան էլ թանկ չեն գնահատում: Ժամապահներն իրենք են սրանց քաշում-հանում անցքից ու մի քանի կոպեկ առնելով՝ պառկացնում են կալանավորների տակ, որոնց գրպաններում մենակ ոչիլ չի վազում:

Նամակ գրելու իրավունքից զրկել են, բայց Նատայան, հասկացո՞ղ է, սերթուկը, շավարներս ու սապոզներս ուղարկելիս խելքը կտրել է որոշ բաներ դնել աստառի ու միջադիրների տակ: Արդեն էդ ոջլոտներին տալու բան ունեի, ու մեկի հետ պայմանավորվեցինք, որ նամակս փոստատուն կտանի, թե չէ զինվորները դրա համար շատ են ուզում, մեռնո չկա երեսներին:

Իսկ ինձ շուտով մենակ կմնա խաչս գրավ դնեմ: Արծաթից է, Կիևի աշխատանք, Սուրբ Անդրեյի եկեղեցուց, որտեղ ինձ ու քեզ կնքել են: Դու էլ եղպիսին ունես, ուրեմն լայիր, հիշիր Գրիշա եղբորդ ու մի քիչ փող ուղարկիր նրան ու Նատայային: Նրա հայրը մահացել է, եղբայրները ձմեռով ձյուն չեն տա, մայրն ինքն է աղջիկների վզին լստած: Ռոճիկիցս հետ գցած փողը ձերբակալելիս առգրավել են, իսկ ինչ նրան տվել եմ ճաշի ու սենյակի համար, վաղուց վերջացած պիտի լինի: Երևի զուտ կաղամբի հոյսին է կամ էլ կոպեկներով մեխագործանոցում է չարչարվում, առողջություները քայքայում:

Ազնվական կոչումով կալանավորներին թուղթ, գրիչ ու թանաք է հասնում, բայց ինձ չեն տալիս: Հարցերի կետերին պատասխանելու համար տված թղթերից երկու թերթ թաքցրի, բակում մի ագռավի փետուր գտա, պատերից մուր քերեցի, ջրով բացեցի ու գրում եմ:

Չեմ ուզում քեզ վշտացնել, բայց, պատահում է, արթնանում եմ գիշերվա կեսին ու չեմ կարողանում հասկանալ՝ որտե՞ղ եմ: Ի՞նչ է կատարվում ինձ հետ: Ինչո՞ւ եմ պառկած փտած ձողոտին, ցեխերի մեջ, ցրտին,

փալասներով ծածկված: Շան պես քոսոտել եմ, եղունգներս՝ չկտրած, ստամոքսս չի մարում: Մեկ լուծ ու սև լեղի, մեկ էնպես եմ գոռում, աղիքներս արնախառը դուրս են թափվում, իսկ արդյունքը՝ հեշ:

Ձրպարտել եմ, թե չար բան եմ կյուրթել ինչ-որ բարձրաստիճան անձնավորության դեմ: Աստված գիտի՝ ում, դատավորները չեն ասում, պահանջում են, որ անկեղծ խոստովանեմ, բայց թվում է՝ իրենք էլ այդ մարդու մասին ինձնից շատ չգիտեն: Անունը չեն տալիս, բայց պահանջում են խոստովանեմ, որ ուզել եմ գնամ մոտև ու իմ արհեստանոցում պատրաստած թույլով սպանեմ:

Դժվար չի հասկանալ, թե որտեղից է եղ անհեթեթությունը: Մայր Չիխաչովի հետ խոսելիս Պետերբուրգ, կոմս Արակչենկի մոտ մեկնելու պատրաստակամություն էի հայտնել, իսկ Սիգովն ու Պլատոնովը խոսքերս շուռ են տվել, շաղախել իրենց թունավոր թքով ու փսխել: Ստացվում է՝ նրանց հայտնի է Արակչենկին տեսնելու իմ ցանկությունը, էնպես որ, կարծում եմ, հենց նա էլ այդ անհայտ անձն է:

Մեր կառավարիչները մենակ մի հարցում չեն ստել. իսկապես արհեստանոց ունեի, Նատայայի հին բաղնիքում էի սարքել: Բանջարանոցում երկու բաղնիք ունի. մեկը՝ նոր, էստեղ լողանում ենք, մյուսը՝ հին, տաքություն չի պահում, եղինջն ու կոթուկը հասել են կտուրին: Խողովակով կաթսա էի դրել էստեղ, նավթայից յուղ էի քաշում կանթեղների համար: Ձկան քարավանով տակառներով Պեչորայից էին բերում: Պեչորայում տեղեր կան, որ գետնից դուրս է գալիս: Օխտայի վառողի գործարանում եմ քիմիա սովորել, մնացածը սուտ է, բայց որ սկսես բացատրել, լեզուդ կհոգնի սուտը հերքելով: Եթե ասեն՝ հարևանից մի ռուբլի պարտք ես արել ու հետ չես տվել, միլիոն փաստարկ կբերես քեզ արդարացնելու, բայց որ մեղադրեն, թե ուզել ես կաշին քերթես ու ծախես Մակարևյան տոնավաճառում, պատասխան չես գտնի: Չնայած ճիշտը մենակ էն է, որ դանակ ունես:

Ի լրումն՝ աստվածանարգություն էլ են կարում վրաս: Թե՛ երբ ձերբակալելիս զինվորներն ինձ դուրս են քաշել տնից ու մի խալաթով քարշ տվել փողոցով, պոկվել եմ ձեռներից ու գոռացել. «Պիղատոսներ: Ո՞ր եք տանում ինձ»:

Գոռացել եմ, այր՛:

Իմ վիճակում ավելի լավ է խելառ լինես, քան ոչխար, բայց դատավորները խեղդում են, թե՛ ես ինձ ո՛ւմ տեղն եմ դրել, եթե պետական մարդկանց Պիղատոս Պոնտացի եմ ասում: Էդպես կարելի է քրիստոնու-թյան էլ հասցնել:

Նաև մեղադրում են, իբր աստվածանարզ բառերով եմ հայհոյում: Սի-գովի մի թուղթը կարդացին, թե իր ներկայությամբ ասել եմ էդ բառերը:

«Ի՞նչ բառեր», - հարցնում եմ:

Քննիչը պատասխանում է. «Ես դրանք բարձրաձայն արտաբերել չեմ կարող, բայց այստեղ գրանցված են»:

Գործին կցված թղթի մի մեծ թերթ ցույց տվեց: Վրայից՝ ավելի փոքր մի թերթիկ ծածկում էր գրածը, որ չերևա: Վերևի թերթիկը մի եզրով սոսնձ-ված է ներքևիին, հետ քաշես, բառերը կերևան, դրանք քեզ հայտնի են՝ ...ես քու պորտը և այլն:

«Սա,- բացատրում եմ,- Աստվածամոր պորտի մասին չի, ինչպես, երևում է, մտածել եք: Ես բառերը բացարձակ ոչինչ չեն նշանակում, ոչ մի լեզվում էդպիսի բառեր չկան: Անվայել խոսքերի օրինակով եմ հորինել, որ ջղայնացած ժամանակ ուզեմ սիրտս թեթևացնել, մայր չհայհոյեմ»:

Կարծես թե հավատացին, բայց մի նոր փորձանք եկավ. Սիգովն ու Պլատոնովը իրենց լրտեսների միջոցով մարդ էին գտել, որ առանց դատ ու դատաստանի ինձ էն աշխարհն ուղարկեն:

Անցած տարի վաճառական Ռաստորգունների՝ Կիշտիմի գործարա-նում բանվորները բուևտ էին արել:

Խառնակիչը Կլիմենտի Կոստլապովն էր, հիմա ինձ հետ էստեղի բան-տում է: Կալանավոր է, բայց պահնորդներն ու ժամապահները զգաստ են կանգնում նրա առաջ: Կի՛նն էր եկել մոտը, թե՞ կինը չէր, սատանան գիտի դրանց, Կոստլապովն, ուրեմն, տարավ մոտը, ամբողջ գիշեր քեֆ արեցին, ու ոչ մեկը մի բառ չխոսեց: Վայրենու մեկն է, ուժն էլ տեղը: Կսպանի, ի՛նչ ունի կորցնելու: Սիբիրից դենը չեն քշի:

Մի քանի օր առաջ նստեց կողքիս, չանչերով բռնեց կոկորդս, բայց հուպ չի տալիս, չի խեղդում: Վախենում եմ շարժվել, նստել եմ դեմը, ո՛չ

ԼԵՆԻՆԻ ՅՈՒԶԵՖՈՎԻՉ

կենդանի, ո՛չ մեռած: Իսկ ինքը ժպտում է, ձենը՝ փաղաքուշ. «Վիզդ,- ասում է,- ձե՛րդ բարեձևություն, չի ճարպակալել, խեղդելը հեշտ կլինի»:

Վախից ձենս կորել է:

«Ինչի՞ համար», - շշնջում է:

Ծիծաղեց. «Դարբին մարդ եմ, իմ խելքի բանը չի: Բարի պարոններ կան, ինձ դրա համար շնորհակալություն կասեն»:

Հիմա գիշերներն անքուն պառկում, ականջ էմ դնում՝ չի՞ գալիս: Գիտենք էդ տեսակ դարբիններին - չաքուջը՝ գլխիդ, ոսկիները՝ ջեբը: Գործարանում ամբողջ կյանքում էնքան չի դարբնի, ինչքան Սիգովն իմ հոգու համար կբաշխի:

Չուտ էն է ուժ տալիս, որ Սաղմասարանից կրկնում եմ. «Սեղավորները՝ բուսնելով ինչպես խոտ, և անօրենություն գործողները՝ ծաղկելով, կկործանվեն հավիտյանս հավիտենից»: Տա Աստված՝ Սիգովի ու Պլատոնովի գլխին գա:

Հավատում եմ Աստված կպաշտպանի ինձ իր գորավոր աջով, բայց հույսս քեզ վրա էլ է, եղբայր: Մի՛ թող հարազատ արյունդ կորչի, գրիդ արդարադատության միևնառի՛ն՝ իշխան Լոբանով-Ռոստովսկուն, թող իր վերահսկողության տակ առնի գործը, թե չէ էլ չես տեսնի միակ եղբորդ:

Գ. Մ. Մոսցեպանովի բացատրագիրը Եկատերինբուրգի գավառական դատարանի հարցաշարի պատասխանների փոխարեն

Դեկտեմբեր, 1824 թ.

Իմ գործով հարցաշարի կետերն այնպես են կազմված, որ մի կեսին պետք է նույն պատասխանը տալ, իսկ երկրորդ կեսի ոչ մի կետ թույլ չի տալիս պատասխանել ըստ գործի էության:

Ուստի պատասխանում եմ ոչ թե համարների կարգով, այլ միանգամից բոլոր կետերին, բացի 8-ից ու 19 ու 20-ից:

Ես մերկացրել եմ Նիժնիտագիյան գործարանների կառավարիչներ-

րի չարաշահումները, ինչի համար նրանց կողմից հեռացվել են գործարանային ուսումնարանի ուսուցչի պաշտոնից, իսկ հիմա զրկված են օրենքի պաշտպանությունից և առևված կալանքի տակ: Բանտում ինձ վերով ու տարականներով լի մի խուց են գցել, բաղնիք չեն տանում, ինչից մարմինս պատվել է չիբաններով ու բշտիկներով, նույնիսկ եկեղեցի չեն թողում: Վերակացուները, հերթափոխվելով, գիշերներն անքուն գլխիս ճրագ էին վառում, բանտարկյալները հոտած ձեռքերով ճաշը կեղտոտ կաթսայում են եփում: Արդյունքում կորցրել են առողջությունս, որ կյանքի առաջնագույն բարիքն է, բայց ոչ ոք չի ուզում հաստատել հիվանդությունս, ինչը Գերագույն պատժական օրենսգրքի 109 գլխի պահանջն է:

Կառավարիչ Սիգովն ինձ հետ վարվեց որպես մարդկային ցեղի դահճի ու մեծագույն հանցագործի: Նրա գյաղաները՝ Ոյաբովն ու լեռնային ոստիկանապետ Պլատոնովը, ինձ անշունչ կոճոյի պես հանեցին տևից ու անհագնվել, խալաթով, քարշ տվին փողոցով, որ սարսափի մատնեն ժողովրդին ու հպարտանան իրենց հանդուզն գորեղությամբ: Դա տեսնելով՝ շատերն ինձ կործանված համարեցին: Սարսափահար՝ նրանք կեղծ ցուցմունքներ էին տալիս և հրաժարվում նախկիններից:

Լեռնային վաշտի զինվորները հրաժարվեցին իրենց խոսքից, որ Սիգովը զինվորների երեխաներին ճորտ է գրում ու զինվորների կանանց քշում փայտի չորացման վառարանների մոտ աշխատելու, ինչը Լեռնային կանոնագրքով արգելված է: Վիսնովյան հանքերում աշխատողները հրաժարվել են Ոյաբովի դեմ բողոքից. նա իր գյաղայական ոգևորությամբ ոչ խարի խուզի մկրատով խուզում էր մարդկանց գլուխներն ու մորուքները, որ ոսկու ավազը մազերի մեջ չթաքցնեն: Պատահում էր՝ մազերի հետ կաշին էլ էր քերթում, իսկ հիմա դուրս է գալիս, որ այդպիսի բան չի եղել:

Թուջերկաթի արտադրության վարպետները պատմում էին, որ աշխատանքի դիմաց ստացվող դրամական վարձատրությունից իրենց հաշվին քարածխի ցանցեր են առնում՝ հատը 20 կոպ., կարգադրված է թիակներ ու օղամուղներ սարքել երկաթի համար նախատեսված թուջից: Իսկ եթե երկաթի սահմանված քանակ չեն ստանում, գործիքները ձուլվածք չեն համարվում, ու դրանց համար վճարից պահում է արվում, ինչպես թուջի

ծուլապակասորդի համար: Ոստիկանապետ Պլատոնովը տեր թագավորի աչքն է գործարաններում, պետք է որ աղքատ մարդկանց պաշտպանի իմ փոխարեն, բայց Սիգովին հակառակ բառ չի ասի՝ նրանից պետականի կրկնակի ռոճիկ ստանալով:

Կալվաճքներ չունի, ծագումով՝ զինվորի երեխա է: Ճշմարտանամա՞ն է, արդյոք, որ պետական ռոճիկը հերիքել է Եկատերինբուրգում սեփական զինետուն բացելուն: Կոչվում է «Կուտուզով», ցուցանակին Միխայլո Իլարիոնովիչն է՝ ֆելդմարշալի համազգեստով, բոլոր աստղերով, ձեռքով է անում. թե՛ ներս արի, հարգելի՛ ժողովուրդ, ջրած օդի խմիր իմ ողջության համար:

Սիգովն ու Պլատոնովը սպառնալիքներով մարդկանց ստիպում էին հրաժարվել ինձ բերած բողոքներից: Ով չէր ուզում, փակի տակ էին առնում, սպառնում զինվորության քշելով, հանքահորի աշխատանքով, մտրակահարությամբ, սևանկացումով, Սիբիրով: Ինձ զրպարտել են, թե թույլ եմ եփում արհեստանոցում, որ Պետերբուրգում սպանեմ ոմն բարձրաստիճան անձի, բայց դրան նույնիսկ երդումով չի կարելի հավատալ:

Ց կետին՝ թե ումից եմ իմացել խնդրագրերում նկարագրածներս, պատասխանում եմ առանձին:

Կոմս Դեմիդովի Նիժնիտագիյան գործարաններում ծառայում է բժիշկ Ֆյոդոր Աբրամովիչ Լամոնին, մի բարի հոգի: Մի անտեր շուն կար, թաթը կոտրած, իր մոտ առավ, մի քանի շաբաթ խնամեց ու բաց թողեց: Առավոտյան դուրս է գալիս դարպասից, իսկ փողոցում այնքան այդպիսի հաշմանդամ է հավաքվել, անթիվ-անհամար: Ինչ-որ կերպ իմացել էին, որ այդտեղ օգնություն են տալիս: Մեկի թաթն է կախ, մյուսը մկնատամ ունի կամ աչքի տեղը թարախակույտ է, մի էգի էլ հետույքի կեսը չկա. գործակատար Ոյաբովից է տուժել: Սա որ հարբած է լինում, կացինն առած վագում է փողոցի շների հետևից: Հիմա, եթե շները գիտեն իրենց լավն ու վատը, մարդիկ կիմանան ու կիմանան: Մութն ընկնելուն պես լսում եմ, ոնց են պատուհանս ծեծում: Էնքան բան պատմեցին, որ մինչև մեռնելս պատմեմ չի պրծնի:

Առանձին պատասխանում եմ նաև 11 կետին. օձ ասելով, որը չի ու-

զում հրաժարվել կերից, ինչից փքվում է, նկատի եմ ունեցել Նիժնիտագիյան գործարանների կառավարիչ Սիգովին, իսկ կեր ասելով՝ աշխատավոր մարդկանցից նրա կողոպտած տերունական ու պետական դրամական միջոցները:

19 կետին, թե ով է մղել գրելու խնդրագրերը, և 20-ին, թե ով է հանցակիցս, պատասխանում եմ միասին. մղվել եմ մարդասիրությամբ, իսկ հանցակիցներս են Հիսուս Քրիստոսն ու չորս ավետարանիչները: Ուրիշ ոչ ոք:

Մատվեյ Մոսցեպանովը՝ արդարադատության մինիստր Դ. Ի. Լոբանով-Ռոստովսկուն

Դեկտեմբեր, 1823 թ.

Ձերդ պայծառափայլության բարեհաճությունն իր օգնությանը դիմողներին և ձերդ պայծառափայլության՝ արդարադատության պահապանի կոչումը, ինձ համարձակություն են տալիս ոչ թե ողորմաճություն, այլ արդար դատ խնդրելու եղբորս՝ պաշտոնաթող շտաբս-կապիտան Գրիգորի Մոսցեպանովի համար:

Երկու ամիս տեղեկություն չունեի նրա բանտարկության վայրի մասին և զուտ պատահմամբ իմացա, որ պահվում է Եկատերինբուրգի բանտում: Չփորձելով դիտարկել՝ արդարացի՞ է խլվել ազնվական ռազմիկի ազատությունը, համարձակվում եմ ձերդ պայծառափայլության ուշադրությունը հրավիրել միայն նրա վրա, որ չկա որևէ պատճառ խոչընդոտելու ո՛չ նրա նամակագրությանը հարազատների հետ, ո՛չ կառավարական և նահանգային պաշտոնավայրեր խնդրագիր ներկայացնելուն: Որտեղ օրենքն է մեղադրում, ոչ թե դատողը, կարիք չկա դիմելու արտակարգ միջոցներին: Կողմնակի կերպով ինձ հասած լուրերից երևում է, որ եղբորս դատում են ոչ թե նրա հանցանքների, այլ կոմս Դեմիդովի Նիժնիտագիյան գործարանների կառավարիչների չարաշահումները բացահայտելու համար: Արդյո՞ք այդ մարդիկ չեն նպաստել նրա բանտարկությանը:

Նա ֆինանսների մինիստր կոմս Գուրյևին գրել էր, որ օսմանյան Բարձր Դռան դեմ պատերազմի համար միջոցներ հայթայթելու համար

ԼԵՆԻՆԻ ՅՈՒՋԵՖՈՎԻՉ

հարկ է ուրալյան բոլոր ոսկեհանքերը, ում էլ պատկանեն, վերցնել պետական կառավարման: Եթե այդ նախագիծը հայտնի է կոմս Դեմիդովին, նա կարող է եղբորս դեմ լարած խարդավանքի շարժիչը լինել: Որպես հալածյալի ազգական՝ խնդրում եմ թեթևացնել նրա բանտարկության պայմանները, ինչպես և թույլատրել նամակագրություն հարազատների ու բարձրաստիճան պաշտոնավայրերի հետ, որպեսզի նրան հնարավորություն տրվի արդարանալու իրեն ներկայացված մեղադրանքներից:

Սպասում եմ ձերդ պայծառափայլության բարեգութ որոշմանը:

Պերմի նահանգապետ Կրիդները իշխան Լորանով-Ռոստովսկուն

Մարտ, 1824

Ձերդ պայծառափայլության գրությանն ի պատասխան հայտնում եմ, որ պաշտոնաթող շտաբս-կապիտան Մոսցեպանովը մեղադրվում է Նիժնիտագիլյան գործարանների կառավարիչ Սիզովի և ոստիկանապետ Պլատոնովի դեմ սուտ մատուցությունների համար: Անհաշտ մարդ է, ամեն ինչի մասին չափազանցված, իսկ առավել հաճախ՝ ընդհանրապես անհիմն է գրում: Նրա բողոքների քննությունը ցույց է տվել, որ զրպարտություններ են, դրա համար էլ կալանքի է առնվել: Ներկայումս նրա գործը նախաքննությամբ ավարտված ու փոխանցված է Պերմի վերին գավառական դատարան, իսկ ինքը Եկատերինբուրգից տեղափոխվել է Պերմ ու պահվում է հաուպտվախտում: Հարազատների հետ նամակագրությունը թույլատրվել է:

Բարոնուհի Յուլիա Կրիդները զարմիկին՝ բարոն Կրիդներին

Ապրիլ, 1824 թ.

Նամակիցդ հասկացա, որ քեզ հետաքրքրող Մոսցեպանովը, չցանկանալով ինչ-որ գաղտնիք բացել քո ուղարկած մայրը Չիխաչովին, համա-

ծայնել է այն այլաբանորեն բացատրել և հիշատակել է ինչ-որ օձի մասին: Այստեղից էլ արել են եզրակացությունները: Հիմա այդ Մոսցեպանովը դատի տակ է Պերմում, իսկ դու ծեր հորաքրոջիցդ խորհուրդ են հարցնում, թե ինչպես վարվես նրա հետ:

Ահավասիկ իմ խորհուրդը. գործի դիր ողջ ազդեցությունդ, որպեսզի դատարանի վճիռը բարենպաստ լինի, և նա ազատություն ստանա: Կուզի մեկնել Պետերբուրգ՝ մի՛ խոչընդոտիր: Գուցե և նրա գաղտնիքը ցնդաբանություն է, ինչին վստահ չեմ, քանզի խոսքը կիսալուսնի հանդեպ խաչի հաղթանակի մասին է, բայց եթե հաջողվի ընդունելություն կազմակերպել թագավորի մոտ, իմ սանիկը վերջապես կհասկանա, որ մեր նույնիսկ ամենահեռավոր գավառներում դժգոհություն է հասունանում հունական հարցում նրա քաղաքականության դեմ:

Դու խելացի և միանգամայն ճիշտ են վարվել՝ ոչ մեկին չասելով, որ կռահել են Օձին ջախջախելով՝ Մոսցեպանովի մտադրությունը: Ինքը՝ Օձը, առավել ևս պիտի անտեղյակության մեջ մնա, այստեղ ոչ մի նախագգուշական միջոց ավելորդ չէ: Որևէ աննշան խուսափություն ուղարկիր նրան, և թող մոռանա այդ գործը: Միևնույն է, նրանից երախտագիտություն չես տեսնի, իսկ որ արդեն գիտես իր մականունն ու այլոց սեփականությունն են դարձնում, կարող է մեծ տհաճություններ պատճառել քեզ: Դու իմ զարմիկն ես, իսկ Օձին հայտնի է իր հանդեպ իմ վերաբերմունքը: Նա անգոր է ինձ վնասել, փոխարենը՝ առիթը բաց չի թողնի վրեժը քեզից առնելու:

Չեմ հասկանում միայն՝ ինչո՞ւ են կարծում, թե Մոսցեպանովն ուզում էր Արակչեևի հետաքրքրությունը գրգռել իր թվացյալ գաղտնիքով, որ տեղափոխելին նրա մոտ՝ Պետերբուրգ, ու թունավորեր նրան անձնական հանդիպման ժամանակ: Քեզ հատուկ ողջամտության պարագայում ինչպե՞ս կարող էիր այդպիսի բան մտածել: Ի՞նչ է, խելագարվել՞ ես:

Դա անհավանական է նույնիսկ այն պայմանով, որ քո շտաբս-կապիտանը խելքը թոցրել է: Մայրո Չիխաչովի զեկուցագրից, որ պատճենել են ինձ համար, կարելի է եզրակացնել, որ առողջ է դատում, բայց դա սխալ եզրահանգում կլինի: Հավատա իմ կենսափորձին ու մարդկանց իմացու-

ԼԵՆԻՆԻ ՅՈՒԶԵՖՈՎԻՉ

թյանը, դու գործ ունես մարդու հետ, որն իրեն լիովին հաշիվ է տալիս իր գործողությունների համար: Բոլոր տարօրինակություններով հանդերձ՝ Մոսցեպանովը չի կարող չհասկանալ, որ Օծի գորությունն այնքան մեծ չէ, որ թագավորին հետ պահի հույներին օգնելուց: Կարծում եմ՝ օձ ասելով՝ նա նկատի ունի բոլորովին այլ անձի: Նա ակնարկել է, որ իր գաղտնիքը վերաբերում է թուրքերի հետ գալիք պատերազմին, ինչով պայմանավորված էլ հենց հիշատակվել է սևարյուն օձը: Այո՛, ես և դու չենք սխալվում կոմս Արակչեևի երակներում հոսող արյան գույնի կապակցությամբ, բայց նկատիր, որ խոսքը ոչ թե սովորական, այլ թևավոր օծի մասին է: Չի կարելի բացառել, որ նկատի է առնվում եգիպտական Մեհմեդ Ալիի որդի՝ զեներալ Իբրահիմ փաշան: Եթե այդպես է, ուրեմն միայն ինձ չի բացվել, որ հենց նա էլ Եսայի մարգարեի կանխատեսած թևավոր օձն է: Թները նրա նավերի առագաստներն են: Իմացիր Մոսցեպանովից՝ իրավացի՞ եմ, և եթե այո, թող ասի, որտեղից է տեղեկացել: Դու պետք է որևէ պատրվակով գնաս հաուպովախտ ու երես առ երես հանդիպես նրա հետ, բայց ոչ մի դեպքում չճնշես, թե չէ հեշտությամբ կարելի է փչացնել գործը: Մեկ անգամից ավելի նրա հետ հանդիպել չի կարելի, այլապես կկասկածեն, թե նախաքննությունը շրջանցելով նրանից որևէ բան կորզելու ցանկություն ունես, ու կհայտնեն Պետերբուրգ, հետևաբար մինչև այցելելը պետք է նախապես նրան տրամադրես քո օգտին:

Դատավորներին կարգադրիր ավելի մեղմ վարվել նրա հետ, թեթևացրու նրա բանտարկության պայմանները, ու թող ոչ թե քեզնից, այլ կողքից իմանա, թե ում է պարտական այդ զիջումների համար: Լավ կլինի քեզ մտերիմ աստիճանավորներից որևէ մեկը հաուպովախտի տեսչական ստուգման ժամանակ, ասես պատահաբար, նրա ներկայությամբ ասի, որ դու էլ հելլենասեր ես: Գիտեմ, որ այդպես չէ, բայց ոչինչ չես կորցնի, փոխարենը՝ կշահես նրա վստահությունն ու կմղես անկեղծության:

Արդյունքների մասին, անշուշտ, չես մոռանա տեղեկացնել քեզ սիրող հորաքրոջդ:

Գրիգորի Մոսցեպանովը Նատայա Բաժինային

Մայիս, 1824 թ.

Փառքը շատ, տե՛ր Աստված, Պերմում եմ, հաուպտվախտում, իսկ դա արդեն այն չէ, ինչ բանոր: Բաղնիք կա, քարե վառարանին սպիտակեղեն ախտահանեցի, ու ոջիլները համարյա լրիվ վերացել են: Անկողին են տվել, տոն օրերին մտով շջի են եփում, կիրակի տանում են եկեղեցի ու թողնում գնումների: Մատվեյ եղբայրս փող է ուղարկել, կարող եմ սրտիս ուզած ուտելիքն առնել: Ուղեկցող զինվոր են դնում հետս, բայց առանց հրացանի: Մի կոպեկ եմ տալիս, ամբողջ առաձս հետևիցս բերում է: Իսկ ես՝ պարուտիրոջ նման:

Թույլ են տվել նամակները հանձնել փոստատուն, ճիշտ է, պայմանով, որ դատարանի քարտուղարը նախապես կարդա: Կնիք է դնում, որ թույլատրվում է ուղարկել, առանց դրա չեն ընդունում: Վճարը քաշով է: Մինչև Պետերբուրգ լոտը հիսուն կոպեկի է հասնում, մինչև Կազան՝ 23 կոպ.: Մինչև Նիժնիտագիլյան գործարանները սակացուցակ չկա, վերստերով հաշվել են 18 կոպ.: Որոշեցի ինքս հաշվեմ, ստացվեց 14 կոպ., բայց հետները չես վիճի: Փաթաթելն ու կնիքներն էլ էժան չեն: Կնքամուն առանց ժլատության են լցնում, ծրարների համար ծանր թուղթ ընտրում, ու կշեռքն էլ փչացած է՝ ինչ ասես ցույց է տալիս:

Հաուպտվախտում, ինձ չհաշված, երկու կալանավոր կա, սպաներ են: Մեկը կնոջն է սպանել, երկրորդը գող է, պետական ունեցվածքը ջիւղներին է ծախել: Սա ձանձրույթից մեզ թղթախաղի տարբեր տեսակներ է սովորեցնում, բայց դու ինձ համար մի վախեցիր, փողով չենք խաղում: Նա ուրախ կլիներ, բայց ես էլ հիմար չեմ, տեսնում եմ, որ նրա կապուկը գործարանային չի: Դամաները չորսաչքանի են, երկրորդ գույզը՝ ճակատին, սրտի թագավորի մի թուշը մյուսից հաստ, ասես փտած ատամից ուռած լինի: Շապիկները, գաղտնահիշերը թաքցնելու համար, այնպես գույնզգույն են անում, որ աչքերդ խժբժում են:

Պերմում տեսնելու բան չկա, Կամայից բացի: Իհարկե, Պետայրը չի, Պետայրին չի հասնի, ոնց որ՝ երկնքի աստղերին, ասին էլ տկյոր է՝ խոտ ու

ԼԵՆԻՆԻ ՅՈՒՋԵՖՈՎԻՉ

կավահող, Կիևի բլուրների հետ չես համեմատի, բայց նույնքան զառիվեր է, պարզ եղանակին զառիթափից երևում է ոնց են հակառակ ափին անտառները կապույտ շարքերով կանգնած մինչև հորիզոնը: Ու եթե տաք քամի էլ փչում է, շունչդ կտրվում է արծակույթունից, ասես հարյուր տարվա անփորձանք կյանք է խոստացվել:

Ուրիշ լավ բան չկա:

Քարի տները քիչ են, քարաշեն եկեղեցիներն՝ ընդամենը երկուսը: Մի մաքուր պանդոկ կա Ռազգույայ տեղավայրում, գինետներն էլ էնտեղ են, բայց ես չեմ գնում ու չեմ խմում: Միայն մեկ, թե երկու անգամ եմ մտել՝ հարցնելու, թե խմիչքն ինչ արժի: Եվ ինչ ես կարծում: Ակցիզայինը, ոնց որ ամեն տեղ, շոռֆը 30 կոպ., իսկ քաղցր օղիները, մրգօղիներն ու թրմօղիները, որ ազատ գետրով են, Պերմում ավելի էժան են, քան մեզ մոտ՝ գործարաններում: Մեզ մոտ թանկ են, որովհետև տարբերությունը Միգովը գրպանն է դնում:

Ուտելիքը նույնպես էժան է, մանավանդ աղածոները: Միս ամեն կիրակի չեն ծախում, գլխավոր ապրանքը ձուկն է, այդ էլ ուտում ենք, չնայած ես ձկան մեծ սիրահար չեմ: Միշտ մեկը կգտնվի, որ տաս տապակելու:

Մայիսը վերջանում է, գիշերները լուսավոր են, ինչպես Պետերբուրգում: Քաղաքամերձ այգում շիկահավեր են երգում, դեղևափորիկներ, սոխակներ: Լսում եմ ու երագում, թե ոնց եմ պառկելու քեզ հետ: Իմ գործն անսպասելիորեն բարենպաստ ընթացք ստացավ: Դատարանականները հարգալից են, չեն գոռում վրաս, ոտները գետնին չեն տալիս: Դրանից, ինչպես և ինչ-ինչ ակնարկներից կարծիք եմ կազմել, որ նահանգապետը՝ բարոն Կրիդները, իմ կողմն է բռնել: Հուսամ՝ աշխատ կողմը բաց կթողնեն:

Աշխատն այստեղ Աստրախանից պարսկական հյուր է սպասվում խոլերա մորբուս, բայց այդ ժամանակ արդեն տանը կլինեմ: Չհասցնեմ էլ՝ ոչինչ: Չեմ հիվանդանա, եթե աղածո չուտեմ, փոխարենը՝ դատարկ փորին մի գդալ տրորած բոդկ: Ասում են, օգնում է նաև, եթե դարպասին դրսից մեծ տառերով կավիճով գրես. «Տանտերերը տանը չեն»: Ենթադրվում է, որ խոլերան, չնայած պարսիկ է, բայց ռուսերեն կարդալ գիտի: Կկարդա ու կողքով կանցնի:

Խղիերան ներքևներից այստեղ բարձրանում է Վոլգայով, Կամայով, իսկ Ղնեպրով՝ ոչ: Ղնեպրի ջուրը պղտոր չի, ինչպես այստեղի գետերում, այլ անուշահամ ու այնքան մաքուր, որ երեք սաժեն խորության վրա արևի շողերը հատակն են հասնում: Հիշում եմ՝ երեխա ժամանակ ծնողներիս հետ լողում էի նավակով, ու հատակի ավազներում մի արծաթադրամ փայլեց: Բայց չես հասնի՝ խորն է:

Ղնեպրի ափին, Կիևից ներքև պապիս խուտորն էր՝ մեղվակնոցով: Մենատնտես էր, ծանր աշխատանքից չէր խորշում: Երեխա ժամանակ ես ու Սատվեյ եղբայրս նրա մոտ էինք ապրում: Այդ ժամանակ անտառներում դեռ արջեր կային, ու մեկը սովորություն էր դարձրել՝ գիշերները մեղվակնոց էր գալիս: Իրար հետևից փեթակներն ավերում, մեղրը ուտում էր: Պապի համբերությունը հատեց, իրիկվակնից հրացանը ձեռքին նստում էր դարանում: Երկու գիշեր նստեց, երրորդին ի՛նչ տեսնի լուսնի լույսով, աչքերին չի հավատում. հարևանն է գալիս, ձեռքին՝ արջի չորացած թաթ: Փեթակները կտորեց, մեղրը հանեց, փեթակի կտորտանքը քերծոտեց չանչերով: Պապը չէր կրակել, բայց առավոտյան հարևանների հետ ներս ընկան նրա խրճիթը: Գողացած մեղրը խլեցին, գողին ձեծեցին, այնպես, որ արյուն էր խորխում, իսկ արջի թաթը խաղալու տվին ինձ ու եղբորս, միայն թե ինձ մեծ փորձանք եկավ դրանից: Հենց պառկում էինք քնելու, Սատվեյը, ինձնից հինգ տարով մեծ էր, վախացնում էր, թե, այ, հենց քնես, թաթը կմոտենա, կբռնի կոկորդոդ ու ճանկերով մինչև փորդ կծնի: Վախից դողում էի: Գիշերները չէի քնում, ականջ էի դնում՝ մոտ չի՞ գալիս: Մի անգամ անձայն դուրս եկա անկողնուց, որ իմ տեղում չգտնի, ու փախա այգի, վախից մոլորվեցի երեք խնձորենու արանքում, սկսեցի գոռալ, մինչև որ մայրս վազեց-եկավ: Հետո այդ թաթը գցեց վառարանը:

Այսքան տարի է անցել, իսկ ի՛նչ է փոխվել:

Մենք բոլորս մանուկներ ենք անցավոր աշխարհում՝ կորել ենք մթան մեջ, դեսուդեն ենք ընկնում, ճշում ենք, լալիս: Մեկը չկա, որ ձեռքներս բռնի ու տանի տուն:

Պարապությունից շատ բան է հիշվում: Հիշում եմ պապիս փեթակները, սիրում էի մենակ խաղալ դրանց արանքում, իսկ անկողնում, քնելուց

առաջ, պատկերացնում էի, որ այնտեղ փոքրիկ մարդուկներ են ապրում մեղվի թևիկներով. դուրս են թռչում, պտտվում օդում կամ նստում փեթակի աջքին, ինչպես դարպասատակի նստարաններին, դզում են, ծիծաղում, ու ես էլ նրանց պես եմ, իմ տևակն ունեմ:

Եվ ի՞նչ:

Մազերս թափվել են, բայց իմ տունը չունեմ: Պետական տան մեջ եմ ապրում, քնում տախտակներին, լափում փայտե տաշտից, խոզի նման:

Ավելի ուշ մարդուկ-մեղուները ձանձրացրին ինձ ու փեթակ-տևակի փոխարեն նախաքնի երազանքներիս համար սեփական քաղաք հորինեցի: Կանգնած է սարի գլխին, շրջապատված աշտարակավոր պարսպով: Ներսը՝ փողոցներ, տները՝ քարաշեն, հրապարակում տաճար, համալսարան, ինչպես Կազանում, իսկ բնակիչները շատ չեն: Ես նրանց գլխին ցար չեմ, բայց դրա պես մի բան եմ, չնայած դատ ու դատաստանի կարիք չկա, եղբայրաբար ենք ապրում: Իսկ շուրջը անչափելի ուժի թշնամիներ են, մեր քաղաքը նրանց հորդանների մեջ՝ կղզի ծովում: Ծովն ուզում է ծածկի, մուլեզնում է, ելնում ժայռերն ի վեր, բայց ժայռոտ լեռը բարձր է, պարիսպն՝ ամուր:

Մի անգամ հարցրիր՝ ոնց է լինում, որ պառկում ու մի բուպեից արդեն քնած եմ: Ասում էիր՝ այ ես էլ եղպես կարողանայի: Ասացի, որ դա մաքուր խղճից է. քանի չէի սկսել ինդրագրերս ուղարկել, ժամերով անքուն շուռու-մուռ էի գալիս: Իսկ ճշմարտությունը լրիվ այլ է:

Արդեն երեսուն տարուց ավելի, համարյա ամեն երեկո, բմբուլի ներքևակին պառկած, թե տախտակներին, ինչպես այստեղ, կամ էլ չոր գետնին, ինչպես արշավանքների ժամանակ էր պատահում, շրջվում եմ բոլորից, երկու ձեռքերիս մատները պահում աջքերիս առաջ, շարժում, ասես մատներ չեն, այլ ինձնից սիրված, ինձ սիրող կենդանի մարդիկ, ընկերներս կամ հպատակներս, եթե ինձ ցար համարեմ, կամ էլ երկուսը միասին. ասենք, այստեղ կարևորը դա չի, ապրում ենք սիրով, աստիճանով չենք չափվում: Հետո փակում եմ աջքերս և ահա արդեն լեռան գագաթին եմ, իմ քաղաքում, և որքան վառ ու կենդանի եմ տեսնում այդ ամենը, այնքան արագ եմ քնում, չնայած կարծես հակառակը պիտի լինի:

Աշխարհում ոչ ոք չգիտի իմ այդ գաղտնիքը, նույնիսկ հարազատ եղբայրս: Առանց ամաչելու ո՞ւմ կասես, որ մազերդ ճերմակել են, բայց դեռ մատներդդ հեռ են խաղում: Այսուհետև միայն դու կիմանաս:

Քո պատիև իմ նկարև Է կախված, եթե գրասենյակ չեն տարել: Վիմագրված Է Աթենք քաղաքը, քեզ պատմել եմ նրա մասին: Վերևում ժայռ Է՝ ամրոցով, ավելի վեր՝ Պարթենոնը: Կողքից թուրքերը մզկիթ են սարքել, բայց եթե մզկիթը հանենք, իսկ Պարթենոնի գլխին խաչով գմբեթ դնենք, ճիշտ այն քաղաքը կլինի, ուր քնելուց առաջ գնում եմ:

Չգիտեմ՝ քեզ երազ գալի՞ս եմ, թե ոչ, բայց երեկ երազիս քեզ տեսա, իբր ինձ ընդառաջ են գալիս քամուց թրթռացող միտակ շապիկով: Շապիկի տակ կրծքերդ, ոնց որ խնձորներ՝ տերևների տակ:

Միայն թե քո մաքրությամբ չփորձես ամաչել, որ դատարանի քարտուղարը սա քեզից առաջ Է կարդացել: Չի համարձակվի դունչը խոթել էստեղ: Քսան կոպեկով՝ առանց կարդալու կնիքը կխփի, որ նամակս փոստ տանեն, քսան կոպեկի հերև էլ անիժած:

Ստորև գրում եմ պաշիկ ու շրջանակի մեջ առնում:

Ես շրթունքներս հալել եմ այդ տեղին: Դու էլ էդտեղ թուղթը պաշի, ու կստացվի, որ համբուրվեցինք:

Նատալյա Բաժինայի խոսակցությունը Գրիգորի Մոսցեպանովի հետ

Հունիս, 1824 թ.

Նամակ ուղարկեցի ձեզ, բայց շա՞տ բան կգրես թղթին:

Ահա Երուսաղեմ մուտքի եկեղեցու զանգերը իրիկվա պատարագի են կանչում: Մեծ զանգը գվվաց, իսկ ապակին շրջանակում ճաքած Է, նվաց ի պատասխան: Ճիշտ այդպես հոգիս Է նվում, երբ մտածում եմ ձեր մասին:

Ձեր նամակը տասն անգամ կարդացել եմ, տասն անգամ համբուրել: Տա Աստված, աշխան դեմ կգաք: Ամառը ծմեռ չի, արագ կանցնի: Միայն վախենամ՝ Կամայի ծուկը ձեզ վնաս տա: Դրա մեջ, ասում են, խոզի ճիճու կա: Գրել եմ, որ տապակած չուտեք: Խաշած կերեք ու հետևեք, որ լավ ելիեն:

ԼԵՆԻՆԻ ՅՈՒԶԵՖՈՎԻՉ

Դուք իմ եփութափից միշտ լավն եք տեսել, լսեք խորհուրդս: Նույնիսկ մայրս այդ հարցերում լսում է ինձ: Հիմա մեղա է գալիս, որ աղջիկ ժամանակս թակում էր աշխուժության համար: Որ սկսում էր, էլ վերջ չկար. «Էլի ատամներդ բացել ես, քեզանից բարի բան դուրս չի գա, Նատա՛շկա»: Հիմա սսկվել է: Իրանից վատ տնարար ու տնտես չեմ, ատամներս էլ՝ փակ: Տխրեցի մարդու գնալուց հետո:

Հարսանիքից հետո տալերս սկսեցին բակում ամանները լվալ, իսկ ես որոշեցի հասաք անեմ, ասեցի. «Ձեր տանը, ի՞նչ է, ամանները լվանում ե՞ն»:

Չարմացան. «Բա ձեր մոտ ի՞նչ են անում»:

«Մեր մոտ,- ասում եմ,- կեղտոտները շաքտում, նորերն են առնում»:

Վերցրի մեկը ու ցանկապատի վրայով շաքտեցի փողոց:

Դե, մարդս հետո ինձ աման շաքտել ցույց տվեց: Չորս տարի իրար հետ ապրեցինք: Ամեն շաբաթ օր թունդ հարբում ու ձեռն ընկածով դաս էր տալիս ինձ, դրանից էլ աղջիկս մեռած ծնվեց, ու մեկն էլ վիժեցի: Եթե ձեզ հետ ուրախ էլ էի լինում, նախկին ուրախության համեմատ կաթիլ է ծովում: Առանց ձեզ եղ էլ չէր լինի:

Հայրս, երբ դեռ ազատական չէր ստացել, ինձ մեխի արհեստանոցում գործի տվեց: Ուրիշ աղջիկների հետ էստեղ մանր մեխ սարքել սովորեցի, դրա դիմաց ախպորս զինվորությունից ազատեցին: Քանի ամուսինս կար, տանն էի, իսկ հիմա դարբնոցում ուրիշ գործ եմ անում՝ մաշված երկաթե թիակներից շերեփ ենք սարքում: Փող ունեմ, ու Մատվեյ Մաքսիմովիչն էլ հինգ ռուբլի է ուղարկել: Նրա ուղարկածով լաթակտորներ եմ առել, բարուրներ կարել ու տարել մանկատուն, չնայած երեխեքն էստեղ առանց ինձ էլ վատ չեն ապրում: Թող ձեր հոգին չցավի նրանց համար: Միգովը նախկին դաստիարակներին դուրս է արել, նորերն է հավաքել: Երեխեքը նրանց օրոք կուշտ են, տիրոջան կովերի կաթ են խմում. նրանցից, որ աշնանն են մեր մոտ բերել՝ մայրը Չիխաչովի հետ նույն օրը:

Իմ համար էլ չանհանգստանաք: Ինձ ի՞նչ պիտի պատահի: Ֆեդենկային տատն է նայում. կուշտ է, ինամված, իսկ մաշված բահերն էսօր կան, էգուց՝ չէ: Շաբաթը երկու, երեք օր տանն եմ. նստում, ձեզ եմ կարոտում:

Ձեր քաղաքը կախված է պատիև, ունց որ ձեր ժամանակ: Ձեր ունեցվածքը, որ մնացել էր մոտս, գրասենյակ են տարել, միայն ձեռնափայտը թաքցրի ու էդ նկարի մասին ասեցի, որ իմն է: Ոյաբովը չէր հավատում, իսկ ես շրջանակից կախվեցի, չեմ տալիս: Ղե, նա էլ թթեց ու թողեց:

Ամբողջով սարի տակ փոքրիկ մարդուկներ են նկարած. մեկը զբոսնում է, մյուսը այծին է քշում կամ կուժը ձեռին ջրի է գնում: Ֆեդենկան սիրում է դրանք նայել, իսկ ես ուրախանում եմ, որ էդպիսի լավ տղա է: Հորը չի քաշել:

Ձեր բանտարկության նախորդ իրիկունը նրա համար չոր սիսեռ կրակող փոքրիկ թնդանոթ էիք սարքում: Ինչ-որ կեռիկ ոչ մի կերպ չէր ստացվում, էդ ժամանակ գրկեցիք Ֆեդկային ու ասում եք. «Գիտես ինչ, եղբայր, արի գնա քնելու: Ես հիմա ամեն ինչ կվերջացնեմ ու բարձիդ տակ կդնեմ: Առավոտը կզարթնես, կտեսնես՝ թնդանոթ է: Ո՞նց ես կրակելու»: Ես պառկեց քնելու, իսկ դուք ալարեցիք էդ կեռիկը տեղը զցեք, ինձ քաշեցիք անկողին: Ուզում էիք առավոտը շուտ վեր կենաք ու վերջացնեք, ու հենց էդտեղ էլ Պլատոնովը եկավ՝ զինվորների ու Ոյաբովի հետ: Ֆեդենկան սպասում է ձեզ, աչքը ջուր կտրեց, իսկ իմ մասին՝ էլ չասեմ:

Մի անգամ, աղջիկ երեխա էի, հայրս հետը տարավ Վերխոտուրյե, տոնավաճառ: Անցնում ենք վաճառատեղանների շարքերով, նա լծվածքի գին է հարցնում, իսկ ես ոտերիս տակ եմ նայում, ունց որ էդպիսի տեղերում բոլոր երեխաները. երագում եմ կորցրած փող գտնել կամ էլ մի ուրիշ լավ բան: Շուրջը՝ լիքը ժողովուրդ, անասուններ են քշում, աղմուկ, թխկոց: Հորիցս պոկ չեմ գալիս, վախում եմ կորեմ: Մեկ էլ տեսնեմ մի մկնիկ է վազում: Պուճուր, գորշուկ: Դաշտի մուկ չի: Էդպեսները տներում են ապրում կամ խանութներում: Ըստ երևույթին բնից դուրս եկել ու մոլորվել է, վախից ընկել առևտրաշարքերը: Կամաց շվացրի նրան, ու հերիք չի բազարի աղմուկում լսեց, դեռ հասկացավ էլ, խելո՞ք, որ իրան եմ կանչում: Կանգնեց, մոռոթիկը դեսուղեն արեց, տեսավ ինձ ու աչքերի հուլունքներով ուղիղ ինձ է նայում:

Նրա համար եմ պատմում, որ երբ դուք նոր էիք տեղափոխվել իմ տուն, ու մեր միջև դեռ ոչինչ չկար, Կազյոնսի դվորի մոտով էի անցնում,

ԼԵՆԻՆԻ ՅՈՒԶԵՖՈՎԻՉ

որտեղ նույնպես կրպակներ են, ժողովուրդ է հավաքվում, ու թիկունքից տեսա ձեզ: Անցնում էիք Սիդորկա Վանյուկովի հետ, ում մասին ասում էին՝ ձեր լավագույն աշակերտն է, ինչ-որ բանի մասին էիք խոսում, ու ես՝ հիմարս, չգիտեմ՝ ինչի, շշուկով տվեցի ձեր անունը: Մինչև ձեզ մի քսան քայլ կար, եթե ոչ ավելի, ոչ մի կերպ չէիք կարող լսել, բայց չգիտես ինչի լարվեցիք, սկսեցիք շուրջը նայել, նկատեցիք ինձ ու ժպտացիք: Ես ձեր էդ ժպիտը մինչև մահ չեմ մոռանա: Այն հիմա էլ տաքացնում է սիրտս:

Բանջարանոցն եմ փորփրում, իսկ մտքերս թռչկոտում են՝ մկնիկից կատվին: Հիշեցի ոնց Ֆեդենկային հանելուկ տվեցիք կատվի ու յոթ կատվածագերի մասին: Տերը նրանց համար ցանկապատի մեջ շարքով ութ անցք է անում, որ ազատ բակից բակ անցնեն. մեծ անցքը կատվի համար, դրանից փոքրը՝ մեծ ձագի, ու էդպես հերթով: Յոթերորդի՝ ամենափոքրի համար, ամենափոքրիկ անցքը:

Հարցնում եք Ֆեդկային. «Ճի՞շտ է արել տերը»:

Ասում է. «Ճի՞շտ է»:

Գլխի չէր ընկել հիմարիկը, որ մայրիկի հետևից բոլոր ձագերը մեծ անցքով կանցնեին: Ես էլ միանգամից չհասկացա:

Իսկ ինձ ասացիք. «Հենց այդպես էլ կա, ամեն կենդանի արարած ուզում է իր անցքով անցնել»:

Ես այն ժամանակ հասկացա, որ ձեր մասին ու իմ մասին եք ասում:

Գրում եք, որ երազում ինձ տեսել եք խնձորի նման կրծքերով, բայց դա տղամարդկային սովից է: Մի կես տարի էլ բանտում մնաք, ծմերուկի չափ կրառնան: Մեծ էին, քանի հոյի էի Ֆեդենկայով, հետո էլ կերակրում էի, հիմա արդեն էն չի: Այ, եթե ձեզնից երեխով մնամ, էն ժամանակվա պես կլինեն:

ԱԼԵՔՍԱՆՊՐԻԱ

Իգնատի Ելովակի: Ալեքսանդր I կայսեր կամեր-քարտուղարի մատյան

Հուլիս, 1824 թ.

Թագավորի մոտ մի ձեռագիր տեսա, առաջին թերթին վերևագիրը՝ «Նշումներ Եգիպտական Ալեքսանդրիայի պատմության վերաբերյալ»: Մտածեցի, որ հետաքրքրության պատճառը Մեհմեդ Ալիի ու նրա որդու մասին բարոնուհի Կրիդների նամակն է, և չէի սխալվում:

«Կոստանդիսից եմ վերցրել,- հայացքս որսալով՝ ասաց նա:- Հարցրի Իբրահիմ փաշայի, Ալեքսանդրիայի մասին, և նա ասաց, որ իր մոտ պահպանվել են հոր նշումները այդ քաղաքի մասին: Նրա հայրը ծնունդով այդտեղից է: Կարդա, հետո կասես կարծիքդ»:

Երբ նա առաջարկում է որևէ բան կիսել իր հետ, լինի գեղեցիկ բնապատկեր, թե սեփական ձեռքով հավաքած մի գավաթ մորի, այնպես եմ հուզվում, որ նույնիսկ չի կարելի ուրախություն անվանել: Ուղղակի հանկարծ դժվարանում է շնչելը:

Ձեռագիրը մեծ չէր, մի երեկոյի ընթացքում կարդացի:

«Ալեքսանդրիայի բարգավաճումը,- գրում էր Կոստանդիս-ավագը,- կապում են առևտրային ուղիների խաչմերուկում ունեցած նպաստավոր դիրքի և ներգաղթողների մշտական հոսքի հետ, բայց հին հեղինակները համարում էին, որ ամեն ինչի ակունքը դինաստիայի նախահայր, Ողիսևսի պես հնարամիտ Պտղոմեոս Լագոսի հանդգնությունն է: Նա պնդում էր, որ մոտ և, հասկանալի է, արյունակցական կապ ունի Ալեքսանդր Մեծի հետ, չնայած իրականում այն տեսակից էր, որին Ռուսաստանում ասում են նա-

ԼԵՆԻՆԻ ՅՈՒՋԵՖՈՎԻՉ

պաստակի ջրի ջուր: Այդ ժամանակներում միայն ընդհանուր նախնիների առկայությունն էր իդեալների ընդհանրություն երաշխավորում, իսկ Պողոս-մենոս իրեն ներկայացնում էր Ալեքսանդրի միակ ժառանգորդ, նրա գործի շարունակող: Նրա հավակնությունները հիմնվում էին նաև այն բանի վրա, որ հենց Ալեքսանդրիան էր դարձել քաղաքին իր անունը տված հիմնադրի վերջին հանգրվանը:

Ալեքսանդրը մահացել էր մալարիայից, Բաբելոնում, Ք.ա. 323 թվականի ամռանը: Չինակիցներն անմիջապես անցան ժառանգությունը կիսելուն, ու երեսուն օր, քանի կռվշտում էին, արքայի մարմինն անթաղ էր: Հանգուցյալը պառկած էր չօղափոխվող հեղձուկ շիկության մեջ, բայց քայքայման որևէ հետք չհայտնվեց: Դա վկայում էր Չևս-Ամոնի որդու աստվածային բնույթի մասին:

Ժամանակակիցներին բարոյական դաս տալու համար հնագույն հեղինակները դիմել էին չափազանցումների: Բարոյախոսությունն ինքնին բխում էր մեռյալի անդորրության և ողջերի փութագարության հակադրությունից, Ալեքսանդրի՝ ոգի դարձած մարմնի և նրա ժառանգների՝ մարմնի կարիքների մեջ թաղված ոգու հակադրությունից: Իրականում դժվար թե հուկիսյան տապին նրանք չմտահոգվեին մարմինը քայքայումից պաշտպանելու մասին: Հույները կարողանում էին մարմինը նեխելուց պահպանել՝ դիակը սուզելով հեղուկ մեղրի մեջ. ըստ երևույթին հենց այս դեղատոմսով պահպանված մարմինն էլ պառկած էր ինչ-որ տեղ՝ սպասելով հուղարկավորության: Դիադոնները նրա մասին մոռանալ չէին կարող, պարզապես չգիտեին ինչ անել: Հուղարկավորման տեղի խնդիրը անքակտելի էր նրա հանճարով հիմնված կայսրության ճակատագրի հարցից:

Տևական վեճերից հետո համաձայնության եկան, որ գերագույն իշխանությունը կհանձնվի արքայական ընտանիքին, Պերդիկասը կդառնա ընտանիքի հովանավորը, մյուս բարձրագույն հրամանատարները ի կառավարում կստանան առանձին մարզեր: Արքայի վերջին հանգրվան նշանակեցին նրա հայրենի Պելլան, բայց նոր էին համաձայնության եկել, երբ պայծառատես Ալեքսանդրը՝ Թելմասից, գժտության նոր խնձոր նետեց մակեդոնական գեներալներին: Իբր Չևս-Ամոնը իրեն մի մեծ գաղտնիք է

բացել. քանզի Ալեքսանդրը երջանկագույնն էր երկրային տիրակալներից, ապա նրա աճյունն ընդունող հողին վիճակված է երջանկություն ու հավերժ բարգավաճում:

Փխրուն պայմանավորվածությունը փուլ եկավ, վեճերը վերսկսվեցին: Մինչև այդ արքայի աճյունը ոչ մեկին չէր հետաքրքրում, հիմա պետք եկավ բոլորին: Ոչ ոք զիջել չէր ուզում. վերջապես Պտղոմեոս Լագոսը գիշերով գողացավ Ալեքսանդրի մարմինն ու շտապեց հասցնել բաժանման ժամանակ իրեն հասած Եգիպտոս:

Կորուստն ավելի արագ հայտնաբերեցին, քան նա սպասում էր. Պերդիկան մի մեծ հեծելազորային ջոկատով նետովեց հետապնդման: Տեղեկանալով դրա մասին՝ Պտղոմեոսը, որը բավարար ուժեր չունեի ավարը մարտում պահպանելու համար, կարգադրեց կավից մարդահասակ տիկնիկ պատրաստել, արքայական հանդերձներ հագցնել և դնել ոսկեհուռ ու փղոսկրյա դիապատգարակին, որը տեղավորեցին նույնքան շքեղ մարտակառքի վրա: Կավե արքայի թափորը շարունակում էր ընթանալ գլխավոր ճանապարհով, իսկ դիակով սայլը քշեցին խուլ շրջանցիկ ճանապարհներով: Պերդիկան հասավ կեղծ սգո թափորին ու վերադարձրեց Բաբելոն, բայց կեղծիքը միանգամից չբացվեց: Ժամանակը բաց էր թողնված. անգին մասունքին տիրեց Պտղոմեոսը:

Մեմֆիսում, Պտախի տաճարում, քրմերը զմուտեցին արքայի մարմինը: Հետո ուղարկվեց Ալեքսանդրիա, որտեղ հոյակապ դամբարան էր կառուցվել: Համարյա երկու հարյուր տարի Ալեքսանդրը պառկած էր ոսկյա սարկոֆագում, որը դրված էր մի ուրիշ՝ մարմարե սարկոֆագի մեջ: Պտղոմեոս XI-ը ոսկյա դագաղը փոխարինեց պղնձե դագաղով, իսկ ոսկուց դրամ հատեց, որ տա սիրիական վարձկանների ռոճիկը, բայց այդ ժամանակ էլ դեռ դամբարանը գլխավոր պետական սրբատեղին էր: Այնտեղ էին կատարվում կրոնական ծեսերը, բոլոր կողմերից այնտեղ էին հոսում ուխտավորներն ու զբոսաշրջիկները:

Արիստանդրեսի կանխագուշակությունը կատարվեց. Ալեքսանդրիան դարձավ աշխարհի ամենահարուստ քաղաքը: Երեք դար շարունակ թշնամին ոչ մի անգամ չմոտեցավ նրա պարիսպներին: Հյուսիսում բարձրացավ

Հռոմի աստղը, սակայն մեռած Ալեքսանդրը պահպանում էր քաղաքը նաև Աստիգոնյանների, Մելևկյանների և իր այլ հետևորդների թագավորությունների՝ հռոմեական պրովինցիաներ դառնալուց հետո: Արքայատոհմի վախճանը վրա հասավ, երբ վնասվեց նրա իշխանության առիավատչյան: Երբ Մարկոս Աստոնիոսի գործը ջախջախվեց, և ինքն էլ նետվեց սրի վրա, Օկտավիանոս Օգոստոսը, Ալեքսանդրիայում իջնելով նավից, չբավարարվեց դամբարանի արտաքին զննությամբ ու ներսը տեսնելու ցանկություն հայտնեց: Ոչ ոք չընդդիմացավ սրբապիղծ հետաքրքրասիրությանը. սարկոֆագը բացեցին, բայց դա քիչ թվաց Օգոստոսին, սկսեց շոշափել Ալեքսանդրի դեմքն ու պատահմամբ ջարդեց քիթը: Նույն երեկոյան Կլեոպատրա VII-ը՝ Պտղոմեոսների տոհմի վերջին թագուհին, մեռավ իժի խայթոցից:

Խոսելով Պտղոմեոսների մասին՝ չի կարելի չհիշել նրանց սիրեցյալին՝ Սերապիս աստծուն, ճակատագրի հետ մարտողների աստծուն: Ճակատագրի բոլոր հալածյալները, իրենց կանխորոշված բախտից խուսափել ցանկացողները հելլենական աշխարհի տարբեր ծայրերից հասնում էին Ալեքսանդրիա, Սերապիում, խմբվում իրանին օձ փաթաթած, ոսկեզօծ գլխով ու ակնախոռոչներում շափյուղաներ կրող այդ աստծո վիթխարի արձանի առջև: Պտղոմեոս Լագոսն այդպիսին էր տեսել Սերապիսին երագում և կարգադրել էր քանդակել մարմարից: Պտղոմեոսները նրան այլ աստվածներից առավել էին պաշտում:

Ընտանեկան ավանդույթով օրինականացված արյունապիղծ ամուսնությունները, որոնք կոչված էին ընտանիքն առանձնացնելու այլ մահկանացուներից, բերեցին նրան, որ ընտանիքի անդամներից յուրաքանչյուրը յուրաքանչյուրի, ինչպես և ինքն իր հետ հնարավոր բոլոր աստիճանների ազգակցության մեջ էր: Բոլոր եգիպտական արքաները, ծննդյան ինչ անուն էլ կրեին, գահ բարձրանալիս դառնում էին Պտղոմեոսներ, թագուհիներ՝ Կլեոպատրաներ: Այլ խոսքով՝ միշտ գահակալում էին մի տղամարդ և մի կին, որոնց անցողիկ երկրային հատկությունները ոչ մի դեր չէին խաղում: Մահից հետո նրանք, ինչպես եռացող կաթով կաթսայից, աճյունից հառնում էին նորոգ կյանքով և անոչնչանալի բնությամբ: Ալեքսանդրի մու-

միան նրանց բարգավաճում էր ապահովում: Սերապիսը թույլ էր տալիս խուսափել ճակատագրի կամքից, իսկ արյունապղծությամբ սովորել էին կանգնեցնել բուն ժամանակը:

Ո՛չ հին Պելլան, ո՛չ Անտիոքը, ո՛չ Սիրակուզան ի գորու չէին մրցակցելու Ալեքսանդրիայի հետ: Նրա փարոսը աշխարհի հրաշալիքներից էր, նրա պալատներն ու այգիները ցնցում էին երևակայությունը, Սուսեյոնը հելլենական հանճարի տարատեսակ պտուղներ էր տալիս՝ բանաստեղծություններից մինչև մեխանիկական խաղալիքներ, բժշկական դարմաններից մինչև ռազմական մեքենաներ ու տիեզերածնության տեսություններ, բայց եթե Ալեքսանդրիան համեմատենք գլխի, իսկ Եգիպտոսը մարմնի հետ, ապա դա տղամարդու գլուխ էր՝ կցված երեխայի, թե անկար ծերունու մարմնի: Մայրաքաղաքից հինգ-վեց մղոն այն կողմ սկսվում էր մի ուրիշ աշխարհ, այնքան տարբեր, ասես գլուխը նրա մասը չէր: Հույնը, Ալեքսանդրիայից Նեղոսով բարձրանալիս ասում էր. «Գնում եմ Եգիպտոս»: Հոմեացին երբեք չէր ասի, որ Հոմից մեկնում է Իտալիա, ինչպես որ եգիպտացին չէր բաժանում Մեմֆիսը մնացած երկրից:

Աշխարհում ոչ մի տեղ բյուրոկրատիան այնքան հնարամիտ չէր, որքան Պտղոմեոսների պետության մեջ: Հսկայական երկրի ողջ կենսակարգը, ներառյալ ցանքսի ժամկետներն ու գարու և ցորենի բաժնեչափերը գյուղացիական դաշտերում, որոշվում էր մայրաքաղաքում: Տնտեսությունը լրիվ կքայքայվեր, եթե չլիներ ժողովրդի ու գահի արանքում կանգնած պաշտոնյաների ծախվածությունը: Նրանց շահամոլության շնորհիվ առևտուրը համենայն դեպս գնում էր, հողը բերք էր տալիս, կովերն ու ոչխարները բազմանում էին: Պտղոմեոսների մեջ ամրանում էր համոզմունքը, որ եթե շարունակեն նույն ոգով, գործերն ավելի լավ կգնան, արդյունքում կառավարական կարգադրությունների սոր հոսք էր հաջորդում: Բոլորը կատարելը մարդկային ուժից վեր էր, ու քանի որ օրենքների աղբյուրը աստվածացված արքան էր, և անհնազանդությունը հավասարեցվում էր սրբապղծության, Եգիպտոսը վերածվել էր մեղավորների երկրի: Մեղավորության զգացումը մի կողմից անտարբերություն էր ծնում, մյուս կողմից՝ լարված սպասում ինչ-որ տիեզերական աղետի, որից հետո այն քիչը, որ կպահպանվի, որքան ար-

դար, ևույնքան էլ մշուշոտ հիմերի վրա էր կանգնելու:

Ընդամին, ի տարբերություն հին եգիպտական արքայատոհմերի, որոնց անձանոթ կամ համարյա անձանոթ էր իշխանության համար ներընտանեկան պայքարը, Պտղոմեոսները բանի տեղ չէին դնում արյունակցական կապերը, եթե դրանք փակում էինք դեպի գահ տանող ճանապարհը կամ սպառնում դրա կորստով: Արյունապիղծ ամուսնություններն ու ազգականների սպանությունները,- ընդհուպ մինչև ուղիղ ժառանգներ ու նախնիներ,- ևույն մեղալի երկու երեսն են:

Պտղոմեոս III-ը սպանվեց որդու՝ ապագա Պտղոմեոս IV-ի ձեռքով: Հետագայում մարդասպանը որոշեց ազատվել նաև մորից, կնոջից, հորեղբորից ու փոքր եղբորից, և եթե այդ ոճիրները չգործվեցին, ապա ոչ այն պատճառով, որ հղացողի խիղճն արթնացել էր: Հաջորդ երկու Պտղոմեոսները քչերին չկտորեցին իրենց ընտանիքից, ճիշտ է, ոչ ամենամերձավորներին, փոխարենը՝ Պտղոմեոս VIII-ը գահին տիրեց՝ մանկահասակ զարմիկին սպանելով: Նրա մայրն ամուսնացավ որդուն սպանողի հետ, որ արագ մոռանա մայրական վիշտը: Եվ մխիթարվեց՝ հղիանալով ու ծնելով մի ուրիշ տղա, բայց հեռատես հայրը հրամայեց սպանել նաև սեփական երեխային, ինչից հետո բաժանվեց նրա մորից և ամուսնացավ զարմուհու հետ: Սրա ծնած որդին ողջ մնաց միայն այն պատճառով, որ աշխարհ էր եկել հոր մահվանից հետո: Այրիացած թագուհի մայրը նրան գահ բարձրացրեց որպես Պտղոմեոս IX, բայց զոջաց իր ալտրոիզմի համար ու որոշեց անձամբ կառավարել: Որդու հետ հաշվեհարդար տեսնելու փորձն անհաջող էր, նա ինքը սպանեց մորը, բայց Պտղոմեոս X-ի բախտն ավելի քիչ բերեց. սպանվեց հարազատ մոր ձեռքով: Սա գահ բարձրացրեց մյուս որդուն՝ Պտղոմեոս XI-ին, և որպես երախտագիտություն խեղդամահ արվեց նրա կողմից: Պտղոմեոս XII-ը, ամուսնանալով խորթ մոր հետ, նրանից ազատվեց ևույն թեթևությամբ, որով Պտղոմեոս XIII-ը սպանել էր հարազատ դստերը: Այդ ամենով հանդերձ՝ նրանց պաշտում էին, զոհեր մատուցում նրանց անդրիներին և ապավինում այդ մանկա-, կնա- և մայրասպաններին՝ որպես միակ պաշտպանների այն դաժան աշխարհում, որտեղ մարդն ուրիշ ոչ մի ապավեն չունի:

Ի տարբերություն ցիկլիկ հելլենների՝ պարզամիտ բնիկները Պտղոմեոսների մեջ անկեղծորեն աստվածներ էին տեսնում, բայց դա չէր խանգարում հավատալու եգիպտական քրմերի մարգարեություններին, որոնց աստվածները ստիպված զիջել էին իրենց առաջնությունը Օլիմպոսի բնակիչներին: Օգիրիսի և Իսիսի նվաստացված սպասավորները ատում էին հյուսիսային եկվորներին և հոգին թեթևացնում այն աշխարհի շուտափույթ վախճանի մարգարեություններով, որտեղ նրանց նախասրահից առաջ չեն թողնում: Կանխագուշակում էին, որ Ալեքսանդրիան դատապարտված է անխուսափելի կործանման, մի կեսը կույ կզնա ծովին, մյուսը՝ ճահիճներին, որտեղից դուրս է եկել, և միայն ձկնորսներն իրենց ցանցերը կչորացնեն նրա տեղում:

Այն իսկապես անհետացավ երկրի երեսից՝ մեզ նախագուշացում թողնելով, որը մինչև օրս բացված չէր: Միայն վերջերս հասկացա, որ վայրի ծովափին, Նեղոսի դելտայի ճահիճների մեջ արքայական հանճարով հառնաձ, ջրանցքներով կտրտված, ըստ կարգի գծագրված ու խրուտներից կառուցողների ոսկորների վրա բարձրացած քաղաքը Սանկո Պետերբուրգի նախատիպն է: Նմանությունը չի սպառնում նրանց աշխարհ գալու հանգամանքներով. նրանց կործանման կանխատեսման մեջ նույնպես տեսանելի է Արարչի թաքուն մտահղացումը, որը կրկնակներ է ծնում նույն համառությամբ, որով զորավարը մարտի է ուղարկում նոր ռազմիկների՝ ընկածների փոխարեն, եթե նրանք գոհվել են՝ չկատարելով իրենց առաջ դրված խնդիրները:

Դա դաժան անառակ քաղաք էր, բոլոր արատների գետեղարան, և այդ ամենով հանդերձ՝ աստվածների կացարան: Նրանք այնտեղ ապրում էին գեղեցկության ու մահվան ահի սահմանին, որտեղ միշտ բնակվում են աստվածները, և հեռացան Պտղոմեոսների հետ: Պլուտարքոսը պատմում է, որ Կլեոպատրայի մահվան նախորդ գիշերը, Օկտավիանոս Օգոստոսի լեգեոնների՝ Ալեքսանդրիա մտնելու նախօրեին, քաղաքացիներին արթնացրին մի սքանչելի մեղեդու հնչյունները: Մարդիկ նետվեցին դեպի պատուհաններն ու ոչինչ չտեսան. փողոցները խավար էին, ամայի, իսկ մեղեդին շարունակում էր հնչել: Անտեսանելի նվագախումբը, թաղամասից

թաղամաս անցնելով՝ դանդաղ հատում էր սսկված քաղաքը. Ալեքսանդրի դամբարանի մոտով, որտեղ նա պառկած էր դեռ չջարդած քթով, Մուսեյոնի և Սերապիոնի մոտով, թագավորական պալատների ու այգիների մոտով: Դիոնիսոսը՝ հելլենական աստվածներից վերջինս էր իր շքախմբով լքում Ալեքսանդրիան, որը դատապարտված էր առավոտյան դառնալու Հռոմի ավարը: Մարդկային աչքերից թաքնված հավերժահարսերը, սատիրները, բաքոսուիիները հրաժեշտ տալով անցան քաղաքով. մեղեդին մարեց ևս-վահանգստի շրջանում: Պատկերացնում եմ մարդիկ ինչպես են հեռանում պատուհաններից, հորանջում, իրենց պետքերը հոգում, վառում օջախնե-րը կամ պառկում՝ ընդհատված քունը շարունակելու, դեռ չհասկանալով կատարվածի իմաստը, ու սիրտս սեղմվում է: Չկա ոչինչ ավելի տխուր այդ խավարի խորքը հեռացող, ալիքների ճողփյունիև ու ճայերի ճիչին ձուլվող գիշերային մեղեդուց մի աշխարհի, որ վաղը ջքանալու է ընդմիջտ»:

Ես շրջեցի վերջին էջը ու դարձերեսին տեսա երկու գրառում՝ թագա-վորի ձեռքով:

Առաջինը. «Աստված չանի մի գիշեր մեր երեխաները կամ թոռները այդպիսի երաժշտություն լսեն Միլիոննայայում կամ Գորոխովոյում, մոտե-կան պատուհաններին ու չտեսնեն երաժիշտներին»:

Երկրորդը. «Խուսափել ճակատագրի կամքից... Հնարավո՞ր է: Կա՞ աշխարհում այդ ուժը, որ հույները մարմնավորում էին Սերապիսի կերպա-րում»:

Ճառ-Անտուան Ֆաբիե: Ապստամբի օրագիրը

Հուլիս-օգոստոս, 1824 թ.

Հույներն իրենց թեթևամտությամբ, որն իբրև ճակատագրապաշտու-թյուն են ներկայացնում, չէին էլ մտածում Իբրահիմ փաշայի մասին, իսկ իմ գլխից նա դուրս չէր գալիս: Օգտվեցի Ալեքսանդրիա այցելելու առիթից, որ գնահատեմ այնտեղից եկող սպառնալիքի չափերը: Իմ հրամանատարու-թյամբ կանոնավոր գունդ այդպես էլ չէր կազմվել, չնայած խոստացել էին դեռ անցյալ տարի, իսկ այստեղ մի դավմաթիսյան նավ հանդիպեց. մեծ արկ-

դերով ինչ-որ գաղտնի բեռով Նավպլիոնից լողում էր Ալեքսանդրիա: Տախտակամածին ծխելու արգելքը ամրապնդեց կասկածը, որ վառող է տեղափոխում, որը կառավարությունն անգլիական վարկով գնել է Եվրոպայում ու շահավետ վերավաճառել մեր թշնամի եգիպտացիներին: Ձբոսաշրջիկ ներկայացա, ու նավապետը չափավոր վճարով ինձ նավ վերցրեց որպես միակ ուղևորի: Համընթաց քամին մեզ արագ հասցրեց Ալեքսանդրիա:

Իտարիսի գցեցիքը հեռավոր նավակայանում: Նավահանգիստը, որտեղ կանգնած էր անգլիական նավատորմը, այդտեղից չէր երևում, իսկ երբ ծովափնյա սրճարանում հարցրի ճանապարհը, այնտեղ նստած հույներն ասացին, որ չարժի շտապել, Իբրահիմ փաշան ինձնից ոչ մի տեղ չի փախչի. մթերքի պաշար չունի, նավաստիները չեն հերիքում, Նեղոսի ու ծովի միջև ջրանցքը տղմոտել է, գինվորական հանդերձանքը քարավաններով Կահիրեից են բերում: Մինչև աշնանային փոթորիկները չեն կարողանա ծով դուրս գալ, իսկ ենթադրությունները, թե ինչ կլինի գարնանը, անիմաստ են: Մոռացել էի, որ այդ փառավոր մարդիկ նավալիոնյան ստրատեգների տոհմից են, սուրճ խմեցի նրանց հետ ու վերադարձա նավ, իսկ առավոտյան արթնացրեց նախորդ օրվա ծանոթներիցս մեկը: Նստեցիքը նավակողից այն կողմ ճոճվող նավակն ու քիչ անց խառնվեցիքը փողոցները հեղեղած ամբոխին:

Այդ հոժ գանգվածի մեջ սեղմված՝ ցածրահասակ լիսելուս պատճառով շատ բան չէի կարող տեսնել, իսկ ուղեկիցս ժլատ էր բացատրությունների հարցում: Հետո մարդկանց շրջապտույտը նրան ընդհանրապես ինչ-որ տեղ քշեց: Սաստկացող գարշահոտ էի զգում, բայց չէի կարողանում հասկանալ ո՛չ ծագումը, ո՛չ տեղը, որտեղից փչում էր, մինչև ամբոխը չսկսեց նոսրանալ՝ տարածվելով ծովափնյա շերտով, ինչպես հանդիսատեսը պարտերով ներկայացումը սկսվելուց առաջ: Բացվեց կատարելապես մերկ ափը: Ցցված ծառակոճղերից դատելով՝ առաջ այդտեղ արմավենու պուրակ էր եղել, բայց կես տարվա ընթացքում նավաստիներն ու գինվորները կտրել էին, որ կրակ անեն կերակուր եփելու համար: Ավագը ծածկված էր կերված կենդանիների մնացորդներով ու ոսկորներով, ապականված՝ մարդկանց, ձիերի և ուղտերի արտաթորանքով: Օդում դժոխա-

ԼԵՆԻՆԻ ՅՈՒՋԵՖՈՎԻՉ

յին բզզոցով անթիվ-անհամար ճանճեր էին պտտվում: Ծովին անհևար էր մոտենալ անտանելի գարշահոտի պատճառով. ջրի վրա թանձր փռվել էր մարդկային կղանքը:

Նավահանգստում բարձրանում էր կայմերի անտառը: Մոտակա կայմերը մերկ ու անշարժ էին, բայց նավահանգստի մուտքի թեթև ալիքից զագաթներով արդեն երկնի կապույտը խազողների վրա առագաստներ էին բարձրացնում: Մի քանի նավ լրիվ կազմուպատրաստ էր: Ուշադիր նայելով հասկացա, որ կանգնած չեն, այլ քթերին եղևայց սիրեններով լոցմանական նավակների փոքրիկ վտառի առաջնորդությամբ դանդաղ շարժվում են դեպի ծով: Կենդանի արարած պատկերելու՝ Մուհամեդի արգելքին հակառակ նախշած այդ կանացի աչքերը կարողանում էին ծովածոցի պղտոր ջրի տակ տեսնել խութերն ու ձանձաղուտները:

Եգիպտական նավատորմն ահռելի է: Մի քանի ժամում, դիտարկման կետն անընդհատ փոխելով, 54 ռազմանավ ու մոտ չորս հարյուր բեռնանավ հաշվեցի: Ամբոխի մեջ լսածս խոսակցությունները հաստատեցին ինչ առաջ էլ գիտեի. նավատորմի հրամանատարը ծովակալ Հասան փաշան է, Մեհմեդ Ալիի սիրելի փեսան, իսկ ցամաքային կորպուսն ու արշավանքի ընդհանուր ղեկավարությունը հանձնարարվել են Իբրահիմ փաշային՝ նրա գեներալներից լավագույնին: Զինվորական գործը սովորել է Ֆրանսիայում: Հայրը նրան էր վստահել 17 հազար վարժեցված հետևակ, հարյուր հիսուն դաշտային և երկու տասնյակ պաշարողական թևակոթ: Նրա դրոշը բարձրացված է 120-թևակոթանոց «Ասիա» ֆրեգատի վրա:

Հելլենաստերներից շատերը հավատում են, որ Հունաստանում խաչի ու մահիկի պատերազմ է, և հույները խրախուսում են այդ մոլորությունը, որպեսզի Եվրոպայի աչքին քրիստոնեության պաշտպաններ երևան: Իրականում ամեն ինչ այդքան միանշանակ չէ: Եթե օտարերկրացիները թուրքական բանակում պարտավոր են իսլամ ընդունել, ապա եգիպտականում դա պարտադիր չէ: Իբրահիմ փաշայի բանակում հարյուրավոր քրիստոնյաներ են ծառայում, և դրանք ղպտիներ ու եթովպացիներ չեն: Նավերի ուղին գծելու, ռազմական գործողությունները պլանավորելու, սակրավորական աշխատանքները ղեկավարելու են փորձառու օտարերկրյա սպա-

ները՝ ֆրանսիացիներ, պրուսացիներ, ավստրիացիներ, հուլանդացիներ: Այդ վարձու սրիկայախումբը Իբրահիմ փաշայի մոտ է հասել ողջ Եվրոպայից: Փաշան նրանց համար հսկայական ռոճիկ է սահմանել և աչք է փակում իսլամին ներհակ հարբեցողության վրա:

Ուղեկիցս ինձ գտավ ափին և առաջարկեց վիշտը խեղդել գիևու մեջ: Դժվարությամբ ազատվեցի նրանից ու գևացի մենակ շրջելու քաղաքում: Հունական թաղամասերում զբոսանքը մի անգամ ևս համոզեց, որ պլեբասանդիական հույները մսխել են նախնիների բոլոր արժանիքներն ու մասամբ նույնիսկ արատները՝ փոխարենը վատագույնը վերցնելով հրեաներից ու հայերից:

Պտղոմեոսների մայրաքաղաքից նույնիսկ ավերակներ չեն մնացել, ծովեզերքի աղի հողը ամեն ինչ կլանել ու լուծել է իր մեջ: Տեղիս գլխավոր տեսարժանությունը ծովային մաքսատան շենքն է, որտեղ ապրել են Բուսապարտոս ու Կլեբերը՝ պատրաստվելով բանակը տանել դեպի բուրգերը՝ մավրյանների հետ ճակատամարտի: Սենյակներից մեկի հատակին դեռ տաք մոխրի հետքեր են ցույց տալիս, որ թափվել է, երբ նրանք զորադասավորումը քննարկելիս ծխամորճերով կտկտացնում էին քարտեզներին: Նրանց մասին հիշողությունը երկյուղաձուլությամբ պահպանում են բնիկները, որոնց այդ փառավոր ծխողները հազարներով էին կոտորում: Աստված չանի ոտքդ դնես վառված տեղին: Ըստ երևույթին անընդհատ թարմացվող, որ նոր թվան՝ այդ հուշակոթողները պետք է հեռվից նայել, որ ոչ մի դեպքում չտրորեն կրունկներով:

Մուտքը վճարովի է: Եթե մայրամուտի ամպերը կամ սքանչելի բևապատկերները մատչելի լինեին զուտ փողի դիմաց, դրանցով հիանալու սիրահարներն այնքան էլ շատ չէին լինի: Այլ բան է մարդկային վեհության վաղանցիկ նշանների տեսարանը: Ոչ ոք չի հիշում չարը, որով դրանք ուղեկցվում են, բայց դրա մեջ նաև սփոփանք կա. բարին հարազատ է մարդուն, բնական, քան չարը, որն ավելի քիչ է զարմացնում մեզ, ուստի և արագ մոռացվում է:

Մինչ սպասում էինք նավամատույցի մեր հերթին, ամեն օր, ինչպես

ԼԵՆԻՆԻ 3 ՈՒԶԵՖՈՎԻՉ

Ճառայության, գնում էի հաշվելու Իբրահիմ փաշայի մեկնող սավերը, ու երբ բոլորը լքեցին սավահանգիստը, արդեն ափ չէի իջնում: Փակվում էի սավախցում, կարդում, հետևում՝ ինչպես են բարձում մեր սավը: Ալեքսանդրիան արդեն ո՛չ Եգիպտոսի հռչակավոր ցորենն է ուղարկում Եվրոպա, ո՛չ կտավ, ոչ ծիրանի, ո՛չ թրձակավ: Դատարկ չվերադառնալու համար սավապետը պետքարանների կոյաջրերով աճեցրած, արտասովոր խոշոր ու քաղցր սոխ ընդունեց սավամբար: Հիմա դա տեղիս արտահանման գլխավոր ապրանքն է:

Վերջապես դուրս եկանք ծով: Ուժեղ հյուսիս-արևելյան քամին թույլ չտվեց միանգամից ուղղություն վերցնել դեպի Սորեա, ստիպված էինք աֆրիկյան ծովեզերքով լողալ դեպի արևելք: Շուտով հասանք Իբրահիմ փաշայի հետ մնացած սավերին, և էլի մեկ-երկու օրից հայտնվեցինք եգիպտական սավախմբի կենտրոնում: Դա մեզ թույլ էր տալիս չվախենալ ծովահեններից:

Այդ ընթացքում վրա հասավ մահմեդականների համար կարևորագույն Ուրազա բայրամի տոնը, արաբերեն՝ Իդ-ալ-Ֆիթթըր կամ Պասբացեքի օրը: Պահքի ավարտը նշելու համար Իբրահիմ փաշան հրամայեց խարիսխ գցել Սակրիական ծոցում: Անձնակազմերը մնացին սավերի վրա, էքսպեդիցիոն կորպուսի զինվորներին սավակներով ու դեսանտային բարկասներով ցամաք հասցրին: Երեկոյան կողմ, սավապետից թիավարներով մակույկ խնդրելով, ես էլ ափ իջա ճամբարի մոտ: Կաթսաների տակ բոցկլտում էին տասնյակ խարույկներ, բարձրանում էր փլավի խելքամաղ անող հոտը: Ալլահի սոված ռազմիկները դրանով պիտի հագենային արևի մայր մտնելուց հետո:

Սայրամուտից մի քիչ առաջ ողջ 17-հազարանոց բանակը, համաչափ շարասյուններով, որքան տեղանքը թույլ էր տալիս, սպաները՝ գումարտակների ու խմբերի աջից, շարվեցին ափին՝ դեմքով դեպի ծովը, թիկունքով՝ ծովեզրյա լերկ բլուրները: Ասես կախարդական փայտիկի շարժումով՝ մեզ ձանձրացրած ու Հունաստանը պահպանող հյուսիս-արևմտյան քամին հանկարծ դադարեց: Ալիքները, որ ծովածոցում առանց այդ էլ թույլ էին, լրիվ անհետացան:

Քրիստոնյա սպաների մեծ մասը սպասում էր ենթակաների հետ

գիշերային հացկերույթը կիսելուն, բայց շատերը, օգտվելով իրենց կրոնի արտոնությունից, արդեն լցրել էին ստամոքսները: Ոմանք այնքան էին տարվել դրանով, որ չհասցրին տեղ գրավել շարքում: Ուշացածներից մեկը, հրետանավորի համազգեստով մի ջահել ֆրանսիացի, կանգնեց կողքիս: Խոսքի բռնվեցինք, և ևս հպարտությամբ նշեց իր ռոճիկի չափը: Հունական կառավարության ծառայության մեջ ես տասնապատիկ քիչ էի ստանում:

Մեզնից հարյուր քայլի վրա, ափին մոտ մի թիանավ էր կանգնած՝ նավակողից նավակող փայտամած բարձրահարթակով: Հարթակին, ավելի ճիշտ՝ վրան փռած գորգին կանգնած էր մի կարճահասակ մարդ, որը համազգեստի պարզությամբ առանձնանում էր իր ոսկեգօծ շքախմբից: Հասկացա, որ Իբրահիմ փաշան է: Այդ հեռվից դեմքը տեսնելն անհնար էր, բայց երևակայությունս պատրական հստակությամբ պատկերում էր նրա մասին գիտեցածով: Ծնունդով հույն է, մայրը փոխել է հավատը՝ դառնալով Մեհմեդ Ալիի կինը, որն այն ժամանակ բեկ էր Ռումելիայում ու որդեգրյալին հարազատ որդու պես էր մեծացրել:

Ինձ միացած հայրենակցիս հարցրի, թե Իբրահիմ փաշան ինչու է թիանավի վրա, ոչ թե գորքի հետ: Պարզվեց, որ ևս իրավունք չունի ափ իջնելու, Ղուրանի վրա երդվել է հորը, որ Ալեքսանդրայից դուրս գալուց հետո առաջինը ոտք կդնի Սորեայի հողին:

Ռուանում մի տարեց գեղապետի գիտեի՝ Փարիզի ռազմական դպրոցի նախկին դասախոս, որտեղ սովորել էր պատանի Իբրահիմը: Պատմում էր, որ ընդունակ երիտասարդ էր՝ արդարության սրված զգացումով, ուստի զարմանալի չէ, որ նրա կուռքը դարձավ ժան-ժակ Ռուսոն: Բուրբուլիս նման չէր ստրկամտությունից, ամենաթողությունից ու անբանությունից այլասերված ասիական արքայազնի: Դասախոսները խոճում էին համակրելի պատանուն՝ կանխատեսելով, թե որքան դժվար է լինելու նրա համար Կահիրեի պալատում՝ այնտեղ իշխող բարքերով, բայց երբ գազանաբար ծեծեց համադասարանցուն, դադարեցին նրա համար անհանգստանալ: Պարզվեց՝ տուժողը համաձայնել էր իսլամ ընդունել, գայթակղվելով եգիպտական բանակում խոստացված բարձր պաշտոնով, բայց երբ բանը հա-

ԼԵՆԻՆԻ ՅՈՒՋԵՖՈՎԻՉ

սել էր թլպատվելուն, միտքը փոխել էր:

Արևը հարավի համար սովորական արագությամբ գլորվում էր դեպի հորիզոն: Որքան իջնում էր, այնքան լուրջությամբ թանձրանում էր ափին: Եվս մի բույս, երկու, հինգ, և անլսելի դարձավ ծովափնյա կուպիճի խշրտոցը զինվորների ոտքի տակ: Հազարավոր մարդիկ վերածվել էին արծանների: Ինձ ապշեցրեց, որ աղմկոտ արաբները կարող են այդքան ժամանակ ոչ մի հնչյուն չարձակել: Ասես դադարել էին շնչել:

Կարմիր սկավառակի վերին եզրը սոր էր սուզվել ծովը, երբ լուրջան մեջ հնչեց միայնակ շեփորը: Այդ ազդանշանով դորդաց նավային բոլոր հրանոթների, բոլոր հրացանների ու մուշկետների խլացնող համազարկը: Շրջակա բլուրները ցնցվեցին, հրածիզները պատվեցին վառողի ծխով, որի քուլաները, ծավալվելով, դարձան երկու հսկա ամպ: Մեկը դանդաղ բարձրացավ նավերից վեր, մյուսը կախվեց հրանոթների ու հրացանների դորդոցից խլացած շարասյունների գլխին: Երկուսն էլ երկար ժամանակ չէին հալվում անշարժ օդում:

Այստեղ մայրամուտից հետո միանգամից մթնում է: Երբ ծովը ցրվեց, իսլամի ռազմիկներն իրենցից վեր, բարձր երկնքում տեսան արծաթե կիսալուսինը՝ իրիկնային գունատ ու միակ աստղիկի կողքին: Նեղ, ծայրերը ոչ թե կողքի, ինչպես հյուսիսային երկրներում, այլ վեր պարզած լուսնի մանգաղն այնքան անսպասելի հայտնվեց բարձունքում, ասես հրանոթների դորդոցն ավերել էր նրա զնդանի պատերը: Ասես անեծքից ազատված պատանի արքայազն էր հառնել մեր առաջ:

Կրկին լուրջուն տիրեց, աներևակայելի՝ մարդկանց այդպիսի կուտակման համար: Նույնիսկ իմ կոկորդը սեղմվեց հուզմունքից: Հետո տասնյոթ հազար կոկորդներից պոռթկաց ցնծության աղաղակը:

«Ալլահն օրհնում է մեր արշավանքը»,- սուտ բարեպաշտությամբ ասաց կողքիս կանգնած ֆրանսիացի հրետանավորը, և ես խեղդող ատելություն զգացի նրա հանդեպ:

ՀԱՐՎԱԾ

Բարոն Կրիդները՝ բարոնուհի Կրիդներին

Հուլիս, 1824 թ.

Մոսկուայի հետ խոսել և նրա գաղտնիքն իմանալ չհասցրի: Չեմ կարծում, թե կապ ունի գրածիդ հետ, ասելք, հիմա դրա սիրտն էլ չունեմ: Օրերս ֆելդբերգյան փոստով ստացվեց ինձ պաշտոնից հեռացնելու մասին Պետական խորհրդի որոշումը: Պատճառը չի բացատրվում, բայց հեշտ է եզրակացնել նրանից, որ տեր թագավորն իմ տեղը նշանակել է Ռազմական մինիստրության նախկին բաժնի պետ և Արակչենի վաղեմի հաճախորդ Կիրիլ Տյուֆյանին: Ինձ նոր պաշտոն չեն առաջարկել և չեն առաջարկի: Այս շաբաթ մեկնում եմ Պետերբուրգ, այնտեղից՝ տուն, Ռիգա:

Քո հանդեպ Օծի ատելությունից բացի, իմ ճակատագրի վրա ազդել է Աստվածաշնչյան ընկերությունից թագավորի հիասթափվելը: Ընկերության Պերմի բաժանմունքը հիմնվել էր իմ եռանդուն մասնակցությամբ, սկսել էինք Ավետարանը փոխադրել կոմի-գիրյանյան լեզվին, բայց ներկա հոլների պարագայում դա դժվար արժանիք դիտվի ինձ համար: Մեզ մոտ բոլորը միահամուռ հնի ջատագով են դարձել, ինչպես առաջ սարի պես կանգնած էին բարեփոխումների թիկունքում, ու հարծակվում են նույնիսկ Սուրբ գրքի ռուսերեն թարգմանության վրա. թե ինչու, իբր «հավատում եմ միակ Աստծուն» հասկանալի չէ, իսկ «հավատում եմ մեկ Աստծու»՝ հասկանալի է: Տասնյակ անգամներ լսել եմ այդ տափակ կատակը: Ասես նշանաբան լինի, որով ճանաչում են յուրայիններին: Ես դրանցից չեմ:

Գրիգորի Մոսցեպանովը Մատվեյ Մոսցեպանովին

Հուլիս, 1824 թ.

Այն, վաղաժամ էր ուրախությունս: Բարոն Կրիդներին դուրս արին, ու մեր գլխին սոր նահանգապետ ընկավ՝ Կիրիլ Յակովլևիչ Տյուֆյանը: Նրա օրոք հանկարծ պարզվեց, որ իմ գործի քննությունն ավարտված չի: Նորից պահակախմբով տանում են դատարան, Էնքան հարց են շարել՝ հինգ թերթի վրա չի տեղավորվում: Դրան էլ գումարել են իմ նախկին աշակերտ Սիդորկա Վանյուկովի գրպարտությունը: Իմ ամենաընդունակ աշակերտն էր, ոչինչ չէի խնայում նրա համար: Սովորացրի ու փորձանք դարձրի գլխիս: Սիդովը վախեցրել է նրան, թե ռուբլով առել, և ահա իժի ծնունդը ջանք չի խնայել, մի սրտաճմլիկ պատմություն է հորինել, թե ոնց է աշակերտը գնացած եղել անտառ՝ սունկ հավաքելու, ու ես դարան եմ մտել, իրեն զայթակղելով քաշել Խանձված ձորակ, բլուրներից դենը ու հարկադրել սողոմական մեղքի, Էս էլ Էկպես, որ հետո մի ամիս արյուն էր կղում:

Առանց արցունքի կարդալ չի լինում: Ի՛նչ Կարամզին: Ես քու պո՛րտը... Տաղանդ է, իզուր չեմ հռետորաբանություն սովորեցրել: Սի ամբողջ վեպ է շարադրել՝ որ օրն էր, որ ժամին, ինչ եղանակի, քանի կարմրագլխիկ ու ժանտասունկ կար իր զամբյուղում, երբ հանդիպեցինք: Իսկ ո՛նց էր սիրում ինձ: Սիրով սվիրեց իր գանձը՝ կարմիր թղթով փաթաթած ընկույզը:

Սուտը մերկացրի, ու հոգիս մաքրվեց, բայց մաքուր հոգով Պերմի նահանգում չես ապրի: Այստեղ որ պաշտոնյային էլ վերցնես, արջի թաթեր է պահում ծոցում, հասարակ մարդկանց աչքը կապելու համար. իբր, արջն է չարություն անում, մենք կապ չունենք: Դատավորներն այդ թաթով Սիդովից կաշառք էին վերցնում, որ ինձ դատեն, իսկ հիմա դա հենց իրենց պետք եկավ: Նոր ավելի օրոք նրանց համար ավելի լավ է հին աղբը ոտքի տակ չընկնի: Տեսնելով, թե գործն ինչ ընթացք է ստանում, որոշեցի լավը դառնալ ու խոսք բացեցի գաղտնիքիս մասին, թե՛ պատրաստ եմ հայտնելու, բայց լսել անգամ չուզեցին: Նրանց իմ գաղտնիքը պետք չի, նրանց պետք է, որ հևարավորինս շուտ ինձ Սիբիր քշեն, թե չէ՛ սոր նահանգապետը կպահանջի բացատրել, թե ազնվական անձին ի՛նչ հանցանքի համար

են կեն տարի բանտում ու հինգ ամիս էլ հաուպտվախտում պահել:

Ինձ նորից բակից դուրս չեն թողնում ու գրկել են նամակագրությունից: Միայն այս նամակը համաձայնեց փոստատուն տանել հին ծանոթս՝ մայրը Չիխաչովը: Նրան Եկատերինբուրգից Վերխնեուրալյան լեռնային գումարտակով գործուղել են այստեղ, որովհետև Պերմում զինվորները քիչ են, թագավորի գալուց ժամապահ կանգնող չի լինի: Բարեսիրտ մարդ է, ինձ թաքուն հայտնեց, որ այս աշուն թագավոր կայսր Ալեքսանդր Պավլովիչը պատրաստվում է ժամանել Ուրալ ու մի քանի օր Պերմում է մնալու Օրենբուրգից Մոսկվա ճանապարհին:

Գիտեմ, ոտքերդ հիվանդ են, բայց ուրիշ եղբայր չունես: Հետո քեզ ես մեղադրելու, որ օգնության չհասար: Բարի եղիր, խնդրագիր պատրաստիր գերագույնի անունով ու բեր Պերմ: Սկարագրիր իմ բոլոր հալածանքները, իսկ վերջում ավելացրու, որ ես ազնվական-ռազմիկ եմ, որև իր առողջությունը գոհաբերել է պատվո դաշտում, մտադիր եմ նորին կայսերական մեծությանը մի առանձնակի կարևոր գաղտնիք բացել, որը կօգնի մահիկի դեմ խաչի հաղթանակին:

Լավագույնը կլինի, որ կարողանաս խնդրագիրն անձամբ նրան հանձնել: Գուցե այդ դեպքում ցանկանա տեսնել ինձ ու խոսել հետո, իսկ այսպես նրան չեմ հանդիպի: Չիխաչովը տեսել է օրակարգը, թե Պերմում ուր է գնալու, և ասում է, որ հաուպտվախտը նշված չի:

Իջևանել կարող ես Ներքին շուկայի մոտի հյուրատանը, այնտեղ համարներն ավելի էժան են: Աջևան սկզբին ճանապարհները դեռ չոր են լինում, Կազանյան մեծուղով երեք օրում կհասնես մեզ մոտ:

Չիխաչովն ասում է՝ կարգադրված է թագավորին սպասել սեպտեմբերի 20-ից:

Այ եթե այդ ժամանակ հասնեիր:

Պերմի նահանգապետ Կիրիլ Յակովլևիչ Տյուֆյակը իշխան Լոբանով-Ռոստովսկուն

Հուլիս, 1824 թ.

Ձերդ պայծառափայլության՝ Արդարադատության մինիստրության 2-րդ բաժանմունքից ուղարկված 1223 գրությանն ի պատասխան հայտնում եմ. Պերմի վերին գավառական դատարանի ս/թ հուլիսի 29-ի որոշումով՝ պաշտոնաթող շտաբս-կապիտան Գրիգորի Մաքսիմովիչ Մոսցեպանովը, Նիժնիտագիյան գործարանների կառավարիչների դեմ գրպարտությունների, ինչպես և սողմականության, աստվածանարգության և այլնի համար դատապարտվել է բոլոր կոչումներից և ազնվականությունից զրկման և Սիբիր աքսորվելու: Որոշումն ուղարկվել է Կառավարող Սենատ՝ վավերացման, ու մինչև այն ստանալը Մոսցեպանովը կպահվի ոչ թե բանտում, այլ հաուպտվախտում: Նրա քրեական գործից, որը ներկայումս 1672 էջ է, քաղվածք է պատրաստվում, որն ավարտելուն պես կներկայացվի ձերդ պայծառափայլությանը:

Իգնատի Ելովսկի: Ալեքսանդր I կայսեր կամեր- քարտուղարի մատյանը

Հուլիս-օգոստոս, 1824 թ.

Տեր թագավորին վերադարձրի Ալեքսանդրիայի մասին Կոստանդիսի նոթագրումները, բայց դրանց մասին չխոսեցիք: Հիմա դրա սիրտը չունի. 16-ամյա Սոֆյան է մահացել՝ նրա աղջիկը Մարիա Նարիշկինայից, միակ երեխան: Հարվածն անսպասելի էր հատկապես նրանով, որ թագավորին չէին զեկուցել երեխայի հիվանդության մասին: Մայրը ուշադրություն չէր դարձրել նրա մրսաճությանը, երեկոյան կողմ հիվանդի ջերմությունը բարձրացել էր, սկսել էր տենդել, իսկ հաջորդ օրը մահացել էր: Թագավորը խզել էր կապերը Նարիշկինայի հետ՝ տեղեկանալով, որ դավաճանում է. նրան հատուկ նույն արատավոր թեթևամտությունն էլ կործանեց Սոֆյային:

Դստեր մահվան լուրը ստանալուն պես թագավորը սլացավ Նարիշկի-նայի ամառանոց: Քառածի կառքով, իսկ թաղումից երկու ծիով վերադարձավ: Երկրորդ գույզը դարծի ճանապարհին ընկել էր խելագար վագրից: Արդեն շտապելու կարիք չկար, բայց ռուս մարդն ինքնամոռացման միայն երկու միջոց գիտի՝ խմիչք և արագ ընթացք: Թագավորին մատչելի է միայն երկրորդը:

Նույն օրը ևս շտապեց Ստարայա Ռուսայի մերձակա ռազմաբևակավայրերի շտաբ: Ես շքախմբում էի, Կոստանդինի հետ, որը փոխարինել էր դոկտոր Վիլիեին: Տարիքի պատճառով ևս ի վիճակի չէ դիմանալու բազմաժամյա արշավանքին, երբ կանգ են առնում միայն ձիերը փոխելու:

Մեկ օրում կտրեցինք մոտ երկու հարյուր վերստ: Այդ ամբողջ ընթացքում թագավորը ոչինչ չկերավ, տեղ հասնելուց հետո էլ հրաժարվեց ընթրիքից և անմիջապես պառկեց քնելու: Նրա ժամանելու կապակցությամբ կոմս Արակչենը հանդիսավոր վարժահրապարակ էր պատրաստել՝ կրով գծած բաժնեմասերով, բայց գիշերվա տեղատարափը ջնջել էր նրա ջանքերի պտուղը: Գծային զորավարժանքները ստիպված եղան չեղարկել ու սահմանափակվել բուն բնակավայրերն այցելելով: Թագավորը հույս ունի դրանց միջոցով կրճատել բանակի ծախսերն ու կարգավորել ֆինանսները: Արձաթե ռուբլին ավելի ու ավելի է կտրվում թղթե ռուբլուց, ինչը նույնպես նրան հետ է պահում սուլթանի հետ պատերազմից: Ժողովուրդների կյանքում Ավետարանի հաղթանակի համար վճարում են ոչ թե քաղցր թեյից հրաժարվելով, այլ փողով և արյամբ: Որքան մեկը քիչ էս ծախսում, այնքան մյուսից շատ է պահանջվում:

Գիշերեցինք Արակչենի հարևան կալվածքում՝ Գրուզինոյում: Ընթրիքից հետո, որի ընթացքում թագավորը կրկին համարյա ոչնչի ձեռք չտվեց, տանտերը հրավիրեց նրան տեսնելու կալվածքը: Չնայած հոգևածությանը՝ թագավորը համաձայնեց, և շքախմբի անդամները, այդ թվում՝ ես ու Կոստանդինը, փակվող աչքերով, հետևեցինք նրան: Թագավորը Արակչենի հետ առջևից էր գնում, մենք՝ երեք-չորս քայլ հետ: Կաճանը ոլորվում էր Վոլխովի վրա կախված բլրալանջով: Արևը նստել էր, մշուշը քուլա-քուլա փռվել էր դիմացի ջրոդող ափի ուռուտի վրա: Տրածիժժանները զիզգազածն

ԼԵՆԻՆԻ ՅՈՒԶԵՖՈՎԻՉ

հատում էին օդը ու մեր ոտքերի տակ խփվում գետի ուղղաբերձ դարափին, որտեղ սևին էին տալիս նրանց բների փոսիկները: Մի քիչ հեռվում հոյաշեն նավահանգիստն էր: Քարակոփ նավակայանի մոտ, որտեղ կարող էր 100 թնդանոթով ֆրեգատ կառանվել, ցորեն տեղափոխող մի բեռնանավ ու կապույտ նավախելով մի զբոսանավակ էին ճոճվում:

Արակչեւը թագավորի ուշադրությունը հրավիրեց ջրատարածքի եզրերի երկու հզոր, բրգածն աշտարակների վրա: Պարզվեց՝ դրանք պատճենված են Եգիպտական Ալեքսանդրիայի մուտքի մոտ կանգնած շրթալաշար աշտարակներից: Այդ աշտարակներն անհետացել էին, նույնիսկ պատկերներ չէին մնացել, բայց ճարտարապետը կարողացել էր վերստեղծել հին հեղինակների նկարագրություններով: Միայն նշանավոր Փարոսն էր պակասում, բայց այդ թանկարժեք ձեռնարկը չգարմացրեց ինձ, ավելի վաղ էի ուշադրություն դարձրել, որ թագավոր կայսեր անունն ուղղակի կամ անուղղակի առնչվում է մի շարք շինությունների: Արակչեւը վերջերս նրանից թույլտվություն էր խնդրել Գրուզիոն վերանվանել Ալեքսանդրիա, բայց մերժում էր ստացել:

«Եթե մահվանից հետո,- նրա մեկնաբանություններն ընդհատեց թագավորը,- ինձ թաղեին ոչ թե Պետրոպոլիսյան տաճարում, այլ այստեղ, գյուղացիները քո դաշտերից յոթից-տասը բերք կհավաքեն»:

Նեոտ արագ նայեց ինձ և ոչինչ չասելով, բայց ակնկալելով իմ ըմբռնումը՝ ավելացրեց, որ իր քթի ողջության համար անհանգստանալու պատճառ չունի. մումիա դառնալու վտանգն իրեն չի սպառնում:

Արակչեւն ապշած էր: Չհամարձակվեց պարզաբանումներ խնդրել, իսկ ես ու Կոստանդինը կարելի չհամարեցինք բացատրել այդ կատակի իմաստը: Մինչդեռ այն պարզ է. համընդհանուր կարծիքով՝ Նապոլեոնին ջախջախողը, աշխարհի կեսի տիրակալը ոչ միայն միապետերից մեծագույնն է, այլև՝ երջանկագույնը մարդկանցից: Նրա աճյունին ապաստան տված հողով կաթ ու մեղրի գետեր են հոսելու:

Թագավորը ժպտաց, իսկ ինձ պատեց տազնապը: Թվում էր՝ տեսնում եմ, ինչպես է մի ճակատագրի միջով երևակվում մյուսը: Մեռյալների ճակատագրի զարդանախշը հստակ է բոլոր գծերով, բայց քանի ողջ ենք,

մշուշով է պատված: Ու մշուշը ցրվում է մեր մեջ կյանքի մարելուն զուգընթաց:

Մայրամուտին քամին դադարեց: Տերևների աղմուկը լռեց, ու լսելի դարձավ, թե որքան նուրբ են սուլում գետի վրայով սլացող ջրածիժառնե-րը:

«Աստված երկու սիրելի թռչուն ունի՝ աղավնին ու ծիծեռնակը», - ասաց թագավորը՝ կարծես ստույգ չիմանալով կամ դիտմամբ անտեսելով նրանց տարբերությունը:

Ու դարձավ դեպի տուն: Նախորդ գիշեր անքուն էր մնացել, իսկ վաղ առավոտյան պետք էր մեկնել Բրեստ-Լիտովսկ: Եղբորը՝ Լեհական թագավորության փոխարքա մեծ իշխան Կոնստանտին Պավլովիչին խոստացել էր Լիտվական կորպուսի հեծելազորի գորատես անցկացնել:

Թագավորը քաշվեց իրեն հատկացված սենյակները: Ես էլ անցա իմ հարկաբաժին, ընկա անկողնուն ու վայրկենապես քնեցի, իսկ կեսգիշերն անց, պետքի համար վեր կենալով, լույս տեսա նրա պատուհաններում: Մարդկանց ներկայությամբ իրեն սովորականի պես էր պահում, սակայն մահացած Սոֆյայի մասին մտքերը նրան զրկում էին ախորժակից ու քնից:

Մեկնեցինք լուսաբացին: Արակչեւը մեզ ուղեկցեց մինչև մեծուղի, և թագավորի սրտագին հրաժեշտից երևում էր, որ Օձն այս անգամ էլ է կարողացել հաճո լինել նրան: Կոստանդիսը նստեց իմ կառքը և հույների համար սովորական կեղծավորությամբ հիանում էր ռուսական բնության գեղեցկությամբ: Նրան տեսել եմ եկեղեցում ջերմեռանդ աղոթելիս, բայց չեմ զարմանա, եթե պարզվի, որ ստամբուլյան կոտորածի օրերին իր կյանքը փրկագնել է թլպատվելու գնով:

Բրեստ-Լիտովսկում թագավորին տհաճ անակնկալ էր սպասում. նրա պատվին կազմակերպված ճաշկերույթին Կոնստանտին Պավլովիչն իր քարտուղար ու բանկիր հույն Կուրուտայի հետ սկսեց նրա մայրենի լեզվով խոսել: Մեծ իշխանը մանկուց է տիրապետում այդ լեզվին: Նրա և թագավորի տատիկը, նպատակադրվելով վերականգնել Հունական կայսրությունը երկրորդ թռռան գահակալությամբ, նրան ստիպել էր սովորել ապագա հպատակների լեզուն, սակայն Պալեոլոգների թագը նրա զլխին դնելը

կայսրուհու ուժերից վեր եղավ: Կոնստանտին Պավլովիչն անտարբեր էր հունական հարցի հանդեպ, փոխարենը՝ երբեք դեմ չէր գրգռել ավագ եղբորը: Իր բռի զինվորական ոճով զլածայն դիմում էր սեղանի մյուս ծայրին նստած Կուրուտային, որը ստիպված էր նույնքան բարձր պատասխանել: Ոչ ոք չէր հասկանում խոսքն ինչի մասին է, մինչև չհնչեց իշխան Իպսիլանտիի անունը: Դա նշանակում էր, որ Կոնստանտին Պավլովիչը որպես հյուրընկալ տանտեր որոշել է մի քիչ փչացնել եղբոր տրամադրությունը:

Վախսիսիայում թուրքերի կողմից ջախջախված Իպսիլանտիի հանձնվել էր ավստրիացիներին ու նրանց մոտ նստած էր ճաղերի հետևում: Դա ավելի լավ էր, քան Ստամբուլում ցցին նստելը, բայց թագավորին մեղադրում են, որ հրաժարվել է բանտից ազատել Կուլմի տակ թևը կորցրած՝ ռուսական ծառայության գեներալին: Հանձին Իպսիլանտիի ազատության նահատակ են տեսնում, չնայած այդ անձնապարձն ուզում էր հունական թագավոր դառնալ: Ու հենց դրա համար էր եփել այդ շիլան, որը ոչ ոք ի վիճակի չէր մարսելու:

Ընդհանուր խոսակցություն սկսվեց Հունաստանի դեպքերի շուրջ: Թագավորը միջամտեց միայն, երբ սեղանակիցներից մեկն արտահայտվեց Բարձր Դռան դեմ բոլոր քրիստոնեական միապետերի խաչակրաց արշավանքի օգտին:

«Սկզբի համար,- կտրուկ պատասխանեց նա,- թող քրիստոնեական միապետերն իրենց հպատակներին արգելեն ծառայության անցնել սուլթանի ու Մեհմեդ Ալիի բանակում: Ի դեպ, այնտեղ ոչ մի ռուս չկա»:

«Դե, մերոնցից ոչ ոք չկա նաև հեյլենասերների մեջ,- պետք է արժանին մատուցել՝ արդարացի նկատեց Կոնստանտին Պավլովիչը:

«Եվ փառք Աստծո,- ասաց թագավորը:- Թուրքերն ահավոր դաժանություններ են գործում, բայց մի՞թե հույները գթասրտությամբ գերազանցում են նրանց: Հույները հիշեցնում են մեզ, որ իրենց աշակերտներն ենք, ամենայն լավը մեր մեջ՝ իրենցից է, իսկ իրենք Նավարիում տարեց թրքուհիներին խեղդում էին ծովում, երիտասարդներին բռնաբարում ու վաճառում մալթացի ծովահեններին: Տրիպոլիսը գրավելով՝ քսան հազար մահմեդական ու հրեա կտորեցին՝ չխնայելով ո՛չ կանանց, ո՛չ երեխաներին:

Կոլոկոտրոնիսը պարծենում էր, որ երբ մտել է քաղաք, դարպասներից մինչև հրապարակ իր կոնյուգը ոչ մի անգամ սմբակը գետնին չի դրել: Անցնում էր դիակների վրայով: Նրա ողջ ուղին ծածկված էր դիակներով»:

«Մեզ դաժանացրել է թուրքական բռնությունը,- ցեղակիցներին փորձեց արդարացնել Կուրուտան. տանտիրոջ պաշտպանության տակ էր զգում և իրեն թույլ տվեց չհամաձայնել թագավորի հետ:- Տրիպոլիսի գլխավոր հրապարակում մի հսկա շինարի էր աճում, որը երեք հարյուր տարի հույների կախաղան էր եղել: Քաղաքը գրավելով՝ հաղթողներն առաջին հերթին հարձակվեցին այդ ծառի վրա, բայց կացինն անգոր էր, և Կոլոկոտրոնիսը հրամայեց վառել շինարին: Ինչ վերաբերում է հրեաներին, ապա իրենք են մեղավոր իրենց ճակատագրի համար: Սուլթանը նրանց կանչել էր Մորեա, որպեսզի քաղաքներից դուրս մղի հույն վաճառականներին: Չպիտի ընդունեին նրա հրավերը»:

Թագավորը լսում էր՝ Կուրուտայի կողքով կայելով, բայց ոչ իր դժգոհությունն արտահայտելու համար. պարզապես առողջ ականջն էր դարձրել նրան:

«Հույները քիչ են տարբերվում հրեաներից,- լսեցի նրա ձայնը:- Երկուսի համար էլ գլխավորը առևտուրն է, իսկ այն ստորացնում է հոգին... Օ՛, այո,- համաձայնեց նա ինչ-որ մեկի կարծիքին, որ Հունաստանում միայն առևտրականներ չեն ապրում:- Նաև ծովահեններ ու ավազակներ: Լորդ Բայրոնն ու Շիլլերը ապացուցել են մեզ, որ դա ազնվագարմ մարդկանց արժանի միակ զբաղմունքն է: Չարմանայի չէ, որ նոր հունական դրոշի գույները՝ ճերմակն ու կապույտը, խորհրդանշում են մաքրությունն ու խոնարհությունը: Դրանք ավազակների երկու գլխավոր առաքիլություններն են»:

Բոլորը լռեցին: Նրա հետ վիճել կարող էր միայն Կոնստանտին Պավլովիչը, բայց նա զբաղված էր աղանդերով:

«Ի՞նչ օգուտ նրանց սահմանադրությունից,- մեռելային լռության մեջ շարունակեց թագավորը,- եթե երեք կառավարություն ունեն, որոնցից յուրաքանչյուրը ժողովրդին զենքի է կոչում մյուս երկուսի դեմ, իսկ Ազգային ժողովի պատգամավորները քաղաքից քաղաք են փախչում, որ նախկին

ԼԵՆԻՆԻ ՅՈՒԶԵՖՈՎԻՉ

մաքսանենգներից որևէ հերոս իրենց բաևտ չոխի: Այդպիսի մեկը եկել էր Վերոնա՝ Սրբազան դաշինքի կոնգրեսին, հանդիպում էր փևտրում ինձ հետ: Հիշում եմ նրա բեղերն ու ժիլետի մի ամբողջ վաշտ արծաթե կոճակները»:

«Այդ կոճակները յուրատեսակ գրահ են: Պաշտպանում են գևդակներից», - խոյս տվեց Կուրուտան:

«Երկաթե կոճակներն ավելի լավ կպաշտպանեին, - այդ կասկածելի բացատրությանը հակադարձեց թագավորը: - Պալիկարներն իրենց համար նվաստացում են համարում երեք հազար պիաստրից էժան հագուստ կրելը: Հելլենասերները Եվրոպայում ահռելի գումարներ են հավաքում հոյների համար, բայց փողերը գողացվում են, ծախսվում առևտրային խարդախությունների, կերուխումի, շտաբների ու նստավայրերի բարբառոս ճոխության վրա»:

«Նրանք քիչ արատներ չունեն, բայց Պերիկլեսի և Ալեքսանդր Մեծի ժառանգներն են: Գովելի Է նախնիներին արժանի լինելու նրանց ձգտումը», - աղանդերի հարցը լուծելով՝ հայտարարեց Կոնստանտին Պավլովիչը, բայց ոչ նրա համար, որ այդպես էր մտածում, այլ եղբորը հակաճառելու սովորությամբ:

«Պուր գալու ձգտումը դեռ առաքինություն չէ, - առարկեց թագավորը: - Հոյները երեկ են սովորել այդ անունները, բայց շարունակ նրանց են հիշատակում, այլապես ոչ ոք վարկ չի տա: Իսկ այդ վարկերը ստանում են իրենց չպատկանող գրավով»:

Աջ ձեռքը սեղանին էր: Բոլորը տեսան ինչպես են դողում մատները: Ինքը դա չէր զգում ու չէր նկատում, որ իր նյարդայնությունը վաղուց է տարակուսած ու երբեմն նաև չարախիղճ ուշադրություն գրավում: Սիրոս ծակեց նրա հանդեպ խղճահարությունից: Հիշեցի Գրուզինոն, ուշ ժամի լույսը նրա պատուհանում: Իմի կողքին էր, տեսնել չէի կարող, բայց պատուհանի տակից երևում էր միջանցաքամուց դողացող մոմի բոցի բիծը, իսկ լույսի շրջանակում քամու տակ սարսռացող խոտը: Երկուսն էլ ինձ նրա հոգու պատկերը թվացին, որ նույն կերպ դողում էր մահացած Սոֆյայի մասին մտքից: Աջիկը երբեք իրեն այցելելու խնդրանքով ծիծաղելի ու

սրտառուչ երկտողեր չէր ուղարկել, և նա հայրական սիրո պակասի համար չի՞ մեղադրում իրեն: Դա հատուկ է նրան. դստեր մահը մեկնաբանել որպես երկնային պատիժ, որ հայրը չի ցանկացել պաշտպանել հավատակից հույներին: Դրա համար էլ նույն կրքով հարձակվում է նրանց արատներն արդարացնողների վրա:

Համարյա ամեն օր նրա հետ եմ, իսկ ինչպես գիտե՞ք՝ ցարին մոտիկ՝ մահին մոտիկ: Երևի հենց դրա համար էլ այլևս մարմնական սիրո պետք չունեմ: Պատերազմում տղամարդիկ կնոջ կարիք չեն ունենում: Մահը խանդոտ է, ինչպես է նրանց, ովքեր միայն իրեն են տիրուհի ճանաչում, և ի տրիտուր հավատարմության՝ նրանց է պարզում մեծագույն երանությունը՝ լինել իր կողքին, բայց չմեռնել: Լիարժեք կյանքի զգացումը, որ ապրում եմ թագավորի կողքին, համեմատելի է մարտի դաշտում վտանգի զմայլանքի հետ: Ամենաշքեղ կանացի մարմինը չի կարող ինձ ավելի մեծ հաճույք պատճառել: Նա իմ հոգու տերն է, բայց երբ սեղանի շուրջը բոլորն ազահի հետաքրքրասիրությամբ նայում էին նրա դողացող մատներին ու փախցնում հայացքը, ասես ինչ-որ արգելված կամ ամոթալի բանի էին նայել, ես սիրում էի նրան համբանալու աստիճանի, սրտի ջղակծկման: Անիծյալ հունական հարցը նրան նախկինից միայնակ էր դարձրել:

Ասում են՝ սիրտը մարել է: Սուտ է: Նա, ինչպես երիտասարդ տարիներին, ծարավի է գերագույն ճշմարտության, հասկանալով, որ երկրի երեսին այն գոյություն չունի, պետք է որևէ մեկի կողմը բռնել, ոչ այն պատճառով, որ նրանն է ճշմարտությունը, այլ որովհետև այդ կողմում յուրայիններն են: Իրերի նման վիճակը տանջալի է կենդանի զգացումներ ունեցողի համար:

Առավոտյան նշանակված էր հեծելագործի զորատեսքը: Ես չէի մասնակցում և տեղի ունեցածի մասին լսել եմ ականատեսներից: Ժամը ինևին զորքերը շարված էին, տասնմեկին ժամանեց թագավորը: Նժույզը մոտեցրին, նա եղբոր հետ, շքախմբից մի քիչ առաջ ընկած, սկսեց զորատեսքը: Աջ թևում կանգնած էին գեղապետ Գրոճինսկու ուլանները: Կանգ առնելով՝ թագավորը մոտ կանչեց գեղի հրամանատարին, և մինչև նա մոտենում էր, հիանում էր նրա հազվագյուտ երանգի սևաթույր նժույզով: Սև, փառահեղ

ճերմակով օձված գավակն ասես թուջի ամբողջական կտոր լիներ՝ աշևա-
նային մեգի մեջ, բայց Գրոծինսկու զեկույցի ժամանակ պարզ դարձավ, որ
այդ հրաշքը վատ է վարժեցված: Ուտնափոխ էր անում, խռպում, ուր որ է
պիտի վրնջար: Գրոծինսկին դժվարությամբ էր զսպում նրան: Չեկույցից
հետո, աչքաթող արեց Նժույգի նյարդայնությունը և ինքը նյարդայնանա-
լով՝ անթույլատրելիորեն թագավորին մոտ շրջադարձ արեց: Նժույգը քա-
ցի տվեց հետևի ձախ ոտքով, ու պայտը իջավ թագավորի աջ սրունքին:

Թագավորը քիչ էր մնում ցավից կորցնել գիտակցությունը, բայց
դիմացավ թամբին: Դա մեկ անգամ ևս հաստատում է նրա ինքնատի-
րապետումը: Եթե նախօրեին, ճաշի ժամանակ չէր կարողացել զսպել
զգացմունքները, ուրեմն դրա համար ծանրակշիռ պատճառներ կային:
Նրան իջեցրին ձիուց ու գրկած տարան: Քայլել չէր կարողանում, բայց իր
մեջ ուժ գտավ եղբորը խնդրելու, որ շարունակի գորատեսն ու չպատժի
Գրոծինսկուն:

Քառորդ ժամից Տարասուվն ու Կոստանդիսը նրա մոտ էին: Ուղև
ուռել էր, ստիպված էին կորել սապոգի ճիտքը, որ հանեն, բայց ոսկո-
րը, բարեբախտաբար, չէր վնասվել: Մաշկն էլ այնքան չէր տուժել, որքան
կարող էր լինել այդպիսի հարվածի դեպքում: Սապոգի ճիտքն էր պահել,
ևս՝ սրունքի վերնամասի կոշտուկապատ լինելը: Կոշտուկը հետևանք էր
ամենօրյա երեկոյան աղոթքների, երբ թագավորը ժամ ու ավելի ծնկաչոք
է լինում: Կոստանդիսը զուլլարոյան ջրի թրջոց դրեց վնասված տեղին ու
պատվիրեց չձանրաբեռնել սրունքը:

Տարասուվն արգելել է ժամից ավելի զբոսնել ու ծնկել աղոթքի հա-
մար: Սա հատկապես մտահոգում է թագավորին: Տևական զբոսանքներից
ծեռնպահ է մնում, բայց չեմ երաշխավորի, որ ծնկած աղոթքի արգելքը
նույնքան անվերապահ է պահպանվում: Ամենավատն այն է, որ Բրեստ-Լի-
տովսկի միջադեպից հետո վնասված ոտքը սկսեց կարմրել: Բորբոքումը
խստանում է, բայց և այնպես թագավորը մտահոգ է միայն առաջիկա ու-
րալյան ուղևորությամբ: Երբ հրապարակվեցին նրա աշևանային ծրագրե-
րը, անմիջապես հասկացա, որ վերջնականապես հրաժարվել է հունական

գործին միջամտելու մտքից:

Տարասովն ու Վիլինես համառորեն խորհուրդ են տալիս հրաժարվել այդ ուղևորությունից կամ հետաձգել մինչև գարուն, բայց նա անհողորդ է: Նրան առաջնորդում է հույսը, որ ճանապարհի դժվարություններն ու նոր տպավորությունները կմեղմեն մահացած դստեր մասին մտորումների տառապանքը: Հույս ուներ սեպտեմբերի սկզբին լինել Օրենբուրգում, որ հետո Եկատերինբուրգով, Պերմով ու Վյատկայով, մինչև ցրտերն ընկնելը, վերադառնա Մոսկվա:

Երկամսյա ուղևորությունը Եվրոպայի և Ասիայի սահմանագծի լեռներով, անտառներով ու տափաստաններով ծանր է նույնիսկ առողջ մարդու համար, բայց թագավորը ոչ մեկի խորհրդին ականջ չի դնում ու հաստատ որոշել է ավելի քան չորս հազար վերստ կտրել այնպիսի վայրերով, որտեղ ո՛չ խճուղի կա, ո՛չ հարմար գիշերօթևաններ, ո՛չ կամուրջներ մեծ գետերի վրայով, իսկ գերանուղին այն բարձրակետն է, ուր հասել է հաղորդակցության ուղիների կատարելագործման ձգտող մարդկային միտքը:

Ես, իհարկե, շքախմբի կազմում կլինեմ: Պա կանխատեսելով՝ կոմս Արակչենը խնդրեց հանդիպել Պերմի հաուպտվախտում պահվող ոմս շտաբս-կապիտան Մուսցեպանովի հետ:

«Կարծես թե ինչ-որ գաղտնիք գիտի,- ասաց Արակչենը,- բայց պատրաստ է հայտնել բացառապես ինձ կամ թագավորին: Համոզված եմ, որ կարևոր բան չկա, բայց և այնպես մի խնայեք մի կես ժամ տրամադրել այդ մարդուն՝ իմանալու նրա գաղտնիքը»:

Ես խոստացա հնարավորության դեպքում կատարել նրա խնդրանքը:

Կոնստանտին Կոստանդին: Թափառիկ բժշկի նոթերը

Օգոստոս, 1824 թ.

Անցավ երեք շաբաթ, սակայն բարելավում չկա: Վնասված սրունքն ավելի է բորբոքվել: Այտուցը չի իջնում կամ, ինչպես նախընտրում է ասել Տարասովը, ավելի դանդաղ է իջնում, քան կցանկանայինք: Նրա կարծիքով դստեր մահվան հետևանք ուժերի անկումն է թագավորին խանգարում

ԼԵՆԻՆԻ ՅՈՒՋԵՖՈՎԻՉ

հաղթահարելու կարմիր քամու բորբոքումը, բայց ես այլ բան եմ կարծում. այդպես է լինում, երբ անևշան արտաքին ազդակից արթնանում է օրգանիզմում ննջող հիվանդությունը, որն առանց այդ ազդակի կարող էր դեռ երկար տարիներ քնել կամ ընդհանրապես չարթնանալ:

Մեզ սովորական է թվում, որ տկարությունն իր հետևից լուրջ հիվանդություն է բերում, որն էլ հանգեցնում է մահվան, բայց այդ կապը պատրանք է և պետք է մեզ, որպեսզի սփոփվենք իրերի թվացյալ բնական ընթացքով՝ ահա աղբյուրը, ահա շարունակությունը, ահա վախճանը. մեկը բխում է մյուսից, ամեն ինչ բացատրելի է, հանգստացե՛ք, մոռացե՛ք: Իրականում մահն այդ շղթայի վերջին օղակը չէ. այն դուրս է շղթայից: Նրան տանող մեր ուղու սկիզբ կարող է դառնալ նույնիսկ չնչին վնասվածքը: Ճակատագիրը հաճախ իրեն ի հայտ է բերում պատճառի ու հետևանքի անհամաչափության մեջ:

ՈՒՏՎՈՐՈՒԹՅՈՒՆ

Մատվեյ Մոսցեպանովը Նատայա Բաժինային

Օգոստոս, 1824 թ.

Խնդրագիրը պատրաստեցի, կցում եմ նամակին: Հասնես Պերմ՝ գլանածն փաթաթիր, կապիր ժապավենով կամ երիզով, բայց ձեռքիդ չպահես, թաքցրու հագուստիդ տակ: Հանգույցն ամուր չձգես, այնպես կապիր, որ հեշտ արձակվի: Պերմում իմացիր՝ թագավորը երբ է գնալու Եկեղեցի, նախօրոք գնա այնտեղ ու կանգնիր դռան մոտ, հետո գավթում այնքան ժողովուրդ կլինի, չես անցնի: Հենց տեսնես նրան, չոքիր ու փորձիր ուղիղ ձեռքը տալ: Եթե չկարողանաս, եթե հետ քաշեն նրանից, տուր հետի պաշտոնյաներին կամ սպաներին, բայց ոչ նրանց, ում մերակները կամ եզրաքուղերը նարնջագույն են: Դրանց ոչինչ չտաս:

Ինքս կգայի, բայց չեմ կարող, ոտքերս ցավում են, ուրիշն էլ չկա, որ ուղարկեմ: Սեկ էլ տեսար՝ հաջողեցիր, թե չէ ես ու դու այլևս չենք տեսնի մեր Գրիգորի Մաքսիմովիչին:

Իգնատի Ելովսկի: Ալեքսանդր I կայսեր կամերքարտուղարի մատյանը

Սեպտեմբեր, 1824 թ.

Վոլգայի գետանցումը մի քիչ ձգձգվեց, հետո կրկին գլխապատասխան անդրվոլգյան անտառներով: Գիշերում էինք գյուղերում կամ փոստային կայաններում: Ֆելդեգերը հետևում է, որ թագավորի գիշերակացները վաղօրոք պատրաստեն, բայց սենեկապետը փետրաները-նակները փոխարինում է նրա ճամփորդական մատրասով: Միանգամայն

սպարտական ներքնակ է, լցված խոտով. միակ հարմարությունը՝ մարմնի լայնությամբ իջվածքն է: Գլխի տակ սեկե, նույնպես խոտով լցված բարձ է, ոտքերի տակ՝ չոր գլանաբարձիկ, աջ ձեռքի տակ նույնպիսի, բայց ավելի փոքր գլանիկ, քանի որ թագավորը սովոր է քնել ձախ կողին: Ուտելու մեջ սակավապետ է, իսկ ճանապարհի հագուստը իմից չի տարբերվում և բաղկացած է արևից խունացած շինելից ու շքագլխարկից:

Ուղևորության նպատակակետը Օրենբուրգի և Պերմի նահանգներն են, ուր նրա գահակալ նախորդներից ոչ մեկը չի հասել: Այդ նահանգներն այցելելու որոշումը թագավորը բացատրում է նրանով, որ դրանք հարուստ պարոնտիրոջ քայքայված կավածքների վիճակում են, բայց ուրիշ պատճառներ էլ կան: Անվերջանալի ընթացքով փորձում է կանգնեցնել ժամանակը, որը ճանապարհին դանդաղ է հոսում, նաև մոռացում և ուղեկիցների անկեղծ բարեկամություն է փնտրում, ինչը հնարավոր է միայն այդպիսի ուղևորության ժամանակ: Մենք՝ շքախմբի անդամներս, ուժերի ներածի չափ ջանում ենք արդարացնել նրա սպասումները: Գլխավորն այստեղ՝ չանցնել մտերմության ու մտերմավարության սահմանը:

Շքախումբը ղեկավարում է Գլխավոր շտաբի պետ գեներալ-համհարզ Դիբիչը: Նշանակությամբ երկրորդ դեմքը վազենմեյստեր Սոլովկան է՝ մի հսկայամարմին խախոլ՝ գնդապետի աստիճանով: Նա պահպանում է պարզևատրային մեդալներով, մատանիներով, ծխատուփերով ու զարդաճարմանդներով նվիրական արկղն ու նաև պատասխանատու է կառքերի համար: Սա նրան ֆլիգել-համհարզից շատ ավելի կարևոր դեմք է դարձնում, չխոսելով արդեն ֆելդգերների կորպուսի սպաների ու լեռնային պաշտոնյաների մասին: Երրորդ տեղն իրավամբ զբաղեցնում է լեյբ-կառապան Իյա Բաժկովը, որը Առատեռլիցում թագավորին փրկել է ֆրանսիական զերությունից: Բժշկությունը ներկայացնում են Տարասովն ու Կոստանդինը: Ես ղեկավարում եմ զրասենյակն ու վարում մատյանը:

Չորս օր մնացինք Օրենբուրգում: Թագավորը ստուգեց պաշտոնավայրերը, զորանոցները, ուղղիչ և բարեգործական հիմնարկները, եղավ մզկիթում, վերջում էլ այցելեց քաղաքի մոտ հաստատված քոչվոր դրդկների հորդան, զրուցեց ավազների հետ, ոչխարի ճարպով թեյ խմեց ու ծխա-

տուփեր նվիրեց խաների կանանց: Վերադարձի ճանապարհին դրոզները տափաստանով բազմությամբ գալիս էին մեր հետևից ու ձեռքերը վեր պարզած՝ ինչ-որ բան գոչում աններդաշնակ ձայներով: Թարգմանիչը բացատրեց, որ Ալլահին խնդրում են Սպիտակ ցարին այնքան տարվա կյանք տալ երկրի վրա, որքան աստղ կա երկնքում, իսկ դրանք սեպտեմբերյան տաք գիշերվա երկնքում անթիվ-անհամար էին: Երկնակամարը մեր գլխավերևում համատարած ճերմակ լույսով էր բռնվել:

Ղրղզական մաղթանքը հրաշք գործեց: Օրենբուրգից հյուսիս տաևող ճանապարհին թագավորի ոտքի բորբոքային կարմրությունն անցավ, այտուցը նույնպես սկսեց իջնել: «Պատերազմի ժամանակ ու ճամփորդելիս միայն հիմարը չի բուժվի», - դրա կապակցությամբ ցինիկ նկատեց Տարասովը:

Մենք կտրեցինք տափաստանն ու մամուռ ու ձարխոտ բռնած սոճու թավուտները, սկսվեցին տայգան ու լեռները: Բլրաշարերից մեկի վրայից մեր դիմաց բացվեց եղևնուտի անձայրածիր ծովը: Վեհատեսիլ էր, բայց՝ մռայլ: Անտառները շար-շար անցնում էին հորիզոնից այն կողմ, ոչ մի տեղ, որքան աչքս կտրում էր, մարդկային կացարանի հետք չտեսա, սակայն բնապատկերը ճնշում էր նույնիսկ ոչ իր վայրենությամբ, որքան անհոգի միապաղաղությամբ: Մռայլ ճահճագույնն առանց կանաչի միջանկյալ երանգների փոխարկվում էր սևի, որ հեռվում ձուլվեր նախամպրոպային երկնքին: Կեչիների դեղնավուն բծերն ընդգծում էին այդ երկու երանգների կատարյալ իշխանությունը, որոնց մեջ համարյա չէր երևում նույնիսկ մեր աշնանային անտառների համար սովորական կարմիրը: Իր դողդոջուն ամոթխածությամբ հանդերձ՝ ամենուր աճող կաղամախին այստեղ բացակայում էր:

«Ես Հունաստանում չեմ եղել,- ասաց թագավորը՝ ապշեցնելով ինձ նրանով, թե ինչ մտքեր է արթնացնում այդ մռայլ անտառների տեսքը,- բայց երբ մտածում եմ նրա մասին, կակաչներով ծածկված դաշտ եմ տեսնում, իսկ դրանց մեջ՝ հելլենական աստվածների խեղված արծաններ»:

«Ու ծով չե՞ք տեսնում», - հարցրի:

Օրորեց գլուխը. «Ո՛հ, միայն կակաչներ ու մարմար: Այլ կարմիր ծա-

ԼԵՆԻՆԻ ՅՈՒԶԵՖՈՎԻՉ

դիկներ ու ճերմակ այլանդակված մարմիկներ»:

Արյուն ու մահ՝ մտածեցի ես:

Նույն օրը Միասի մերձակա լեռնանցքում աղացքարի շերտերն էին նայում: Թագավորն իր հիացմունքն արտահայտեց մեզ վրա կախված վիր-խարի մայրիկների հզորության վերաբերյալ, ինչին ի պատասխան մի լեռ-նային աստիճանավոր ասաց. «Դրանք զորավոր են թվում, բայց իրակա-նում դյուրաբեկ են: Զարքարոտ հողը չի թողնում արմատները խորանան, և ծառերը կտրվում են հողից»:

«Բնության մեջ մեկի պակասը լրացվում է մյուսի ավելցուկով,- պա-տասխանեց թագավորը:- Տեսեք, սաղարթներն այնպես են միահյուսվել, որ դա հատուցում է արմատների թուլությունը»:

Ակտեցիկը իջնել դեպի ներքևում սպասող կառքերը: Աշխանամուտին չորացած բարձր խտրը զնգոցով ծեծում էր մեր սապոզների ճուղերը:

«Ինչ բարձր է աղմկում», - ասաց թագավորը:

Երկուսով ահագին առաջ էինք անցել շքախմբից: Միայն ես էի լսում նրան:

«Տերևներն էլ աշխան ավելի բարձր են խշշում, քան գարնանն ու ամռանը,- ավելացրեց:- Ինչին վիճակված է երկար ապրել, լուռ է ապրում»:

«Չոր ծառն ավելի երկար է ճռնչում», - առարկեցի ես:

Թագավորը կնճռոտեց ճակատը, և ինձ այրեց թույլ տված անքաղա-քավարության ամոթը: Նա վստահելով իմ առաջ բացել էր ինձ ոչ այնքան հասկանալի, բայց ըստ երևույթին խորապես անծնական զգացումները, և ի պատասխան՝ ասացվածք, այսինքն՝ տափակություն լսեց:

Գիշերակացին ճամփորդական մատյանում գրի առա նրա երկու մտքերը՝ իրար օգնության հասնող մայրիկների և տերևների աղմուկի մա-սին՝ որպես մոտալուտ մահվան նշան: Կողք կողքի դրանք ավելի արտա-հայտիչ են, քան առանձին-առանձին: Առաջինը պատկերացում է տալիս այն մասին, թե նա ինչպիսին կուզեր տեսնել աշխարհն իր շուրջը, երկրոր-դը՝ ինչպիսին է տեսնում իրականում:

Հիմա արդեն ավելի դանդաղ էինք գնում, ու պատճառը միայն լեռնե-րով անցնող ճանապարհները չէին: Կանգառ էինք անում լեռնային գործա-

րաններում, հանքերում ու հանքատեղերում: Ուղևորությունն Ուրալ պարզապես տեսչական չէ, թագավորն այն նախաձեռնել է, որպեսզի նպաստի այդ հեքիաթային հարուստ երկրի ընդերքում քնած և կոր-կոր միայն երես ելնող գորավոր ուժերի արթնանալուն: Ուրախացավ երեխայի պես, երբ Սիսերտիում գեղջուկ Ֆրոլ Մակենը ներկայացրեց բացառապես ուրալյան բույսերից ստացված 76 ներկերի նմուշները, ու պառկեց քնելու հրաշալի տրամադրությամբ, բայց ամպից էլ սևակնած եկավ նախաճաշի:

«Դու գիտեիր, չէ՞, այն հովատակի անունը: Գիտեիր ու չասացիր», - հանդիմանեց ինձ:

Միանգամից հասկացա՝ խոսքն ինչի մասին է, ու պատասխանեցի, որ՝ ո՛չ, ոչ ոք նրա անունն ինձ չէր ասել:

«Կոստանդինը փոխում էր վիրակապս ու լեզվից թոցրեց,- ասաց թագավորը:- Նրան ու Տարասովին դեռ Բրեստ-Լիտովսկում էին ասել, բայց ինձնից թաքցրել էին: Հովատակի անունը Արմատոլ է»:

Արմատոլները նախկինում թուրքական ժանդարմերիայում ծառայած հույներն էին: Օսմանները ժանդարմերիան ստեղծել էին հարթավայրի բնակիչներին լեռնային կլեֆտ ավազակներից պաշտպանելու համար: Խռովության սկզբում օրենքի այդ պահպանները եղբայրացան նրանց հետ, ում առաջ բռնում էին, կամ ձևացնում էին, թե բռնում են, ու միասին կռվում էին նախկին պետերի դեմ: Եվ դրա հետ միասին՝ կողոպտում նախկին պաշտպանյալներին:

Այնհայտ էր, թե թագավորը որքան է հուզվել այդ լուրից: Ես գտա Կոստանդինին և նրանից իմացա, որ իր ու Տարասովի մտքով չի էլ անցել որևէ բան թաքցնել, պարզապես թագավորը չի հարցրել, իսկ այսօր թոցրել էր բերանից: Նա չէր հասկանում կամ ձևացնում էր, թե չի հասկանում իմ տազնապները, բայց անհանգստությունս իզուր չէր. հաջորդ օրը բորբոքումը վերսկսվեց, թագավորը կրկին ստիպված էր աջ սրունքին հազնել քսուքով վիրակապը: Ուղեբեռից վերադարձավ ու ոտքին նստեց Մոսկվայում կարած, ծախ սրնքամասում լայնացրած ճոքով անզույգ սապոզը:

Հույս ունեինք Եկատերինբուրգում իմանալ, թե այդ աշուն խոլերան Վոլգայով ու Կամայով որքան է բարձրացել Աստրախանից: Դրանից

ԼԵՆԻՆԻ ՅՈՒԶԵՖՈՎԻՉ

Եր կախված հետագա երթուղին, սակայն հավաստի տեղեկություններ չստացվեցին, իսկ ունեցածներս աղքատիկ ու հակասական էին: Ընթրիքին Դիբիչը թագավորին խնդրեց չվտանգել իրեն ու շոջանցել Պերմը: Բոլորը միահամուռ հավանություն տվեցին, Տարասովն՝ առաջինը, միայն Կոստանդինը հատուկ կարծիք հայտնեց:

Հույն վտարանդիները հրեաների պես են. իրենց համար հայրենիք են կառուցում բառերից, ապրում բառերի մեջ, ցանում ու բերք հավաքում բառերով: Կոստանդինը խոսում էր երեք րոպեի չափ, բայց ըստ էության չասվեց ավելին, քան՝ նախագոյուշական միջոցներ ձեռք առնելու դեպքում հիվանդանալու վտանգը մեծ չէ: Գիտի թագավորի՝ Պերմում լինելու ցանկությունն ու փորձում է հաճոյանալ նրան. ես այդպես գնահատեցի, բայց հետո մտածեցի, որ ստամբուլյան կոտորածը վերապրած ու արմատական չդարձած հույնը կամ սուրբ է, կամ խաբեբա: Առաջինը բացառվում է, մտածում էի ես, մնում է երկրորդը, իսկ այդ մարդկային տեսակը բազում ենթատեսակներ ունի՝ խարդախից մինչև լոտես: Լեյբ-բժշկի պաշտոնն արժի նրան, որ թաքցնես իրական զգացմունքներդ, բայց չափից դուրս լավ չի՞ թաքցնում Կոստանդինը: Այդպիսի տաղանդով կարելի է թաքցնել թագավորի սրունքի այտուցի ու բորոքման իրական պատճառը: Դրանք կասկածելիորեն նման չէին սովորական վնասվածքի հետևանքի, ու հենց բարելավում էր նկատվել, Կոստանդինը տվել էր հովատակի անունը: Նկատի ունենալով, որ թրջոցի քսուքը հենց ինքն էլ պատրաստել է, կարելի է հետագա վատթարացում կանխատեսել: Իսկ եթե այդ մարդու մերձությունը նոր հիվանդություններով է սպառնում թագավորին, նույնքան առեղծվածային, բայց ավելի վտանգավոր: Խոլերան հարմար քող է, ընդամենը պետք է այնպիսի թույն ընտրել, որ ներքին օրգանների վրա թողած ազդեցության ախտանշանները համընկնեն խոլերայի նշաններին: Ասենք, դա էլ պարտադիր չի: Դեղորայքն Աստված չի ստեղծել, դրանց պայքարը հիվանդության դեմ բարու և չարի պատերազմ չէ, այլ մի չարիքի ոչնչացում մյուսի միջոցով: Բժիշկը հարձակվողների թիվը կարող է այնքան մեծացնել, որ հաղթանակից հետո դրանց մեջ ուժ մնա շարունակելու պարտվածների գործը: Հրեաներին աշակերտածի համար դա դժվար գործ չի:

Լսել էի, որ Պետերբուրգ ժամանող հունական նավերի նավապետներն ու նավաստիները խիստ հետաքրքրված են թագավորի առողջությամբ: Դրանով իբր հաստատվում էր հույների սերը նրա հանդեպ: Բա չէ՛: Թագավորի առողջությունը նրանց հետաքրքրում է այն իմաստով, որ նրա մահն են ուզում: Հունական հարցում մեր քաղաքականության նրանց հույսը Կոնստանտին Պավլովիչն է, և անհամբեր սպասում են, թե երբ գահի վրա կփոխարինի եղբորը: Նրանց հայտնի է, որ մեծ իշխանը տիրապետում է իրենց լեզվին, բայց նույնիսկ պատկերացնել չեն կարող, թե որքան անտարբեր է իրենց տառապանքների հանդեպ:

Բարոնուհի Կրիդները բարոն Կրիդներին

Սեպտեմբեր, 1824 թ.

Վառիք իմ բոլոր նամակները, եթե արդեն չես վառել: Դրանք ինձ թելադրել է մթազևած բանականությունը: Տեղեկանալով, օրինակ, որ Կոստանդնուպոլսի պատրիարք Գրիգորին կախաղան է հանվել 1824 թվականի Չատկին, և այդ ժամանակ էլ Սուլթը Հեղինեում մահացել է կորսիկացին, ու համադրելով այդ տեղեկությունները, առանց որևէ հիմքի երևակայել էի, թե Բոնապարտի մահով սև հրեշտակը լքել է նրա մարմինը՝ տեղափոխվելով Ստամբուլ, ու մտել սուլթան Մահմուդի մեջ: Հանձին Իբրահիմ փաշայի տեսնում էի Եսայի մարգարեի կանխագուշակած վիշապին, և այդ կարգի ցնդաբանությամբ ոչ միայն քեզ էի ձանձրացնում, այլև թագավորին: Վերջերս գրել էի նրան՝ խնդրելով մոռանալ դա վատ երագի պես: Երկար աղոթքներից կոշտուկներ են հայտնվել ծնկներին, ինչպիսին նրանն են: Մեր հոգևոր հարազատության այդ մարմնական առհավատջան ինձ հույս է տալիս, որ կների հիվանդ կնոջ հիմարությունը:

Ես նրան պատերազմի էի կոչում սուլթանի դեմ՝ չխորանալով դրան խանգարող հանգամանքների մեջ: Հաշվի չէի առնում ո՛չ քայքայված ֆիլանսները, ո՛չ անզլիացիների դավերը, ո՛չ թագավորի դիրքը՝ որպես Սրբազան դաշինքի հիմնադրի, տեսնում էի միայն հույների տառապանքներն ու խաչի անարգումը մահիկի կողմից: Միայն մի բան կարող է արդարացնել

ինձ. այդ ժամանակ շաբաթներով ոչ մեկի հետ չէի խոսում, օրերով դուրս չէի գալիս վարագուրված պատուհաններով իմ սենյակից, սևվում էի չորահացով, իսկ ուրբաթ օրերը բերանս բան չէի դնում, բացի ջրից, վերջապես, ինձնից կտրել էի ինձ սիրող դստերս,- և այդ ամենը նրա համար, որ ոգու աղոթքի մեջ բացվի Հունաստանի փրկության միջոցը: Ինձ Կասանդրա էի երևակայում և ուզում էի թագավորի խորհրդատուն լինել, երբ խելագարության ձեռքերն արդեն դիպել էին ինձ:

Ինձ հյուձախտամահ էր սպառնում, և միայն Սոֆիիս անձնագրահույժությունը կյանք վերադարձրեց: Աղջիկս ինձ խնամում էր, ինչպես երեխային, որ չունի, հետո էլ համոզեց իշխան և իշխանուհի Գոլիցինների հետ մեկնել Դրիմ: Նրանից հետո, երբ նրանց սիրած զավակը՝ Աստվածաշնչյան ընկերությունը, թագավորի շնորհագրկմանն էր արժանացել, որոշել էին գերմանացիների և շվեյցարացիների ավետարանչական գաղութ հիմնել Դրիմում: Ես, Սոֆին ու նրա ամուսինը՝ բարոն Բերքհայմը, ինչպես և նրա քույրը, միացանք նրանց:

Գոլիցինները կալվածք ունեն Կորեիզում, այնտեղ էլ հաստատվեցինք: Մաքուր օդը, մրգերը, ծովային լողանքը պետք է կազդուրեն մարմնական առողջությունս, իսկ հոգևորը կվերականգնեմ տեղիս թաթարներին Ավետարան քարոզելով: Իշխանն ապագա գաղութի գործերով է զբաղված, բայց Սոֆիին և իշխանուհուն ներգրավել եմ իմ անհուսալի, ինչպես կարծում եմ փեսաս և այլ գաղութաբնակներ, ձեռնարկի մեջ: Նրանք համաձայնեցին, որ եթե հաջողությունն ուղեկցի մեզ, իսկ Բարձր Դռան հետ պատերազմն այնուամենայնիվ սկսվի, ավելի եռանդուն ու արևելյան լեզուների տիրապետող մարդիկ հունական զենքի պաշտպանության ներքո կարող են մեր փորձն օգտագործել Օսմանյան կայսրությունում:

Ես այնքան միամիտ չեմ, որ հուսամ, թե թաթարները միանգամից կդառնան Զրիստոսիս. սկզբի համար նորը պիտի ընդունեն՝ առանց հևի հետ կապերը խզելու: Ժամանակին հրեա Սաբատայ Յվին կարողացավ, չէ՞, մահմեդական հավատը միավորել հուդայականի հետ: Նրա հետևորդներն այսօր էլ ապրում են Սալոնիկում, թուրքերն արհամարհաբար նրանց դոմե, այսինքն՝ «ուրացող» են կոչում, բայց այստեղ դրսևորվում է երկիս-

վատությունը որպես հավատուրացություն ընդունելով՝ ստորակարգ հոգիների ընդհանրական հատկությունը, որը ոչ ազգ ունի, ոչ դավանանք: Ես բավականաչափ տառապել եմ դրանից:

Իմ կարծիքով իսլամական դավանաբանության շրջանակը նեղ է Ղրիմի թաթարների ուժեղ կրոնական զգացմունքների համար: Իշխանուհուն համոզեցի, որ եթե ցանկացել ես կոմի-գիրյաններին տալ Ավետարանը նրանց մայրենի լեզվով, պետք է տալ նաև թաթարներին: Նրանց լեզուն ավելի պարզ է, քան կոմի-գիրյաներենը, փոխարենը՝ վերացական հասկացություններն ավելի զարգացած են. համենայն դեպս հեթանոսներ չեն: Ես պատրաստվում եմ նրանց համար հայտնագործել Ավետարանը, ոչ թե Ղուրանը խլել, և այդ ժամանակ, համեմատելու հնարավորություն ստանալով, երբևէ կկարողանան ճիշտ ընտրություն անել: Բնականաբար, դրա համար տարիներ, նույնիսկ տասնամյակներ կպահանջվեն, բայց և՛ բոսնիացիները, և՛ ալբանացիները, և՛ իրենք՝ թուրքերը, եթե հաջողվի նրանց վրա կրկնել մեր փորձը, չեն կարողանա չփոխվել հոգով, թեկուզև արտաքուստ մահմեդական մնան: Ցանաժ հատիկները ծիլեր կտան, գթասրտությունը կթափանցի նրանց սրտերը, և յաթաղան բռնաժ ձեռքում ձիթենու ճյուղ կտեսնենք: Արդյունքում՝ հունական հարցն ինքնին կլուծվի:

Կանխատեսում եմ քո թերահավատությունը: Շատերն էին կասկածում մեր ձեռնարկի իրականացմանը, բայց, ինչպես հիմա պարզվեց, մենք՝ երեք թույլ կանայքս, իրավացի էինք, իսկ մոլորվում էին նրանք, ովքեր մեզ համոզում էին, որ մահմեդականների շրջանում քրիստոնեական քարոզն անմտություն է: Այուշտայի պարետը երկու զինվոր է դրել մեզ հետ, նրանց հետ շրջում ենք մոտակա գյուղերում: Չինվորները բնակիչներին հավաքում են հրապարակում ու հետևում, որ չցրվեն, բայց շուտով նկատեցի, որ անկեղծ հետաքրքրությամբ են լսում: Ֆրանսերեն կամ գերմաներեն եմ խոսում, մանավանդ այդ կարգի նյութի համար մայրենի լեզուն նախընտրելի է, իշխանուհին թարգմանում է ռուսերեն, իսկ մեր վարձած թաթարը՝ ռուսերենից՝ թաթարերեն: Կրկնակի թարգմանություն անցնելով՝ խոսքս չի կարող չկորցնել արտահայտչականությունը, բայց այդ տեսքով էլ ուժգին տպավորություն է թողնում: Ես դրա մասին դատում եմ լսողների դեմքից,

իսկ թարգմանիչը հաստատում է իմ դիտարկումները: Երեկոները նրա հետ թաթարերեն եմ սովորում և մի քանի ամսից կկարողանամ խոսել այդ լեզվով:

Երեկ երեկոյան հոգևած վերադարձանք Կորեիզ: Ընթրիքից հետո Սոֆյան ու իշխանուհին մնացին տանը, իսկ ես իջա ծով ու մենության մեջ երկար աղոթում էի ափին: Սկսեց մթնել, բայց ափսոս էր բաժանվել այդ երանելի վիճակից, որ ինձ տալիս է ոգու աղոթքը: Շուրջը՝ ոչ մի շունչ, ափակոծությունը հազիվ զգացվում է խճաքարի շրշունից: Լսում էի ծովի շնչառությունն ու փորձում նրա չափով շնչել, մինչև չզգացի, որ նրա հետ մի ենք, ես կարող եմ մտնել նրա մեջ և առանց ձեռքերս ու ոտքերս շարժելով՝ չխեղդվել: Ծովը կընդունի ինձ որպես իր մասը, քանզի և՛ նրա, և՛ իմ մեջ ապրում է մասնիկը նրա, ով մեծ է մեզնից:

Ընթրիքին ոչ մի կաթիլ գինի չէի խմել: Միգրենը չէր տանջում, գույնզգույն զիզազներ չէին պարում աչքիս առաջ: Գլուխս չէր պտտվում, ամեն ինչ բնավ այնպես չէր, ինչպես իմ նախկին տեսիլքներից առաջ, որոնց սովորաբար նախորդում էին ուշաթափության նոպաները, ոչ հազվադեպ՝ և սրտխառնոց: Այդպիսի դեպքերում թվում է ճախրում եմ երկրի վրա ու հայտնում կարծես արծվաթռիչ բարձրությունից, իսկ այստեղ պարզապես խավարը ճեղքվել էր, ինչպես բացվում է թատրոնի վարագույրը, իսկ այնտեղ, ուր մեկ րոպե առաջ իշխում էր խավարը, լուսացող երկնքի ֆոնին զծագրվեց բոլորին ծանոթ ժայռուտ բլրի ծանոթ ուրվագիծը՝ ամրոցը զազաթին: Ճանաչեցի աթենական Ակրոպոլիսը, բայց չգիտես ինչու՝ չզարմացա, որ տեսնում եմ, հետևաբար մոտակայքում եմ: Չարմանալի էր միայն, որ Աթենքում ամառ չէ, ինչպես Դրիմում, այլ ուշ աշուն կամ ձմեռ:

Ցրտեց, սառցասառն քամի բարձրացավ: Հետո հասկացա, որ ծովը չքացել է: Նրա փոխարեն իմ դիմաց ավազակրով եզերվող խորդուբորդ ճանապարհով կիսված մի խոտածածկ պարապուտ էր փռվել: Ինչը ալեբախություն էի համարել, պարզվեց՝ քամու տակ պառկող չոր խոտի խշշոց է: Ճանապարհը տանում էր դեպի բլրի գագաթը և շրջապատող դաշտից բաց գույնի էր: Վախվխելով ոտք դրեցի այդ ճանապարհին, բայց ամեն քայլի հետ ավելի ու ավելի վստահ էի գնում: Քայլելն անսովոր հեշտ էր,

հիվանդությունից հետո թուլացած մարմինս ենթարկվում էր, ինչպես երիտասարդ տարիներին: Առջևում, Ակրոպոլիսի ժայռից վեր տեսնում էի Պարթենոնը, բայց ոչ այնպիսին, որ գիտենք փորագրանկարներից ու վիմագրություններից: Կմախքը լրացվել էր պակասող մասերով: Աթենքի տաճարը հրաշքով հառնել էր ավերակներից, սքանչելի, ինչպես Պերիկլեսի օրոք, բոլոր բարձրաքանդակներով ու արձաններով, որ ջարդել էին այնտեղ վառող պահող թուրքերը կամ Լոնդոն էր տարել լորդ Էլզինը, իսկ նրանից վեր, ասես ստորոտն իր մեջ առնելով, բարձրանում էր գմբեթով պսակված վեհատեսիլ տաճարը: Չէի կարող ասել՝ ուղղափառներին, կաթոլիկներին կամ քրիստոնեության մեկ այլ ճյուղի՞՞ է պատկանում, նրա մեջ բոլորիս միավորող ինչ-որ բան կար, որ դավանանքինս էլ լինենք: Նրանից լույս էր բխում, որի մեջ հալվում էի մինչև կատարյալ ինքնամոռացում, բայց և այնպես գիտակցության ծայրով հասկանում՝ Աստված ինձ հայտնում է, որ այստեղ՝ Աթենքում, կիրականանա իմ կյանքի ամենագլխավոր երազանքը՝ ժողովուրդների եղբայրությունը բոլոր քրիստոնեական եկեղեցիների միավորման միջոցով: Հունաստանն իր տառապանքներով Քրիստոսի առաջ կքավի մեր անմիաբանության մեղքը:

Ինչպես հետո իմացա՝ իմ տևական բացակայությունից անհանգստացած Սոֆին լապտերը ձեռքին իջել էր ափ և ինձ գտել ուշակորոյս ընկած հենց փրփրածանյակի եզրին, որ ալեբախությունը թողնում է ծովեզրի խճաքարի վրա: Ջգեստիս փեշը թաց էր, կոշիկներս՝ ջրով լցված: Եթե քամին ուժգնանար, իսկ դրան էր գնում, ալիքը կարող էր ինձ քշել ծով:

Սոֆին ինձ հետ էր քաշել ջրից ու վազել ծառաների հետևից: Ուշքի եկա նրանց ձեռքերի վրա: Ուշադրություն չդարձնելով թուլությանս, նույնիսկ չհամբուրելով՝ նա անմիջապես հանդիմանություններով հարձակվեց վրաս. «Տե՛ր Աստված, ուղղակի հրաշք է, որ գլուխդ հետ է ընկել, ոչ թե առաջ, թե չէ ջրահեղձ կլինեիր: Ասես փոքր երեխա լինես: Ո՞ր էիր գնացել»:

Պատմեցի՝ ինչպես եմ ճանապարհի տեսել իմ առաջ ու գնացել այդ ճանապարհով, բայց նա իր սովորական առարկությունն չընդունող տոնով հայտարարեց, որ դա լուսնակածանն է եղել ջրի վրա:

«Ամբողջ երկինքը պատված է ամպերով: Որտե՞ղ ես լուսին տես-

ԼԵՆԻՆԻ ՅՈՒՋԵՖՈՎԻՉ

նում»,- հարցրի ես, բայց դուստրս, եթե դա իր շահերից է բխում, կարողա-
նում է չնկատել ակնհայտը:

Տանը ևա և իշխանուհին սկսեցին հանել հագուստս, որ չորը հագո-
նեն, ու զարմանքով պարզեցին, որ ճամփորդական զգեստի տակ, որ
առավոտից հագիս էր, մեկն էլ կա՝ բումագե, սպիտակ, բարձր գոտկատե-
ղով, կրծքի տակ գոտի և փեշին՝ հունական քառանկյուն զարդանախշ: Դա
տեսնելով՝ ես էլ զարմացա. անձանոթ էր:

«Ահա թե ինչու էիք այսօր ամբողջ օրը քրտինքի մեջ կորած»,- ասաց
իշխանուհին այնպիսի տեսքով, ասես մի այնպիսի բան էր իմացել, որ
թաքցրել էի իրենցից, իսկ պատասխանիս, թե ցերեկը շոգից մյուսներից
ավելի չեմ տառապել, բազմանշանակ ժպտաց:

Ուզում էի ասել, որ երկրորդ շոր չեմ հագել և առաջին անգամ
եմ տեսնում: Որտեղի՞ց է հագիս՝ չգիտեի, բայց հետո հիշեցի ցրտի
զգացողությունը, խունացած խոտը սարալանջերին, ու հասկացա, թե ին-
չու է Աթենքում ձմեռ, երբ Դրիմում ամառ էր:

Ապրածս նման չէր այն տեսիլքներին, որ ունենում էի հիվանդության
ընթացքում: Կատարյալ հստակությամբ, որը բացառում էր ցանկացած
սխալ մեկնաբանություն, գիտակցեցի, որ միայն հոգիս չի եղել այնտեղ, ո՛չ:
Ես երկվացել էի մարմնով, ահա թե որն է հագիս շորի բացատրությունը:
Իմ երկու եռություններից մեկը հրաշքով տեղափոխվել էր ապագա և տեսել
Պարթենոնը, ինչպիսին մի օր լինելու է:

Ունկնդիրներին բացատրեցի, թե ինչպես է պետք հասկանալ ինձ
հետ կատարվածը, և ասացի, որ բոլոր ժամանակները կողք կողքի Աստծու
ափին են, և նա, ում իր ափին կղևի, հեշտությամբ կանցնի մեկից մյուսին:
Սպիտակ շորն իմ հագին էր այնտեղ և մնացել էր, երբ իմ երկու եռությու-
ները կրկին միացել էին:

«Իսկ այնտե՞ղ որտեղից է հայտնվել»,- հարցրեց Սոֆին:

Պատասխանեցի, որ այդպիսի հարցերով ինձ չպիտի դիմի, և ևա
կծեց լեզուն:

Ամբողջ մարմնով դողում էի: Թեյ խմեցի ու մի դեղձ կերա: Տեսնե-
լով, որ արդեն լավ եմ, Սոֆին ու իշխանուհին հանգստացան ու սկսեցին

հոգուս հետ խաղալ, թե՛ a la տունիկան իմն է, ցրվածության պատճառով առավոտյան հագել եմ ներքնաշորի փոխարեն: Սոֆին ավելի առաջ գնաց՝ հավաստիացնելով, որ Ռիզայում ենք կարել՝ Դրիմ մեկնելուց առաջ, ու տվեց դերձակուհու անունը, որ կյանքում չէի լսել: Ինձ վերջնականապես ոչնչացնելու համար կանչեց սպասուհուն ու հրամայեց վկայել, որ այդ շորը իմ ճամպրուկում ժամանել է Ռիզայից, բայց նա ճարպկորեն խուսանավում էր Սոֆիի և իմ միջև՝ փոքրոգաբար չընդունելով ու չժխտելով իմ իրավա-ցիությանը:

Երբ գնաց, ինձ չարչարողներին հարցրի. «Ձեր կարծիքով ես չգիտե՞մ իմ հագուստները»:

Իշխանուհին ծիծաղից փլվեց ու սկսեց հիշեցնել, թե առաջ երբ ու որտեղ եմ եղել այդ շորով: Սոֆին ձայնակցում էր նրան, և ի վերջո կարողացան ինձ հասցնել հիստերիայի: Ուտքերս խփում էի գետնին, գոռում, որ ծեր եմ, բայց դեռ խելքս չեմ թոցրել, երբեք այդպիսի շոր չեմ ունեցել, ոչ ոք այն ինձ համար չի կարել Ռիզայում, թող վերջ տան հիմար կատակներին կամ դուրս կորչեն, ես իրենց կարիքը չունեմ: Նրանք սսկվեցին ու սկսեցին ամեն ինչում համաձայնել ինձ հետ, ինչը ավելի վատ էր: Ես վռնդեցի նրանց ու կողպեցի դուռը:

Տասը րոպեից միասին ու հերթով սկսեցին թակել դուռս ու ներողութուն խնդրել: Ի վերջո, դռան հետևից ներեցի նրանց, բայց հրաժարվեցի բացել:

Իշխանուհին բավարարվեց դրանով ու գնաց քնելու, իսկ Սոֆին աղաչում էր ներս թողնել, լալիս էր, ասում, թե ուշագնացության նոպաներ առաջ էլ եմ ունեցել, ուրեմն բարելավումը ժամանակավոր էր, հիվանդությունը վերադարձել է: Ինձ հասցրեց նրան, որ դադարեցի պատասխանել:

Ռիզայում բժիշկներն ինձ թոքերի cancer էին ախտորոշել, բայց ես նրանց չեմ հավատում: Սոֆին հավատում է, իսկ ես՝ ոչ: Նա հավատում է բոլորին, բացի մորից: Ես գիտեմ, որ cancer չէ, այլ թոքախտ՝ նախնական փուլում: Էլի լավ բան չկա, բայց մորս այդ հիվանդությունն ախտորոշել էին իմ հիմնիկվա տարիքում, ինչից հետո սկսեց կումիս խմել և ապրեց մինչև խոր ծերություն: Եթե վիճակս վատանա, ստիպված պիտի դիմեմ կումի-

ԼԵՆԻՆԻ ՅՈՒԶԵՖՈՎԻՉ

սաբուժության: Վերջերս այդպիսի առողջարան է բացվել Կարասուբազարում, ու քանի որ՝ որտեղ կումիսն է, այնտեղ՝ մահմեդականները, ինձ համար լրիվ մեկ է՝ այգեպան թաթարների՞ն քարոզել, ինչպես այստեղ, թե՞ քոչվոր սողայներին, որ այնտեղ են:

Դստերս տազնապներին քննադատաբար եմ վերաբերվում: Նա չափազանցում է ամենայն վատը, ու հասկանում եմ՝ ինչու: Մասամբ կյանքի հանդեպ վախից է, որն այնքան էլ բարի չի եղել նրա նկատմամբ, մասամբ՝ ավելի կարևոր անձ երևալու ձգտումից, քան կա իրականում: Սոֆին խանդում է իշխանուհի Գոլիցինային ու ջանում է ուշադրություն գրավել իմ առողջության հանդեպ ձանձրացնող հոգաձությամբ: Բնությունը ժլատություն չի արել՝ խելացի է, բայց անհաջող ամուսնության հետևանք պահեցողությունը նրան գրկում է ճկունությունից: Սոֆին իրեն մեծ ինտրիգանուհի է երևակայում, բայց ինձնից ոչինչ չի կարող թաքցնել:

Իմ ուշագնացությունն ավելին չէ, քան նրա ստեղծած միջոց: Տարածում է, որ ինձ վստահաբար բուռը հավաքի, բայց դա չի անցնի: Թագակիր այրեր են ինձ ենթարկվել, այնպես որ, մի կերպ կստիպեմ հաշվի նստել ինձ հետ:

Նամակին նկար եմ կցում: Երեկ տեսածս տաճարն է: Պատկերել եմ բոլոր ճարտարապետական ու քանդակագործական մանրամասներով: Դրանք պետք է համոզեն քեզ, որ սա իմ երևակայության պտուղը չէ, այլ պատկերված է բնօրինակից: Ավելի ճիշտ, թարմ հետքերով պատճենված է նրանից, ինչ պահպանվել է հիշողությանս մեջ և չէր կարող երևակայության ծնունդ լինել: Երևակայությունը մեզ միայն առարկաների ընդհանուր ուրվագիծն է տալիս, առանց մանրամասների:

Յուզաներկով վատ չեմ նկարում, ու չնայած մատիտն իմ սիրելի գործիքը չի, գծագրողի հմտությունները դեռ ինձ չեն լքել: Ինչպես և հիշողությունը: Օրինակ, հիշում եմ քո Սոսցեպանովին ու շատ եմ ափսոսում, որ չհանդիպեցիր նրա հետ: Նրա գաղտնիքը մտքիցս դուրս չի գալիս:

ՊԵՐՄ

Մայր Բորիս Չիխաչով: Հիշատակարան

Սեպտեմբեր, 1824 թ.

Թագավորի նախատեսվող այցի կապակցությամբ բերգ-տեսուչ Բուզակովը պահանջեց, որ Վերխնեուրայան գումարտակիս մեկ վաշտով ներկայանամ Պերմ: Ինձ բնական հատկացրին քաղաքում, իսկ գինվորներին տեղավորեցին զորանոցում, որ կայազորային հաուպտվախտի բակում էր: Այնտեղ էր պահվում իմ հին ծանոթը՝ Մոսցեպանովը: Դատապարտվել է Սիբիր աքսորվելու, բայց մինչև սենատի հաստատումը պահվում է ոչ թե բանտում, այլ հաուպտվախտում: Թույլատրված է ման գալ բակում, ես պարբերաբար տեսնում եմ նրան և հենց առաջին օրը չդիմացա ու հարցրի սև արյունով Չմեյ Գորինիչի մասին: Նա միայն թափ տվեց ձեռքը, թե՛ այդ ամենը անցյալում է: Ես պնդեցի, և այդ ժամանակ նա առաջարկեց գնալ գիմնագիա, վերցնել ժողովրդական կրթության մինիստրության 1819 թվականի հանդեսն ու կարդալ. ինքս կհասկանամ: Մոսցեպանովը համարն էլ ասաց, բայց մոռացել եմ: Դա այնպիսի տոնով ասվեց, որ այդ թողարկումը փնտրելու ջանքն ակնհայտորեն անիմաստ էր:

Խոսակցության ընթացքում անընդհատ հայիոյում էր Սիգովին և նրա կողմից իբր կաշառված դատավորներին: Որքան կարող էի՝ բացատրում էի, որ այդ գրպարտությունները, նույնիսկ եթե՛ մասամբ արդարացի, կործանարար են: Նիժնիտագիյան գործարաններն աշխատում են Վիսոցկու հանքանյութով, որի երկաթը լավագույնն է աշխարհում: Կոփելու մեջ հավասարը չունի: Այստեղ այն ծուլում են, կռում, զլանում, կաղապարում, մշակում երկաթաթերթ, ձողեր, կաթսաներ, օղակապեր պատրաս-

ԼԵՆԻՆԻ ՅՈՒՋԵՖՈՎԻՉ

տելու համար, բնեկևախեժի, ճարպահալման ու շոգեմեքենայի կաթսաներ են սարքում, լիտվական գերանդիներ ու մանգաղներ, սովորական ու եռակցած սեպերով պայտեր, կառքի շարժակազմեր, վառարանի խուփեր, ծխատարներ, բուխարական բրիչներ, բահեր, եղաններ, կացիններ, թասեր, կասկարաներ, քառեղջյուր ու երկեղջյուր խարիսխներ, բոլոր չափերի շղթաներ՝ բեռնանավերի համար, կրկնատաշ, միատաշ, թելավոր, սևդուկի:

«Այս ամբողջ բազմազանությունն արտադրող մեխանիզմը չափազանց բարդ է ու նուրբ,- ավարտեցի մենախոսությունս:- Նույնիսկ կոմս Դեմիդովը շատ զգույշ է միջամտում նրա աշխատանքին: Իսկ դուք հարկ է, որ ընդհանրապես չխցկվեք»:

«Դուք արդարությունը բուխարական բրիչներից էժա՞ն եք գնահատում», - կշտամբեց Մոսցեպանովը:

«Այո՛, աշխարհն անարդար է,- խոստովանեցի ես,- և ամենատխուրն այն չէ, որ այդպիսին է, այլ, որ հենց այդպիսին էլ պետք է լինի, որպեսզի չկործանվի»:

Ծանրակշիռ առարկություն չգտավ ու միայն ասաց. «Է՛հ, մայր՛ր, մայր՛ր»:

Նամակագրության իրավունքից նրան զրկել են: Կարեկցանքից դրդված՝ փոստատուն հանձնեցի եղբորը՝ Կազան հասցեագրված նամակը, իսկ փոստից նրան բերեցի «Ռուսակի ինվալիդի» երկու համար: Դրանցից մեկում հայտնվում էր, որ լորդ Բայրոնը ճահճատենդից մահացել է Միսոլոնգիում: Մոսցեպանովից թեկուզ ոչ վշտի, գոնե մեզ վաղաժամ լքած մեծ մարդու հանդեպ բնական ափսոսանքի արտահայտություն էի սպասում, բայց նա որևէ բարի խոսքով չհիշելով մահացածին, հայտարարեց, որ չի վստահում անգլիացիներին:

«Ինչո՞վ են արժանացել ձեր անբարյացակամությանը», - հարցրի:

«Ամենաերեսպաշտ ազգն է,- եղավ պատասխանը:- Ահա մի օրինակ. լորդ Ստրանգֆորդը՝ բրիտանական դեսպանորդը թուրքական արքունիքում, սուլթանից ընծա էր ընդունել նախկինում Հաջիերիին պատկանած մեդալների հավաքածուն»:

Այդ անունն ինձ անձանոթ էր:

«Նշանավոր հույն է, մեր դեսպանության թարգմանը Կոստանդնուպոլսում,- պարզաբանեց Մոսցեպանովը՝ բավական կոպիտ հասկանալ տալով, որ ապշած է իմ անգիտությունից:- Սպանվել է սուլթանի գաղտնի հրամանով: Ստրանգֆորդը գիտեր դա, բայց չամաչեց այդպիսի նվեր ընդունել նրանից»:

Դեսպանորդներ, թարգմաններ, լորդեր, մեդալներ,- իսկ դեմքը պատված է ճերմակած ստևով, ու հագուստն էլ ամբողջովին մաշված է, կեդտոտ, կոշիկների կրունկները՝ ծուռտիկ, թևքերն ու փեշերը՝ թել տված: Իմ վաշտի զինվոր Աժաուրովը հացի կող կամ թուփուն կիյուրասիրի, դրանից էլ գոհ է: Այդ Աժաուրովը ամենախեղճ զինվորն է, բոլորը նեղացնում են, բայց նա էլ գտել է, թե ում կարելի է խղճալ:

Մոսցեպանովն առանց այն էլ միշտ մտայլ էր, բայց վերջնականապես վիատվեց, երբ ասացի, որ թագավորը խուլերայի պատճառով շրջանցելու է Պերմը: Պերմում այցելելիք վայրերի ցանկում հաուպտվախտը նշված չէր. դրա մասին արդեն ասել էի նրան, բայց ըստ երևույթին դեռ ինչ-որ հույսեր էր կապում գերագույն այցի հետ:

Իմ հերթապահություններին նրան երբեք ոչ ոք տեսության չէր եկել, բայց երեկ չէ առաջին օրը, դարպասից այն կողմ բռնացնելով, ինձ դիմեց թաթարական աչքերով ու հռոմեական կիսադեմով մի ջահել կին: Անմիջապես ճանաչեցի ու նույնիսկ հիշեցի անունը՝ Նատայա Բաժինա: Անկեղծորեն խոստովանելով, որ Մոսցեպանովը ոչ իր ամուսինն է, ոչ եղբայրը՝ իր աստիճանի կնոջ համար ապշեցուցիչ հանդգնությամբ տեսակցություն խնդրեց նրա հետ:

Սիրտս հալվեց: Հաջորդ երեկոյան, ոչ մեկին չհարցնելով այդպիսի հանդիպման թույլատրելիության մասին ու դրա վերաբերյալ չզեկուցելով, նրան դիմավորեցի դարպասի մոտ, տարա պահականոց, որտեղից նախապես հեռացրել էի ժամապահ զինվորներին, և այնտեղ բերեցի Մոսցեպանովին:

Ճանապարհին, ենթադրելով, թե որքան երջանիկ կլինի իր Նատայային տեսնելով, հայտնեցի, թե ինչ անակնկալ է սպասում, բայց ո՛չ շնորհակալություն հայտնեց, ո՛չ էլ որևէ ուրախություն արտահայտեց:

ԼԵՆԻՆԻ ՅՈՒՋԵՖՈՎԻՉ

Նատայան տեսավ նրան ու լաց եղավ: Ստրով չէր անցել, իհարկե, որ այդպիսին կոտեսի: Մազերը թափվել էին, գորշացել էր, ասես զառամյալ ծերունի լիներ: Իսկ երբ բերանը բացեց, երևաց, որ ատամներն էլ պակասել են:

Սատանան էր դրդել սիրահարվելու այդ կիսախելագար բանասարկուն: Վայ թե աչքին Պրոմեթևսն է, որի վրա Սիզովն ու Պլատոնովը արձակել էին նահանգական արժիվներին, որ կոցեն յարդը:

«Ի՞նչ ես ձեռնդ գլուխդ գցել», - չասենք թե մեղմ հարցրեց Մոսցեպանովը:

Կինն արագ սրբեց արցունքները, քիթը ֆսֆսացրեց ու պատասխանեց, որ նրան՝ ձեր ապուշին տեսնելու ուրախությունից է լացում:

Նրանց մենակ թողնելու իրավունք չունեի, անկեղծ ասած՝ չէի էլ ուզում: Հեռու նստեցի, ձևացրի, թե զբաղված եմ ճառայողական թղթերով, բայց ականջս նրանց խոսակցությանն էր:

Լսում եմ կինը շշուշում է. «Ձեր եղբայրն ինձ հետ ուղարկել է՝ ինչ խնդրել էիք»: Մոսցեպանովի պատասխանը խեղդվեց հազի մեջ, բայց հասկացա, որ եղբոր ուղարկածը նրան չի հետաքրքրում:

Տեղավորվեցին աղավնյակներս նստարանին: Կինը մոտեմոտ է անում, ձեռքերն է շոյում, ասում է, որ Սիբիրում նույնպես ռուս մարդիկ են ապրում, ինքն ու որդին կգան նրա մոտ: Մոսցեպանովը՝ ոչ մի խոսք: Փքվել, նստել է բվեճի նման:

Վերջապես ասում է. «Հանգուցյալ հայրս ու մայրս համարյա ամեն գիշեր երազ են գալիս: Առաջ ուզում էի, որ գան, կանչում էի քնից առաջ, և՛ ոչինչ: Իսկ հիմա հենց աչքերս փակում եմ՝ կողքիս են»:

«Խղճում են իրենց որդուն, որ բանտում է», - ենթադրեց Նատայան:

Մոսցեպանովն օրորեց գլուխը. «Չէ՛, առաջ կանչս չէր հասնում նրանց, իսկ հիմա վայրկենապես հասնում է: Ըստ երևույթին մոտ եմ այն վայրերին, որտեղ նրանք են»:

Տեսա, որ Նատայայի շրթունքները նորից դողացին: Վերցրեց իր մախաղը, սկսեց բերածը հանել: Պահականցի ճանապարհին պատմել էր, որ Պերմում սանամեր ունի, նրա տանը, վառարանատակին շոռաբլիթ է

թխել, աղ դրած միս առել բաշկիրներից, իսկ թթվեղենը, մեղրը, հատապտղի մուրաբան տնից էր բերել կեչակեղևի արկղիկում: Այդ ամենից մի քիչ մի քիչ ինձ էլ հյուրասիրեց: Չնեղացնելու համար մի շոռաբլիթ վերցրի:

Մոսցեպանովին այստեղ սովամահ չեն անում, բայց համադամություններով էլ երես չեն տալիս: Աչքերը վազվզեցին, միանգամից վրա ընկավ բոլորին: Մեկից է կծում, անմիջապես՝ մյուսից, խառը ծամում է: Թթու վարունգից հետո՝ մեղր, մեղրի վրա բաշկիրական միս է մորու մուրաբայով հուպ տալիս: Նայեմ՝ Նատայան անհանգստանում է, որ այդպիսի լուկոլոսյան խրախճանքից հանկարծ լուծ չընկնի: Չհամարձակվեց ձեռքից որևէ բան առնել, բայց խորհուրդ տվեց. «Արանք-արանք շոռաբլիթ ծամեք, թե չէ ստամոքսին վատ կնստի»:

Մոսցեպանովը բանի տեղ չդրեց: Հանկարծ ծնոտները սկսեցին դանդաղել, աչքերը կոպ գնացին, ու խոսեց լիքը բերանով. «Սիդորկա Վալյուկովին հանդիպեմ՝ թքի ռեխին»:

«Բայց ձեր սիրած աշակերտն է: Ինչի՞ համար»,- ապշեց Նատայան:

«Ինքը գիտի»,- ասաց Մոսցեպանովը, և աչքերը շողացին: Սրա վրա էլ ընկերուհուն դուրս բերեցի պահականոցից: Ճանապարհին, բակն անցնելիս, մի անպարկեշտ միտք հայտնվեց՝ տանեմ նրան ինձ մոտ ու սփոփեմ այդպիսի տեսակցությունից հետո: Անես պատահմամբ հիշեցի, որ բնակարանում մենակ եմ, ու հարցրի, թե ուր է գնալու էս գիշերով:

«Սանամորս մոտ»,- ասաց Նատայան:

Հայացքը վկայում էր, որ ակնարկս հասկացվել է, բայց հավանության չի արժանացել:

Դե ինչ, սանամոր, ուրեմն՝ սանամոր:

Ուղեկցեցի մինչև դարպասը, անցկացրի ժամապահի մոտով: Լապտերի լույսի տակ նայեմ՝ ժպտում է:

«Ինչի՞ վրա ես ուրախացել»,- հարցնում եմ:

«Չարանում է,- պատասխանեց,- ուրեմն սիրտը կենդանի է»:

Խոնարհվեց՝ հրաժեշտ տալով ու անհետացավ մթան մեջ:

Փառք Աստծու, խոլերան Վոլգայով Կամիշինից վեր չբարձրացավ,

ԼԵՆԻՆԻ ՅՈՒՋԵՖՈՎԻՉ

Կամայի գետեզերքն անվտանգ էր: Կարգադրություն ստացվեց՝ թագավորին սպասել սեպտեմբերի 30-ի կեսօրից հետո, եթե եղանակը չփչանա:

Այցի նախապատրաստություններն ամառվա կեսին էին սկսվել, և այդտեղ քիչ օգուտ կար Կրիդներից. Տյուֆյակը շատ ավելի եռանդուն էր: Զաղաքամերձ ու առափնյա այգիներում դորիական ոճի ռոտոնդաներ են կառուցվել, Կազանյան ու Սիբիրյան ուղեկալների մոտ կոթողներ էին կանգնեցվել՝ վերնամասում թուջե գեղեր ու արծիվներ: Սիբիրյան մեծուդում, որով թագավորը քաղաք էր մտնելու, ուղեկալից քառորդ վերստի վրա մատղաշ կեչիներ էին տնկել: Գլխավոր փողոցներում եռակի կիսակոճղերով մայթեր էին փռվել: Դրա կապակցությամբ գիմնազիայի ուսուցիչ Վասիլի Ֆենևովը բանաստեղծություն էր գրել, որը ձեռքից ձեռք էր անցնում.

Օ՛, նահանգապետ մեր Կիրիլ,
Պերմում ինչքան բաներ արիր:
Սլուդկիից Երոշիխա
Երկար ու ծիգ մայթ է որ կա:
Մի օրում ես ողջը կապել,
Ցանկապատ ու հատակ քանդել,
Բուրգ ես շինել ու ռոտոնդա,
Ի՛նչ տեսարան, հրաշք է դա:
Էլ ինչ չճոմ ու չունաստան,
Ոտ չեն գցի մեզ հետ հաստատ:

Ես ֆրոնդյոր չեմ, բայց ինչ-որ մեկը Տյուֆյակի ականջին շնչացել էր, թե իբր բարոն Կրիդների առանձնահատուկ բարեհաճությանն եմ արժանացել: Եվ ահա դասված եմ ֆրոնդայի ճամբարին, իսկ այդ խարդավանքի հետևանքով թագավորի հետ հանդիպմանն իմ վաշտը կղեկավարի փոխտեղակալ Դրավերտը՝ կայազորի գումարտակից: Ըստ լուրերի՝ ազգակցական կապ ունի պետերբուրգյան ինչ-որ կարևոր դեմքի հետ:

Սեպտեմբերի 30-ի կեսօրին ժողովուրդը սկսեց հավաքվել մեծու-

ղում Քաղաքամերձ այգու մոտ: Ընտանիքներով էին գալիս՝ զուգված-զարդարված, ուտելիքի կապոցներով ու զամբյուղներով: Ինձ հասնող խոսակցությունները ժամանակ առ ժամանակ դառնում էին այն հարցին, թե թագավորն ինչու է ժամանել Ուրալ: Ուղևորության նպատակները չեն հրապարակվել, արդյունքում ամենաֆանտաստիկ ենթադրություններ են արվում: Ամենատարածված վարկածն այն է, որ ընդմիջտ է լքել Պետերբուրգը, որովհետև այնտեղ համատարած դավաճանություն է:

Համազգեստն ինձ տեղ ապահովեց առաջին շարքում ծառայության կարգված աստիճանավորների խմբում:

Կանգնել էիք ուղեկալային նոփ-նոր կոթողների տակ և ժամանակ առ ժամանակ կարկանդակներով ու տաք մեղրահյութով փոր էիք պնդացնում: Ամբոխի մեջ դեսուդեն անող փերեզակներն էին ծախում: Թաքուն թունդ ըմպելիքներ էլ էին առաջարկում, բայց ցանկացողները շատ չէին: Դա ինձ հաճելիորեն զարմացրեց:

Հայտարարվեց, որ թագավորը կժամանի ցերեկվա ժամը չորսի մոտ, բայց ո՛չ չորսին, ո՛չ հինգին, ո՛չ յոթի կեսին ոչինչ չէր հուշում գալուստը, բացի Սիբիրյան փողոցում վառված լույսերից: Ութին ժամանեց կայսերական թափոռի միայն առաջին մասը: Ինքը՝ թագավորը որտեղ էր, ոչ ոք չգիտեր: Լուր տարածվեց, որ գիշերը մնացել է Կունգուրում, և առավոտից շուտ պետք չէ սպասել նրան:

Գիշերվա կողմ ցրտեց, անձրև էր կաթկթում: Խոտերին ճաշի նստած մարդիկ հավաքում ու կապոց էին անում ուտելիքի մնացորդները: Երեխաները քչացել էին, նրանց հետևեցին նաև մեծերը, բայց մեծ մասը, այդ թվում՝ ես, հույս ունեինք, որ լուրը կեղծ է: Լույսերը չէին մարում մեր մեջ պահպանելով այդ հույսը: Ամենաճարպիկները, որ ավելի լավ տեսնեն թագավորական երթը, ուղեկալից մեծուղով առաջ շարժվել ու տեղեր էին գրավել կեջիների տակ:

Շուրջբոլորը ջրափոսերում ավազ էր լցված, որը հարյուրավոր ոտքեր տրորելով՝ դարձրել էին ցեխ: Բոլորը, աչք ցավեցնելու չափ, նայում էին մթին հեռուն, որը ոչնչով չէր արձագանքում նրանց հայացքներին: Հանկարծ աղեկտուր ճիչ լսվեց. «Գալի՛ս է»:

Միահամուռ հառաչանք անցավ ամբոխի միջով, գոչում էին. «Ո՛ր է, ո՛ր է»: Կոթողներից մեկի պատվանդանին վաղուց կանգնած տղան ձեռքը պարզել էր ինչ-որ ուղղությամբ ու գոռում էր խելագարի պես: Հեռվում մի մեկավոր լույս երևաց: Թույլ առկայծում էր խավարի մեջ, ճոճվում սեփական ընթացքից ու մեզ բաժանող խոնավ օդի շարժումից:

Ամբոխը գվկոցով սկսեց տարածվել մեծուղու երկարությամբ: Մարդկային պատն իմ շուրջը փլվեց, բեկվածքներից մեկի միջով նկատեցի Մուսցեպանովի Նատայային ու սկսեցի մոտենալ: Ուրքերի թաթերին ձգված՝ աչքը չէր կտրում հեռավոր լուսակետից: Նրան հրմշտում էին բոլոր կողմերից, բայց այդ վիճակում էլ կարողանում էր պահպանել իրեն հատուկ նրբագեղությունը: Ինձ չէր տեսնում: Աջ ձեռքը արմունկով հետ էր մղում հարևանների սաստիկ ճնշումը, իսկ ձախը կրծքին թաքցրած ինչ-որ բան էր պահպանում, ասես ծոցում շան թե կատվի ձագ լիներ: Մի պահ երևաց գլանածև փաթաթած թղթի ծայրը: Հասկացա, որ թագավորին ուղղված խնդրագիրն է, որ Մուսցեպանովի եղբայրն ուղարկել է Կազակից, ու վախենում է ճմռթվի: Նրա մտադրությանը խանգարել չէի ուզում, բայց մտածեցի, որ եթե խցկվի թագավորի մոտ, իսկ ես կողքին լինելով՝ չփորձեմ կանգնեցնել, տհաճություններ կունենամ: Ավելի լավ է հեռու մնալ նրանից, թե չէ աստիճանավորներից մեկնումեկը կհայտնի իմ անգործության մասին: Սպաներին ու պաշտոնյաներին կարգադրված էր բոլոր եղանակներով ու միջոցներով կանխել թագավորին գանգատ կամ խնդրանք փոխանցելու փորձերը:

Շրջվեցի դեպի խավարում բորբոքվող կարմիր կետը, որ մոտենում էր, մեծանում, ձգվում: Բոցը գետնից բավական բարձր էր և ասես ինքն իրեն էր շարժում, ինչպես Մովսեսի անկեզ մորենին, ու նույն կերպ դյուրված, ինչպես իրեան՝ անապատում, բոլորս նայում էինք նրան: Մշուշոտ ցուրք լողում էր օդում կախված մանրամաղ անձրևի միջով:

Այնպիսի հուզագրգիռ վիճակում էի, որ չէի կարող միաժամանակ տեսնել ու լսել: Տեսողությունս ու լսողությունս փոխնիփոխ էին գործում: Բազում սմբակների դոփյունը շատ ավելի ուշ դղրդաց ականջներիս մեջ, քան օդում լողացող խորհրդավոր կրակը կվերածվեր հեծյալ ֆելդեգերի

բռնած ուղեջափ: Թնդաց աններդաշնակ «ուռա»-ն, գլխարկներ թռան օդ: Ձիու տաք քրտինքի հոտ եկավ: Ֆելդգերի հետևից երեք բաց կառք սուրացին կողքովս: Այնտեղ ևստած մարդիկ միանման շքագլխարկներով ու շինելներով էին: Կիսախավարում նրանց մեջ թագավորին ճանաչելն անհնար էր:

Հաջորդ պահին ջահը կախվեց անփջապես ուղեկալի հետևը՝ ևահանգային ճարտարապետ Սվիյազևի տան առաջ: Ըստ կարգացուցակի՝ թագավորն այնտեղ պիտի փոխեր հագուստը: Լսեցի, թե նրա ողջույնին ինչպես պատասխանեց ցանկապատի երկարությամբ շարված պահակային վաշտս, ու մտածեցի, որ իմ ղեկավարությամբ ավելի ներդաշնակ կպատասխանեին:

«Էհ, Դրավերտ, Դրավերտ, շա՛ն որդի», - ոչ առանց իմ վիճակում հասկանալի չարախնդության մտածեցի ես:

Ամբոխը հեղեղել էր տան դիմացի փողոցը: Խցկվեցի առաջ: Կառքերը դատարկ էին, շքախմբի մարդիկ ևույնպես ճանապարհի հագուստը փոխում էին տոնականի, բայց ֆելդգերները մնացել էին ձիերի մոտ, կառապանները՝ ևստիքներին: Նրանցից մեկը՝ դյուցազնական կազմվածքով, միևնույն կրծքի կեսն իջնող սևաթույր մորուքով, համընդհանուր ուշադրության առարկա էր դարձել: Նստիքին արքայավայել բազմած՝ ուշադրության չէր արժանացնում հիացմունքով իրեն զննող անբաններին: Լեզենդար Իյա Բայկովն էր՝ թագավորի սիրելի կառապանը:

Քաղաքացիներից մեկը, հենց կողքին կանգնած, նրա մասին այնպես էր պատմում, ասես ոչ թե կենդանի մարդ էր, այլ թանգարանի արձան. «Առուստեռլիցի կովին թագավորին փրկել է գերությունից, այդ սխրանքի համար գնդապետի աստիճան է ստացել: Թագավորը բոլոր պաշտոնյաներից միայն նրան է թույլատրում չսափրել մորուքը»:

«Կառապանը դասային աստիճան ունենալ չի կարող», - ասացի ես:

«Ինչի՞ որ», - վիրավորվեց պատմողը:

«Դասային աստիճաններ շնորհվում են միայն նորին մեծությունների ու բարձրությունների տնային ծառայանում», - բացատրեցի ես ու նորից տեսա Նատայային: Դեմքը առանձնանում էր մյուս դեմքերից, այն չէր

ԼԵՆԻՆԻ ՅՈՒՋԵՖՈՎԻՉ

փչացնում նույնիսկ չափազանց երկար ու հիմա էլ դեռ ցրտից ու խոնավությունից կարմրած քիթը:

Օգտվելով նրանից, որ շրջապատողների ուշադրությունը կենտրոնացել է Իլյայի վրա, անտարբեր տեսքով, քողարկվելու համար ուրիշ կողմ նայելով, զգուշորեն, քայլ առ քայլ, թիկունքից սկսեց մոտենալ թագավորի կառքին: Ես կրահեցի նրա պլանը ու մտովի հաջողություն մաղթեցի:

Եվ նույն պահին, ասես ցանկությունս ուժ տված լինեք, նա նետվեց առաջ, ու մինչև զինվորները կհասցնեին բռնել, առանց թափ առնելու, դաստակի անորսալի շարժումով հասցրեց նստիքին զցել վարդագույն երիզով կապած գալարափաթեթը: Այնքան ճարպիկ արվեց, որ կարծես թե միայն ես նկատեցի, և դա էլ այն պատճառով, որ հետևում էի:

Ձիկները հետ՝ ամբոխի մեջ հրեցին նրան: Քիչ էր մնում ընկնել, բայց ժպտաց մեծերի հանձնարարությունը կատարած աղջնակի պես, հպարտ, որ արդարացրել է նրանց վստահությունը, կարողացել է: Լույսերի տակ աչքերը հաղթական վառվում էին: Հաշվարկն այն էր, որ թագավորը կառք նստելիս կնկատի խնդրագիրն ու չնայած մթան մեջ չի բացի, կվերցնի ավելի ուշ կարողալու համար, բայց Իլյան ինչ-որ անպատեհություն զգալով՝ շրջվեց: Ծառայության բերումով ծոծրակին էլ պիտի աչքեր ունենար, այլապես այդքան երկար չէր մնա լեյբ-կառապանի նստիքին: Հայացքն առավ նստարանի ու կառակողի արանքում ընկած սպիտակ գալարափաթեթին, որոնցից, պետք է ենթադրել, կյանքում քիչ չէր տեսել: Բռնեց մտրակի ծայրով ու զցեց գետնին:

Լապտերը հանեցին սանդղամուտ, հայտնվեց թագավորը: Շինելի փոխարեն հագին համազգեստ էր, շքազլխարկին փոխարինել էր եռեզր զլխարկը: Նրան դիմավորեց ամբոխի բուռն ցնծությունը: Շքախմբի ուղեկցությամբ համարյա վազքով իջավ աստիճաններով և պատվի առած զինվորների մոտով ուղղվեց դեպի կառքը:

Ժողովուրդը հետ քաշվեց՝ ճանապարհ տալով: Ուղիղ իմ առաջ գետնին տեսա այն, ինչ մնացել էր խնդրագրից: Տասնյակ ոտքեր էին անցել վրայով: Վարդագույն ժապավենով գեղեցիկ կապված կոկիկ գալարափաթեթը հիմա ընդամենը ճղճղված կեղտակուր թուղթ էր:

Հայացքով փնտրեցի Նատալյային՝ վախենալով նայել նրա աչքերին, բայց հետքն անգամ չկար: Ուզում եմ հավատալ, որ իր խնդրագրի ճակատագիրը մինչև օրս էլ չգիտի, ու երբ գրում եմ այս ամենը, երանելի անտեղյակությամբ թեյ է խմում սանամոր տանը՝ հաստատապես հուսալով թագավորական ողորմածությունը:

Իգնատի Ելովսկի: Ալեքսանդր I կայսեր կամեր-քարտուղարի մատյանը

Սեպտեմբեր, 1824 թ.

Թագավորը ճարտարապետ Սվիյազևին ադամանդակուռ մատանի նվիրեց, իսկ տիկնոջը՝ նույնպիսի գարդաճարմանո: Նրանց տանը հագուստը փոխելով՝ կրկին կառք նստեց և կառքերի մի ամբողջ թափորի գլուխն անցած՝ Սիբիրյան փողոցով իջավ Կամայի ափ՝ Պայծառակերպության մայր տաճար: Գավիթում նրան դիմավորեցին նահանգապետ Տյուֆյանև ու բերգ-տեսուչ Բուլգակովը, պատարագիչը Պերմյան և Վերխտուրյան եպիսկոպոս նորին սրբազնություն Դիոնիսին էր:

Արարողության ընթացքում հայտնվեցի Դիբիչի կողքին, և նա ականջիս ասաց, որ նախկին նահանգապետ բարոն Կրիդներն իր ծառայակիցն է եղել գնդում, երկար տարիներ չէին տեսնվել ու շատ էր ուզում հանդիպել, բայց՝ ավանդ:

Պատարագից հետո մենք բոլորս և նահանգի առաջին դեմքերը գնացինք ընթրելու Բուլգակովի տանը, որտեղ թագավորին հարկաբաժին էր հատկացված: Ժողովուրդը հեղեղվեց մեր հետևից: Մինչև կեսգիշեր, սեղանի մոտից վեր կենալով՝ թագավորը երեք անգամ դուրս եկավ պատշգամբ, որի տակ հավաքվել էր բազմահազարանոց ամբոխը: Նրա հայտնվելուն պես թնդում էր «ուռա»-ն, գլխարկներ էին օդ թռչում: Մեկը կախվեց-մնաց պատշգամբի եզրապատի լապտերին: Թագավորն իջեցրեց կախ ընկած տեղից, Սոլովկայից մի բուռ արծաթադրամ վերցնելով՝ լցրեց գլխարկի մեջ ու նետեց ցած: Ի պատասխան տասնյակ գլխարկներ թափվեցին ոտքերի

տակ: Սոյումկան դրանք հետ էր շարտում, իսկ թագավորն արծաթե հիսունանոցներն արդեն ոչ թե բռով, այլ հինգ-վեց հատով էր նետում ցած, բայց զլխարկները շարունակում էին թռչել մթան միջից, ինչպես թիթեռնիկները՝ լույսի վրա: Ինչ-որ մեկի կարտուզը դիպավ դեմքին: Թագավորը հեռացավ պատշգամբից և այլևս չվերադարձավ:

Առավոտյան թագավորը մասնակցեց կայագորային գումարտակի ստուգատեսին, ապա ընդունեց հոգևորականության, լեռնային պաշտոնյաների ու վաճառականների պատվիրակությունները. քիչ պարզևներ չբաժանվեցին, իսկ քաղաքապետին համագորային էպոլետներ կրելու իրավունք տրվեց: Ճաշից առաջ պառկեց հանգստանալու, իսկ ես, հիշելով Արակչեևի խնդրանքը, գևացի դատարան և տեղեկացա, որ պաշտոնաթող շտաբս-կապիտան Գրիգորի Մաքսիմով Մոսցեպանովը դատապարտվել է աստիճանազրկման և աքսորի, բայց մինչև սեևատական վավերացումը մնում է հաուպովախտում:

Վարջին, թե պարզվե՞լ է գաղտնիքը, որը պատրաստվում էր հայտնել կոմս Արակչեևին, հողաբաշխ պատասխան չստացա: Դրա փոխարեն առաջարկեցին ծանոթանալ ևսխաքևևական գործին, որը սարսափեցրեց ինձ իր վեց հատորներով: Վերջին հատորի վերջին էջի հերթական համարը 1672-ն էր: Թերթեցի այդ աշխատությունը, բայց չփորձեցի կարդալ և դատարանական գրասենյակը տեսնելու ցանկություն հայտնեցի:

Ինձ առաջևորդեցին բաղնիքի պես ծխահար առաստաղով ու մրից խավոտած պատերով մի մեծ սենյակ: Սեղանները խազվզած էին դանակով ու թանաքաքծերով ծածկված, դրանց մոտ, կեղևաթելով կապկպած ոտքերով աթոռներին նստել էին գրագիրները: Տակները բարձիկների փոխարեն մատյանների տրցակներ էին, թանաքաման էին ծառայում քսուքի կավե ամանները, ճնշակալ՝ վառելափայտի կտորտանքը: Նկատեցի, որ այդ ընկերախմբի կեսը զուտ երեխաներ են, մյուս կեսը՝ ուռած մոուքներով փքված կերպարներ: Միջանկյալ տիպը բացակայում էր, ասես առաջինները, ոչ թե տարիների հետ, այլ մի ակնթարթում, վերածվում էին երկրորդների: Այդ ակնթարթը թաքևված է անհամեստ աչքերից, ինչպես բոժոժի՝ թիթեռի վերածվելու պահը:

Գրասենյակի վիճակը արտացոլում է դատավարության կարգը: Ասում են՝ ինչպես գրագիրները գրում են, այնպես էլ դատավորները դատում են: Ինքնին միտք էր ծագում, որ Մոսցեպանովի գործով դատավճիռը նույն-քան փնթի, կաղոտն, կեղևաթելերով կապկպած մի բան պիտի լինի: Որոշեցի հաջորդ օրն անցնել հաուպովախտ և անձամբ խոսել նրա հետ, իսկ օրվա մնացած մասը մենակ շրջում էի գետեգերքի դարավանդին, տաճարի մոտ: Ափսոս, որ այդպես էլ նկարչություն չսովորեցի ու չեմ կարող, ինչպես իմ տեղը կաներ բարոնուհի Կրիդները, անմահացնել այստեղից Կամայի վրա բացվող հրաշք տեսարանը: Նրա վեհությունը բառերով չես արտահայտի: Երեկ ընթրիքին Բուլգակովը թագավորին վստահեցնում էր, որ Կազանի համալսարանում են հորինել, թե Կաման թափվում է Վոլգա, իրականում նրան է առնում իր մեջ:

Հաջորդ օրը թագավորի հետ էի, երբ այցելեց բանտ: Նրան ուղեկցում էր նահանգապետ Տյուֆյանը՝ պաշտոնյաների հետ, իսկ այդ դժոխքն իջնելիս Վերգիլիոսի դերը կատարում էր նահանգային դատախազ Բարանովը: Բանտային կարգն ու կառուցվածքը չորախացրին թագավորին, բայց ավելի վատ բանտեր էլ էր տեսել, ուստի բժախնդրություն չարեց՝ սահմանափակվելով հիշեցումով, որ անթույլատրելի են այնպիսի պատիժները, որոնք կալանավորներին զրկում են քրիստոնեական մխիթարություններից: Գավառի համար սովորական՝ կասկածյալների, ամբաստանյալների ու մեղադրյալների խառնիփնթորության հանդեպ վաղուց էր անտարբեր. գիտեր՝ ինչ ու ինչքան էլ ասի, իր մեկնելուց հետո ամեն ինչ նախկինի պես է գնալու, բայց աչքին զարնեց այդպիսի մեծ նահանգի համար խիստ կասկածելի՝ կալանավորների փոքր թիվը:

«Կարծես դեսուտե՞ն եք խցկել»,- հարցրեց նա:

«Ճիշտ այդպես, խցկել ենք, սակայն բացառապես դատարանի որոշումներով,- վարպետորեն դուրս պրծավ Բարանովը:- Դատաքննության ընթացքը չէր կարող արագացվել ձերդ մեծության ժամանելու լուրով»:

Տյուֆյանն ավելի շատ լուր էր: Մի ամիս առաջ էր ստանձնել պաշտոնն ու չէր կարող իմանալ տեղիս բոլոր հանգամանքները:

Բանտից մեկնեցինք Հանրային խնամատարության վարչության

անկելանոց: Այստեղ թագավորի ուշադրությունը գրավեց զինվոր Սավելը, որը խախտվել էր նրա վրա, որ երեք տարվա ռոճիկը չէին տվել: Թագավորը կարգադրեց բավարարել այդ դժբախտի պահանջը:

«Թող զոնե կես ժամ գոհ լինի», - ասաց Տյուֆյակին, որը համարձակվել էր նկատել, թե դա երկար ժամանակով չի հանգստացնի նրան:

Թագավորին դուր է գալիս խախտել օրակարգը: Նրան սպասում էին գիմնազիայում, բայց ցանկություն հայտնեց այցելելու հաուպտվախտ՝ անհիմն մտածելով օգոստոսի ձյան պես տեղալ նրանց գլխին: Պերմում գիտեին, որ Եկատերինբուրգում մտել է հաուպտվախտ, ու համենայն դեպս միջոցներ էին ձեռք առել: Ես դա հասկացա այնտեղ հասնելուն պես: Ցանկապատը նոր էին ներկել, բակը մաքուր ավաճ էր ու ավազ ցանաճ: Բակի շինությունները փայլում էին թարմ սպիտակ ներկից:

Օրը սառն էր, բայց՝ արևոտ: Հանդիպման համար շարվաճ պահակագործի հրացանները լուսաբծեր էին զգում հաուպտվախտի ստվերոտ պատին, բայց ներսում, ըստ երևույթին, ամեն ինչ այնքան լավ չէր, հակառակ դեպքում կալանավորներին բակ չէին հանի: Ընդամենը երեքն էին: Շարք էին կազմել սանդղամուտի տակ, և երբ պահակագործը պատասխանում էր թագավորի ողջույնին, նրանցից աջակողմյանը ձայնը խառնեց զինվորական երգչախմբին: Հասկացա, որ հենց նա էլ ինձ պետք է:

Դարպասից մինչև առմուտքը թագավորը երեսուն քայլ պիտի անցներ: Անշտապ էինք քայլում, ու պատկերացրի, ինչպիսին է տեսնում նրան Մոսցեպանովը. փոքր, ամրակամ բերան, պայծառ աչքեր, որ գերագույն ճշմարտություն էին խոստանում դրանց տիրոջ արտասանաճ առաջին իսկ բառով: Դեմքը հողմահար էր մեկուկես ամսվա դեգերումներից, ասեկոսենների սևունդ տվող դիմագծերի աղոտությունը չքացել էր: Թայլը թեթև է, մեջքը՝ ուղիղ, ասես ինքը չէր, որ այսօր նախաճաշին վարսակի շիլան ուտելիս,- չնայած հենց ինքն էլ եփելու համար նախօրեին մի կարմիր էր տվել խոհարարին,- գդալը զցեց ափսեի մեջ և ասաց. «Մահը լուսաբացին մեր անկողին է մտնում»: Այդպես խոսում են սիրելի կատվի լկտիության մասին, որին հնարավոր չէ պարզապես բռնել ու դուրս շարտել անկողնուց:

Կանգ առանք կալանավորական եռյակի դիմաց: Մոսցեպանովն աջից

եր: Ձախից՝ պահի վստմությունից խենթացած մի ոչ երիտասարդ պարոն էր՝ առանց էպոլետների սպայական սերթուկով. նրանից էլ սկսեցին:

«Կնոջն է սպանել», - նրան բնութագրեց Բարանովն ու անվտառ լռեց՝ պե՛տք է, արդյոք, շարունակել: Խոսքի վերջում ձայնը բարձրացնելով հասկանալ էր տվել, որ ասվածից ավելին գիտի:

Թագավորը գլխի շարժումով խրախուսեց, որ շարունակի: Պարզվեց, որ սպանությունը կատարվել է առանց որևէ պատճառի, հարբած վիճակում, ահա թե ինչու մարդասպանը ոչ թե բանտում էր պահվում, այլ հաուպտվախտում: Այդ կարգի հանցագործները մեզանում ներողամտության արժանի էին համարվում, բայց թագավորին խորթ էին այդ նախապաշարմունքները: Նա սառը նկատեց, որ դատարանին է թողնում վճռելու մեղավորի ճակատագիրը, և ոչ մի հարց չտալով՝ անցավ աջ, դեպի մեջտեղում կանգնած բժիշկ Նեպլոդովը, որ մերկացվել էր կեղծ տեղեկանքներ տալու ու պետական գույքը վաճառելու մեջ: Նեպլոդովի գեղձարարությունների մանրամասները թագավորին չէին հետաքրքրում: Ձեռքի շարժումով կանգնեցրեց նրա մեղքերի մասին զեկուցող Բարանովին ու քայլ արեց աջ՝ դեպի Մոսցեպանովը: Կնոջը սպանածն ու բժիշկը դուրս ընկան նրա տեսադաշտից, որպես ֆիզիկական մարմիններ ասես դադարեցին գոյություն ունենալ: Բավական էր թագավորը հայացքը կտրեր նրանցից, երկուսն էլ իմ աչքին սկսեցին կորցնել նյութականությունը, աղոտանալ, հալվել: Երբեմն զգում եմ, որ նման մի բան ինձ հետ էլ է կատարվում: Ապրում եմ, քանի թագավորը նայում է ինձ:

Մոսցեպանովի նախաքննական գործից իմացել էի, որ տարեկիցներ ենք, այսինքն՝ նա տասը տարով փոքր է թագավորից, բայց ավելի շատ նրա տարեկիցն էր թվում, քան իմ: Ճակատն ու այտերը ակոսված էին կնճիռներով, ինչպես լինում է կյանքում բազմաթիվ զբաղմունքներ փոխած մարդկանց դեպքում. յուրաքանչյուրն իր հետքն է թողնում: Կապույտ մանկական աչքերը դժվարությամբ էին զուգորդվում այտուցված աչքատակերի հետ:

«Պաշտոնաթող շտաբս-կապիտան Մոսցեպանով: Դատապարտվել է Սիժմիտագիլյան կառավարիչների վրա սուտ մատնություն անելու համար», - զեկուցեց Բարանովը նույն, ինչպես առաջին երկու դեպքում, խո-

րագույն ափսոսանքի տոնով, որ իրեն ենթակա ևահանգում այդպիսի մարդիկ կան:

Վարցը, թե մատնությունները շա՞տ են եղել, շփոթեցրեց նրան, բայց Տյուֆյանը չդժարացավ մոտավոր թիվ նշել՝ քսանից ավելի: Դրանից եզրակացրի, որ Մոսցեպանովի գործը հայտնի է նրան: Ըստ երևույթին, Արակչեևը, հույս չընելով այդ շտաբս-կապիտանի գաղտնիքը բացելու իմ խոստման վրա, նույնը հանձնարարել էր իր հովանավորյալին: Իսկ նա հասցրե՞լ էր իմանալ, թե ո՞չ չգիտեի:

«Եվ բոլոր քսանն էլ կե՞ղծ», - չհավատաց թագավորը:

«Բոլոր բողոքներն ուսումնասիրվել են սահմանված կարգով, և ոչ մեկը չի հաստատվել», - պատասխանեց Տյուֆյանը:

Թագավորը հայացքը դարձրեց բողոքավորին, որը փորձում էր զգաստ կանգնել նրա առաջ: Ծանր էր տեսնել, թե ինչպես է չում արցունքոտ աչքերն ու կտրիճավարի ցցում կործքը: Ուշադրություն դարձրի, որ ձախ սապոզի թաթն աջից փոքր է, և դա վերագրեցի բուժգնության եզրակացության մեջ հիշատակված խեղմանը՝ ոտքի մատների կորստին:

Այդ ընթացքում Տյուֆյանը հանգամանորեն, անհարկավոր մանրամասներով, որոնք գավառական պաշտոնյաներից դուրս են թափվում, ինչպես ոչիլները՝ պատի անցքից, պատմում էր, որ դեռևս ևահանգապետ Կրիդների օրոք Մոսցեպանովի բոլոր բողոքները հետազոտվել են ևահանգային հանձնաժողովի կողմից՝ ներառելով հոգևոր ու լեռնային կողմի պատվիրակներին, և անհիմն են ճանաչվել:

«Այդ դեպքում ինչո՞ւ էր գրում», - ընդհատեց թագավորը:

«Որ կառավարչին վարկաբեկի», - բացատրեց Տյուֆյանը: - Կառավարիչ Սիգովը մայր հայիոյելու համար նրան հեռացրել է գործարանային ուսումնարանի ուսուցչի պաշտոնից»:

Եվ այդտեղ լսեցի Մոսցեպանովի՝ իր մարմնին անհարիր բարձր ձայնը:

«Ճշմարտությունը բանսարկություն կոչեցին, իսկ ստին ճշմարտության զգեստներ հագցրին», - խռպոտ արտաբերեց ըստ երևույթին վաղորոք պատրաստած նախադասությունը, որը, չնայած իր ծուռտիկ նրբագե-

դուրյանը, բավական սահուն թռավ նրա լեզվից:

Ոչ ոք, առավել ևս կալանավորը չի համարձակվի բերան բացել թագավորի ներկայությամբ, մինչև ևս չդիմի: Բոլորը քարացան, բայց, ինչպես և սպասում էի, Մոսցեպանովի հանդգնությունը որևէ հետևանք չունեցավ: Անխռով, ասես արտակարգ ոչինչ չէր պատահել, թագավորը Տյուֆյակից հարցրեց, թե ինչպիսին է դատարանի վճիռը, և պատասխանը լսելով՝ տարակուսանքով օրորեց գլուխը. «Եթե մեղքը միայն բողոքագրերն են, թեկուզև կեղծ, չափից դուրս խիստ չէ՞»:

«Միայն այդ չի: Մեղավոր է սողոմական մեղքում, աշակերտներին ուժով պարտադրել է կենակցության», - զեկուցեց Տյուֆյակը՝ հաստատելով իմ ենթադրությունը, որ առանց Արակչենի ցուցումի դժվար թե նահանգապետության առաջին շաբաթներում ծանոթանար այդ գործի 1672 էջերին:

Մոսցեպանովը նույնիսկ չնայեց նրա կողմը: Գլխահակ էր, բայց ոչ այն պատճառով, որ չէր համարձակվում նայել թագավորին: Նրա ոտքերին էր նայում ու ոչ թե պարզապես նայում էր, այլ համեմատում իրար հետ: Կոպեքը թույլ թրթռում էին՝ մատնելով դրանց տակ խաղացող ակնազևների շարժումը: Առանձնահատուկ զգացումը, որ իմ մեջ ծնվում էր սրտիս տիրոջ կողքին, հուշեց, որ Մոսցեպանովի հետաքրքրությունը շարժել է թագավորի աջ սապոզը՝ տակից ձգած փաթաթանով: Ինչպես իրենը՝ այդ սապոզն էլ մյուսից մեծ էր, թող որ ոչ թաթի երկարությամբ, այլ՝ ճոքի լայնությամբ:

Թվում էր՝ Մոսցեպանովին կախարդել է այդ նմանությունը: Հայացքն ավելի խոնավացավ, բայց դա արդեն այն խոնավությունը չէր, որ մի քանի րոպե առաջ պղտոր, ինչպես հիվանդ թռչուններինը, փայլարի հոսքով կուտակվում էր աչքերի անկյուններում: Հիմա դրանց մեջ շողում էր խանդադատանքի ու բախտի հանդեպ երախտապարտության մաքուր արցունքը՝ իրեն միապետին նման տեսնելու շնորհի համար: Աջխարիը երկուսին էլ խեղդել էր: Երկու անդաշն սապոզները ներդաշնակ արծազանքում էին նրա հոգու մեջ:

Ներբանները գետնից չկտրելով՝ զգույշ, երկու փորձից, կես թաթ առաջ մղեց մատնազուրկ ոտքը: Ըստ երևույթին հույս ուներ, որ թագավորն էլ կտեսնի այդ զարմանալի նմանությունը: Բայց թագավորը նայում

ԼԵՆԻՆԻ ՅՈՒՋԵՖՈՎԻՉ

Էր նրա աչքերին՝ ապարդյուն փորձելով որսալ մշուշված հայացքը:

Թագավորը կանգնած էր Տյուֆյակի ու Բարանովի արանքում, թիկունքում շքախումբը, բայց և այնպես դատարկության շրջանակում էր, որի անտեսանելի սահմանը ոչ ոք չէր հատում: Այնպես ստացվեց, որ ամենամոտը Մոսցեպանովն էր:

Երկու կաթիլ արցունք ընկավ կոպերի տակից ու գորվեց այտերով: Քիթուբերանի կնճիռներին հասնելով՝ երկուսն էլ փոխեցին երթուղին, աչից ու ձախից համաչափ իջան վատ սափրած ծնոտին, կախվեցին ստևից և ընկան, երբ նա կրկին խոսեց:

«Մեղավորները՝ բուսնելով ինչպես խոտ, և անօրենություն գործողները՝ ծաղկելով...»,- արտաբերեց խորին հուզմունքով, որը զգալուն չէր խանգարում նույնիսկ խոպոտ ֆալցետը:

Ես ճանաչեցի 91-րդ սաղմուսը:

Չասեմ, թե թագավորը ցնցվեց, բայց դա ազդեց նրա վրա: Չէր կարող չհիշել այդ սաղմոսով թղթիկն իրեն տված սև կամզայով անձանոթուիուն, և ինչպես սեղանից ընկնելով՝ հենց այդ էջի վրա բացվեց ինչ-որ գիրք, ոչ Սաղմոսարանը: Դեմքին մի արտահայտություն հայտնվեց, որով առավոտյան կիսատ շիլայի ափսեի մեջ էր գցել գոլալը: Այդպիսի զուգահեռություններում նա վատ նշան է տեսնում ու զգում է, որ իր ճակատագիրը շատ է մոտեցել մեկ ուրիշի ճակատագրին: Դա տհաճ է նրան, ինչպես օտար մարմնի հպումը:

«Ո՞ւմ մասին եք ասում»,- հարցրեց՝ առաջին անգամ ուղիղ դիմելով Մոսցեպանովին:

Բարանովն արդեն ուզում էր միջամտել բացատրություններով, բայց թագավորը ձեռքի շարժումով կանգնեցրեց:

«Կոմս Դեմիդովի Նիժնիտագիյան գործարանների կառավարիչ Սիգովի ու լեռնային ոստիկանապետ Պլատոնովի»,- պատասխանեց Մոսցեպանովը:

«Շարադրեք ձեր գործի էությունը, ինչպես ինքներդ եք հասկանում»,- առաջարկեց թագավորը և ինձ նշան արեց արձանագրելու նրա ասածը:

Հանեցի մատիտն ու փոքրիկ նոթատետրը:

«Նիժնիտագիյան գործարաններում կատարվող ապօրինությունները մերկացնելով՝ ես մաքրում էի հոգիս մի առանձնահատուկ հին գաղտնիք պարզելու համար, այլապես այն ինձ չէր բացվի»,- խոսեց Մոսցեպանովն ու կրկին լռեց:

Երկար նախադասություններին շունչը չէր հերիքում, փոխարենը՝ աչքերը չորացել էին, ասես արցունքները գոլորշացած լինեին հոգու մեջ հուրհրացող կրակից: Այդ փոխաբերությունն իմ մեջ անցավ զգայական մակարդակի. դեմքիս փչեց նրանից արծակվող տապը:

«Նա դրա մասին գրել է կոմս Արակչենին,- սիրտ առնելով՝ հայտնեց Տյուֆյանը:- Ձերդ մեծության այցի նախապատրաստումն ինձ ժամանակ չտվեց պարզելու նրա գաղտնիքը»:

Եվ թագավորի հայացքի տակ լռեց խոսքի կեսին:

«Խոսե՛ք, մի՛ վախեցե՛ք,- Մոսցեպանովին մեղմ խրախուսեց թագավորը: - Այդ ի՞նչ գաղտնիք է»:

Մինչև այդ ասվածը գրի էի առել ու պատրաստ էի շարունակելու: Կարծես ամեն ինչ գնում էր նրան, որ գերագույն ողորմածություն կցուցաբերվի կալանավորներից մեկին, բայց չգիտես ինչու՝ չէի հավատում դրան:

Մոսցեպանովը հնարավորինս շատ օդ առավ թոքերը: Շունչ քաշելիս մի քանի անգամ խռոց լսվեց, ասես ինչ-որ թաղանթներ էին պայթում: Վերջապես լսեցի նրա ձայնը և առաջին իսկ բառերից հասկացա, որ նախազգացումն ինձ չի խաբել. խեղճ բանասերկուն բաց էր թողել իր երջանկությունը:

«Օսմանյան Բարձր Դռան հետ Ձերդ կայսերական մեծության պատերազմի դեպքում,- ձգված դադարից հետո սկսեց նա,- իմ գաղտնիքը կարող է նպաստել մահիկի դեմ խաչի հաղթանակին...»:

Մինչև վերջ չլսելով՝ թագավորը կտրուկ շրջվեց ու դիմեց դեպի դարպասը: Բոլորը հետևեցին նրան:

Չհամարձակվեցի մնալ ու խոսել Մոսցեպանովի հետ, բայց հաստատ գիտեի, որ առաջին իսկ հնարավորության դեպքում վերադառնալու եմ: Այդ մարդու մեջ մի բան կար, որ սրտիս էր դիպել:

Դարպասի մոտից հետ նայեցի: Կնոջը սպանածն ու բժիշկը նախկին

ԼԵՆԻՆԻ ՅՈՒՋԵՖՈՎԻՉ

դիրքում էին, իսկ Մոսցեպանովը սատել էր այնտեղ, ուր քիչ առաջ կանգնած էր: Ուտքերը տարօրինակ կերպով շրջված էին, ասես ծնկահողից բացի առկվազն ևս երկու հողավորում ունենար, ինչպես միջատները:

Կրկին սատեցինք կառքերն ու մեկնեցինք Բուլգակովի տուն: Ճաշից հետո թագավորը պառկեց հանգստանալու, իսկ ես շտապեցի հետ` հաուպտվախտ: Ընդառաջ վազեց Բարանովը` ինչ-որ լեռնային մայրոհի հետ: Երկուսն էլ խիստ հուզված էին, իսկ Մոսցեպանովի հետ հանդիպելու խնդրանքս ավելի մեծ շփոթմունքի մատնեց նրանց: Որոշեցի, որ վախենում են նրա մոտ թողնել առանց Տյուֆյակից թույլտվություն հարցնելու, ու չգիտեն, թե մերժելու ինչ պատրվակ հորինեն, բայց, ինչպես պարզվեց, հանդիպում կազմակերպելը նրանց ուժից վեր էր: Թագավորի մեկնելուց հետո Մոսցեպանովն ուշաթափվել էր, ընկել ու մահացել:

«Այսօր առավոտյան մահը թագավորի անկողինն էր մտել: Դա նրա մահը չէր», - ասիա առաջինը, որ մտածեցի:

Արդարանալով Բարանովն ասաց, որ ոչ ոք մեղավոր չէ, ցնցումից Մոսցեպանովի սիրտը պայթել է:

«Ինչո՞ւ եք այդպես կարծում», - հարցրի:

«Դեմքը կապտել էր, - բացատրեց նա: - Բժիշկն ասում է, որ այդպես լինում է սիրտը պայթելու դեպքում»:

Երեկոյան Տարասովից հետաքրքրվեցի` այդ ախտանշանի դեպքում հնարավո՞ր է նման ախտորոշում: Տարասովը հաստատեց: Մեր խոսակցությանը ներկա Կոստանդինիսի հետ դուրս եկանք: Հաուպտվախտում չէր եղել, բայց շքախմբի անդամներից մեկը պատմել էր կալանավորի մասին, որը հույների համար կարևոր ինչ-որ գաղտնիք գիտեր և ցանկացել էր հայտնել թագավորին: Պատմողը կալանավորի ազգանունը մոռացել էր, ու ես էլ չտվեցի:

Սովորաբար, երբ խոսքը հունական գործերի մասին է, Կոստանդինիսը ձև է անում, թե դա իրեն չի վերաբերում, բայց հիմա առանց այլևայլության խնդրեց հիշեմ, թե հատկապես ինչ էր ասում այդ մարդը: Ես ազնվորեն պատմեցի լսածս: Լարված լսում էր, բայց հենց հիշեցի, որ Մոսցեպանովն իր գաղտնիքը բնութագրում էր «հնագույն» բառով, հետաքրքրությունն անմիջապես մարեց:

«Փարիզում,- ասաց,- մի հիվանդ ունեի, հարուստ վաճառական էր, հույն: Ծնվել էր Ֆրանսիայում, սոր հունարեն չէր խոսում, բայց շաբաթը մեկ տանը գիմատիոն էր հագնում ու խնկարկում Ջևսին, Ապոլոնին, Աթենասին և մյուս օլիմպիական աստվածներին: Այդ պոլիթեիստը ծանոթներին հավատացնում էր, որ Պարթենոնի հիմքում, կարծեմ արևմտյան մուտքի ձախից երկրորդ սյան տակ, պահված է Աքիլլեսի սրինգը: Կարծես թե սրինգն այնտեղ թաղել էր ոմն Նեստոր՝ Էլևսիևում Պեմետրեի տաճարի վերջին քուրմը, և եթե հանենք ու դրանով մարտական օրհներգ փչենք, սուլթանի բանակն ահաբեկված կթողնի Հելլադան: Իմ կարծիքով այս պարոնի գաղտնիքն էլ այդ կարգի մի բան է»:

Այն ամենը, ինչում մի շաբաթ առաջ կասկածում էի նրան, հիմա արդեն իմ երևակայության պտուղը թվաց: Չէի հասկանում ինչպես կարող էի այդպիսի անհեթեթություն մտածել: Մենք բարի գիշեր մաղթեցինք իրար, ու ես գևացի Արակչեանի գրելու պատահածի մասին: Մեր ֆելդգերներից մեկը վաղը թղթերով կշտապի Պետերբուրգ և նրան կտանի իմ նամակը: Թող Տյուֆյանը պատրոնին գեկուցի մանրամասները, իսկ ես կգրեմ միայն, որ պաշտոնաթող շտաբս-կապիտան Մուցեպանովը մահացել է և իր գաղտնիքը հետը տարել գերեզման:

Թագավորին որոշեցի ոչինչ չասել, թե չէ կսկսի իրեն մեղադրել նրա մահվան մեջ: Չէի կասկածում, որ Տյուֆյանն ու Բարանովը նույնպես կնախընտրեն անտեղյակության մեջ թողնել նրան:

Գրում եմ առանձին էջերի վրա՝ տետրի վերջում: Հետո կպոկեմ ու կվառեմ, բայց սա չեմ կարող գրի չառնել, հակառակ դեպքում գուրի չեմ հանի իմ զգացմունքներից: Ես այն մարդկանցից եմ, որոնք կարողանում են մտորել միայն գրիչը կամ մատիտը ձեռքին, իսկ մնացած ժամանակն ապրում են սրտով:

Մուցեպանովի մահվան հաջորդ առավոտյան թագավորի սենեկապանը ականջիս ասաց, որ նախորդ օրը նրա ննջարան են բերել մի աղջկա: Հազվադեպ է լինում նման բան, բայց ես էլ էի հիշում: Միշտ անտարբեր եմ եղել դրա հանդեպ. հպանցիկ սիրո առարկաներից ոչ մեկը չէր կարող նրա սրտում հավակնել այն տեղին, որն իրավամբ ինձ է պատկանում: Մեկ-

երկու այցելությունից հետո բոլորը ցնդում էին ծխի, առավոտվա մշուշի պես: Սենեկապանի ասելով՝ նախօրեի անձնավորությունը թագավորի մոտ մնացել էր ժամից ոչ ավելի ու մեկնել էր իրեն սպասող հոր հետ: Պա վկայում է, որ նրան էլ վիճակված է նույն ճակատագիրը:

Սենեկապանը հանդիպման նախապատմությունը չգիտեր, օրիորդի անունն ու ազգանունը՝ նույնպես: Առաջինն այդպես էլ գաղտնիք մնաց, իսկ երկրորդը պարզվեց քիչ ավելի ուշ, երբ թագավորն ինձ Արակչեևին ուղղված մի նամակ թելադրեց, որով խնդրում էր գվարդիա տեղափոխել Պերմի կայազորային զումարտակի պորուչիկ Դրավերտին: Հասկացա, որ դա գիշերային այցելուի եղբայրն է:

Այդ օրը նա վաղ պառկեց քնելու: Առավոտ շուտ պիտի դուրս գայինք Պերմից՝ Վյատկա մեկնելու, և ցանկանում էր քունն առնել ճանապարհից առաջ: Թագավորը զբաղեցնում էր բերգ-տեսուչ Բուզակովի տան վերևի հարկը: Դիբիչին, Տարասովին և ինձ մեկական սենյակ էին հատկացրել ներքևի հարկում, իսկ մնացած շքախմբին տեղավորել էին հարևան տներում: Քնելուց առաջ դուրս եկա զբոսնելու: Դարպասի առաջ վառվում էր քաղաքի սակավաթիվ լապտերներից մեկը, լապտերայան տակ միաձի մի կառնեթ էր կանգնած, կառապանը սպասում էր նստիքին: Կառնեթում աստիճանավորի շինելով մի պարոն էր նստած և սալոպով ու տաք գլխարկով մի օրիորդ: Սեպտեմբերին Ուրալում գիշերները սառն էին:

Հասա Պայժառակերպության տաճարի մոտ, մի քանի րոպե կանգնեցի Կամայի դարավանդի գլխին: Անտեսանելի գետը ներքևում ենթադրվում էր ջրի լուսնաձիվանքով, անսպասելի լիաթոք շնչառությամբ, որ հևարավոր է միայն ջրային արձակ տարածության մեջ, և կյանքի անսահմանության զգացումով, որ մեզ վերադարձնում է ջահելության ժամանակները: Երբեմն նման բան ինձ հետ կատարվում է նաև թագավորի ներկայությամբ:

Վերադարձին Բուզակովի տան առաջ տեսա նույն կառնեթը՝ նույն ուղևորներով: Երկուսն էլ ջանում էին հայացքով չհանդիպել ինձ: Լապտերի լույսը թիկունքից էր ընկնում՝ նրանց դեմքերը թողնելով ստվերում, բայց արդեն կռահել էի, թե ինչի են սպասում այդ երկուսը, չնայած՝ ինչպե՞ս չեն հասկանում, որ երկրորդը հանդիպում չի լինի: Թագավորի ննջարանում

երկրորդ հարկում, բոլոր պատուհաններն անկենդան մութ էին՝ ցույց տալով, որ տերը քնած է: Առավոտ շուտ էինք մեկնելու, ինչպես նա միշտ պահանջում է նման դեպքերում, առանց նախաճաշի:

Իմ սենյակում տնայինի փոխեցի հագուստս ու մտմը մարելով, որ ապակու մեջ իմ իսկ արտացոլումով տեսադաշտս չփակեմ, նայեցի պատուհանից դուրս: Կառեթը տեղում էր: Սնացածն ինքն իրեն եղավ: Դրան նախորդած որևէ միտք չեմ հիշում, ուրեմն, ավելի շուտ, չի էլ եղել, ինչպես չկար ո՛չ ամոթ, ո՛չ վախ իմ, իրերն իրենց անուևով կոչենք, արկածախնդրության հնարավոր հետևանքների համար:

Նինգ բուպեից կրկին փողոցում էի: Սիրտս պատրաստ էր դուրս թռչելու կրծքից: Պարզկա օրվանից հետո գիշերն աստղաշատ էր, մեքենայաբար սկսեցի փնտրել ծանոթ համաստեղությունները. ահա Օրիոնը, ահա Որսաշները, քիչ այն կողմ՝ Կասիոպեան, ու հանկարծ ողջ սրությամբ զգացի, ասես առաջ չէի իմանում, որ այդ կախարդական անուևներն ըստ էության ոչինչ չեն նշանակում, դրանցից այն կողմ ամայություն է, սառցեղեն խավար: Նրանց օգևությամբ ընդամենը պաշտպանվում ենք անհուն ու անանուն սարսափից, պարուրում բառերի զարդաշղթաներով, զույնզզույն լսպտերիկներ կախում վրան:

Մտտեցա կառեթին ու հարցրի՝ չե՞մ սխալվում, իրո՞ք խոսում եմ պարոն Դրավերտի հետ:

Տղամարդն ուրախացավ. «Այո՛, այո՛, ես եմ»:

«Թագավորը սպասում է,- ասացի ես՝ արբելով իմ հանդգնությունից:- Ինձ հրամայված է ձեր դստերն ուղեկցել նրա մոտ»:

Նա համբուրեց աղջկա այտը՝ ասելով. «Աստված քեզ հետ, Լի՛զենկա»:

Օրիորդին օգևեցի իջնել կառեթից ու ճանապարհին արդեն Ելիզավետա Իվանովնա էի ասում: Անունը հենց նոր էի իմացել, իսկ հայրանունը, բնականաբար, նույնն էր, ինչ եղբորինը, որի մասին թագավորի թելադրությամբ գրում էի Արակչենին:

Շքամուտքը բակի կողմից էր: Ելիզավետա Իվանովնան գնաց դեպի դարպասը, բայց ես թևանցուկ արեցի ու տարա մյուս կողմ: Այնտեղ մի մուտք էլ կար, որը տանում էր ինձ հատկացված սենյակի միջանցքը:

ԼԵՆԻՆԻ ՅՈՒՋԵՖՈՎԻՉ

Դարպասի մոտ ժամապահ չկար, թագավորը թոյլ չի տալիս ժամապահ կանգնեցնել իր գիշերակացի մոտ, բայց ուղեկցիս դարպասով ու զլխավոր մուտքով անցկացնել չէի կարող, քանի որ նախասրահում նստած էր հերթապահ ֆլիզել-համհարզը:

Եթե հետո որևէ մեկը փորձեր հարցաքննել ինձ տեղի ունեցածի մասին, անգամ չնչին կասկած չէր ունենա, որ գործել եմ նախապես մտածված պլանով: Իրականում գաղափարը ծնվել էր հենց իրականացման պահին, իսկ հարցը, թե ինչու էի անում, ոչ մի սպառնիչ պատասխան չուներ: Սիրող մարդու համար ոչինչ ավելի բնական չէ, քան որևէ քայլ անել հանուն սիրո, ընդամին՝ ենթարկվելով այն կորցնելու վտանգին:

Մենք բոլորից աննկատ մտանք իմ սենյակը: Իջեցրի վարագույրը, վառեցի մոմերն ու վերջապես կարողացա կարգին տեսնել հյուրիս: Բարձրահասակ չէր, տիկնիկային, բայց խելացի դեմքով: Այդպիսի դեմքերով տիկնիկներն ամենափոքր աղջիկների համար չեն նախատեսված, այլ ավելի մեծերի:

«Թագավորի սենյակում ծխատարը խցանվել է: Հրամայեց ձեզ բերել այստեղ», - բացատրեցի ես:

Այդ պահին ինձ առաջնորդում էր այն աստիճան շիկացած ոգեշնչումը, որի դեպքում մեր երևակայության ծնած պատկերները սուտ չեն թվում, այլ կյանքի կարելիություններից մեկը, որ պատահմամբ նրա սահմաններից դուրս է մնացել:

Վառարանը լավ տաքացել էր: Ելիզավետա Իվանովնան հանեց սալոպը, կապորը ու կախեց կախիչից: Դրանց տակ, պարզվեց, տիրոջան հովվուհու զգեստ է, ինչպիսին հագնում են նույն ցեղատեսակի կովերին խնամող ցարսկոսեյան ֆերմայի աշխատավորուհիները: Ըստ երևույթին ինչ-որ մեկը հայրիկին հուշել էր, որ դուստրն այդպիսի շորով հաջողություն կունենա: Թե այս խուլ վայրում մի օրում ինչպես էին կարել ձեռքի տակ ունեցածից, չէի պատկերացնում: Մանր դողում էի: Վախենում էի, որ ձայնս կմատնի դողը, ուստի շշուկով, առանց ձայնալարերի մասնակցության Ելիզավետա Իվանովնային ասացի, որ հանվի ու պառկի անկողնում, իսկ ես կզնամ թագավորի հետևից:

Միջանցքում հեռացող քայլեր պատկերեցի ու պահ մտա դռան հետևը: Հինգ րոպե սպասելով՝ արեցի նույնը, բայց արդեն ոտնաձայնի աճող ուժգնությամբ, ինչից հետո մտա սենյակ:

Իմ հովվուհին պառկած էր անկողնում, ծածկոցի տակից միայն գլուխն էր երևում, սակայն բազկաթոռին դարսած պարագաները հասկանալ տվին, որ հագին ոչինչ չկա:

«Թագավորը խնդրում է ներել,- ասացի:- Ընթրիքից հետո վատ է զգացել և գալ չի կարող: Ի հիշատակ՝ ինձ հրամայված է ձեզ փոխանցել այ սա...»:

Նա ձեռքը հանեց ծածկոցի տակից ու վերցրեց իմ արծաթե քթախոտի տուփը, որի վրա ձկնորսներ էին պատկերված. նրանց ցանցը մի քանի ձուկ էր ընկել, մեկը՝ սուտակե աչքով: Փորագրիչն իմ խնդրանքով վերևում ոսկով պատկերել էր թագավորի անվանագիրը: Ես քթախոտ չեմ օգտագործում և տուփը պահում էի, որ գրույցի ընթացքում հարկ եղած դեպքում ցուցադրաբար, բայց մի տեսակ ցրված պտտեմ մատներիս արանքում կամ ծանրութթև անեմ ափիս:

Թվաց՝ իմ բերած լուրը ոչ միայն չի սպանել Ելիզավետա Իվանովնային, այլև առանձնապես վշտացած էլ չէ: Առանց անկողնուց դուրս գալու սկսեց զննել նվերը: Բացեց կափարիչը, հոտ քաշեց, նորից փակեց, շրջվեց կողքի՝ չմտաձողով, որ ցած սահած ծածկոցի տակից երևում է կուրծքը, ու խնդրեց՝ որևէ բան պատմեմ:

«Ի՞նչ», - զարմացա ես:

«Ինչ կուզեք, մեկ է,- պատասխանեց:- Դեռ էլի գոնե կես ժամ պիտի մնամ այստեղ, թե չէ հայրս չի հավատա, որ թագավորի հետ եմ եղել: Իսկ ես պետք է ասեմ, որ եղել եմ»:

Արդեն պատրաստվում էի պատմել օրենքուրգյան դրոզների սովորույթների մասին, բայց նա ընդհատեց ու կես ժամ միայն ինքն էր խոսում: Իմացա նրա կատվի մասին, սիրած ծաղիկների, մուրաբայի սիրելի տեսակի, պորուչիկ եղբոր, մյուս եղբոր, մեծ քրոջ, փոքր քրոջ մասին, բայց նրան թագավորի ննջարան բերած հանգամանքները յոթ կնիքով կնքված գաղտնիք մնացին: Սովերից դուրս չեկավ նաև այն գիտունիկը, որը պա-

րոն Դրավերտին խորհուրդ էր տվել տիրոջան զգեստ հագցնել դաստերը: Այդ տիկնիկը կարողանում էր լեզուն ատամների տակ պահել:

Ես կրացա ու նրա բերանը փակեցի համբույրով: Նպատակս ոչ թե այդ պտղի համն էր, այլ մինչև այդ այն ճաշակածի զգացողությունը, բայց դրան հասնել չհաջողվեց: Ելիզավետա Իվանովնան թաթիկով անչար շպպացրեց շրթունքներին ու դուրս եկավ անկողնուց: Շրջվելու իսկոթանք չստացի: Ինձնից բոլորովին չամաչելով՝ սկսեց հավաքել հագուստը: Ես թագավորի աջքերով էի նայում բոլորովին ոչ տիկնիկային կրծքերին, լայն ազդրերին, որոնց արանքում սևին էր տալիս ոչ թե կանոնավոր եռանկյունը, այլ ինչ-որ տծև մազմզոտ թռչնաբույս, որն անհամաչափ մեծ էր նրա հասակի համեմատ:

Ինձ ոչ այնքան ցնցեց, որքան սրտնեղեցի այդ պարզունակ անամոթությունից: Չորս տարի մերկ կին չէի տեսել, բայց այդ պահին ոչ թե ցանկություն էի զգում, այլ սիրտ ծվատող խղճահարություն՝ թագավորի հանդեպ: Հիմա գիտեի նրա մենության ողջ խորությունը: Միայն այդ մենությունը կարող էր նրան մերձեցնել այս կոպիտ հմայքների տիրուհու հետ:

Հազնվելով՝ օրհորդը սալոպի տակ խցկեց իմ քթախոտի տուփը, և նույն ճանապարհով իջանք փողոց, բայց ոչ այն, որտեղ սպասում էր հայրը, այլ լայնակի հատողը: Ոչ մի շունչ մեզ չնկատեց: Տան անկյունը չհասած, երբ լապտերի լույսն ընկավ մեր ոտքերի տակ, բայց կառեթը դեռ չէր երևում, ևս կանգ առավ և ասաց. «Մոտեցե՛ք, մի բան պիտի ասեմ»: Ես ենթարկվեցի ու ոչ թե ապտակ, այլ իսկական չափալախ ստացա, որից գլխարկս թռավ: Ելիզավետա Իվանովնան անհետացավ մթան մեջ: Չէի սպասում, որ բանն այդպես կավարտվի, բայց հասկանում էի, որ վախենալու ոչինչ չունեմ. նրա շահերից չի բխում բերանից թոցնել տեղի ունեցածի մասին:

Գետնից վերցրի գլխարկս, հետո զգույշ դուրս նայեցի անկյունից: Դեպի աջ՝ մինչև ուղեկալն ու Քաղաքամերձ այգին, և ձախ՝ դեպի Մայր տաճարն ու Կաման ձգվում էր քաղաքի գլխավոր Միբիրյան փողոցը, նույնքան անսալարկ ու փայտաշեն տնակներով, որքան հարևան փողոցները: Յերեկվա լույսի տակ այդ փողոցը մյուսներից տարբերվում էր, թերևս, մի-

այն ճամփեզրի առուններում հավի ծերտի բացակայությամբ: Կրիդները, պատրաստվելով թագավորի այցին, հատուկ կարգադրությամբ բնակիչներին արգելել էր դուրս թողնել հավերին:

Կառապանը դարձնում էր կառեթը, որ գևան հակառակ կողմը: Ելիզավետա Իվանովնան ոչ թե նստել, այլ կանգնած էր՝ տիրաբար հենված հոր ուսին: Նրա մեջ ոչինչ չէր մնացել տիկնիկի դեմքով տիրոջան հովվուհուց: Կապորը ձեռքին, գլուխը հետ գցած, աչքերը կիսախուփ, ասես սուրալու էր ոչ թե այդ մորուքավոր յաբուով, այլ ինչ-որ հրաշք նժույզներով, վառվող ճակատը հաճույքով տված կատաղի վազքից խտացած սառը օդին: Սալուպը ծանր ծալքերով հոսում էր վրայից, ինչպես հունական արձանի թիկնոցը: Կանգնել էր կառեթի մեջ, ինչպես հաղթահերոսը՝ իր մարտակառքում, գլխաբաց, հեթանոս աստվածուհու հաղթական անդենական դեմքով, որն աղետներ է տանում անհնազանդներին, բայց ողորմաճություն՝ իրենց վրա նրա վեհապետական աջն ընդունածներին: Հայրն ուռկանը նետել էր կյանքի ծովը, ու երջանիկ դուստրը դուրս էր քաշել ցանկություններ կատարող կախարդական ձուկը՝ սուտակե աչքով: Համր քաղաքը փռված էր նրա ոտքերի տակ:

Վյատկայում մեր հետևից հասավ Տյուֆյակի սուրհանդակը:

Նահանգապետը նամակ էր ուղարկել՝ գերագույն թույլտվություն խնդրելով Պերմի նահանգում թագավորի գտնվելու ժամանակը խորհրդանշող մի համեստ հուշարձան կանգնեցնելու այնտեղ, ուր նա ընդունել էր կայագորային գումարտակի զորատեսը:

Ինձ կարգադրվեց Տյուֆյակի կատասխանել հետևյալը.

«Թագավորը գևահատում է ձեր հավատարմությունը, բայց կանոն է դարձրել արգելել իրեն արձան դնելը՝ ցանկանալով դրանք տեսնել միայն հպատակների սրտերում, որոնց մեջ զորանում է սերը՝ միապետի և երախտագիտության զգացումը՝ Աստծուց իրեն վստահված ու սիրելի ժողովրդի քարորությունն ապահովելու՝ նրա ձգտման հանդեպ»:

ԿԱԻՐԸ

Կոնստանտին Կոստանդին: Թափառիկ բժշկի նոթերը

Նոյեմբեր, 1824 թ.

Ալեքսանդրիայի փողոցներով նրա կործանման գիշերն անցած անտեսանելի նվազախումբը Պետերբուրգում արեց առաջին փորձը: Նկատի ունեմ նոյեմբերի 7-ի ջրհեղեղը: Լեյբ-կառապան Իյա Բայկովը պատմեց, որ երբ ջուրն իջել էր, և ինքը թագավորին տանում էր Տուչկովի կամրջով, Կամենսոստրովյան պողոտայում, նրանց ճանապարհը փակելով՝ կանգնած էր մի հսկա գալիոտ, իսկ Տրոիցկի եկեղեցու մոտ՝ համարյա նրա բարձրության երկու ածխատար բեռնակալ: Թագավորը ստիպված էր կառքից իջնել ու ոտքով շարունակել ճանապարհը:

Ամենուր ավերի սարսափելի պատկերներ էին: Նևայի ափերը պատված էին ջրի քշած-բերած վառելափայտի կտորներով, այնքան շատ, որ անհնար էր քայլ անել: Հինգ հարյուրից ավելի մարդ էր խեղդվել, բայց մարմինների կեսն էլ չհայտնաբերվեց: Սևացածին Նևան քշել էր ծով:

Հոգեհանգիստը Կազանյան տաճարում էր: Ես ներկա էի և լսեցի, թե եկեղեցում շարված դագաղներին նայելով՝ թագավորն ինչպես ասաց Դիբիչին. «Ես դիակներով ծածկված ճակատամարտի դաշտեր եմ տեսել, լսել մեռնողների տևքոցը, բայց դա պատերազմի անխուսափելի ճակատագիրն է: Իսկ այստեղ...»:

Աչքերում արցունքներ շողացին:

Կարծում եմ դրանց պատճառը նաև այն էր, որ ժողովուրդն այդ դժբախտների մահվան համար նրան էր մեղադրում: Տարերքի մոլեգնության մեջ տեսնում էին երկնքի պատիժը՝ հավատակից հույներին չօգնելու համար:

Բայց և այնպես, նա հաստատուն տանում է իր գիծը. Սրբազան դաշինքի հերթական կոնգրեսը, որը հունական հարցը քննարկելու համար նույնմեթոդին պետք է հրավիրվեր Ֆլորենցիայում, չի կայանա, դրա փոխարեն որոշվել է կոնֆերանսներ անցկացնել Պետերբուրգում: Իբրահիմ փաշան 20-հազարանոց էքսպեդիցիոն կորպուսով Ալեքսանդրիայից հասել է Մորեա, սակայն անդունդի եզրին կանգնած հույները արժանի համարվեցին ոչ թե կոնգրեսի, այլ ընդամենը կոնֆերանսների: Պրանց ընթացքում թագավորը կառաջադրի հունական հարցի լուծման իր նոր ծրագիրը: Եթե անգլիացիները համաձայնեն ազատություն տալ միայն Մորեային, ապա նա, ինչպես բերանից թոցրեց Ելովսկին, պատրաստ է շարունակել և կառաջարկի մեր հողերը բաժանել երեք իշխանության. առաջինը՝ Արևելյան Հունաստան՝ Բեոտիա, Թեսալիա և Ատտիկա, երկրորդը՝ Արևմտյան, որի մեջ կմտնեն Նավպլիոնն ու Վենետիկյան ափը, Էպիրոսն ու Ակարնանիան, երրորդը՝ Մորեա: Բոլոր երեքն ու կղզիներից ամենախոշորները ինքնավարություն կստանան սուլթանի իշխանության ներքո, բայց Ռուսաստանի և Անգլիայի համատեղ հսկողության տակ: Պարզ ասած, ոչխարներիս պատվավոր իրավունք է տրվում անծամբ որոշելու, թե իրենցից որը ճաշին կերակուր կդառնա գայլի համար, որը՝ ընթրիքին, իսկ հսկիչները կհետևեն, որ իրենց գորշ եղբայրը շատակերությունից չպայթի: Թագավորը ելնում է նրանից, որ Բարձր Պուռը չի հաշտվի մեր ազատության հետ, իսկ մենք՝ այն վիճակի, որ կար մինչև ապստամբությունը. ուրեմն պետք է միջին վիճակ: Նրա մտամոլությունն է՝ ամենուր միջին գիծ փնտրել: Ելովսկին դրա մեջ իմաստնության դրսևորում է տեսնում, ես՝ կյանքից հոգևածություն: Երբ և՛ սուլթանը, և՛ Անգլիան, և՛ մեր կառավարությունը Նավպլիոնում մերժեն նրա նախագիծը, վիրավորված կհամարի իր լավագույն զգացումները, ցուցադրաբար կլվա ձեռքերն ու մաքուր խղճով կշարունակի մորի աճեցնել, երեք ժամ անընդմեջ աղոթել, սերտել Թովմաս Զեմպիացու «Հիսուսի նմանակման մասին»-ը կամ բարեկարգել իր համար Յարսկոյե Սելոյում պատրաստված տիրոջան կովերի օրինակելի ֆերման: Նրա սիրտը պատկանում է այդ խաղաղ կենդանիներին: Երկուտանիներն ու անկոտոշները ձանձրացրել են:

Ասում են՝ նրա գլուխը պսակված է նույն զարդարանքով, ինչ իր ֆավորիտուհիներինը: Սկզբում նրան պոզեր էր դնում կայսրուհին՝ վրեժխնդիր լինելով, որ իրեն վտարել են մահճից, ավելի ուշ՝ Մարիա Եկատերինան, որին ևս քաշել էր այդ մահիճը: Կանանցից հիասթափվելը նրան մղում է ասկետիզմի, իսկ հոգու մաքրության հոգաձուլությունը, որ վերջին ժամանակներս հատուկ է նրան, մեզ ոչ մի լավ բան չի խոստանում: Նրա մտամուլությունն է՝ ոչ մեկի դատավորը չլինել, պատերազմը զգվանք է հարուցում: Նախանցյալ օգոստոսին լրացավ Բորոդինոյի ճակատամարտի տասը տարին, ողջ Ռուսաստանը նշում էր այդ տարեդարձը, եկեղեցում մաղթանքներ էին կատարվում, ամեն տուն սգում էր իր զոհվածներին, բայց թագավորն անհաղորդ էր հպատակների զգացմունքներին և չփոխեց օրվա սովորական կարգը: Շատերը դա չներեցին նրան:

Նա դաստիարակվել է ուղղափառության ոգով, բայց մեր ծեսերն ու ավանդույթները նրան ավելի չեն հուզում, քան հասուն տղամարդուն՝ մանկության հուշերը: Դեռ բուրբուրվին վերջերս նրա վրա ուժեղ ազդեցություն ուներ բարոնուհի Կրիդները, որը երազում էր քրիստոնեական եկեղեցիների միավորման մասին, իսկ ևս անտարբեր է մեր հավատի միասնության հանդեպ, նրա քայլերը դրանով չեն որոշվում: Շրջահայացությունն առաքիլություն չէ, իսկ զգացմունքները նրա մեջ մարել են: Ճիշտ է, որպես քրիստոնյա լիովին համամիտ չէ այն սկզբունքներին, որոնցով առաջնորդվում է որպես թագավորող միապետ, իսկ հոգու այդպիսի երկվությունը հղի է մարմնական ախտերով: Դա միակ բանն է, որի վրա կարելի է հույս դնել: Երեխաներ չունի, ժառանգորդը մեծ իշխան Կոնստանտին Պավլովիչն է, բայց դժվար թե մոտակա ժամանակներս նրան տեսնենք գահին:

Թագավորը սիրում է պարծենալ իր դիմացկունությամբ, հաճույքով պատմում է, թե Տրոիսեքին, 16 աստիճան սառնամանիքին ինչպես է շքերթ ընդունել միայն համազգեստով, իսկ 1812 թվականի ծմռանը բաց սահնակով Պետերբուրգից հասել է Վիլնո. բայց նրա առողջությունն այնքան ամուր չէ, որքան կուզեր կարծել: Չնայած այնքան էլ վատ չէ, որ կտրուկ վատթարացում սպասենք:

Մենք՝ բժիշկներս, գիտենք, հիվանդությունը չի հետևից մահ բերում,

հակառակը՝ մասին է իրենից առաջ ուղարկում հիվանդությունը, որպես իր շուտափույթ գալստյան սուրհանդակ: Ես թագավորին տհաճություն պատճառող մանր տկարությունների մեջ առայժմ այդ սուրհանդակին չեմ տեսնում: Նրա սրունքի հանելուկային բորբոքումը չքացել է Պերմից Մոսկվա ճանապարհին:

Ես կանոնավոր կերպով Նավային եմ գեկուցում նրա առողջական վիճակի մասին, բայց կասկածում եմ, թե իմ հաշվետվությունները որևէ մեկին պետք են: Վերջին մեկուկես տարում իշխանությունն այնտեղ բազմիցս փոխվել է, բոլոր պաշտոններում այլ մարդիկ են: Ֆաբիեն դադարել է պատասխանել նամակներին, իսկ ուլքեր հիմա դրանք կարդում են նրա փոխարեն, եթե անմիջապես դեն էլ չեն նետում, ապա այնքան էլ չեն հասկանում՝ ով եմ ես և ինչ եմ անում Պետերբուրգում: Նրանցից ոչ մեկն ինձ այստեղ չի ուղարկել, հետևաբար ոչ մեկն ինձ հանձնարարություններ չի տալիս: Իմ բոլոր պարտավորություններն իմ հանդեպ են:

Նախկին հրահանգները կորցրել են իմաստը, նորերը չեմ ստանում և ինձ զգում եմ ծովագնացի պես, որը շուրջերկրյա նավարկությունից նամակներ է գրում տանը մնացած հարսնացուին, իսկ նա վաղուց ամուսնացել է ուրիշի հետ և թքած ունի տեղական սովորույթների ու անդրծովյան կենդանական աշխարհի նկարագրության վրա:

Նատալյա Բաժինայի խոսակցությունը Գրիգորի Մոսցեպանովի հետ

Դեկտեմբեր, 1824 թ.

Պաշտոնական նամակներն արագ են հասնում, բայց երկար են գրվում: Ձեր եղբորն էլ Պերմից շուտ չգրեցին ձեր մահվան մասին, բայց այն օրվանից, որ Կազանից ստացա նրա նամակը, օր չի եղել, որ չխոսեմ ձեզ հետ: Երեկոյան, քնելուց առաջ, մթան մեջ կանգնում եմ նկարի դիմաց, որ շրջանակել էք մայրու արմտիքի ու թեղու ճիպոտներ հյուսքով, մոտեցնում եմ ճրագը, աջուձախ տանում, նայում ինչպես է լեռան գագաթի ամրոցը լողում ստվերների ու լույսի մեջ, իսկ հետո, անկողնում, աչքերս

փակաձ, պատկերացնում, որ, ահա, բարձրանում եմ վերև ու դարպասից մտնում ներս: Մտածում էի՝ հոգիս, երազի մեջ թռչելով, այնտեղ կհանդիպի ձեզ: Երազներն ու այն երկիրը, ուր գտնվում եք, Տերը հյուսում է նույն մանվածքից, մեկը անցնում է մյուսին, բայց ձեր քաղաքը մեկ անգամ չէ, որ տեսա, իսկ ձեզ այնտեղ՝ ոչ: Հետո արդեն մտածում էի, որ ձեր հոգին այնտեղ թռչելու պետքը չուներ: Անցավոր աշխարհից ճախրել է այդ լեռան գագաթը, իսկ Տիրոջ գահի առաջ առանց այն էլ իրեն լավ է զգում:

Իսկ հիմա ամեն ինչ փոխվել է:

Դեռ աշևանը, շուրջբոլորը ցեխ էր, ինձ մոտ եկավ մայրո Չիխաչովը՝ պորուչիկ Պերեվոզչիկովի ու երկու լեռնային զինվորների հետ. այդ ժամանակ չհասկացա՞մ ինչի՞ համար: Տունը լրիվ խուզարկեցին, ներքևահարկ իջան, նոր ու հին բաղնիքները նայեցին, իսկ թե ինչ են փնտրում՝ չասացին: Հարցրի, բայց պատասխանն այն էր, որ ինձ չի վերաբերում: Այն ժամանակ դեռ ձեր մահվան մասին չգիտեի ու որոշեցի, որ փորձում եմ ինչ-որ հանցանշան գտնել ձեր դեմ, որևէ իր կամ թուղթ, որի մասին Չիխաչովը մտածում է, թե իմ տանը կամ բակում եք թաքցրել: Իսկ այսօր մենակ էր եկել, առանց զինվորների: Կարգադրեց հեռացնել Ֆեդենկային ու տատին, նրանց հետևից դուռը փակեց, կեռիկը զցցեց:

«Մեղքս գալիս ես,- ասում է:- Ուզում եմ մի բան ասել»:

Հրավիրեցի սեղանի մոտ, բայց հրաժարվեց: Սրբապատկերների դարակից իջեցրեց Սուրբ կույս Աստվածամոր պատկերն ու հրամայեց համբուրել՝ երդվելով, որ ոչ մեկին չեմ պատմի այն, ինչ հիմա կասի:

Ինքը մռայլվում է, իսկ իմ սիրտը հանկարծ ուրախությամբ լցվեց, ինչպես ջահել տարիներին: Վերցնում եմ սրբապատկերն ու ժպտում:

Չիխաչովը, ինչպես Պերմում, երբ դուրս էինք գալիս հաուպովախսից, հարցնում է. «Ինչի՞ վրա ես ուրախանում»:

«Ձեզ՝ բարի մարդուն տեսնելու»,- պատասխանում եմ:

Կրկնեցի նրա բառերը, համբուրեցի սրբապատկերը, դրեցի տեղը ու կանգնել՝ սպասում եմ: Ասում է. «Չի մահացել քո Գրիգորի Մաքսիմովիչը»:

Ասես դրան էլ սպասում էի, բոլորովին չզարմացա:

Ասում եմ. «Իսկ որտե՞ղ է»:

«Չգիտեմ», - պատասխանում է:

«Իսկ ո՞վ գիտի», - հարցնում եմ:

Իսկ նա. «Եթե դու չգիտես, ուրեմն՝ ոչ ոք»:

Այստեղ միայն հասկացա, թե աշխարհը ինչու էր եկել զինվորների հետ, ինչ էին փնտրում: Նա և իրենից վեր գտնվողները սարսափելով պատժից, որ ձեզ ձեռից թողել են, զեկուցել էին ղեկավարությանը, թե իբր մեռել եք: Չիխաչովն ինչ-որ բան հարցրեց, տեսնում եմ շրթունքները շարժվում են, իսկ թե ինչ է խոսում, ոչ մի բառ չեմ լսում: Սիրտս մուրճի պես խփում է ականջներիս մեջ, իսկ գլխումս նույնն է կրկնվում Աստված չանի գտնեն ձեզ: Ի՞նչ կանեն այս հոգեառները, եթե բռնեն, ո՞ր կըջեն, որ իրենց սուտը չբացվի՝ վախենում եմ նույնիսկ մտածելուց: Տեսնում եմ քնած եք, իսկ արջի թաթը դուրս է պրծել կրակից ու մոտենում է ձեր կոկորդին:

Թե ոնց եք անհետացել՝ Չիխաչովը չասաց, ես էլ չհարցրի: Առանց էն էլ ասել էր, ինչ իրավունք չունեի ասելու, ինչի՞ անհարմար վիճակի մեջ դնեմ մարդուն:

Նրա առաջ խաչը պաչեցի, որ չգիտեմ որտեղ եք, ու լռում եմ: Ֆեդենկային ու տատին էլ առանձին հարցուփորձ արեց՝ մտածելով, թե նրանցից մի բան դուրս կբաշի, բայց ոչինչ չիմացավ, հրաժեշտ տվեց, նստեց սահնակը, ծածկոցը գցեց ոտերին ու գնաց:

Սրբապատկերի վրա երդվել էի, որ ոչ մեկին չեմ ասի, բայց առանց դրա էլ չէի ասի, նույնիսկ հարազատ մորս: Լռության մեջ, ոնց որ սառցատանը, ոչինչ չի փչանում, բայց հենց լեզվից թոցրի, կսկսի նեխել: Հետո կնայես հոգուդ խորքը, և այն ուրախությունը, որ կար, չես տեսի:

Ֆեդենկան ու տատը քնեցին, ես հագնվեցի, դուրս եկա բանջարալոց: Մութ է, լուռ, միայն սառնամանիքն է ճրճթում: Ձեր մասին միտքը դեսուդեն է խփվում իմ մեջ, ոնց որ երեխան արգանդում, տաքացնում է սառնամանիքին: Երկինքը լցված է աստղերով, և իմ հոգում էլ մի աստղիկ է առկայծում: Ինձ հույսով չեմ բորբոքում, հասկանում եմ, որ առանձնակի սպասելիք չկա. նամակ չեք ուղարկի, որ փոստատանը չբռնեն ու չիմանան՝ որտեղ եք թաքնվում, ու քիչ եմ հավատում, թե մի օր, թեկուզև ոչ շուտ, հավատարիմ մարդու միջոցով լուր կտաք ձեր մասին և ինձ ու Ֆեդենկային

կկանչեք ձեզ մոտ: Ձեր ճանապարհը դեպի Էստեղ փակ է, բայց այ Էսպես կանգնել, երազել, որ կկարոտեք ինձ ու կգաք գոնե մի գիշերով՝ Լույսպես սփոփանք է: Կարծում եմ՝ Լույսիսկ մութ փողոցներով կվախենաք անցնել, որ շները չհաչեն, բանջարանոցով կմտնեք: Հենց այդտեղ էլ ձեզ կդիմավորեմ:

Մայրո Բորիս Չիխաչով: Հիշատակարան

Փետրվար, 1825 թ.

Փետրվարի 9-ին, առավոտվա ժամը հինգին մոտ, ձի քշել իմացող վեց զինվորի, պորուչիկ Պերեվոզչիկովի և ուղեկցորդի հետ մեր վերջին գիշերակացի վայրից մեկնեցի Ուվիլդի լճի կողմը: Մոտ քսան վերստ պիտի կտրեինք: Ես ու Պերեվոզչիկովը զինված էինք ատրճանակներով, իսկ զինվորներից հինգը՝ հրացաններով: Չենք չուներ միայն Աժաուրովը՝ Մոսցեպանովի ընկերն ու բարերարը: Չինվորական ծառայության բացարձակապես պիտանի չէր ու ստիպված ինձ սպասյակ էի նշանակել:

Այդ վայրերում թաքնվող անհայտ շրջմովիկի մասին զեկուցագիրը ստացվել էր անցած շաբաթ: Հայտնվում էր, որ ևս անտառից դուս գալով՝ ձավարի, այուրի ու որսորդական պիտույքների համար տեղացի կերժակներին ո՛չ փողով է վճարում, ո՛չ սկյուռի մորթիներով, այլ Գ և Մ տառերով ձվածն կնքադրոշմով կեչակեղևի ստացականներ է տալիս: Այդ անհասկանալի գրերի դիմաց կերժակները նրան սննդամթերք ու վառող են մատակարարում: Գլուխները լցրել է, թե իբր շուտով թղթադրամները շրջանառությունից դուրս են գալու, ամբողջը կհավաքեն մի տեղ ու կվառեն, իսկ պղինձն ու ոսկին կսկսեն տալ ահա այդպիսի կեչակեղևի դիմաց: Իբր թագավորը գաղտնի դարձել է հին հավատին, ինչը երևում է հենց միայն նրանից, որ նիկոնականները նրան խնդրում են հույներին թիկունք կանգնել թուրքերի դեմ, իսկ ևս չի ուզում: «Շուն Նիկոնին,- ասում է,- սովորեցրել են Ռուսիայում կործանել բարեպաշտությունը, ուրեմն թող պատժվեն սուլթանի միջոցով»:

Մոսցեպանովից բացի՝ ո՞վ այդպիսի բան կմտածի: Սովը նեղել է,

ահա և հորինել է, թե իբր թագավորը հնադավանության անցնելով՝ նոր անուն է ընդունել, որ վկայվում է կնիքի տառերով ու կհայտարարվի իր ժամանակին: Մինչև այդ ոչ ոք իրավունք չունի իմանալու:

Սակայն բոլորը չէ, որ գայթակղվել էին կեչու կեղևով: Մեկը, պակաս երևութական վարձատրություն ցանկանալով, հետևել էր փախստակին ու Կիշտիմի լեռնային ոստիկանապետին հայտնել, թե որտեղ է թաքնվում: Մատնիչը ստացել էր հինգ ռուբլի, իսկ նեո-ցարի ժամանակների իր հրացանի երկու ֆունտ վառոդի դիմաց համաձայնեց իմ ուղեկցորդը դառնալ: Հանձին նրա կերճակյան Սուսանին գտնելուց չէի վախենում. այդ դեպքում չէր զգուշացնի, որ Մոսցեպանովը զինված է:

Առավոտյան կողմ քունս չէր տանում, ևս նույնպես նստել էր վառարանի մոտ, ինչ-որ ձող էր տաշում ու տաշեղները զցում կրակը: Սկսեցի հարցուփորձ անել իրենց հավատի մասին, բայց իմացա միայն, որ շուն չեն պահում ու նապաստակի միս չեն ուտում, քանի որ շունն անմաքուր է, իսկ նապաստակի թաթը՝ անսմբակ:

«Բայց որ սատանան ձեռներդ ընկներ, կխժռեիք ու սմբակներից էլ դոնդող կեփեիք, չէ՞», - հարցրի ես:

Զպատասխանեց: Հաստատել չէր կարող, իսկ «ոչ» ասելը արժանապատվությունից վեր էր:

Ղուրս եկանք բակ, որտեղ սպասում էր Աժաուրովը: Նա միշտ հոգեպահուստ հացի կող է ունենում: Պերմում Մոսցեպանովին էր տալիս, հիմա մեկով իմ ձիուն կերակրեց, մյուսով՝ իր:

Պերեվոզչիկովը թփթփացրեց կենդանու նիհար կողին. «Լավ ձի ունես: Կողերը՝ նավդան, մեջքը՝ ձող»:

Ոչ ոք նույնիսկ չժպտաց, չնայած դանդաղամիտ Աժաուրովի հետ նրա կատակները հաջողություն ունեն զինվորների շրջանում: Միայն ինքը՝ Աժաուրովը ծիծաղեց. դեռ չէր հասկացել, որ իբրև իմ սպասյակ կարող է և չծիծաղել: Տանտերը բացեց դարպասը, մենք դուրս եկանք բակից, ու կրկին նկատեցի, որ այդտեղի ձմեռն ասիական է. ձյունը քիչ է, հողը չի ծածկել, իսկ սառնամանիքն ուժեղ է:

Լուսնյակ գիշեր էր, տեղ-տեղ նույնիսկ եղևնիների տակն էինք տես-

նում: Մի ժամից անտառի արահետը մեզ հասցրեց ինչ-որ գետակի, որի անունն ուղեկցորդը չասաց, կամ էլ մոռացել էմ: Ափերը բռնված էին սառույցով, բայց սառցաճեղքերով ջուր էր հոսում: Գետի վրա նստել էր կաթնագույն մշուշը: Կերժակն ասաց, որ հատակին տաք աղբյուրներ են բխում:

Ձիերն ամառային պայտերով էին, առանց սեպերի: Սայթաքում էին սառույցի վրա, ջուրը տեղ-տեղ հասնում էր մինչև կողերի կեսը, բայց և այնպես մի կերպ գետակն անցան: Թեթևացած շունչ քաշեցի, բայց այդտեղ պարզվեց, որ ձիերից մեկը հետևից արյունոտ հետք է թողնում: Հետևի աջ ոտքի ոսկորը ճեղքվել էր: Ըստ երևույթին, սառույցի սուր եզրն էր վնասել: Կաղացող ձին կղանդաղեցներ մեր ընթացքը, ստիպված էինք հետ ուղարկել: Պերեվոզչիկովը վերցրեց հեծյալի հրացանը:

Ի լրումն՝ ամենաջահել գինվորի կաճյակները գետանցման ժամանակ ջուր էր լցվել: Կաճյակները սառել էին՝ սպառնալով մատների կորստով: Խղճացի տղային ու թողեցի այդտեղ, որ կրակ անի: Մնացինք, ինձ հաշված, յոթ հոգով: Ութերորդ ձին Մոսցեպանովի համար էինք տանում: Շուտով կաճանը կորավ, բայց կարճ փևտրուքից հետո նորից գտնվեց ու այլևս չանհետացավ մինչև ճանապարհի վերջը: Եղևնիներն ավելի ու ավելի խիտ էին պատում կաճանը, իջանք ձիերից ու իծաշարով գնացինք՝ ձիերը տանելով սանձերից բռնած: Սկսեցին քարեր հանդիպել, կաճանը բարձրանում էր սարը: Վերելքին չէի սպասում, որ անտառն ուր որ է կվերջանա, ոչինչ անտառեզրի մոտիկություն չէր հուշում: Ծառերը չէին նստրանում, մանրանտառ չկար, թեքությամբ բարձրացող բացատը համարյա անսպասելի հայտնվեց մեր առաջ:

Անտառի մթան ու բաց տարածության մեջ նշմարվող այգաբացի լույսը մի պահ ստիպեց մտածել, որ գիշերը հետևում է, օրն արդեն բացվել է: Թվացյալ պարզությամբ, որ ուղեկցում է երևակայությանը, երբ այն առաջ է ընկնում տեսողությունից, ամբողջությամբ, մինչև ամենահեռու եզրը տեսա այդ բացատը: Ինչպես վաղ գարնանը՝ ձյունը նստած էր երկարով կղզյակներով՝ հերվա խոտի հյուսքերի միջև, բայց փխրուն չէր, այլ չոր ու ճռճան:

Բացատի կենտրոնում սևին էր տալիս եղևնիների համարյա կանոնավոր շրջանակը՝ այստեղից անտեսանելի, բայց ենթադրվող փոս ընկած

հողաշերտով: Ուրալում գետինը քարքարոտ է, տակը՝ հաճախ փուչ: Այդպիսի վայրերը եզերող կեչու կամ եղևնու շրջանակներին ժողովուրդը վիուկի օղակներ է ասում:

Կերժակը կանգնելու նշան արեց: Մինչ մենք լուռ սպասում էինք նրա որոշմանը, մոտիկ մի տեղ ճչաց բվեճը: Պերեվոզչիկովը նշանակալի նայեց ինձ: Հասկացա՝ ինչ է մտածում, և ասացի. «Չվախենաս, ազնվականները բվեճի նման կանչել չգիտեն»:

Բացատից այն կողմ նորից սկսվում էր անտառը: Երկինքն այնտեղ ավելի լուսավոր էր, քան մեր գլխին, ու սևին էին տալիս եղևնիների գազաթները: Ամենայն հավանականությամբ, այնտեղով բլրաշար էր անցնում, շատ հստակ էին երևում գազաթները:

«Այնտեղ է,- վերջապես որոշեց կերժակը:- Ծխի հոտ է գալիս»:

Գյուղում շների բացակայությունը նրա մեջ շան հոտառություն էր արթնացրել, իսկ ավելի ուշ ակնատես եղա նաև խիզախությանը: Նապաստակի միս չուտելը նույնպես նրանց օգտին էր:

Յույց տվեց՝ ուր նայենք: Բացատի հակառակ եզրին, լուսաբացի մթնշաղի մեջ աղոտ երևում էր որսորդական ձմեռոցը, կամ ինչպես Ուրալում են ասում բալազանը: Հենց դա էլ Մոսցեպանովի թաքստոցն էր:

Ձիերի դոփյունը կամ պատահական խրխիխջը կարող էին մեզ ավելի շուտ մատնել, քան պետք էր, իսկ հետապնդումից այս թավուտներում մեկ է ոչ մի օգուտ չկար: Կարգադրեցի ձիերն այդտեղ թողնել: Գնացինք ոտքով: Մեզ չմատնելու համար շրջանցելով պիտի մոտենայինք ձմեռոցին, անտառի եզրով, բայց որոշեցի ուղիղ գնալ:

Հրացանները լիցքավորել էինք դեռ անտառում: Կարգադրեցի առանց իմ հրամանի չկրակել, բայց հրամանի դեպքում էլ վատագույն դեպքում նշան բռնել ոտքերին: Պերմից ակնարկել էին, որ Մոսցեպանովի մահվան համար ոչ ոք ինձևից հաշիվ չի պահանջի, բայց հոգուս մեղք առնել չէի ուզում ու պատրաստվում էի պահակախմբի ուղեկցությամբ ուղարկել նահանգապետություն, չնայած լավ չէի հասկանում, թե այնտեղ ինչ են անելու կենդանի մարդու հետ, երբ արդեն չորս ամիս բոլոր թղթերով մեռած է: Սպանելը, իհարկե, չեն սպանի, ավելի շուտ, Տյուֆյանևն ու Բարանովը,

ցանկանալով հանգիստ քնել, ուրիշի անվան տակ կաքսորեն Սիբիր, և թող այնտեղ ապացուցի, որ ինքը ինքը չի: Ո՞վ կհավատա: Կեղծ մարդ պատրաստելն ավելի հեշտ է, քան կեղծ թղթադրամ:

Բացատի կենտրոն չհասած՝ հասկացա, որ եթե շարունակենք այդպես գնալ, վիուկի օղակը մեզից ձախ կմնա: Ձախ ընդունեցի, մյուսները հետևեցին ինձ: Ասում են՝ այդպիսի օղակները դժբախտություն են բերում, ու դրանից խուսափելու համար օղակը պիտի քեզից աջ թողնես: Վտանգի պահին բոլորը սնահավատ են:

Չմեռոցը մոտենում էր, արդեն կարող էի տեսնել ցածրիկ խրճիթը, կապած այն չափի գերաններով, որ մարդը կարող է մենակ քարշ տալ, ձողանակապ տանիքին փռած փշատերևը դեռ թարմ էր: Դա ստույգ նշան էր, որ խրճիթը բնակեցված է: Երդի անցքը սևին էր տալիս տանիքի տակ: Դուռը չէր երևում. ըստ երևույթին մյուս կողմից էր բացված, բայց թե հատկապես որ, չգիտեի, դրա համար էլ նպատակակետից հարյուր քայլի վրա ջոկատս երկու մասի բաժանեցի. ես կերժակի, Աժաուրովի ու մի զինվորի հետ ձմեռոցը սկսեցի շրջանցել աջից, իսկ Պերեվոզչիկովին մյուս երկուսի հետ ուղարկեցի ձախից մոտենալու:

Դուռը, պարզվեց, իմ ուղղությամբ է: Տախտակից չէր, այլ բարակ, կեղևահան չարած ծառաբներից: Սպասելով Պերեվոզչիկովին ու իր մարդկանց՝ հրամայեցի բացել դուռը, բայց չմտնել, ու պատրաստվեցի բացվելուն պես ձայն տալ: Համոզված էի, որ Մոսցեպանովը ձայնից կճանաչի ինձ ու չի կրակի:

Պերեվոզչիկովը, ավելի վճռական, քան պետք էր, քայլ արեց առաջ, ու հակառակի պես սառած ձյուն ընկավ ոտքի տակ: Սոթ տվեց ու գլորվելով՝ ուսով խփվեց դռանը: Համարյա նույն պահին դուռը բացվեց հակառակ կողմից ու վայրկենապես փակվեց: Լսվեց ձողը դիմհարելու թխկոցը: Ձիևվորները ողջ խմբով վրա ընկան, բայց ներսից դորդաց կրակոցը: Տաշեղը դեսուդեն թռավ: Հրացանի փողը սեղմված էր ծառաբների արանքի նեղ ճեղքին: Ուղիղ նրա առաջ հայտնված Աժաուրովը ճչաց ու բռնեց փորը:

Գլխիս մեջ պայթեցին բառերը, որոնցով Մոսցեպանովը ժամանակին հայիոյում էր Սիզովի աշխատասենյակում: Դրանք ամուր նստել էին հի-

շողությանս մեջ: Այ՛ քեզ ձեր հիմար: Հիմա արդեն տաժանակրությունից չի խուսափի: Պերեվոզչիկովը ատրճանակից կրակեց դռան վրա, կրակեց առանց իմ հրամանի, բայց ոչինչ չասացի:

Թափված արյունը նրան տալիս էր դրա իրավունքը: Կրակեց ու մի կողմ թռավ, որ ճեղքից արծակված երկրորդ գնդակի տակ չընկնի, չնայած Մոսցեպանովն այդքան արագ չէր կարող լիցքավորել հրացանը: Զինվորներն աջ ու ձախ փախան: Կերժակը, անտանելի բղավող Աժաուրովին քարշ տալով, վերջինը հետ քաշվեց: Բոլորը հրացանները կրակի էին պահել: Ես համենայն դեպս կրկնեցի Մոսցեպանովի ոտքերին նշան բռնելու հրամանը, եթե դուրս թռչի ու փորձի թաքնվել անտառում, բայց չէի հավատում, որ իր խեղձած ոտքով կգնա դրան: Ներսից ձայն չէր լսվում:

«Ուց որ կպել եմ», - ասաց Պերեվոզչիկովը, բայց և չշտապեց ստուգել իսկապե՞ս կրակոցը հասել է նպատակին:

Երդիկը, որի միջով նույնպես կարելի էր կրակել, խրճիթի հակառակ կողմում էր: Մենք վերադարձանք ձմեռոցի մոտ և դռան աջ ու ձախ կողմը կանգնած՝ ուշադիր հետևում էինք երդիկին: Աժաուրովը շարունակում էր գոռալ, բայց անհնար էր հանել հագուստն ու վիրակապել: Նյարդայնանում էի՝ չհասկանալով մեռնո՞ւմ է, թե՞, հակառակը, վերքը վտանգավոր չի, եթե այդպես գոռալու ուժ ունի: Նրա աղաղակների մեջ բողոք էր լսվում մարդու ապերախտության հանդեպ, որին ոչինչ չէր արել, բայց խփեց իրեն:

Ոչ մեկի մտքով չէր անցնում, որ Մոսցեպանովը կարող էր դուրս գալ տանիքով: Խմբվել էինք հենց այդ պատի տակ, շատ մոտ, որ կարողանայինք տեսնել ինչ է կատարվում վերևում: Խուլ թմփոցը, որով մարդը բարձրությունից ընկնում է գետնին, բացարձակ անսպասելի էր մեզ համար: Միայն հետո, մտնելով ձմեռոց, հասկացա, թե դա բանն ինչպես է եղել. տանտերը բարձրացել էր սեղանի տեղ ծառայող քոթուկի վրա, տանիքից զգուշորեն մի քանի ձողան դուրս քաշել, նույնքան անաղմուկ հետ քաշել դրանք ծածկող փշատերևը, ձգվել ձեռքերի վրա ու ցած թռել ոչ այն կողմից, որտեղ սպասում էինք, այլ՝ հակառակ:

Կերժակն իր ֆուզելով բոլորից ճարպիկ դուրս եկավ ու հասցրեց փափել նրա ճանապարհը դեպի անտառ: Փախստակը բացատով նետվեց հա-

կառակ կողմը, ուր մեր ձիերն էին: Մեքենայաբար մտածեցի, որ վիուկի օղակը նրանից ձախ պիտի մնա:

Նրա հետևից դողդացին կրակոցները: Միայն կերժակը չէր կրակում: Մոսցեպանովի հետ ոչ մի անձնական հաշիվ չունեի, բացի այդ, զինվորների վառողն ու փամփուշտները պետական էին, իսկ իրենը՝ սեփական:

Հրացանափողերի ուղղությունից հասկանում էի, որ ոտքերին նշան բռնելու հրամանը չի կատարվում, բայց հրածիզներին հետ պահել չհասցրի: Վազողը սայթաքեց ու բերանքսիվար ընկավ ձյան մեջ: Հեռվից նրա դիրքն ինձ հուշեց, որ մեռած է:

Ողջ խմբով նետվեցինք նրա մոտ: Բերանքսիվար էր ընկած, զիպուկը մեջքին երկու տեղից պատռվել էր գնդակներից: Ձինվորները նրան շրջեցին մեջքի վրա, ու տեսա, որ Մոսցեպանովը չի:

Բայց և այնպես սպանվածը ծանոթ էր: Պերեվոզչիկովն էլ անմիջապես ճանաչեց: Մեր առաջ պառկած էր ոչ այլ ոք, եթե ոչ կիշտիմյան խռովարար Կլիմենտի Կոստլապովը: Անցած տարի նրան եկատերինբուրգյան բանտից տեղափոխել էին Մոսկոնի դվորի մենախուց, որտեղ սպասել էր գարնան տաքերին, կտորել պատուհանի ճաղավանդակը, խեղդել ժամապահին ու փախել: Աստված ուժի հարցում ժլատ չէր եղել նրա հանդեպ:

«Ի՞նքն է», - հարցրի կերժակին:

Հաստատեց, որ ինքը հենց այդ մարդուն էր հետևում:

«Իսկ ինչո՞ւ չասացիր, - կշտամբեցի նրան, - թե ինչ տեսք ունի»:

«Չէիք հարցրել», - պատասխանեց կերժակը:

Պատասխան չունեի: Նրա բերած կեչու կեղևի կտորը՝ հիշարժան դրոշմով, կասկած չէր թողնում, թե ում է կնիքը: Տիրոջ արտաքինի մասին հարցնելն ավելորդ էի համարել, սակայն այդ բացթողումն ավելի շուտ ուրախացնում էր ինձ: Մոսցեպանովի փախուստի մեղքս լիուկի քավել էի: Ազոավ էինք որսում, գայլ բռնեցինք:

Կերժակը, չնայած հենց ինքն էր գտել ու մատնել հանգուցյալին հինգ ռուբլով ու երկու ֆունտ վառողով, խիստ սրտառու էր աղոթք կարդաց վրան: Երբ ավարտեց, բռնեցի մեռածի ձեռքը: Ճկույթին պղնձե մատանին էր, որով Մոսցեպանովը կնքել էր Չմեյ Գորինիչի մասին գրությունը: Դժվարությամբ կարողացա հանել:

Արդեն լրիվ լուսացել էր: Օճառաքարից ձվածն կնիքը՝ փորագիր Գ և Մ տառերով, աղոտ կանաչին էր տալիս մատներիս արանքում: Երկրորդ կետը ջնջվել էր կամ չէր էլ եղել: Մարդուն, ում անունը հուշում էին այդ սկզբնատառերը, վերջին անգամ տեսել էի անցած սեպտեմբերին, Պերմում, երբ թագավորն այցելել էր հաուպտվախտ:

Նրա հետ խոսելուց հետո թագավորը գևաց դեպի ելքը, իսկ Մոսցեպանովի ոտքերն ապրած ցնցումից թուլացել էին, և որտեղ կանգնած էր, այդտեղ էլ նստեց գետնին: Աչքի պոչով նկատեցի, երբ վազում էի դեպի դարպասը՝ ժամապահներին զգուշացնելու, որ թագավորը մոտենում է, ու մեկնելիս պետք է ողջունեն նրան: Տասը բոպեցի բոլորը նստեցին կանթներն ու մեկնեցին: Վերադառնալով բակ՝ տեսա, որ հաուպտվախտի ամուսնոջի մոտ ոչ ոք չկա: «Ներս են տարել», - մտածեցի, բայց քիչ անց զինվորները զեկուցեցին, որ տարել են միայն կնոջը սպանածին, իսկ Մոսցեպանովին թողել էին տեղում, որ հետո քարշ տան, քանի որ իր ոտքով գնալ չէր կարող կամ չէր ուզում, ու մինչ ներսուդուրս էին անում, նա ասես գետնի տակն էր անցել:

Պերեվոզչիկովը սկսեց խուզարկել հանգուցյալին, իսկ ես նորից գնեցի իմ ավարը: Չկար մեկը, որ հարցնեի, թե մատանին ինչպես է հայտնվել Կոսուլապովի մոտ, բայց այդպիսի իրը կարելի էր հանել թերևս միայն դիակի վրայից, այսինքն՝ Մոսցեպանովն արդեն ողջ չէ: Միաժամանակ մի ուրիշ, հենց ինձ զարմացրած միտք հայտնվեց. ուրեմն Նատայային կարելի է ասել, որ վրեժ եմ լուծել նրան սպանողից:

Նայեցի մահացածին: Աղոթք կարդալուց առաջ կերժակը հեռատեսորեն փակել էր նրա աչքերը՝ որ իրեն սպանողին չտեսնի, բայց ձախ կուպը, սառչելով, նորից կիսով բարձրացել էր: Կոսուլապովը աչքը շլել էր վիուկի օղակին՝ ասես ափսոսալով, որ աջից չի շոջանցել: Չոր ծյունը նրա տակ արյունից թրջվել էր: Ջարմանալի էր, թե կյանքն ինչ արագ էր հեռացել այդ գորեղ մարմնից:

Աժաուրովից, չնայած թերաճ էր ու տաշեղի պես բարակ, երեք ժամ շարունակ չէր հեռանում: Ձմեռոցում վառեցինք վառարանը, վիրավորին պառկեցրինք մահճակին, վիրակապեցինք իր իսկ շապիկի պատռած շեր-

տերով: Էլ չէր գոռում, ուշագւնաց էր ու շուտով մեռավ:

Չմտռոցում Աստվածաշնչյան ընտրության հրատարակած ռուսերեն Ավետարան ու Լեռնային կանոնագիրք գտանք: Առաջինի որոշ համարներ ու երկրորդի որոշ պարագրաֆներ ընդգծված էին կամ լուսանցքներում միևնույն նշաններն ունեին: Պերեվոզչիկովի հետ երկար նայեցինք, բայց այդպես էլ չհասկացանք՝ ինչ են նշանակում:

Բարոն Կրիդները Իգնատի Ելովսկուն Ապրիլ, 1825 թ.

Հնարավորություն չունեմ անծամբ դիմելու թագավորին և մի շարք կարևոր պատճառներով հարմար չեմ համարում դիմել Լորին մեծության գրասենյակի կառավարիչ կոմս Արակչենի միջոցով, ուստի, իմանալով ձեր մերձավորությունը թագավորի հետ, խնդրում եմ հայտնել նրան դեկտեմբերի 13-ին Ղրիմում, Կարասու-Քազար բնակավայրում ma tante բարոնուհի Բեատա-Քարբարա-Յուլիա ֆոն Կրիդների վախճանվելու մասին:

Հեռու լինելուս պատճառով շատ ուշ իմացա, բայց եթե թագավորին արդեն զեկուցել են, ապա կկարողանայիք որոշ տեղեկություններ հայտնել նրան, թե ինչ հանգամանքներում կյանքին հրաժեշտ տվեց բարոնուհին: Տեղեկություններիս աղբյուրն ինձ ուղարկած նրա նամակներն են: Ղրանց մեծ մասն անծամբ է գրել, մնացածը թելադրել է դստերը, երբ ուժ չի ունեցել բռնելու գրիչը, բայց ոչ մեկը չի կարողացել ուղարկել Ռիգա՝ ո՛չ ծովով, ձմեռային փոթորիկների, ո՛չ ցամաքով՝ աշևանային ուղեխափանքի պատճառով: Սոֆի Բերքիայմը՝ նրա դուստրը, միայն վերջերս է միջոց գտել ինձ ուղարկելու մոր վերջին օրերի մասին պատմող նամակը:

Ղրիմում բարոնուհին դստեր ու կոմսուհի Գոլիցինայի հետ Ավետարան էր քարոզում թաթարներին, որոնց մկրտությունը նրա ծրագրերի մեջ չէր մտնում, ցանկանում էր միայն հերկել նրանց հոգու հողն ու ավետարանական ուսմունքի սերմեր գցել այնտեղ, որոնք երբևէ ծիլ կտային, բայց ուղևորության գլխավոր նպատակը դա չէր: Նրան Ղրիմ մեկնելու էր մղել պահեցողության տևական վարժանքներից քայքայված առողջությունը:

Սպասումներն արդարացել էին, լավ էր զգում, բայց հետո վրա հասավ կտրուկ վատթարացումը: Հիվանդության պատճառը միայն մարմնական հյուժումը չէր պահքի և աղոթքների հետևանքով: Ռիզայում բժիշկները cancer էին ախտորոշել, բայց նրանց չէր հավատում՝ մտածելով, որ ժառանգական թոքախտ ունի, և կումիսը կօգնի իրեն: Իզուր էր Սոֆին մորն աղաչում վերադառնալ Լիֆյանդիա կամ գոնե ձմռանը մնալ Գոլիցինների մոտ՝ Կորեիզում: Գժտվելով նրա հետ՝ բարոնուհին իր թոքերի համար ամենաաննպաստ շրջանում մեկնեց Կարասու-բազար: Այնտեղ ինչ-որ գերմանացի դեղագործ կումիսաբուժություն էր սկսել, որը նրա դեպքում միանգամայն անօգուտ էր:

Ղեղագործը, բնականաբար, կատարյալ ապաքինում էր խոստացել: Երախտապարտ բարոնուհին սկսել էր նրան վարժեցնել ոգու աղոթքին, հարաբերությունները հրաշալի էին, մինչև զբոսանքներից մեկի ժամանակ, որոնց ուժերը դեռ բավականացնում էին, քաղաքի մերձակայքում հասել էր մի հայկական գերեզմանոց: Կարասու-բազարում ուղղափառների գերեզմանոց չկար, և Ղրիմը նվաճելիս այնտեղ էին թաղել Պոտյոմկինի՝ խոլերայից մեռած զինվորներին: Նրանց լքված գերեզմանների հարևանությամբ բարոնուհին երկու-երեք թարմ, ակնհայտորեն ոչ հայկական գերեզման էր տեսել, և խաչերի ու տապանաքարերի գրություններից դժվար չէր հասկանալ, որ այնտեղ պառկած են խաբեբա դեղագործի բուժառուները: Ղա խորտակել էր առանց այն էլ թուլացած վստահությունը նրա հանդեպ: Կումիսը չէր օգնում, ի վերջո որոշեց տանը մեռնել, բայց արդեն այնքան թույլ էր, որ չէր դիմանա ճանապարհի հարյուրավոր վերստերին՝ ռուսական ցեխի միջով: Ծովային ուղին նույնպես անմատչելի էր:

Հետը միայն նաժիշտն էր, նրան թաթարերեն սովորեցնող թաթար թարգմանիչն ու փեսայի քույրը՝ Շառլոտա Բերքեյմը, մի պառաված օրիորդ, որի հետ բարոնուհին մտերմացել էր դստեր հետ գժտվելուց հետո և պահապան հրեշտակ էր կոչում, Բայց ամեն ինչում հնազանդ այդ հրեշտակն անկարող էր հետ պահել նրան, երբ որոշեց վերսկսել քարոզչությունը: Սոֆին տեսնում էր մոր համար սովորական համառությունը, չնայած գուցե տարաբախտ բարոնուհին թաքուն հույս ուներ դրանով ապաքինում

վաստակել:

Այսպես թե այնպես, որոշեց Կարասու-բազարում Ավետարան քարոզել ձմռանն իրենց թաբուններն այդտեղի հովիտները քոչող ևողայներին: Արդյունքը մի, մեղմ ասած, միջադեպ էր, որը վերջնականապես քայքայեց նրա առողջությունը: Մանրամասներն ինձ հայտնի չեն, բարոնուհին դրա մասին չէր խոսում, բայց կարելի է ենթադրել, որ կիսավայրի քոչվորները անպաշտպան քարոզչին միայն խոսքերով չէին վիրավորել: Դրանից հետո արդեն դուրս չէր գալիս տնից, իսկ ևայնքանի կեսից ևաև անկողնուց վեր չէր կենում, անընդհատ մրսում էր, ոչինչ չէր ուտում թաթարական բլիթներից ու չրից բացի, բայց մինչև վերջին ժամը պահպանեց մտքի պայծառությունն ու ոգու ամրությունը: Այդ ամենի մասին գիտեմ Սոֆիի ևամակից: Տեղեկանալով ևողայների հետ միջադեպի մասին՝ Կորեիզից շտապել էր մոր մոտ, որը չէր վստել նրան: Սոֆիի իմաստնությունը բավականացրել էր իր իրավացիությունը մեռնողին երեսով չտալու և չհանդիմանելու համար:

Սիրող ու սիրելի դստեր մերձավորությունից բացի, բարոնուհու համար սփոփանք էր ևաև այն, որ սենյակի պատուհանը բացվում էր Կարասու-բազարի վրա կախված և նրա ցանկացած կետից երևացող Ակ-Կայա հողակերտ ժայռի վրա: Օրվա երկրորդ կեսին, երբ մի քիչ լավ էր զգում, հաճախ խնդրում էր իրեն դեմքով դարձնել դեպի պատուհանն ու բարձր նել մեջքի տակ, որ տեսնի թաթարների սրբազան այդ Ջերմակ լեռը, որի գագաթին իշխան Պոտյոմկինը հավատարմության երդում էր ընդունել Դրիմի բեկերից ու մուրզաներից: Չնայած, դժվար հիվանդը մտածելիս լինե՞ր դրա մասին: Աշնանային կարճ երեկոներին ուրիշ սովերներ էին անցնում Ակ-Կայայի կավճասարերի վրայով: Խղճուկ թաթարական հյուղակում մեռնող այդ կոնֆեդեռուտուհին ու միապետների խորհրդատուն, Եվրոպայի մեծագույն հանճարների այդ գրուցակիցը մահվան մահճում էլ չէր դադարում տագնապել կործանվող Հոմաստանի համար: Նույն կերպ՝ շարունակ մտածում էր թագավորի մասին և աղոթում նրա համար:

Կես տարի առաջ, Կորեիզում, երեկոյան ծովի ափին ոգու աղոթք անելիս ևա հոգու աչքերով տեսել էր աթենական Ակրոպոլիսը, բայց ոչ ներկայիս տեսքով, որ մեզ հայտնի է փորագրանկարներից ու վիմագրու-

թյուններից, այլ այն, որ ունեցել էր մինչև Պարթենոնում պահվող վառողի պայթյունը և գուցե Պերիկլեսի օրոք: Պարթենոնը նրա աչքին հառնել էր ավերակներից, իսկ վերևում բարձրանում էր վեհատեսիլ քրիստոնեական տաճարի գմբեթը, որն անհամեմատելի էր նրան հայտնի գմբեթներից որևէ մեկի հետ: Տեսիլքը ուղեկցվում էր հանգամանքներով, որոնք նա գերբնական էր համարում, բայց Սոֆին ու իշխանուհի Գոլիցինան անմիջապես դրանց շատ պարզ բացատրություն տվեցին: Հետագայում բարոնուհին իր մեջ արհուրթյուն գտավ ընդունելու այդ փաստարկների խելամուտությունը, բայց և այնպես կարծում էր, որ դա ոչ մի կերպ չի բացառում բուն տեսիլքը:

Դրա մասին պատմությունը իր ձեռամբ գրված և ինձ ուղարկված նամակում առանձին թերթի վրա պատկերազարդված է մատիտանկարով: Կարող եք թագավորի ուշադրությունը հրավիրել նրա վրա, որ այդ գիշեր բարոնուհու առաջ Ակրոպոլիսում հառնած տաճարը պատկերված է ճարտարապետական մանրամասների այնպիսի ճշգրտությամբ, ասես նկարչուհին արթմնի տեսել ու նկարել է բևորինակից:

Դարձերեսին բարոնուհու ձեռքով գրված է հետևյալ ընդարձակ բացատրությունը. «Այս տաճարում մարմնավորվել է ժողովուրդների եղբայրության և քրիստոնեության բոլոր ճյուղերը միասնական եկեղեցու մեջ միավորելու իմ վաղեմի երազանքը, բայց երբ քեզ գրում էի դրա մասին, չէի կարող Սոֆին ու իշխանուհի Գոլիցինային բացատրել, թե ինչու իմ հույսերը պետք է մարմնավորվեն ոչ այլ տեղ, եթե ոչ արթնական Ակրոպոլիսում: Հիմա մտքերս կարգի են եկել, և դրա համար գտնում եմ երկու պատճառ: Նախ՝ Հունաստանը տառապում է մարդկային ողջ ցեղի մեղքերի համար, ինչպես Հիսուս Քրիստոսը խաչի վրա: Երկրորդ՝ չի կարելի նկատի չառնել այն, ինչի մասին ինձ պատմել է բուսաբան Կասպար Լաուրենցը՝ Բեռլինի համալսարանից: Մենք ծանոթացանք Սևաստոպոլում. Դրիմ էր եկել տեղական բուսաշխարհն ուսումնասիրելու, իսկ մինչև այդ Աթենքում հերբարիում էր կազմել Ակրոպոլիսի ժայռին և մոտակայքում աճող ծառերից, թփերից, խոտերից, ծաղիկներից, մամուռից, քարաքոսից: Պատերազմական գործողությունների պատճառով ստիպված էր եղել ընդհատել աշխատանքը, բայց լույսիսկ անավարտ վիճակում նրա հավաքածուն

ավելի քան 600 նմուշ է ամփոփում: Լաուրենցը, ինչպես ինքն ընդգծեց ինձ հետ զրուցելիս, ապշած էր այդպիսի աննշան տարածության բուսաշխարհի բազմազանությունից, իսկ ավելի ուժգին՝ նրանից, որ արդեն Ակրոպոլիսից կես մղոնի վրա ոչ մի նման բան չկա: Դրանով, նրա կարծիքով, հաստատվում էր, որ վաղնջական ժամանակներում մարդիկ այստեղ են եկել աշխարհի տարբեր ծայրերից և իրենց կամ ընտանի կենդանիների մորթու վրա ակամա բերել հարազատ վայրերի բույսերի սերմերը, ահա թե ինչու դրանք այստեղ հանդիպում են այնպիսի համադրություններով, ինչպիսիք աշխարհում ոչ մի տեղ չկա: Այստեղից՝ եզրակացություն. Ակրոպոլիսը մեր ընդհանուր սրբավայրն է, աշխարհի բոլոր ցեղերի միասնության խորհրդանիշը»:

Եթե տեղին համարեք, կարող եք նամակիս հետ նկարը հանձնել թագավորին կամ թողնել ձեզ մոտ, եթե սահմանափակվեք վերը շարադրվածը բանավոր հաղորդելով:

Բարոնուհուն ցանկանում էին հուղարկավորել Կորեիզում, Գոլիցինների կալվածքում, բայց պարզվեց, որ սարսափելի ճակատարհների պատճառով անհնար է դեկտեմբերին տեղափոխել մարմինը: Ինչպես գրում է Սոֆին՝ Կորեիզից Կարասու-բազար ճակատարհին մի տեղ վեցուկես ժամ է պահանջվել վեց վերստ հաղթահարելու համար. ամեն հինգ թույն մեկ ստիպված են եղել անիվները դուրս քաշել կպչուն կավացեխից: Աճյունը տեղափոխելը հետաձգեցին մինչև գարուն, իսկ մինչև այդ բարոնուհին ժամանակավոր օթևան է գտել այն նույն հայկական գերեզմանատանը, որտեղ երկու ամիս առաջ իմացել էր իր սուտ բարերարի երաշխիքների իրական գինը: Այստեղ, փոքրիկ մատուռի ստորգետնյա դամբարանում են հանգչում ժամանակին Կարասու-բազարում տեղակայված հուսարական գևդի հրամանատար գևդապետ Շիցի և նրա տիկնոջ մասունքները: Երկու դագաղների կողքին դրվեց երրորդը, բայց ևս մեկ անուն գետնահարկը ծածկող քարասալի վրա չփորագրեցին: Գարնանը կփորագրվի նրա տապանաքարի վրա, Կորեիզում:

Որպեսզի թագավորը կարողանա պատկերացնել, թե բարոնուհին ինչ հոգեվիճակում լքեց մեր աշխարհը, մի հատված բերեմ ինձ ուղարկած

նամակից, որը, սակայն, նախնական բացատրությունների կարիք ունի:

Նույնիսկ մեզնից լավագույններին է հատուկ մխիթարվել ուրիշի դժբախտություններով: Մտածելով, որ բարոնուհին գերծ չէ այդ թուլություն-նից, ես չափազանցելով բողոքում էի իմ հիվանդություններից:

Ահա թե ինչ պատասխանեց. «Դու տրտնջում ես, որ սկսել ես վատ տեսնել, արագ ես հոգնում, շունչդ կտրվում է աստիճաններով բարձրանալիս: Բայց մի՞թե դա այդքան վատ է: Դրանով չի՞ արտահայտվում, արդյոք, Տիրոջ խնամատարական իմաստնությունը: Տեսողությունը կորցնելով՝ չենք նկատում, թե ինչպես են տգեղանում մեր սիրելիները, ինչպես են խարխվում մեր սիրելի իրերը: Կորցնելով շարժումների թեթևությունը՝ ավելի հաճույքով ենք մնում տանը, ավելի քիչ ենք ուզում իմանալ, թե ինչ է կատարվում նրա պատերից դուրս, և ավելի հանգիստ ենք տեղափոխվում բոլորիս սպասող անդուռ-անլուսամուտ շինությունը: Ծերունական հիվանդությունները փչացնում են մարմինը, բայց դրանով իսկ հոգին նախապատրաստում նրա անհետանալուն: Այդպես հոգատար մայրը, երբ երեխան շոգ օրով ուզում է լողալ գետում, որպեսզի չմրսի, թույլ չի տալիս կիզող արևից միանգամից սառը ջուրը մտնել, ստիպում է նախ նստել ստվերում»:

Մայրը Բորիս Զիխաչով: Հիշատակարան

Մայիս, 1825 թ.

Կոստլապովի մատից մատանին հանելիս արդեն գիտեի, թե ում եմ հանձնելու, բայց միայն մայիսին կարողացա: Նիժնիտագիլյան գործարաններում ծառայող Պերեվոզչիկովը բռնվեց զինվորների վարձատրության գողության վրա. փողը պիտի վճարվեր Սիգովի համար արվող աշխատանքների դիմաց: Ստիպված էի մեկնել այնտեղ, լավ է, որ ճանապարհներն արդեն չորացել էին: Այդ փողերը նրանից թափ տալով՝ ուղղվեցի Երուսաղեմ մուսքի եկեղեցուց ոչ հեռու գտնվող ինձ համար հիշարժան տնակը:

Մոսցեպանովը փախել էր Պերմից, Կոստլապովը՝ Եկատերինբուրգից: Նրանց պատահական հանդիպման հնարավորությունն այդ քաղաք-

ԼԵՆԻՆԻ ՅՈՒՋԵՖՈՎԻՉ

ներն իրարից բաժանող լեռների ու թավուտների տարածության մեջ չևչին էր, ուրեմն պատահմամբ չէին հանդիպել, կամ այդ հանդիպումով նրանց մահվան էր տարել ճակատագիրը, իսկ նա խուսափում է շիտակ ուղիներից: Իհարկե, կար նաև ավելի պարզ բացատրություն. փախստականները ողջ Ուրալով գաղտնի կաճաններ ունեն, և դրանցից մեկի վրա էլ ի ցավ իրենց հանդիպել էին: Կոստլապովը սպանել էր Մոսցեպանովին ու խլել մատանին, բայց վրան դրոշմաձ տառերը հենց իրեն էլ կործանեցին:

Գտածոն պետք էր ուղարկել Պերմ, որպեսզի կարողանային դադարեցնել փախստակի որոնումները, սակայն բերգ-տեսուչ Բուլգակովին ու նահանգապետ Տյուֆյակևին զեկուցեցի, որ մատանին, որով Կոստլապովը կնքում էր իր կեչակեղևները, չեմ գտել, ու պահեցի ինձ մոտ:

Նատայայի հետ խոսակցությունից առաջ սիրոս անհանգիստ էր: Աշխանս իմացել էր, որ Մոսցեպանովը մահացել է սրտի կաթվածից, ծմռանը ինքս էի ասել, որ ողջ է, իսկ հիմա ստիպված էր երկրորդ անգամ լսել նրա մահվան մասին: Քարը կճաքի, եթե փոխսիփոխ վրան տաք ու սառը ջուր լցնես, բայց Նատայան ինձ լսեց առանց ողբի, նույնիսկ՝ անարցունք:

Թեթևացած՝ նրան տվեցի մատանին:

Սկսեց պտտել մատների արանքում մերթ մեկին, մերթ մյուսին հազցնելով: Դա տարօրինակ չէր դիտվի, եթե չլիներն լուսնոտի շարժումները՝ ասես երագում կամ հոգում թաքնված ինչ-որ մեկի մութ կամքով: Թվում էր՝ ինքը չի շարժում մատները, այլ հանգուցյալի անտեսանելի ձեռքն է վերուվար անում՝ մատանին չափելով: Ահա կընտրի՝ որ մատին է ավելի հարմար, և արդեն երբեք չի հանի:

«Մի՛ դիր,- զգուշացրի,- թե չէ կսկսի քեզ մոտ գալ»:

Նատայան անմիջապես հասկացավ ում մասին է խոսքը, բայց շատ չանհանգստացավ այդ հեռանկարից:

«Եվ ի՞նչ», - հետևեց հարցը:

«Շուտով կհասկանաս», - ասացի:

Նա գլիտվ արեց, բայց ցած չդրեց մատանին, մինչև չփորձեց երկու ձեռքերի մատներին ու չհամոզվեց, որ բոլորն էլ բարակ են մատանու համար:

ՓԱՆՈՒՄՏ

Շառլ-Անտուան Ֆարիե: Ապստամբի օրագիրը

Հունիս, 1825 թ.

Եգիպտական բանակն ապահովված է տևական ռազմարշավի համար անհրաժեշտ ամեն ինչով, բացի ծմեռային հանդերձանքից, ասենք, աշևանային ծովամորիկների շրջանում 17-հազարանոց բանակի ափհանումն էլ հարմար չէ: Ի վերջո, Իբրահիմ փաշան ողջ էքսպեդիցիոն կորպուսով ծմեռեց Կրեոտե կղզում: Ասում են, որ պահել էր հորը տված երդումը, և այդ բոլոր ամիսներին ոչ մի անգամ նավից ափ չէր իջել: Ուխտն արվել էր Դուրանի վրա, բայց վկայում էր նրա բնույթի հունական հիմքը: Հույներն անընդհատ այսինչն ու այնինչը չանելու երդումներ են տալիս ու հանգիստ խղճով խախտում: Իբրահիմ փաշան մորից ու հարազատ հորից ժառանգել է առաջինի սովորույթը, բայց իսլամը նրան հետ է վարժեցրել երկրորդից:

Հույների համար ժամանակը հոսում է ինչպես երեխաների համար: Մանուկ օրերին, եթե մայրս խոստանում էր, որ կես տարուց շան ձագ կնվիրի, դա նույնն էր, թե՛ երբեք: Հիմա ինձ համար կես տարի առաջը երեկ է, կես տարի հետոն՝ վաղը, սակայն ռազմական միևնույնությունում գարունը մի այնպիսի հեռավոր բան էին համարում, որ իմաստ չտեսան մտածելու նրա գալստյան մասին և դրա հետ կապված ոչինչ չծեռնարկեցին: Թեթևամտությունն ու ճակատագրապաշտությունը ավելի մոտ են իրար, քան ընդունված է կարծել:

Իմ խորհուրդներն ականջի հետև էին գցում: Օտարերկրացիներին այստեղ չեն վստահում, ոչ մի հելլենասեր չի նշանակվում նույնիսկ ամենացածր սպայական պաշտոնի: Ինձ մեկ անգամ չէ, որ ակնարկել են, որ եթե ուզում եմ ղեկավարել հույներին, ապա պետք է ընդունեմ նրանց հավատը: Փորձերս՝ բացատրելու, որ աթեիստ եմ, նույնպիսի տպավորություն են թողնում, ինչպես եթե ասեի, որ անդրաշխարհից եմ եկել: Հելլենասերներից մեկը չդիմացավ նվաստացումներին ու թողեց-զնայեց, մյուսներն իրենց խիզախությունն ապացուցում են որպես շարքայիներ: Սկզբում կառավարությանն առաջարկեցի կանոնավոր գունդ կազմել, հետո՝ գումարտակ, բայց դրան էլ չհասա: Իմ հրամանատարության տակ վաթսուն հելլենասերներ են, և՛ ոչ մի հույն, չհաշված խոհարարներն ու թարգմանիչները: Մեզ վատ չենք դրսևորել արշավանքներում, ինչը հույներին չի խանգարում արհամարհել մեզ լեզուն վատ իմանալու, համեստ հագուստի, անզարդարանք հրացանների, մարտակարգի մասին իրենց գաղափար տալու և հակառակորդին տեսնելուն պես ողջ կոկորդոզ գոռալու ու մուշկետներով ուր աչքը կտրի կրակելու սովորությունից հետ վարժելու համար: Նրանց վաղեմի հաղթանակները բացատրվում են նրանով, որ թուրքերն ավելի վատ են կռվում և մե՛կ պարենի, մե՛կ անասնակերի, մե՛կ արճճի ու վառողի մշտական կարիք ունեն: Այդ ամենը կողոպտում են թուրքական զորահրամանատարները, որոնք հունականներից ավելի գող են:

Նավպլիոնում կյանքն իր հունով էր հոսում նրանից հետո էլ, երբ Իբրահիմ փաշան երկու հետևակային դիվիզիա ափ հանեց Մոդոնում: Նրանք պլացդարմ պատրաստեցին ներխուժման համար, իսկ մնացյալ կորպուսն այնտեղ ափ իջավ մեկ ամիս անց: Այդ ամբողջ ամսում հույները կատարյալ անխռովության մեջ էին: Ապարդյուն էի համոզում մինչև Իբրահիմ փաշայի զլխավոր ուժերի տեղ հասնելը հետ գրավել Մոդոնը: Միևստորությունների պաշտոնյաները հավատացնում էին, որ կեղտոտ արաբները խիզախ արմատողներին ու նրանց մուշկետները տեսնելուն պես կփախչեն Եգիպտոսից, իսկ մինչև այդ հարբեցողությամբ էին զբաղվում, պաշտոններ սարքում, կռվչտում փողի ու կանանց համար:

Կոլոկոտրոնիսի դիկտատուրան տապալվեց, նրան հավատարիմ մո-

րեական կլեֆտները քաշվեցին լեռները: Նախագահ դարձավ Կոնդուրիոտիսը, բնականաբար՝ բոլոր եկամտաբեր պաշտոններում հայտնվեցին նրա հայրենակից հիդրիացիները, իսկ Անգլիայից վերցրած երկու միլիոն ֆունտ վարկի առյուծի բաժինը հասավ մի կողմից՝ հենց անգլիացիներին, մյուս կողմից՝ Հիդրիայի նավատերերի կլանին: Կառավարությունը նրանցից եռակի թանկ գևեց հին առագաստանավերը՝ իբր մեր նավատորմն ուժեղացնելու, իսկ իրականում՝ Կոնդուրիոտիսին պրեզիդենտական աթոռին նստեցնողներին երախտահատույց լինելու համար:

Երբ Իբրահիմ փաշան ափ էր իջնում Սոդոնում, նոր պրեզիդենտը մուտք գործեց Նավպլին՝ երկժամանոց հրաձգությամբ ողջունվելով այն ամենից, որ կարող է կրակել: Նա պարծենում էր, թե երեսուն հազար զինվոր ունի, բայց դրանց մեծ մասին ոչ ոք չէր տեսել, մյուսներն էլ զինվոր էին կոչվում, քանի որ դանակներով ու հրացաններով զինված՝ թրև էին գալիս քաղաքում: Երբ Իբրահիմ փաշան Սոդոնից շարժվեց դեպի Նավարին, Կոնդուրիոտիսին հաջողվեց հավաքել յոթ հազարից ոչ ավելի, որոնց կեսը ուղղափառ ալբանացի-սուլիցիներ էին, բուլղարներ ու վալախներ: Այդ գործով, դրոշակիրներից ու գրագիրներից կազմված իր շտաբով, քարտուղարներից, գրումներից, բեռնակիրներից, թիկնապահներից և ճաշին ու քնելուց առաջ ընդմիջումներով ծխվող իր դեյլանների պահապաններից բաղկացած շքախմբով պրեզիդենտը բարբարոսական ճոխությամբ դուրս եկավ քաղաքային դարպասներից և չորս օր անց վերադարձավ՝ հայտարարելով, թե վախկոտ արաբները վախեցան իր հետ մարտի դաշտում հանդիպելուց:

Հրամանատարությունն ընդունեց նրա տեղակալը, որը փորձեց եգիպտացիներին կանգնեցնել Քրոմիդի տակ, բայց առաջին իսկ սվիսային գրոհը (հույները ոչ տեսել էին, ոչ լսել, որ այդպիսի բան լինում է) նրանց սրբեց դիրքերից: Փախչում էին՝ հետևում հինգ հարյուր դիակ թողած, իսկ Իբրահիմ փաշան մոտեցավ Նավարինին, շրջափակեց ծովի կողմից և կայազորին առաջարկեց անձնատուր լինել: Չենքը վայր դրածներին ազնիվ խոսքով կյանք, ազատություն և Նավպլինից նավերով չեզոք Փսարի հեռանալու հնարավորություն խոստացավ:

Պաշարվածները տատանվում էին: Եզիպտացիների հետ Նավարին էին հասել երեք տարի առաջ այդտեղ հույների կազմակերպած կոտորածին սպանված մահմեդականների հայրերը, եղբայրներն ու որդիները: Կասկած կար, որ իրենց հարազատներին սպանողներին թույլ չեն տա ողջ դուրս գալ քաղաքից: Իրավիճակի անելանելիությունը ստիպեց հույսը դնել Իբրահիմ փաշայի խոսքի վրա, և նա պահեց խոստումը: Եզիպտական զինվորները Նավարինի պաշտպաններին, գազազած ամբոխից պաշտպանելով, ուղեկցեցին մինչև Նավահանգիստ:

Մի քանի քաջեր նախընտրեցին մեռնել, բայց չհանձնվել: Նրանց մեջ էր նաև ընկերս՝ այնմուսոցի գեղապետ Սանտա Ռոզան: Հույները նրան ողորմաճաբար թույլ էին տվել իրենց ազատության համար մարտնչել որպես շարքային կամավորական:

Տեղեկանելով նրա մահվան մասին՝ որպես սև համբավաբեր եկա հույն Խարայի մոտ, որի հետ նա ապրում էր ու պատրաստվում էր ամուսնանալու: Ինձ համար դժվար էր նրան հայտնել սիրելիի մահվան մասին, բայց ժպիտով առավ բոթը: Ապշելով՝ նրան մեղադրեցի, որ քարսիրտ է, և Խարան, իր հերթին զարմանալով, ասաց. «Պու, ի՞նչ է, չգիտե՞ս: Միաուլիսը վառել է «Ասիան»:

Պա լավագույն եզիպտական ֆրեզատն էր, Իբրահիմ փաշան ամբողջ ծմեռ նրա վրա էր մնացել Կրետեում: Նախորդ գիշեր Միաուլիսի բրանդերները վառել էին նավը, որի ածխացած կմախքը հիմա էլ ցցված է Նավարինի նավահանգստում: Խարան չէր կարող այդպիսի օրով սգալ իր կորուստը, բայց ավելի ուշ իմացա, որ ուրախության պակաս հայրենասիրական պատճառներ էլ ուներ: Սանտա Ռոզայի թողած փողերով մասնաբաժին էր գնել ծովեզերքի բիլիարդանոցներից մեկում:

Սանտա Ռոզայի մահը, ըստ էության, ինքնասպանություն էր: Ինձնից ավելի իդեալիստ լինելով՝ նա այդպես էլ չհաշտվեց Կոնղուրիոտիսի և նրա ներքին գործերի մինիստր Գրիգորիոս Դիկայոսի իշխանության հետ: Երկուսն էլ, հատկապես երկրորդը, ատելի էին Սանտա Ռոզայի համար, և այն, որ Հոմաստանը հնազանդվել էր այդ երկուսին, նրա համար լույսն էր, թե ինքը բռնացողներից պաշտպանում է սիրած կնոջը, իսկ նա իր թիկուն-

քում տրվում է հարուստ սրիկային:

Հունարեն դիկայոս նշանակում է արդար: Շքեղ մականունն ու հոգևոր աստիճանը նրան չէին խանգարում գերի թրքուհիների հարեմ պահելու և իր իսկ հրամանագրերով արգելված՝ հնությունների անվերահսկելի ու անմաքսատուրք առևտուր անել: Լուրեր էին պտտվում, որ Լոնդոնի բանկերում նրա հաշիվներին խելագար գումարներ են կուտակվել: Ես համամիտ էի նրա հանդեպ Սանտա Ռոզայի վերաբերմունքին, բայց հերթական անգամ ստիպված էի համոզվել, որ ամեն հույն երկու հոգի ունի. մեկով ապրում է, մյուսով՝ մեռնում:

Մայիսին Իբրահիմ փաշան Նավարիևից շարժվեց դեպի Նավալլին: Հույները Մանիում, Մալիա լեռան լանջերին փակեցին նրա ճանապարհը, և կրկին, ինչպես Քրոմֆոլի տակ, տեսնելով եգիպտական գումարտակների՝ իրենց վրա եկող կոռ գորաշարքերը՝ խուճապահար փախան, բացի հազար մարդուց՝ Դիկայոսի գլխավորությամբ: Այդ անառակ տերտերն ու ծախու միևնույնը ոգևորեց նրանց բոցաշունչ խոսքով, որ Լեոնիդոս արքայի սպարտացիների պես կընկնեն մարտում, բայց փոխարենը ժողովուրդը երգեր կհյուսի նրանց մասին: Ես Թերմոպիլի կիրճի ճակատամարտի մասին ժողովրդական երգեր չէի լսել ու վստահ չէի, թե այդպիսիք գոյություն ունեն, բայց Դիկայոսի մասին սկսեցին երգել նրա մահվանից մի շաբաթ անց: Լսում էի՝ ինչպես է Խարան նրա մասին երգում իր բիլիարդանոցում, բայց կյանքը նրա երգային սխրանքներից ֆանտաստիկ էր: Ինձ պատմեցին, որ մարտից հետո արաբները գտել են Դիկայոսի անգուլիս, այլանդակված մարմինը ու տարել Իբրահիմ փաշային: Նա հրամայել է գտնել գլուխը, ու երբ երկար փնտրտուքից հետո բերել ու տեղն են դրել, մարմինը կանգնած կապել են սյանը, ու եգիպտական առաջնորդը զինվորական պատիվ է տվել մեռած հերոսին:

Ես Մալիայում չէի: Դրանից մի կարճ ժամանակ առաջ կառավարությունն ինձ էր վստահել հետևակային գնդի կազմավորումը, ինչին ձգտում էի երկու տարի, իսկ այդ ընթացքում Իբրահիմ փաշան մոտեցել էր Նավալլինին ու հեշտությամբ կարող էր գրավել, երբ հանկարծ շրջվեց դեպի Տրիպոլիս: Հույները դա վերագրում են ինչ-որ հրաշագործ սրբապատկերի

օգնությանը, չնայած հրաշքը պարզ բացատրություն ունի. անգլիացիները Իբրահիմ փաշային սպառնացել էին ռմբակոծել ծովից, եթե համարձակվի գրոհել քաղաքը:

Կոնդուրիոտիսը Լոնդոնի մարդն է: Նրա հաղթանակը Կոլոկոտրոնիսի հանդեպ, որը մեզ ապարդյուն Ալեքսանդր կայսեր օգնությունն էր խոստանում, նշանակում է անգլիական կուսակցության ուժեղացում ու ռուսականի թուլացում, և քանի որ հույներ ու գաղտնիք բառերն անհամատեղելի են, իմ նոր վիճակում խուսափելով Պետերբուրգից ստացած հաղորդագրությունների մասին վտանգավոր հարցերից, դադարեցրի նամակագրությունը Կոստանդինիսի հետ: Ինձ հասցեագրված նրա վերջին երկու նամակը մնաց անպատասխան:

Իգնատի Ելովսկի: Ալեքսանդր I կայսեր կամեր- քարտուղարի մատյանը

Սեպտեմբեր, 1825 թ.

Աշխատելով կայսրուհի Ելիզավետա Ալեքսեևնայի առողջական վիճակը վատացավ, դոկտոր Վիլիեմ պնդում էր, որ ձմեռն անցկացնի Ֆրանսիայում, Իտալիայում կամ Ռուսաստանի հարավում: Թագավորն ընտրեց ոչ թե Ղրիմը, այլ Տագանռոգը, ու հայտարարեց, որ նրան մենակ չի թողնի: Գարնանը նրանք, քսան տարվա ընթացքում առաջին անգամ, սկսեցին հանդիպել երեկոյան զբոսանքների ժամանակ, իսկ հունիսի կեսին կայացավ կատարյալ հաշտությունը, ինչին նրանց ամուսնության քաջատեղյակներից ոչ ոք չէր սպասում: Կայսրուհին ներեց նրան Մարիա Նարիշկինայի, կայսրը կնոջը՝ գեղեցկատես կավալերգարդ, վաղուց մեռած Օխոտնիկովի համար: Ասենք, առաջ էլ իրեն անպատվված չէր համարում, որ լքված կլինը սփոփանք է գտնում ուրիշ տղամարդու գրկում, և դրա համար ո՛չ նրան էր մեղադրում, ո՛չ էլ Օխոտնիկովին, այլ իրեն: Որպես կայսր ներողամիտ չպիտի լիներ այդ կապի հանդեպ, որպեսզի չթուլացներ իրենով մարմնավորվող պետության հիմերը,- բայց մարդը նրա մեջ միշտ հաղթում էր միապետին:

Մենք՝ տղամարդիկս, կանանց պես բնական չենք վերաբերվում

մարմնական սիրուն, և ավելի ուժգին ենք խանդում նրանց իրենց անցյալի համար, քան նրանք մեզ՝ մեր անցյալի: Կարծում եմ՝ այդ զգացումը օտար չէր նաև թագավորին, բայց կարողացավ բարձր լինել դրանից: Ամուսիները կրկին միացան, ու պարզվեց, որ առանձին ապրած կյանքը երկուսի համար էլ հանգել էր նույն կետին: Առաջ առանձին-առանձին էին գնում իրենց դստեր գերեզմանին, հիմա միասին էին գնում, նույնպես միասին այցելում էին Սոֆյա Նարիշկինայի շիրմին և այն աղջնակի, որին կայսրուհին ունեցել էր Օխոտնիկովից: Նրա հայրը թաղված էր դստեր կողքին, նույն մահարձանն էր նրանց վրա՝ կայծակից ճեղքված կաղնի՝ մանկիկն արմատների արանքում:

Թագավորը որոշել էր կնոջից շուտ հասնել Տագանոզ և տունն անձամբ պատրաստել նրա այցին, որպեսզի առաջին օրվանից որևէ անհարմարավետություն չունենա: Բոլորը հիանում էին նրա հոգատարությամբ, չնայած այդ հապճեպ մեկնումն ասես փախուստ լիներ ինչ-որ բանից, որ դատապարտված էր կրելու: Թագավորին ուղեկցում էին միայն սենեկասպասավորը, երկու ծառա, դոկտոր Վիլիեն ու ես: Շքախումբը, այդ թվում՝ Տարասովն ու Կոստանդինը, ավելի ուշ էին ժամանելու՝ Ելիզավետա Ալեքսեևնայի ու ֆրեյլիների հետ:

Սեպտեմբերի 1-ի առավոտյան, Ալեքսանդր-Նևսկի մայրավանքի տաճարում մասնակցելով ժամերգությանը՝ թագավորը լքեց մայրաքաղաքը: Ուղեկալի մոտ Իլյային հրամայեց կանգ առնել, կանգնեց կառքի մեջ ու երկար նայում էր աշխանային մեզով պատած քաղաքին: Չեմ ասի, թե արդեն այն ժամանակ մտքովս անցավ, որ ընդմիջտ է հրաժեշտ տալիս, բայց այլ կերպ էլ չեմ կարող բացատրել անսահման թախծի արտահայտությունը նրա հայացքում: Մոտակա մահվան նախազգացո՞ւմ էր, թե՞ նրա մեջ հասունանում էր իշխանության բեռը թոթափելու որոշումը, և գիտեր, որ այլևս երբեք չի վերադառնա Պետերբուրգ: Չգիտեմ, ու ոչ ոք չգիտի, բայց եթե ճիշտ է երկրորդը, ապա այդտեղ վերջին դերը չի խաղացել հունական հարցը: Թագավորը նախընտրեց այն թողնել կրտսեր եղբոր խղճին: Հոգնել էր և ոչինչ չէր ուզում, բացի հանգստից:

Տագանոզ ժամանելու առաջին օրերին իմ մեջ ավելի լավի հույս

արթնացավ: Թագավորը եռանդուն էր, օգնում էր դասավորել կահույքը կայսրուհու սենյակներում և աթոռին կանգնած՝ անծամբ էր մեխ խփում՝ նկարները կախելու համար: Քառասունյոթ տարեկան տղամարդը ծերունի չէ, բայց աթոռակից ցած թռչելով, դեռ մուրճը ձեռքին, ինձ հետ խոսեց կնոջ հանդեպ սիրո մասին և ի մասնավորի ասաց. «Ծեր տարիքում որոշ բաներ մեզ համար պակաս կարևոր չեն, քան երիտասարդ օրերին: Այն ժամանակ՝ որպես առաջին, հիմա՝ որպես վերջին»: Ինձ խոցեց խոնարհությունը, որով ևս ընդունել էր պարտությունը:

Քաղաքագլուխ Պապկովը նրան է տրամադրել իր վերջերս բարեկարգված տունը Մեծ Հունական փողոցում, միհարկանի, բայց նկուղային հարկով՝ ծառայատու համար: Շինությունն ութ սենյակ ունի, չհաշված միջանցիկ սրահները, որոնցից երկուսը զբաղեցրել է թագավորը. մեկը հարդասենյակ է ծառայում, երկրորդը՝ աշխատասենյակ ու ննջարան: Մնացած վեցը, չհաշված սրահները, հանձնվել են կայսրուհուն ու նրա ֆրեյլիներին: Շքախմբի համար բնակարաններ են վարձել հարևանությամբ՝ Փոքր Հունական ու Պետրովյան փողոցներում:

Ելիզավետա Ալեքսեևնան ժամանեց մեկ շաբաթ անց: Թագավորը կնոջը շրջապատեց հոգածությամբ, ջանում էր ժամ առաջ կատարել նրա յուրաքանչյուր ցանկություն: Մի անգամ զբոսնելիս ծովափին մի տեղ էր դուր եկել նրան, Կարանտինի մոտ. ասաց ամուսնուն, որը կարգադրեց այնտեղ այգի գցել: Հիվանդը սկսել էր կենդանություն առնել, դեմքին գույն էր հայտնվել, շրթունքներին՝ ժպիտ: Ամուսիններն իրար հետ այնպես էին, ինչպես հարսանիքին հաջորդած առաջին ամիսներին: Նրանց թաքուն նորապսակներ էին ասում, բայց ես հասկանում էի՝ եթե կյանքի շրջանը փակվել է՝ վերադառնալով իր սկզբին, դրանից ոչ մի լավ բան դուրս գալ չի կարող: Ոչ թե վաղեմի սիրո վերածնունդը, այլ ուժերի անկումն էր նրանց ստիպում ապաստան փնտրել մեկմեկու մեջ: Մարած կրթերը նոր կյանքի լավագույն հիմքը չեն, իսկ ես հիմք ունեի մտածելու, որ թագավորը կնոջ մոտ վերադարձել է հոգով, բայց ոչ մարմնով: Այդ հրեշտակային միությունն ինձ մեկ այլ միության նախաբան էր թվում, որ նրանց կապելու էր երկնքում, և նույնքան արագ, որքան քիչ են պահանջում նրանց մեղավոր

մարմինները՝ այն այստեղ հաստատելու համար:

Հովվերգությունն ավարտվեց, երբ նախաճաշին թագավորը քարի մի փոքր հատիկ գտավ չորահացի մեջ: Եղունգով մտահոգ քչփորեց-հանեց, վեր կացավ, մոտեցավ պատուհանին ու սկսեց զննել լույսի տակ: Ելիզավետա Ալեքսեևնան համոզում էր, որ պետք չէ անհանգստանալ այդպիսի դատարկ բանի համար, բայց նա բավական կոպիտ պատասխանեց ու հրամայեց պարզել, թե ինչ է ու որտեղից է հայտնվել հացի մեջ: Վիլին ասաց, որ ամենատվորական քար է, հարցաքննության կանչված հացթուխը մեղա եկավ, որ չի նկատել, բայց նախաճաշն այլևս փչացած էր, թագավորը ոչ մի կերպ չէր կարողանում հանգստանալ: Ինձ վախեցրեց նրա՝ թունավորված լինելու անհիմն վախը: Այնպիսի զգացողություն էր, ասես ուժ չունի հաղթահարելու իր հոգում հաստատված անհիմն սարսափը և հուսահատ կառչում է ամեն ինչից, միայն թե որևէ խելամիտ բացատրություն գտնի դրա համար:

Երեք օր անց սենյակներն անսպասելի մթնեցին քաղաքի գլխին կախված ամպերից: Թագավորն աշխատում էր ու խնդրեց վառել սեղանի մոմը: Կես ժամից ծովից փչող քամին քշեց ամպերը, կրկին լուսավորվեց, բայց մոմը շարունակում էր վառվել: Նա ուշադրություն չէր դարձնում դրան, մինչև որ հիմարություն ունեցա նկատելու, որ ցերեկով մոմ վառելը տանը հանգուցյալ ունենալու նշան է: Ցարսկոյե Սելոյում, որտեղ նրա պատուհանի տակ փարթամացած եղրևանին փակում է ցերեկային լույսի ճանապարհը, մեկ անգամ չէ, որ լսել էր նույնը ու ծիծաղել իմ սնահավատության վրա, իսկ հիմա, գունատվելով, սկսեց փչել մոմը, բայց հուզմունքից հանզգնել չէր կարողանում: Ստիպված ես հանզգրի:

Մի շաբաթ անց հուզված վերադարձավ զբոսանքից, ինձ հրավիրեց իր սենյակ ու հարցրեց. «Հիշո՞ւմ ես Պերմի հաուպտվախտի այն բանսարկուին: Որ ուզում էր ինչ-որ գաղտնիք բացել ինձ»:

«Մոսցեպանովը», - հուշեցի ազգանունը:

Թագավորը կրկնեց այնպիսի արտահայտությամբ, ասես այն կարող էր ինչ-որ կարևոր բան հայտնել տիրոջ մասին, համարյա թե բացել նրա գաղտնի բնությունը: Հետո, դուռն ամուր փակելով, չնայած առանց այդ էլ

ոչ ոք չէր կարող լսել, ասաց. «Այսօր տեսա այդ մարդուն»:

«Որտե՞ղ»,- ապշեցի ես:

«Իմ ելքին սպասող անբանների ամբոխի մեջ,- պատասխանեց Լա:-
Ուզում էի մոտանալ, հետո տեսնեմ՝ արդեն չկա»:

Սկսեցի պնդել, որ դա անհնար է, Մոսցեպանովը դատապարտվել է
աքսորի ու պետք է Սիբիրում լինի: Նրա մահվան մասին խոսել չէի ուզում:
Նախ, կբարձրանար հարցը, թե ինչու ես գիտեմ, իսկ ինքը՝ ոչ, երկրորդ՝
այդպիսի նորությունը նրա մեջ սեփական վախճանի մերժության միտք
կարթնացներ, որը հուշում էր ուրվականի հետ հանդիպումը:

«Ո՛չ, ես ճանաչեցի նրան»,- ասաց ինձ ապշեցրած մռայլ համոզվա-
ծությամբ:

Եվ ավելացրեց. «Ուրեմն այդ մարդը մեռած է»:

Ես ջանում էի չմատնել զգացումներս, բայց չէի կարող չհիշել, որ, ինչ-
պես վստահեցնում էր Սոկրատեսը, կանխատեսման շնորհը մարդիկ ստա-
նում են շիրմափոսի եզրին:

Մատվեյ Մոսցեպանովը Նատալյա Բաժինային

Սեպտեմբեր, 1825 թ.

Գրիգորի Մաքսիմովիչի մահվանից հետո հիվանդացա, աշնանից
տևից դուրս չէի գալիս: Չմեռը ձյունառատ էր, հիվանդ ոտքով ձյան վրա-
յով երկար ման չես գա: Իսկ մինչև ձյան հալվելը ուրիշ փորձանք եկավ՝
քամի բարձրացավ, ինչպիսին նույնիսկ ծերերը չէին հիշում: Սի անգամ
գիշերն արթնացա, լսեմ՝ պատուհանների ապակիները մեկ թրթռում, մեկ
դադարում են, ունց որ կաղ մարդ քայլի՝ մի ոտքին ընկնելով: Դուռը կեռի-
կով կողպած է, բայց, մեկ է, թխկում է, ճոճվում: Ամուր փակելու համար
որոշեցի ուրիշ կեռիկ գցել, ավելի կարճ: Երկուսը միասին չի կարելի՝ կամ
մեկը, կամ մյուսը: Առաջին կեռիկը հանեցի, իսկ երկրորդը միանգամից
գցել չկարողացա, ու քամին ձեռքիցս պոկեց դուռը: Այնպիսի սարսափելի
քամի էր, որ նույնիսկ արցունքներս սկսեցին հոսել: Մեզ մոտ՝ Կազան էր

հասել հյուսիս-արևելքից, Կամայով, Վոլգայով: Ձմռանը հանդարտվել էր, իսկ տաքերի հետևորդից փչեց նույն կողմը՝ դեպի հարավ: Կուրծքս դրանից կսկծում է, շունչս՝ ծանրանում, ասես տան ամբողջ օրը դուրս քաշած լինեն: Մնացած հարցերում, փառք Աստծո, ես ու կինս լավ ենք: Մի բան է վատ. հիշողությունս սկսել է փշանալ: Այս նամակը դեռ ամռանն եմ գրել, բայց մոռացել էի ուղարկել:

Գրիգորի Մոսցեպանովը Նատալյա Բաժինային

Հոկտեմբեր, 1825 թ.

Սատվեյ եղբայրս խոստացել էր, որ իմ մեկնելուց հետո քեզ նամակ կուղարկի: Հենց ինքս էլ գրել ու թողել էի նրան, թե չէ կյանքում մտքով չէր անցնի: Դու խելացի ես, կհասկանաս, թե այս աշուն հյուսիսից ինչ քամի էր հասել Կազան, իսկ գարնանը փչեց հարավ, բայց եղբայրս ոչ մի այլասություն ու փոխաբերություն չի հասկանում, երեխա ժամանակ ոչ մի հանելուկ չէր կարողանում լուծել: Եթե կարողանար, իր խելքով ոչ թե մայրի, այլ գեներալի կոչումով պաշտոնաթող կլիներ:

Մի օր հնար կգտնեմ քեզ ուղարկելու նամակներս, բայց դեռ չի կարելի. փոստում կբռնեն ու կիմանան որտեղ եմ: Դերմի նահանգի ղեկավարության համար իմ անունն ասես կոկորդում մնացած ոսկոր լինի, Սիգովի ու Դլատանովի մասին արդեն չեմ խոսում: Ողջ նամակագրությունն այդ հոգեառների հսկողության տակ է: Ինձ այստեղ էլ կգտնեն, նրանց ձեռքերը երկար են, իսկ ինքնագլուխ օտար պետություն անցնելու համար կարող են տաժանակրության էլ դատապարտել: Առայժմ կգրեմ, կհամարակալեմ ու կպահեմ պայուսակում: Բոլոր նամակները միանգամից կստանաս, ու հենց այնպես մի կարդա, այլ համարների կարգով: Սկզբի համար կպատմեմ, թե ինչպես անհետացա հաուպտվախտից:

Այդ օրը թագավորն անձամբ խոսեց ինձ հետ: Նրա բարությունը տեսնելով՝ ուզում էի բացել իմ գաղտնիքը, երբ հանկարծ շրջվեց ու հեռացավ: Թե ինչ պատահեց նրան, ինչ ճանճ էր կծել՝ հիմա էլ չեմ հասկանում, իսկ այն ժամանակ ասես կացնով գլխիս տվին: Ուտերս թուլացան, ևստեցի

գետնին: Ականջներս զնգում են, աչքերս մթնել են, սիրտս թրթռում է հրացանազարկ եղածի պես: Ձինվորներն ընկերներիս տարան ներս տարան: Մի կերպ վեր կացա, քարշ եկա դեպի պետքարան ու ճանապարհին հիշեցի, որ դրա հետևը ցանկապատի երկու տախտակ միայն վերի ծայրերով է ամրացրած ծողանների, իսկ ներքևում ազատ կախված են, մեխերն էլ՝ զուտ ձևի համար: Մի քիչ շարժեցիր՝ ու զնա քեզ համար ուր կուգես: Ձինվորներն են այդ անցքը բացել, որ կին բերեն մոտները կամ իրենք առանց թոյլտվության դուրս գան: Մի տախտակը քաշեցի, զգացի, որ կարծես ավելի թեթև եմ շնչում, ասես ցանկապատից դենը օղն ուրիշ է: Հետ նայեցի՝ մարդ չկա, բոլորը թագավորին են ճանապարհում: Մի խոսքով, այնպես ստացվեց, որ դուրս եկա, չնայած պետքարանի կողմը գնալիս դրա մասին չէի էլ մտածում: Կարծում եմ՝ զինվորները վախեցել էին այդ անցքի մասին պատմել Չիխաչովին, և նա մինչ օրս գլուխ է կտորում, թե ուր չքացա: Գիտեմ՝ բարի հոգի է, ու բոլորը քթից բռնած ման են ածում:

Դուրս սողացի, հետո ոտքերս ինձ իրենք իրենց տարան: Այնտեղ ցանկապատից այն կողմ մի խոր ձորակ կա, որով դեպի Կաման է հոսում մի արշին լայնությամբ Եգոշիխա գետակը: Մի կերպ հասա: Պազեցի, բռով ջուր եմ առնում, մեկ էլ տեսնեմ՝ տգրուկ: Ուշադիր նայեցի՝ ափին մոտ ուղղակի վխտում են: Մի հինգ հատ բռնեցի, կպցրի ծոծրակիս, ու նրանք ծծեցին վատ արյունը:

Վերևում գորգորում են, վազվզում. ինձ են փնտրում: Ձայներից հասկացա, որ արդեն ներքև են իջնում: Ձորակում առաջ մի պետական գործարան կար, պղինձ էին ձուլում, բայց հանքերակը սպառվել էր, հնոցները՝ փլվել, ծածկվել կործակներով: Սողացի դրանցից մեկի մեջ, ու թուլությունից քուն եկավ վրաս: Արթնացա, երբ մթնել էր, ամբողջ մարմնով դողում եմ: Սեպտեմբերը վերջանում էր, զիշերներն արդեն սառն էին: Մինչև առավոտ աչք չփակեցի, իսկ լույսը բացվելուն պես Եգոշիխայով հասա Կամա, որտեղ հացահատիկ տեղափոխող բեռնակապերն են կառանվում: Դրանցից երկուսը դատարկ վերադառնում էին Վոլգա: Բանվորները հանձն առան ինձ հասցնել Կազան, բայց փող ուզեցին: Մոտոս եղած ամբողջ փողը տվի՝ մտածելով, որ ավելի լավ է միանգամից ամբողջը տալ, թե չէ հետո իրենք

կիւլեն ու ինձ էլ ջուրը կզգեն, որ չհայտնեմ կողոպուտի մասին: Իսկ այդպես ամբողջ նավարկության ընթացքում շատ սիրով էինք: Ցամաքային ճանապարհները մարդաշատ են, ուղեկալներ են դրված, իսկ գետը Աստծո ճանապարհ է, ու ոչ ոք տալ, առնել, փակել չի կարող:

Ամբողջ ծմեռ մնացի եղբորս մոտ, իսկ գարնանը սկսեցինք մտածել, թե ուր գնամ: Հարսս սկսել էր ծուռ նայել, երբեմն նաև վատ խոսք էլ կասեր՝ կարծես ոչ ինձ ու ոչ իմ մասին, բայց հասկանալի էր, թե ում: Եղբայրս սկզբում ինձ պաշտպանում էր, բայց հետո սկսեց ակասջ դնել նրան: Պառկում են քնելու, պատի մյուս կողմից լսում եմ բո՛ւ-բո՛ւ-բո՛ւ, անուս է տալիս: Այստեղ հարևաններն էլ սկսեցին հարցումփործ անել, թե էդ ի՞նչ մարդ է կենում նրանց մոտ, ինչի՞ բակից դուրս չի գալիս: Այդ ժամանակ, ինչպես ամեն գարուն, Դեմիդովի բեռնանավերը երկաթ բարձած հասան Կազան: Եղբայրս խոսեց դրանց պետի հետ, փողով յուղեց, նա էլ ինձ նավ վերցրեց:

Կամիշին քաղաքի մոտ գետ կա՝ Կամիշինկա, Վոլգան է թափվում: Այդ գետով բարձրացանք մինչև Իլովլիա գետակը: Իլովլայով լողացինք Դոն, Դոնով՝ Ազով, իսկ այնտեղ հենց այդ ժամանակ ծովային նավեր են գալիս Տագանոգից: Տագանոգում կոմս Դեմիդովն իր նավատորմիկն ունի. հինգ նավ նրա երկաթը հասցնում են Մարսել և այլ նավահանգիստներ: Բոլոր նավապետները հույներ են, նավաստիները՝ նույնպես: Մեր եղբայր ռուսներին մատների վրա կարելի է հաշվել, դրանք էլ խախտվել են: Նրանց հետ հասա Տագանոգ, իսկ թե հետո ինչ եմ անելու՝ չգիտեմ: Իմ բախտից նավապետը Թիոսից էր: Մինչ դեմիդովյան երկաթը տեղափոխում էր Ֆրանսիա, Կարա Ալիի ենիչերիները մորթել էին կնոջն ու երեխաներին: Չգիտեր, որ Կարա Ալին հատուցել է իր գազանության համար: Ես ուրախացրի նրան, պատմեցի, թե այդ հոգեառն ինչպես է խրախճանք սարքել իր ֆլագմանական նավի վրա, փաշաներին հրավիրել, սպաներին, ու նոր էին նստել տախտակամաճին, որ երաժշտության տակ փլավ ճաշակեն, վրան շարքաթ խմեն, երկու հունական բրանդեր էր մոտեցել, երկու կողմից սեղմել էին թուրքական նավն ու պայթեցրել: Երեք հազար թուրք խեղդվեց, կամ ջուրը քշեց նրանց կտորները: Կարա Ալիին դուրս քաշեցին ափ, բայց շուտով վերքերից շունչը փչեց:

Նավապետը հարցրեց, թե ինչ արհեստ գիտեմ, ու Տազանոռգում ինձ ուղեկցեց մի հույն ցորևավաճառի մոտ: Նրան ուսուցիչ էր պետք երեխաների համար: Ես քո ազգանունը տվեցի, իսկ անունը պահեցի իմը, բայց նա զխի ընկավ, որ փախստակ եմ, ու որոշեց խնայել ինձ վրա. ոռճիկ չնշանակեց, բայց փոխարենը փաստաթուղթ սարքեց իմ իբր Դոնս ընկածի փոխարեն:

Սեդանի ու գիշերակացի դիմաց սկսեցի ամեն ինչից մի քիչ սովորեցնել նրա երկու երեխաներին՝ թվաբանություն, ֆրանսերեն, պատմություն ու աշխարհագրություն: Չասեմ, թե ամեն ինչ յուրումնորի պես էր, բայց սոված չէի մնում: Տանտերը գոհ էր, իսկ երեխաները սիրեցին բարության համար, ինչպես բոլոր երեխաները, որոնց դաս էի տալիս Օխտայի վառողի գործարանի դպրոցում ու Վիյսկի դեմիդովյան ուսումնարանում: Դու այդ սերը կարող էիր քո Ֆեդենկայով տեսնել: Ապրում էի երկկնքի թռչունների նման, ապագայի մասին չէի մտածում: Ձմեռը կանցկացնեմ, հետո կորոշեմ՝ ինչ եմ անելու: Ու հանկարծ ամեն ինչ շուռ եկավ: Լսում եմ փոքրիկ շքախմբով մեզ մոտ է ժամանել թագավոր կայսր Ալեքսանդր Պավլովիչը: Սա ինչ է, եթե ոչ ճակատագիր: Ինձ բերեցին Պերմ, նա՛ իմ հետևից, եմ՝ Տազանոռգ, նա էլ այստեղ: Ձմեռն այստեղ է անցկացնելու կնոջ հետ՝ նրա առողջության պատճառով: Իմանալով դրա մասին՝ մտածեցի, որ վերին կամքով կարծես ինչ-որ բան պիտի կատարվի ինձ հետ, ու որոշեցի գործել: Առավոտյան գնացի այն տան մոտ, որտեղ թագավորն իջևանել էր, ու նրան նայելու հավաքված մյուս մարդկանց հետ սկսեցի սպասել՝ երբ է դուրս գալու: Կառքը դարպասի մոտ է, կառապանը՝ նստիքին: Ամեն ինչից երևում է՝ ուր որ է դուրս կգա:

Կանգնել՝ սպասում եմ: Ստքերս թռչկոտում են, երազանքների գիրկն եմ ընկել,- ու բաց թողեցի թագավորի դուրս գալու պահը: Մեկ էլ տեսնեմ արդեն կառք է նստում: Նստեց, նայեց շուրջը և ամբոխի մեջ տեսավ ինձ: Ուղիղ դեմքիս է նայում, չի փախցնում հայացքը, բայց ոչ այնպես, որ հասկանում եմ ինչ-որ տեղ տեսել են այդ մարդուն, այլ որ՝ հիշել չեն կարողանում: Չգում եմ հիշեց և աչքերին չի հավատում: Կկոցեց՝ երևի հուսալով, որ աչքին եմ երևում, որ հիմա կրկին կբարձրացնի կոպերն ու ես չեմ լինի:

Իսկ ես այդ ընթացքում վախից պազել եմ կանգնածների հետևը: Թագավորը բացեց աչքերը, ևորից նայեց և ինձ չտեսնելով՝ հանգստացավ ու կառնապանին կարգադրեց շարժվել: Միայն այդ ժամանակ ուշքի եկա ու սկսեցի ինձ մեղադրել փոքրոգության համար:

Մյուս օրը գնացի ևույն տեղը. ուզում էի մոտենալ, ոտքերն ընկնել ու պատմել ողջ ճշմարտությունը, բայց մեկը դարպասի մոտ բռնեց ձեռքս:

«Մոսցեպա՛նով», - հարցնում է:

Նա ինձ ճանաչեց, ես՝ իրեն: Պերմում թագավորի հետ էր, հաուպտվախտում, երբ նա խոսում էր հետս: Բոյով, ևիհար, բայց մատները չանչերի պես են: Մի կերպ պոկվեցի:

Յերեկը տանտերը եկավ, պատմում է. «Ոստիկանապետին հրամայվել է փնտրել փախստակ կալանավորի, մեզ մոտ՝ Տագանոոգում է թաքնվում: Ահա նշանները. բարձրահասակ, ոսկրոտ, գլխին՝ ճաղատություն, աչքերը՝ կապույտ, քայլելիս կաղում է մի ոտքին»: Միրոս փորս ընկավ, իսկ նա ասում է. «Պնա նավահանգիստ, մերոնցից մի նավապետի խնդրել եմ քեզ համար»:

Տվեց նրա և նավի անունը: Ուզում էի գրել, բայց ասաց, որ խելացի մարդիկ այդպիսի բաները թղթին չեն գրում, այլ՝ սրտում: Շնորհակալություն հայտնեցի բարության համար, հավաքեցի կապոցս, երեխաներին պատվիրեցի չմոռանալ դասերս ու գնացի նավահանգիստ: Պտա այդ նավապետին, որն ինձ նավահանգստի պահակախմբից թաքցրեց նավամբարում, ուր ցորեն էր բարձած: Չորս օր անց դուրս եկանք նավահանգստից, ու սկսեցի ազատ ման գալ նավի մեջ: Իսկ երբ արդեն անցել էինք Բոսֆորն ու լողում էինք հունական ափերի երկարությամբ, վաղ առավոտյան տախտակամաձին կանգնած աղ ու քամի էի շնչում, նայում ծովին, մշուշապատ լեռներին, ու որպեսզի լրիվ վայելեմ երջանկությունս՝ շնչում էի ինքս ինձ, որ՝ հա՛, ոչ թե ուրիշ մեկը, այլ ես՝ Պրիգորի Մոսցեպանովս եմ կապույտի ու լույսի մեջ լողում նրանց կողքով, երբ կարող էի մեռնել Միբիրում՝ չիմանալով, որ այսպիսի գեղեցկություն կա աշխարհում:

Արևի շողերը անդրադառնում էին ջրի հայելուց ու բարձրանում վեր՝ իրար մոտեցնելով ծովն ու երկինքը: Աչքերդ կկոցես՝ չես էլ տարբերի՝

որը որտեղ է: Ճայերը պտտվում էին նավի հետևում: Մեկ անհետանում էին արևի փայլի մեջ, մեկ նորից դուրս թռչում՝ ոսկելույսը փետուրներին, ու մտածում էի, որ եթե Տերն իր գորավոր աջով պահպանել է ինձ բոլոր դժբախտություններից, ուրեմն իմ ուղին ես չեմ գծել:

Վեց նոր էր ծնվել այդ միտքը, երբ նավաստիներից մեկը կանգնելով կողքին՝ զարմանք հայտնեց, որ ծովն այնքան խաղաղ է, երկինքը՝ մաքուր, չնայած ամեն տարի այդ ժամանակ մեծ փոթորիկներ են լինում: Ոչինչ չասացի, բայց սիրտս սկսեց արագ խփել: Եթե ուղին մաքուր է, ուրեմն դա իմ ուղին է:

Լողում էինք դեպի Մարսել, ճանապարհին մտնելու էինք Նավպլիոն, որ հիմա հույների մայրաքաղաքն է, և Լիվոռնո: Ժամանակ կար որոշելու, թե որտեղ խարխսի գցեմ, բայց երկար մտածելու բան չէր: Նավպլիոնում ափ իջա: Տազանոռոգի բարերարս վերջնահաշիվն արձաթով էր տվել, եղբորս ուղարկածից էլ դեռ ինչ-որ բան մնացել էր քսակում: Քաղաքում հրացան առա, վառոդաման, փնտրեցի-գտա գնդապետ Ֆաբիեին, ում մասին կարդացել էի «Ռուսկի ինվալիդում», զեկուցեցի՝ ով եմ, որտեղից, ինչ աստիճան ունեմ, ինչ ճակատամարտերի եմ մասնակցել:

«Ծառայության ընդունե՞ք ձեզ մոտ,- ասում եմ,- չեք զղջա: Մենք՝ ռուսներս, էությամբ զինվորական մարդիկ ենք»:

Իսկ նա՝ ինձ. «Դա այն դեպքում, երբ ցարը ձեզ ուղարկում է պատերազմի: Առանց նրա կարգադրության կռիվ չեք գնում: Սորեայում ձեզնից մարդ չկա»:

Նստել է դիմացս, քարին. առանց սերթուկի, միտակ շապիկով: Ծոգ է: Օձիքը՝ արձակ, կրծքին՝ շղթայիկ՝ արձաթե մեղայնով, իսկ խաչ չի երևում: Ամեն երկրորդ ֆրանսիացին անաստված է, չասացի, որ վճռել եմ կռվել հանուն հավատի, ստեցի, թե դեռ միևնույն է Բոնապարտի հետ պատերազմը Կուտուզովի հետ ռազմարշավի եմ գնացել Վալախիա, ու ենիչերիները սպանել են ընկերոջս, ուզում եմ արյան վրեժ առնել:

Նա ասաց, որ այստեղ ենիչերիներ չկան, ընկերոջ վրեժը լուծելու համար պետք է գնալ Ստամբուլ, և շտապել է պետք, որովհետև լուրեր կան, որ նրանք մահու չափ ձանձրացրել են սուլթանին, շուտով բոլորին կուղարկի

գրողի ծոցը կամ կկոտորի, ինչպես Մեմեդ Ալին Եգիպտոսում մամլուքներին:

Ֆաբիեի մոտ տարբեր ազգերի կամավորներ են ծառայում, բայց ինձ վերցնել չցանկացավ: Իբր իմ տարիքում կամ պիտի գեներալ լինես, կամ նստես տանը, ասենք, գնդում թնդանոթներ էլ չունի, հետևակային գունդ է, իմ ոտքով սարերում դժվար է: Բորոդինոյում նռնակն իր ոտնաթաթն էլ է փչացրել, ինձնից վատ կաղում է ու տարիքով էլ ինձ հավասար չի: Գլուխը ճերմակել է, բայց ինքը բարեկազմ է, ծիգ, ոնց որ մոմը: Մենակ բոյն է կարճ:

«Գրագիր չե՞ք վերցնի», - հարցնում եմ:

Ծիծաղեց. «Ղուք հունարեն չգիտեք, իսկ ձեր ֆրանսերենով՝ միայն շանը մոտ կանչես, այն էլ՝ ոսկորը ձեռքիդ, թե չէ չի հասկանա»:

Ինչքան խնդրեցի, պատասխանը մեկն էր. ո՛չ: Հեռացա, մի ուրիշ քարի նստեցի, մի կտոր հաց հանեցի, աղի փոխարեն վառող ցանեցի վրան, կծեցի, ծամում եմ: Տեսեմ՝ Ֆաբիեն ինձ է նայում: Մի բուպե չանցած՝ մոտեցավ, թե. «Ձեզ վերցնում եմ գունդ, բայց սպայական պաշտոն չեմ տա»:

Մի պատահ պոկեց իմ հացից, դրեց բերանն ու մեծագույն հաճույքից աչքերը փակեց: «Մերոնցից ոչ մեկը,- ասում է,- այսպես չի անում, ես էլ մոռացել էի: Իսկ ջահել ժամանակ արշավանքներին ինչքան ենք տանջվել առանց աղի, նույնիսկ ծիու միսը աղ անելու հնար չունեինք»:

Մի խոսքով, նրա գնդում եմ, հելլենասերների ջոկատում: Դեռ արշավանքի չենք եղել, կանգնած ենք Նավպլիոնի մոտակա մի գյուղում: Գյուղը համարյա դատարկ է, տղամարդիկ կա՛մ պատերազմում են, կա՛մ նավաստիներ, իսկ կանանցից ու երեխաներից շատերը մահացել են ծաղկախտից: Հիվանդությունը թուրքերն են բերել, ինչպես պարսիկները մեզ մոտ խոլերա են բերում: Տները փոքրիկ են, առանց պատուհանների, փոխարենը՝ քարաշեն: Փայտոցիլները պատերի մեջ թաքնվելու հնար չունեն ու չկան: Ուտիճներ էլ չկան, իսկ ահա լվերը հարյուրներով են վազ տալիս վրայովս, ոնց որ շան վրայով, քորվում եմ, բայց քորած տեղերը չեն թարախակալում: Ծովային օդը ուզածդ վերք լավացնում է սուրբ ջրի պես:

Կյանքը կարծես թե վատ չի, բայց զինվորները վատն են: Հրամաններին չեն ենթարկվում, շարքն ինչ է՝ չգիտեն ու չեն էլ ուզում իմանալ, օրերով

թուղթ են խաղում, իսկ շաբաթ օրվանից երկուշաբթի ժամապահ կարգելու մարդ չկա. բոլորը քաղաքում են, թրև են գալիս պանդոկներում ու անառականոցներում: Ֆաբիեն տառապում է նրանց հետ: Հրացանները չեն մաքրում, հագուստը չեն լվանում և իրենք էլ չեն լողանում, բայց հոտ են քաշում՝ կեղտահոտ չկա: Այդպիսի երկիր է:

Ֆաբիեն կարգադրեց հունարեն սովորել և ուսուցիչ նշանակեց Գրիշա Յիկուրիսին: Օղեսայից է, ռուսերեն խոսում է, ինչպես ես ու դու: Իպսիլանտիի հետ Վալախիայում է եղել, Ֆարմակիի ջոկատում, ոտքը ջարդել ու հետ է ընկել ինչ-որ վանքի ճանապարհին, որտեղ թուրքերը դարան էին սարքել, ու ողջ է մնացել: Պատմում էր, թե ինչպես է մի ոտքի կանգնած՝ ընկերներիս ճանապարհել վերջին արշավանքին, ու հանկարծ Ֆարմակիի թիկունքի հետևից տեսել՝ ինչպես են հեռանում: Ասում է՝ նրա աջ թևատակին հրեշտակներ էին ճախրում, իսկ ձախի տակով երևում էին հետերիստները, իրենց ողջ ջոկատը, ու բոլորի գլխին՝ նահատակի պսակ: Գուցե և հավատայի, բայց շատ է խմում:

Երեկ հունարեն բառեր էինք սովորում ու գինի խմում: Պատուհաններին ապակի չկա, պատերով մողեսներ են վերուվար անում, օդում սոճու, ծաղկափռու հոտ է կանգնած: Գինին ծորուն է, սև, թանձր, հույները խեժ են խառնում: Գինին նրանց զվարթացնում է, բայց Յիկուրիսը, որ երկար ժամանակ ապրել է Ռուսաստանում, մեզ պես սովորել է տխրել գինուց: Խմում ու պատմում էր, թե Ֆարմակիի հետ ինչպես են Վալախիայում գերի վերցրել մի ձեր աղայի: Տեղի հույներն ասել էին, որ գազանություններ է արել իրենց հանդեպ: Օրինակ տալու համար Ֆարմակին Յիկուրիսին հրամայել էր ոչ թե սրատել նրան, այլ գնդակահարել, ինչպես կարգն է: Յիկուրիսն իր մարդկանցից չորսին շարք էր կանգնեցրել, հրամայում է. «Լիցքավորել... Պատրանտ»: Հանկարծ աղան բարձրացնում է ձեռքը. «Սպասեք,- խնդրում է:- Վերջին ցանկություն ունեմ»: Յիկուրիսը ձեռքով արեց իր մարդկանց, հրացաններն իջեցրին: Աղան ասում է. «Ես հին գինվոր եմ, քառասուն տարի ծառայել եմ սուլթանին: Թույլ տուր իմ հրամանով մեռնեմ»: Յիկուրիսը շփոթվեց, չգիտեր ինչ պատասխանի: Վերջապես զլուխն օրորեց, թե՛ ո՛չ:

«Ուրախ կլինեի,- շարունակում է,- կատարելու խնդրանքը, բայց հասկանում էի՝ չի կարելի»:

«Ինչո՞ւ», - հարցնում եմ:

«Նա, - բացատրեց Ցիկուրիսը,- ևույնիսկ մահով էր ուզում բարձրացնել իրեն: Չորս հարյուր տարի հրամայել են մեզ, պետք է վերջ տալ դրան: «Նշան առ», - գոռում եմ: Ու ծերունին սկսեց լաց լինել: Նայում եմ ու զգում, որ իմ աչքերն էլ թրջվեցին: Կանգնել ենք դեմ դիմաց, երկուսս էլ արցունքի մեջ կորած: Նրա համար իր անգորոջությունն է դառը, ինձ համար՝ իմ ուժը: Նա կյանքի համար է լալիս, որ ավարտվում է, ես՝ հոգուս, որի մաքրությունը տալիս եմ ընդհանուր գործին»:

Ճիշտ է, այդպիսի ուրիշ հույների այստեղ չեմ հանդիպել: Խիզախ ժողովուրդ են ու հավատի մեջ էլ՝ հաստատուն, բայց զգայուն չեն: Ահա մի դեպք, որով կարող ես դատել նրանց մասին: Երկու նավաստի հարբած վիճել ու կռվել էին: Հետո մեկը քնել էր, մյուսը բռնել էր նրա կնոջը, բերանը փակել, կապկպել, գցել նավակը, հասցրել մայրյան մի նավ ու նավապետին առաջարկել, որ առնի: Մայթացիները հույներից գերի թրքուհիներ են գնում, իսկ թուրքերից՝ հույն կանանց, ու բոլորին վաճառում Աֆրիկայում: Նավապետը, ապրանքը գննելով, հայտարարել էր, թե բոլոր հույն կանայք տղեղ են, սա՛ նույնպես, մեծ գին չի տա: Նավաստին վերցրել էր ինչ տվել էին, ու խոստացել, որ մեկին էլ կբերի, ավելի լավը: Հետ էր դառել, տարել սեփական կնոջն ու ավելի թանկ ծախել նույն գնորդին: Գոհ վերադարձել էր իր նավն ու հանգիստ խղճով պառկել քնելու, բայց առավոտյան արթնանալով՝ հիշել էր անցած օրվա արածը, որը նրան այնքան լավ բան չէր թվացել, որքան հարբած ժամանակ: Արթնացրել էր ընկերոջը, ամեն ինչ խոստովանել և ասել. «Քո կնոջ համար էսքան են տվել, իմի համար՝ էսքան: Դու իմ ընկերն ես, ազնիվ կլինի, փողը հավասար կիսենք»: Ընկերն ուրախությամբ ընդունել էր իր բաժինն ու էլի պառկել էր քնելու, բայց մյուսը չէր թողել: Երկուսով նորից նավակ էին նստել, հասել նույն նավը, հարձակվել մայթացիների վրա, խլել կանանց ու հրացաններից հաղթական կրակոցներ արձակելով՝ ափ իջել: Երեկոյան տեսա ինչպես են այդ երջանիկ ամուսնական զույգերը տոնում իրենց վերամիավորումը. հայթայթած

փողերով պանդոկում ափսեներ էին առել, կանայք երգելով դրանք փշրում էին հատակին, իսկ տղամարդիկ բոբիկացած պարում էին խեցիների վրա՝ չվախենալով, որ ոտքերը կվնասեն:

Մի ջարդած ափսեի համար ամուսինը քեզ ծեծել էր, իսկ նրանք քսան հատ ջարդեցին ու՝ ոչինչ: Փոխարենը՝ եթե դու ամուսնանայիր հույնի հետ, այդպիսի կնոջը ոչ մի գնով չէր ծախի: Քեզ նմանների մասին այստեղ ասում են՝ ճուտիկի թևի պես ճերմակ: Մալթացի կավապետն իրավացի է. այստեղի կանայք գեղեցկությամբ աչքի չեն ընկնում, կարող ես ինձ չխանդել: Քթերը քո քթի պես են, իսկ մնացած ամեն ինչը, որ դու ունես և ինչի համար քեզ սիրում եմ, չկա:

Ինձ համար չանհանգստանաս, կուշտ եմ ու գինի շատ չեմ խմում, միայն Ֆիկուրիսի հետ, թե չէ լեզուն չի սովորեցնի: Բանտում թուրուն չէին տալիս, ու էդ ժամանակից ծխելը թողել եմ, առավոտները հազը չի խեղդում: Գլխավոր սնունդն էստեղ ձուկն է, ես այնքան մեծ սիրահար չեմ, բայց ստամոքսիս օգտակար է: Ծովի ձկան ճարպը քիչ է, գետի ձկան պես չի, ու հեշտ էլ մարսվում է: Հասարակ ժողովուրդը այժի միս է ուտում, բայց ես, եթե ծայրահեղ վիճակ չի, դրանից զզվում եմ: Ոչխար պահում են բրդի համար, իսկ խոզերը համարյա լրիվ մորթել են, որովհետև եթե հանկարծ թուրքերը հարձակվեն, այժ ու ոչխար կարելի է քշել սարերը, իսկ խոզերի հետ հեռուն չես գնա: Մեղրը առաջ Աթենքի մոտի Հիմետ սարից էին բերում, բայց հիմա քիչ է ու թանկ. մեղվաևոցներն ավերվել են: Բոված սիսեռ եմ ուտում, փողոցներում են ծախում, տա՛ք. ծախողները թիթեղյա վառարանները վրաներն են շրջում: Համարյա ամեն օր կարիքս եմ ուտում, չնայած այստեղ փոքր են ու առանձնապես քաղցր չեն: Փոխարենը՝ ընկույզն ու պիստակը շատ լավն են, սիրում եմ: Բրինձ են ծախում, լոբի, կապույտ կաղամբ, հազար, սպանախ, ձևեթեկ, բայց չէի ասի, թե էժան է: Հացն էլ էժան չի: Էժան է ձիթապտուղն ու դրա ձեթը, մնացածին ի՛նչ գներ են ջարդում, մեռնո չկա երեսներին: Առևտրի մեջ սրանց ջիռուքն էլ չի դիմանա, բայց ես Աստոն օգնությամբ դիմանում եմ: Ասենք, վաղուց շուկա չեմ գնացել: Հելլենասերները երկու հույն են վարձել, բոլորի համար ընդհանուր եփուլափ են անում: Դրանից բացի, ամեն մեկը իր համար առնում է իր

ճաշակով, բայց ինձ ընդհանուրն էլ հերիք է: Դու էլ գիտես, քմահաճ չեմ:

Ճիշտ է, ոջիլը շատ է, բայց խորն եմ քնում, ոչ թե ինչպես եղբորս մոտ, Կազանում: Հայրս ու մայրս երազիս չեն գալիս, չեն կշտամբում, որ իրենց գերեզմանին հացի փշուրներ չեմ գցել: Երազներ տեսնում եմ, բայց հիշել չեմ կարողանում, հիշում եմ միայն զարմանքս երազի մեջ, որ, ահա, երազ եմ տեսնում, բայց սարսափելի չի, ոչ մեկը չի հետապնդում, չի խեղդում, դանակը կոկորդիս դրած՝ չի պահանջում, որ տամ ինչ չունեմ, իսկ եթե ունեմ էլ, տալ չի կարելի, թե չէ այլևս չես գարթևի:

Վերջացրի նամակս ու սովորության համաձայն ուզում էի կնքել մատանիով, մոռանալով, որ կիշտիմցի խառնակչի՝ Կլիմենտի Կոստլապովի մոտ է: Միասին Եկատերինբուրգի բանտում էինք: Սիգովն ու Պլատոնովը նրան դրդել էին խեղդել կամ մորթել ինձ, որ ոտքի տակ չընկնեմ: Կնիքով մատանիս տեսավ, ասում է՝ ինձ տուր: Ինչքան էլ համոզեցի, որ կնիքի տառերն իր անունի հետ չեն բռնում, ստիպված էի տալ:

Մատանին ոչ մի մատին չեկավ, բացի ճկույթից, բայց, մեկ է, գոհ էր: Իսկ երբ իմացավ, որ ճշտի համար եմ տառապում, ընդհանրապես լավացավ հետս: Ինքն էլ սիրում էր կռիվ տալ դատավորների հետ: Գրագետ մարդ էր: Լեռնային կանոնագիրքը նրանցից վատ չգիտեր, իսկ Ավետարանը՝ ավելի լավ, ցույց էր տալիս՝ որտեղ մեկը մյուսին չի բռնում: Մոռացել էր միայն, որ Աստված պատվիրել է ուրիշի ունեցածը չվերցնել:

Ստորև գրում եմ պաշիկ ու շրջանակի մեջ առնում:

Չե՞ս մոռացել՝ ինչի համար:

ՄՈՒՄԻԱՆ

Իզնատի Ելովսկի: Ալեքսանդր I կայսեր կամեր քարտուղարի մատյանը

Հոկտեմբեր-դեկտեմբեր, 1825 թ.

Մի բան որ ստանձված է, նոր չի: Ամուսնությունը, որի հիմքում ոչ թե հոգիների և մարմինների ներդաշնակությունն է, այլ փոխադարձ ներումը, քիչ ուրախություն էր բերում թագավորին: Նա հաճույքով ընդունեց Նովոռոսիայի գեներալ-լեհանգապետ, կոմս Վորոնցովի՝ Ղրիմ այցելելու հրավերը: Ելիզավետա Ալեքսեևնան իր առողջական վիճակով չէր կարող ուղեկցել ամուսնուն, բայց ըմբռնումով մոտեցավ փոքրիկ մի ճամփորդությանը ցրվելու նրա ցանկությանը: Երթուղին նախատեսված էր 17 օրվա համար: Վորոնցովը հավաստիացրեց, որ մինչև աշնանային անձրևներն ու ցրտերը կհասցնենք վերադառնալ Տագանոգ:

Ղուրս եկանք սեպտեմբերի 20-ին, 24-ին Սիմֆերոպոլում էինք. այնտեղից թաթարական ձիերով հասանք Գուրգուֆ, իսկ Բայդարյան դարպասների մոտ կրկին կառք նստեցինք: Օրեանդան, Ալուշտան, Լիվադիան երևացին-անցան որպես միօրինակ, չնայած և վառ տպավորությունների շարք, բայց Կորեիզը ղուրս ընկավ ընդհանուր կարգից: Այնտեղ մի քանի ժամ կանգ առանք իշխանուհի Գոլիցինայի կալվածքում: Չնայած նրա և ամուսնու շնորհագրկմանը, ավելի ճիշտ, հենց այդ պատճառով, թագավորը առանձնակի ուշադիր էր նրանց հանդեպ, շրջեց կալվածքում և անկեղծորեն, ոչ միայն քաղաքավարությունից, գովեց տանտիրուհուն, որը մերժել էր արքունիքի գայթակղությունները հանուն բնության հետ ներդաշնակ ու խաղաղ կյանքի: Ճաշից հրաժարվեց: Իշխանուհու հետ մտան

տուն, իսկ մենք՝ շքախմբի անդամներս, մնացինք բակում: Օրը շոգ էր, հյուրասենյակի պատուհանները՝ կրկաբաց, փակված միայն թեթև շղարշավարագույրներով: Դրանց հետևից գոպների զևզոց, անհասկանալի խոսակցության ձայներ էին լսվում: Հետո, աթոռի տեղաշարժվելու աղմուկի հետ հասավ թագավորի ձայնը. «Իսկ հիմա ինձ տարեք նրա մոտ...»:

Ես չէի մոռացել Կրիդների նամակը ու միանգամից հասկացա՝ ում մասին է խոսքը: Թե ինչ պատասխանեց իշխանուհին, լսել չկարողացա, բայց մեկնելիս թագավորը նրա հետ նույնքան բարեհամբույր էր, որքան այցելության սկզբում: Միայն ինձ և ուրիշ ոչ մեկին էր տեսանելի, որ զայրացած է վրան: Պատճառը պարզվեց ավելի ուշ:

Հոկտեմբերի 2-ի գիշերն անցկացրինք Բալակլավայում: Զնելուց առաջ թագավորը Արտաքին գործերի մինիստրությանն ուղղված մի հեռագիր թելադրեց, որը ֆելդեգերն առավոտյան պիտի տաներ Պետերբուրգ, և այդ ընթացքում հիշեց, թե ինչպես են մինիստրության արխիվում իրեն ցույց տվել Կուչում խանի նամակը Բորիս Գոդունովին:

«Երմակից ջախջախված Կուչումը,- պատմեց,- Սիբիրից փախել էր նողայական տափաստանները, որտեղ քոչվորություն էր անում մինչև կյանքի վերջը: Նողայական խաները ցարից սամույրի մորթի, դիպակ, հրացաններ էին խնդրում, իսկ ծերուկ Կուչումը միայն մի երագանք ուներ. ուզում էր տեսնելու ապակի ունենալ: Պարզ ասած՝ ակնոց»:

«Որ Դուրան կարդա», - գլխի ընկա ես և իրավացի էի:

«Օր ծերության ուրիշ ի՞նչ է պետք մարդուն, բացի լավ, հարմար ակնոցից», - ասաց թագավորը:

«Լավ գրադարան», - համարձակվեցի լրացնել:

«Ճիշտ է», - համաձայնեց նա:

Եվ ավելացրեց. «Իսկ դու կլինես իմ գրադարանավարը»:

Երջանկացած դուրս եկա նրա սենյակից, իսկ առավոտյան ամեն ինչ փոփ եկավ: Սկսվեց նրանից, որ մեկնեցինք Ֆիոլենտ հրվանդան, որտեղ, ծովի վրա բարձր կախված՝ Գեորգիևյան վանքն էր. այնտեղ կապելլաններ են պատրաստում Սևծովյան նավատորմի համար: Հակառակ Վորոնցովի հավաստիացումների՝ ղեկանակն անսպասելի փչացավ, սառցաքամի փչեց:

Առավոտը հրաշալի արևոտ օր էր խոստանում, թագավորը շինել չէր հագել: Տույց չտվեց, որ մտնում է, բայց, իհարկե, սառել էր: Մահվան վախը նրա մեջ զուգորդվում էր իր առողջության հանդեպ թեթևամիտ վերաբերմունքին: Պետք էր կամ շտապ մեկնել, կամ մտնել սեղանատուն՝ խմիչքով տաքանալու, բայց նրան անհարգալից թվաց մերժել վանահոր՝ կեֆալոնցի հույն Ագաթանգեղոսի, քարանձավային տաճարը տեսնելու հրավերը: Այնտեղ՝ ժայռափոր անձավում, քամուն փոխարինեցին ցուրտն ու խոնավությունը: Եթե այդ հույնի փոխարեն ռուս մարդ լիներ, թագավորը հաստատ պակաս նրբանկատ կվարվեր:

Շքախումբը, ներառյալ՝ ես, հիմարություն էինք ունեցել նրա օրինակով թեթև հագնվել: Միայն Կոստանդիսը, որին օտար է ընկերության ոգին, շինելով էր: «Չեր շինելն առաջարկեք թագավորին», - շնչացի նրան, բայց խնդրանքս մերժվեց՝ պատճառաբանությամբ, թե իբր շինելը թագավորի հագով չի, ու դրանով շատ վատ տեսք կունենա: Չպնդեցի, ինչի համար հետագայում մեկ անգամ չէ, որ գղջացել եմ: Հոգևեցուցիչ անցումները թուլացրել էին թագավորին, և հիվանդության առաջին նախանշանը ստամոքսի խանգարումն էր: Սևաստոպոլում Տարասովին խնդրեց բրնձի խաշուկ պատրաստել, ինչպես անցած տարվա տենդի ժամանակ, որը սրունքի բորբոքման հետևանք էր: Տարասովը կատարեց նրա ցանկությունը և դրանից հետո իրեն չէր կարողանում ներել: Մրսածության նշաններ էր տեսել, բայց լրիվ աչքաթող էր արել, որ դա կարող է ոչ թե ցրտառություն, այլ դրիմյան տենդ լիներ: Վարակը կարող էր դուրս գալ փորլուծով: Բրնձի խաշուկն այն պահեց մարմնում:

Երբ հասանք Բախչիսարայ, թագավորն արդեն անառողջ էր, բայց ուշադրություն չդարձրեց: Հաջորդ օրը, դեռ լույսը չբացված, արթնացրեց ինձ, կարգադրեց արագ հագնվել ու դուրս գալ բակ: Հինգ բուպեից արդեն հոկտեմբերի ցուրտ ու անձրևոտ առավոտվա պաղության մեջ էի: Արևելքը նոր էր սկսել վարդագունել: Սանդղամուտի տակ երկու կառեթ էր կանգնած, կառապանները՝ նստիքին: Առաջինում նստած էին թագավորն ու Վորոնցովի հատուկ հանձնարարություններով պաշտոնյա Մելիքովը, որը մեզ դիմավորել էր Սիմֆերոպոլում և ուղեկցում էր Ղրիմում ճամփորդե-

լիս, երկրորդում սենեկապանը՝ ուտելիքով ու ջրի՝ ծղոտահյուս շշերով, վատ եղանակի համար պատրաստած անծրանոցներով ու թիկնոցներով: Նստեցի նրա կողքին: Իյան մտրակեց ձեռքերին, մենք դուրս եկանք քաղաքից և բլուրների ու կաղնու պուրակների արանքով ձգվող քարած ճանապարհով սլացանք մշուշից բարձրացող արևին ընդառաջ:

Որքան հասկացա՝ թագավորն այդ ուղևորությունը Տարասովից գաղտնի էր ձեռնարկել, որ խուսափի նախօրեի հիվանդության մասին հիշեցումներից ու ողջամտության կոչերից: Թե ուր ենք գնում՝ չգիտեի և նույնիսկ չէի կռահում, բայց չէի ուզում սպասավորի մոտ ցույց տալ անտեղյակությունս ու ձևացնում էի, թե ուղևորության նպատակը հայտնի է ինձ: Նման դեպքերում հույսս նրա վրա է, որ խնդիրը ինքնին կլուծվի: Այդպես եղավ նաև այս անգամ. առաջին իսկ կանգառին թագավորն ինձ հայտնեց երթուղու վերջնակետը՝ Կարասու-բազար: Պարզվում է՝ Կորեիզում իմացել էր, որ բարոնուհի Կրիդների աճյունով դագաղը դեռ Ակ-Կայայի ստորոտում գտնվող այդ փոքրիկ քաղաքում է: Կալվածքի հոգսերն ու ընկճված ավետարանչական գաղութաբնակների համար մտահոգությունը իշխանուհուն խանգարել էին նրան տեղափոխել Կորեիզ և անվանական տապանասալով ու արժանավայել մահարձանով ամփոփել իր ու ամուսնու համար պատրաստված դամբարանում, բայց թագավորին երդվել էր, որ մինչև ձմեռ կանի:

Բախչիսարայից Կարասու-բազար ութսուն վերստ է, ճանապարհը տևեց համարյա չորս ժամ: Այդ ընթացքում եղանակը չավացավ: Մեղիքովը, որ հայ է, մի վանականի բերեց հայկական վանքից, որը ցույց տվեց գերեզմանոցի ճանապարհը, մեզ ուղեկցեց մատուռ, որի սալած հատակի տակ, գնդապետ Շիցի և կնոջ կողքին դրել էին բարոնուհու դագաղը, բառայիով բացեց ժանգոտած երկաթե դռան կողպեքն ու ոչ առանց դժվարության՝ դուռը: Թագավորը ներս չմտավ՝ փակ շինության մեջ դիակի ժահահոտից զգուշանալով, թե ինչ-որ այլ պատճառով, բայց քսան րոպե կամ կես ժամ կանգնեց մուտքի մոտ: Ոչ թե կնոջ հարկաբաժնում, այլ այստեղ էր նրա սիրտը: Փառք Աստծո, որ այս անգամ շինելով էր, բայց այն չէր պաշտպանում թափանցող քամուց, որի պորթկումների տակ խոնարհվում

Էին կիսալքված գերեզմանոցը խեղդած առյուծատամի դեղևավուն ծաղիկները: Շուրջն ամեն ինչ ոչ թե անդորրություն, այլ լքում էր շնչում: Փոխարենը՝ աջից, որպես ամպերից հառնած երկնային քաղաքի պարիսպ, ճերմակին էր տալիս Ակ-Կայան՝ մեռնող բարոնուհու վերջին սփոփանքը: Մտածեցի, որ նրա cancer-ը պատահական չէր: Քաղցկեղը սևվում է չունեցածն ունենալու ցանկությամբ, իսկ նա գիտեր՝ իրեն ինչն է պակասում:

Ճանապարհին բոլորս քամուց պաշտպանված էինք թիկնոցների տակ, իսկ հիմա միայն շինելներով էինք: Լրիվ սառել էի ու վախենում էի թագավորի առողջության համար, բայց նա ամբողջովին թաղվել էր իր մտքերի մեջ: Մեկիքովի դեմքը ճերմակել էր վախից, որ թագավորը կհիվանդանա, և ինքը՝ Մեկիքովը կլիսի դրա մեղավորը:

Վերջապես մոտեցա թագավորին և ասացի. «Մեկնելու ժամանակն է: Դուք մոտենում եք վեցերորդ տասնամյակին և չեք կարող ապավինել այն ուժերին, որ քսան տարեկանում են ունենում»:

Նշան արեց, որ չհանգարեմ: Ես հետ քաշվեցի, և այդ թուպներիս վճռվեց նրա ճակատագիրը: Բախչիսարայի ճանապարհին բողբոջեց դողերոցքից, իսկ երբ կշտամբեցի անշոջահայացության համար, առարկեց, թե գերեզմանոցում բոլորովին չի մրսել՝ ջերմանալով ոգու աղոթքով, որը սովորել էր հանգուցյալից: Ավելի ուշ այնպիսի զգացողություն ունեի, որ պառավ վիռկը նրան քաշել է իր հետևից:

Դրիմից վերադառնալիս հիվանդությունն ակնհայտ դարձավ բոլորին, և ամենավերջում՝ իրեն: Մարիուպոլում, գիշերակացին, Կոստանդինս ականջիս ասաց. «Հանկարծահաս տենդի բռնկում է»:

«Ինչո՞ւ,- հարցրի,- Ֆիոլենտում նրան չտվիք ձեր շինելը»:

Պատասխանեց, որ դա ոչինչ չէր փոխի, և ես պետք է ընդունեի, որ իրավացի է: Այդ օրերին ինձ պատած տարատեսակ զգացումների մեջ միայն զարմանքն էր բացակայում:

Մարիուպոլում արթնացա, երբ դեռ մութ էր: Աշնանն ուշ է լուսանում: Մենյակում կիսախավար էր, պատուհանից այն կողմ պատի պես կանգնած էր գիշերը: Մթան մեջ պատուհանը չէր երևում, բայց հետո, քիչ-քիչ գուլատվող երկնքի ֆոնին սկսեց արտաձվել շրջանակների խաչահատումը,

ինչպես հողում քայքայվող մեռյալի մարմնից ժամանակի հետ կմախքն է հայտնվում: Այդ պատկերն անմիջապես համեմատության մեջ դրեցի մարդկային կյանքի հետ՝ պատկերացնելով այն փափուկ, բայց ներսում՝ ոսկրամիջուկով, որն իմաստ ու ձև է տալիս նրան: Այդ միջուկը ճակատագիրն է, որն ավելի ու ավելի է ցուցանում իրեն, որքան խարխվում է մեր մարմինն ու ավելի քիչ կյանք է մնում մեզ:

Հագնվելով՝ գնացի թագավորի մոտ: Գիշերն ավելի էր վատացել, ջերմությունը բարձր էր, բայց մանկան համառությամբ հրաժարվում էր դեղորայքից: Տարասովը համարյա ծնկաչոք էր խնդրում, բայց՝ ապարդյուն: Համաձայնեց միայն մի գավաթ պունջի և Մարիուպոլի ու Տագանուգի միջև վերջին հարյուր վերստին թույլ տվեց իրեն ծածկել արջի մորթով:

Տագանուգում ընթրիքին նստեց կայսրուհու կողքին, բայց ոչինչ չկերավ, բացի ցորնաջրից: Քնելուց առաջ Ավետարան կարդաց, իսկ առավոտյան, անկողնուց վեր կենալով՝ ուշաթափվեց: Պառկեցրին, ուշքի եկավ, կրկին փորձեց վեր կենալ ու նորից չկարողացավ, բայց օրվա ընթացքում, չնայած Տարասովի ու Վիլիեի բողոքներին, էլի մի քանի անգամ փորձեց ոտքի ելնել: Երեկոյան կողմ թողեց այդ փորձերն ու այլևս չկրկնեց:

Հաջորդ օրերին Վիլիեն, Տարասովը, Կոստանդինն ու Ելիզավետա Ալեքսեևնան, մեկ միասին, մեկ հերթով, նրան համոզում էին, որ պետք է արյուն թողնել, բայց ոչնչի չհասան: Թագավորը կատաղության մեջ էր ընկնում, իսկ երբ գայրանալու ուժ չէր մնում, շրջվում էր դեպի պատն ու չէր ցանկանում խոսել որևէ մեկի հետ: Տգրուկները նույնպես մերժեց:

Նշանակո՞ւմ է դա, արդյոք, որ ուզում էր մեռնել:

Չեմ կարծում:

Հիվանդությունը սկզբում այնքան լուրջ չէր համարում, որ լսեր բժիշկներին, հաջորդող շաբաթներին մտքերը շփոթ էին, բայց դժվար թե նրա առաջ կանգներ հարցը, թե արժի՞ արդյոք ապրել: Մեռնողներն այդպիսի հարցեր չեն ունենում: Հաստատ գիտեմ մի բան. նա երազում էր հանգստի մասին ոչ թե երկնքում, այլ երկրի վրա: Մշուշված ուղեղում այդ ցանկությունը վերածվել էր այն կյանքի պատկերներին, որի պակասն ունեցել էր ողջ կյանքում:

Մի անգամ մատի շարժումով կանչեց ինձ: Մոտ վազեցի ու լսեցի նրա շշուկը. «Հիշո՞ւմ ես Օրեանդան»:

Դեմքին մի արտահայտություն հայտնվեց, որը երազկոտ կկոչչեի, եթե խոսքը մեռնողի մասին չլիներ:

«Դրախտային վայր է,- շշուկեց:- Այնտեղ ինձ համար պալատ կկառուցեն, ու մենակ կապրեմ... Իրիվ մենակ... Իսկ դու... Դու կլինես իմ գրադարանավարը»:

Այդպիսի հանգամանքներում անհարկի ուրախություն զգացի: Ուրեմն չի մոռացել Բալակլավայի մեր խոսակցությունը և իր մենությունն ուզում է կիսել ինձ հետ: Միայն ինձ հետ: Ինձ հաշիվ էի տալիս, որ այդ ամենը չի լինի, նույնիսկ եթե լավանա, բայց երևակայությունս բորբոքվել էր ինչպես ափիոնից: Միայն կամային ջանքով հաջողվեց զսպել:

Սենյակում ոչ ոք չկար՝ մեզնից բացի, բոլորը ցրվել էին ինչ-որ կարևոր գործերով: Օգտվելով դրանից՝ հանդգնորեն համբուրեցի թագավորի ճակատը, և նրա տապն այրեց ինձ:

Հանդգնություն ասելով՝ նկատի ունեմ բացառապես այն, որ այդպես վարվելու իրավունք չունեի, ուրիշ ոչինչ: Նա հեռանում էր դեպի խավարը, ու ես համբուրեցի նրան, ինչպես սիրող մայրն է համբուրում գիշերն արթնացած երեխային. բայց դժվար թե զգաց շրթունքներիս հպումը: Աչքերը փակ էին: Զգույշ դուրս եկա նրա սևարին վառվող մոմի լույսի շոջանակից, քաշվեցի դեպի պատուհանն ու լաց եղա:

Հաջորդ օրը հիվանդի վիճակն ավելի վատացավ, որոշեցին քահանա կանչել՝ հաղորդության համար: Տարասովն այդպիսի որոշումը վաղաժամ էր համարում, բայց Վիլիեն համոզեց՝ ասելով, որ գուցե թագավորը վախենա և համաձայնի տգրուկներին կամ դեղերին: Ելիզավետա Ալեքսեևնան իր վրա վերցրեց դա ամուսնուն հայտնելու ոչ թեթև առաքելությունը: Լսեցի, ինչպես լստելով կողքին՝ ասաց. «Եթե դուք հրաժարվում եք բժշկական դարմաններից, ցանկանում եմ առաջարկել իմ դեղը: Ուզո՞ւմ եք իմանալ՝ ինչպիսի»:

«Ասե՛ք», - դժգոհությամբ համաձայնեց նա:

«Խորհուրդ եմ տալիս,- մեղմությամբ շարունակեց կայսրուհին,- դի-

մել հոգևոր ապաքինման, որն օգնում է բոլոր տառապյալներին ու բարեպատեհ ելք բերում ծանրագույն հիվանդություններին»:

«Ձեզ ով ասաց, որ այնպիսի վիճակում եմ, երբ դարման է անհրաժեշտ», - հարցրեց թագավորը:

«Վիլիեն, Տարասովն ու Կոստանդիսը», - խոստովանեց կայսրուհին:

Երեքին էլ կանչեցին:

«Կարծում եք՝ հիվանդությունն այդքան խորացել է», - նրանց դիմեց թագավորը:

Վիլիեն ու Տարասովը վախեցան ու փորձեցին դուրս պրծնել նեղ վիճակից, բայց Կոստանդիսը քաջություն ունեցավ ճշմարտությունը բացելու:

Նրան լսելով՝ թագավորը կնոջն ասաց. «Շնորհակալ եմ, բարեկամս: Հրամայե՛ք, ես պատրաստ եմ»:

Խոստովանությունից ու հաղորդությունից հետո միանգամայն հանգստացավ Տերը հոգին թեթևացրել էր առանձնապես տանջող երկու մտքից՝ որ մեղավոր է հոր մահվան համար, ու որ Մորեա է թողել Իբրահիմ փաշայի բանակը: Խիղճը դադարեց տանջել նրան, չքացավ նաև մահվան վախը: Այլևս չէր բղավում բժիշկների վրա, չէր գալարվում, չէր տրտնջում: Հանգիստ դեղ էր խմում, թույլ տվեց ծոծրակին խարանաճանճ դնել, բայց տգրուկները մեկընդմիջտ մերժեց:

Անձրևներից ու ծովի մոտիկությունից տան օդը հագեցած էր խոնավությամբ: Վառարանները չէին հաղթահարում: Սավանները փոխում էին օդը երկու անգամ, և դրանք արագորեն խոնավանում էին: Թագավորն այդ ամենը չէր նկատում, ինչպես չէր նկատում ցերեկվա ու գիշերվա հերթափոխումը:

Բժիշկները քունը չէին առնում, իսկ Ելիզավետա Ալեքսեևնան, իր առողջությամբ, չէր կարող արթուն մնալ գիշերները: Մի գիշեր մինչև առավոտ նստեցի թագավորի մոտ: Անզգայությունից դուրս գալով՝ աղոթքներ ու սաղմոսներ էր մրմնջում, բայց 91-րդ սաղմոսը ոչ մի անգամ չհնչեց: Երկար տարիների ընթացքում առաջին անգամ խաղաղություն գտնելու համար չդիմեց դրան: Հիմա դրա պահանջը չունեիր:

Այդ օրվանից ավելի ու ավելի հաճախ էր թաղվում ուշագնացության

մեջ, ի վերջո դադարեց խոսել, իսկ նոյեմբերի 19-ի ժամը 10.52-ին հավիտենության գիրկն անցավ: Ելիզավետա Ալեքսենևան, ծնկի գալով, իր թաշկինակով կապեց ծնոտը: Նկատեցի, որ ձեռքերը չեն դողում:

Նա զգաց՝ ինչպես եմ նայում իրեն, ու հետո հարցրեց. «Ձեզ զարմացրե՞ց իմ հանգստությունը»:

Լեոցի՝ չհամարձակվելով հաստատել նրա ասածն ու չցանկանալով հերքել:

«Հանգիստ եմ, քանզի մեր բաժանումը երկար չի տևի: Շուտով կհետևենք նրան», - բացատրեց Ելիզավետա Ալեքսենևան, բայց ես մնացի այն կարծիքին, որ չի կարողացել ո՛չ ներել ամուսնուն, ո՛չ կրկին սիրել:

Մենությունը ողջ կյանքում թագավորի ճակատագիրն էր եղել, բայց մտքովս չէր անցնի, որ ավելի սարսափելի կերպ է առնելու: Ինչպես Ալեքսանդր Մեծը Բաբելոնում թագավորը զրկված էր նրանից, ինչը չեն մերժում նույնիսկ վերջին մուրացկանին:

Ըստ այստեղ հասնող լուրերի՝ Կոնստանտին Պավլովիչն ու Նիկոլայ Պավլովիչը ոչ մի կերպ չեն կարողանում պայմանավորվել, թե իրենցից որին բաժին կընկնի գահը. այդ խնդրի հետևում բոլորը մոռացել էին հանգուցյալ թագավորին: Արդեն երկրորդ ամիսն է՝ նրա անթաղ մարմինը Տազանոռգում է, մայրաքաղաքից երկու հազար վերստ հեռավորության վրա, ու վախենամ, որ այնքան էլ շուտ չի հասնի գերեզման: Շքախմբի անդամների մեծ մասը տարբեր պատրվակներով փախել է Պետերբուրգ, այդ թվում և Վիլիեն, բայց Տարասովն ու Կոստանդիսը դեռ մնում են: Ելիզավետա Ալեքսենևայի խնդրանքով, որը ցանկանում էր համենայն դեպս երկու բժիշկներին էլ ունենալ կողքին, նրանք տեղափոխվեցին Մեծ Հունականի տուն: Ես տեղափոխվեցի նրանցից հետո: Ինձ թույլատրվել է զբաղեցնել կայսրուհու մեկնած ֆրեյլիններից մեկի հարկաբաժինը: Երեքս էլ օգտվում ենք թագավորի նախկին հարդասենյակից, իսկ սրահներն ու սենյակը, որտեղ նա վախճանվեց, դատարկ են: Մեզնից բացի, տանն ապրում են նաև Ելիզավետա Ալեքսենևայի երկու ֆրեյլիները, իսկ նկուղային հարկում լեյք-կառապան Իյա Բայկովն ու սակավաթիվ ծառաներն են:

Գիշերները ցուրտ է անում, անքուն պառկում եմ, լսում խնձորենիկե-

րի սառած ճյուղերն ինչպես են այգում զևգում քամու տակ: Սենյակները սառն են, վառարանները վատ են վառվում, փայտը՝ թաց, ծխատարները՝ չմաքրած: Նույնիսկ քամոտ եղանակին ծուխը վատ է քաշում: Վառարանների կեսի կափարիչները վատ են փակվում, ամբողջ տաքությունը դուրս է թռչում: Հարդասենյակում շարունակ ջուր չկա, սավանները փոխում են շաբաթը մեկ, այն էլ, եթե հիշեցնես, ճաշն ու ընթրիքը ժամանակին չեն տալիս: Ընդհանուր սեղանի շուրջը հավաքվում ենք հազվադեպ, ավելի հաճախ մենակ ենք ճաշում:

Տարասովը չի կարողանում ներել իրեն, որ Բախչիսարայում լուծողականի փոխարեն բրնձի խաշուկ է տվել թագավորին: Կասկածում եմ, որ խիղճը ավելի քիչ է տանջում, քան դրա մասին խոսում է, բայց դա նրան իրավունք է տալիս փակվելու իր սենյակում ու խմելու:

Ելիզավետա Ալեքսեևնան Ավետարան է կարդում, երկար ճաշում է, իսկ դադարներին երկար կամակներ է գրում մորը կամ թուղթ խաղում ֆրեյլիների հետ: Կոստանդիսը Տագանոզում հարազատներ ու գիմնազիական ընկերներ ունի, երեկոները հյուր է գնում նրանց, հաճախ գիշերում դրսում ու կախաճաշին ներկայանում գունատ, դեմքին՝ չափն անցնելու հետքեր:

Դեկտեմբերի 1-ին աճյունը տեղափոխեցին տեղիս հունական Ալեքսանդրյան վանք: Այդ օրվանից անցավ ևս երեք շաբաթ, սակայն Պետերբուրգ մեկնելու կարգադրություն դեռ չկա, և հայտնի չէ՝ երբ կլինի: Թագավորի մահվանից ամսից ավելի է անցել, մոտենում են Ծննդյան տոները, ձմեռային ճանապարհը պնդացել է, բայց այդ ամբողջ ընթացքում ֆելդեգեր չի ժամանել մայրաքաղաքից: Ցարական մասունքների ճակատագիրն այնտեղ ոչ մեկին չի հետաքրքրում:

Նոր Ագամեմոնը, Նապոլեոնին հաղթողը, միապետերից մեծագույնն ու երջանկագույնը պառկած է սառը խցում: Դագաղը բաց է, երևում է անհմուտ զմռսելուց սևացած դեմքը: Էպոլետներով համազգեստը վրան նայվում է, ինչպես բալագանային եթովպական գեներալի հագին, շքանշանների աստղերն ասես գունավոր թղթից են կտրել: Վանականներն իրենց լեզվով հերթով աղոթք են անում նրա վրա, բայց դեմքերն անտար-

քեր են, ձայների մեջ՝ ոչ մի կենդանի հույզ:

Այն օրվանից, երբ դագաղը տաճարից տեղափոխեցին այստեղ, Ելիզավետա Ալեքսեևնան միայն երկու անգամ է այցելել ամուսնուն: Ես մենակ գալիս եմ ամեն օր, աղոթում, կարդում նրա սիրած 91-րդ սաղմուցը, պարզապես նստում կողքին: Գրուզիևոյում թագավորն Արակչենին ասում էր, որ մումիա դառնալու վտանգն իրեն չի սպառնում: Աստված այլ կերպ դատեց: Տագանուռոգում կիրառվել էին եգիպտական քրմերի մեթոդները, որոնք Ալեքսանդր Մեծի մարմինը պահպանել էին երեք հարյուրամյակ, բայց այստեղ նրանց հմտությունը չունեին: Սարսափով եմ հիշում, թե ինչպես անցավ գմռումը: Թագավորի մահվանից մեկ օր անց մտա նրա սենյակ ու տեսա, որ սեղանին տարածված մերկ մարմինը հանձնվել է չորս կայազորային բուժակների իշխանությանը. նրանք խոհանոցի դանակներով մսի կտորներ էին փրցնում մարմնից, բացված խոռոչները լցնում սպիրտի մեջ եփած խոտաբույսերով, հետո բարուրում երիզաշերտերով: Փորոտին, ուղեղն ու սիրտը արդեն հանվել ու պահվել էին կախովի կողպեքով արծաթե անոթում, որ մեծ շաքարաման էր հիշեցնում: Հատակն ամբողջովին ծածկված էր հապճեպ մաքրած արյան բծերով, սապոզների ներբանները կպչում էին:

Սրտխառնոց առաջացնող միտքը, թե ինչ են անելու թագավորի մարմնից հատած մսի կտորները, հետո եկավ: Այդ պահին դրա մասին չէի մտածում: Թագավորի մարմնին ամբողջովին գրավել էր սեղանը, Վիլին հերձման արդյունքների մասին եզրակացությունը ստիպված էր կազմել լուսամուտագոգին: Տրտնջաց, որ շքախմբի անդամները սենյակից դուրս չեն գալիս, ծառայանին դեսուդեն է ցրվել, նույնիսկ սովորական լաթերը չեն հերիքում, չխոսելով արդեն մաքուր սավանների ու սրբիչների մասին: Նրա օգնականները՝ շոտլանդացի Դոբբերտոն ու Ռեյնոլդը, կարմրած ու քրտնած դեմքերով, ժիլետներն արծակած, սիգարներն ատամների արանքում, խոտաբույսեր էին եփում գմռաման համար: Բուխարու կրակին դրված էր մրոտ կաթսան, որի պարունակությունը խառնում էին գդալներով:

Թագավորի մարմնից անջատած գլուխը վերածվել էր գանգի: Մինչև մերկ ոսկորը քերած՝ այն դեռ չէր վերադարձվել տեղն ու դրված էր աթո-

ռին: Հենց իմ հայտնվելու պահին Կոստանդիսը սկսեց վրան քաշել մաշկը՝ մազերով: Կարկամած հետևում էի, թե ինչպես է անում՝ անզոր դուրս գալու կամ գոնե փակելու աչքերս: Սենյակում անտանելի հեղձուկ էր, բոլոր պատուհաններն ու նույնիսկ օդանցքները պինդ փակել էին: Ճթճթում էին հաստ պատրույզներով եկեղեցական մոմերը, բայց ո՛չ սիգարների ծխին խառնված հալված մոմի հոտը, ո՛չ խոտաբույսերի եռացող խաշուկի կախարդիչ բույրը չէին կարող ցրել մեռած մարմնի թանձր հոտը: Հասցրի նկատել, որ երբ մաշկը ձգվեց գանգի վրա, թագավորի դեմքի արտահայտությունը փոխվեց, ու միայն դրանից հետո կորցրի գիտակցությունս:

Ուշքի եկա միջանցիկ սրահի բազմոցին պառկած: Կոստանդիսը նստած էր կողքիս ու շոշափում էր զարկերակս: Նկատելով, որ ուշքի եմ եկել՝ արդարացավ, որ չի հաջողվել անհրաժեշտ քանակի սպիրտ ճարել, և իր մեղքը չի, եթե հանգուցյալի դեմքը սևանա:

Շառլ-Անտուան Ֆաբիե: Ապստամբի օրագիրը

Մարտ, 1826 թ.

Փետրվարին իմ գնդով փորձում էի ճեղքել-հասնել պաշարված Միսսոլնգի, բայց Իբրահիմ փաշան ստիպեց նահանջել: Եգիպտացիների հետ մարտում 32 զինվոր ու վեց հեղվենասեր զոհվեցին: Մարմինների մեծ մասը չհաջողվեց դուրս բերել, բայց ինձ մխիթարում եմ նրանով, որ նրանք առանց պղծելու հողին կհանձնվեն: Իբրահիմ փաշան ո՛չ մեռյալների կտրած քթեր ու ականջներ է ուղարկում Ստամբուլ, ո՛չ կտրած գլուխներ: Նրա հաղթանակներն այդպիսի ապացույցների կարիք չունեն:

Քյութահյա Ռեշիդ փաշան մի շաբաթ առաջ գրավեց Միսսոլնգին: Վերջին պաշտպանները սպանված են, կանայք ու երեխաները՝ վաճառված ստրկության: Սպարտակը, Սքանդերբեզը, Վիլիելմ Թելը, Բենջամեն Ֆրանկլինը, որոնց անունները կրում էին ամրոցի աշտարակները, անզոր գտնվեցին պաշարողական հրետանու դեմ: Քյութահյան պատրաստվում է 10-հազարանոց բանակով գնալ Աթենքի վրա, և մենք ուժ չունենք նրան խանգարելու:

Մեր հրամանատարները կռվչտում են իրար հետ, նրանց ջոկատները սակավամարդ են, ու եղածն էլ չի կարող դուրս գալ արշավանքի, քանի որ սևունդ չեն ճարում Իբրահիմ փաշայի ամայացրած Սորեայում: Իմ գունդը բացառությունն չէ: Կարող ենք, իհարկե, մթերք վերցնել հետներս, բայց դրա համար այն պետք է գնել, իսկ կառավարությունը փող չունի նույնիսկ նավաստիների ռոճիկի համար: Նավերի անձնակազմերը փախչում են, նավերից շատերն ի վիճակի չեն դուրս գալու նավահանգստից:

Կոնստանտին Կոստանդին: Թափառիկ բժշկի նոթերը

Մայիս, 1826 թ.

Այսօր դարձյալ, արդեն որերորդ անգամ, երագ էր եկել հանգուցյալ թագավորը, և կրկին, ինչպես ինձ հետ պատահում է քնի մեջ, թե արթնացման առաջին րոպեներին, տառապագին փորձում էի լուծել հետևյալ հարցը՝ տարածվո՞ւմ է, արդյոք, ճակատագրի իշխանությունը մեռած մարմնի վրա, թե՞ մահը վերջինն է, որ հայտնվում է նրան: Եթե երկրորդը ճիշտ է, ուրեմն դիակի բախտը սահմանվում է նրանց ճակատագրով, ովքեր այն այդպես և ոչ այլ կերպ են տևորինել:

Թագավորի մարմինը երկու ամսից ավելի անթաղ մնաց հունական Ալեքսանդրյան վանքում: Միայն հունվարի վերջին, Տագանոզի նավաշինարաններում պատրաստած դիակառքով, որին սգո սթարներով չորս ձի էր լծված, տեղափոխեցին Պետերբուրգ:

Լեյբ-կառապան Իյա Բայկովը, որքան հիշում եմ՝ առաջին անգամ, կապույտ կաֆտանը փոխարինել էր սևով: Շքախմբի,- պետք է ասել՝ բավական համեստ,- հեծյալները նույնպես սգազգեստ էին, ինչպես Ելովսկին: Մենք սառը բաժանվեցինք, և նա հետևեց թագավորին վերջին երկրային ուղևորության ընթացքում:

Տարասովը, որպեսզի վերջնականապես հարբեցողության չտրվի, ավելի վաղ էր վերադարձել տուն, կնոջ մոտ, բայց ես ստիպված էի մնալ Ելիզավետա Ալեքսենևայի հետ: Իր առողջությամբ՝ նրա համար վտանգավոր էր ձմռանը ոչ միայն ուղեկցել ամուսնուն, այլև տեղից շարժվել: Սպա-

սելով տաքերն ընկնեն, ևա ապրիլին Տագանոզից մեկնեց Պետերբուրգ, բայց նույնիսկ Մոսկվա չհասավ ու վախճանվեց ճառագարհին: Նրա մահվան լուրը ստացա մինչև ևավարկության սկզբին Նավալիոն մեկնելս, որտեղ որպես բժիշկ մտա Ֆաբիեի ջոկատը: Ավելի ճիշտ՝ գունդը, միակ կանոնավոր գունդը հունական բանակում: Չմռանը կանգնած էին Աթենքում, բայց երբ թուրքական զորքերը սկսեցին մոտենալ քաղաքին, Ֆաբիեն գունդը վերատեղակայել էր Նավալիոնում, որ չկործանի անհույս պաշարման մեջ: Դա իմ գալուց կարճ ժամանակ առաջ էր արվել:

Հինգ տարի չէինք հանդիպել և ամբողջ գիշեր գրուցեցինք: Ֆաբիեն բացատրեց, թե ինչու չէր պատասխանում նամակներիս: Պատճառներն ինձ համոզիչ չթվացին, բայց ներեցի նրան: Լուսաբացին, երբ ռեցինայի երրորդ, թե չորրորդ շրջից հետո, որի խեժահուողը ինձ համար հայրենիքի բույր էր, դուրս եկանք այգի և ուս ուսի կանգնած՝ երկու շիթով ոռոգեցինք առանց այն էլ ցողից խոնավացած խոտը: Եվ ես լսեցի Ֆաբիեի պատմությունը սքանչելի անգլուհու՝ նրա սրտի տիրուհու մասին: Բաժանվելիս, ի հուշ իրենց սիրո և որպես նոր հանդիպման գրավական, կինը նրան ցայլքի մագերից մի փունջ էր նվիրել: Ֆաբիեն ծոցից հանեց ու ինձ ցույց տվեց մի սրտածև արծաթե մեդալիոն, որ խաչի փոխարեն շոթայով կախված էր կրծքին: Ներսում սիրեցյալի հրաժեշտի նվերն էր: Չասացի, որ այդպիսի կանանցից ավելի լավ է հեռու մնալ:

Վերադարձանք տուն: Հիմա չեմ հիշում ինչի հետ կապված՝ Ֆաբիեն պատմեց իր գնդում ծառայող մի սերբից արդեն լսածս պատմությունը Միլոշ Օբրենովիչի մասին: Այդ իշխանը, հաշտության պայմանագիր կնքելով թուրքերի հետ, տեղափոխվել էր թուրքական փաշայի արքունիք ու տեսել, թե ենիչերիներն ինչպես են պարկերում տեղավորում նրանց գլուխները, ովքեր հաշտվել չէին ցանկացել: «Տե՛ս, իշխա՛ն, որ քո գլխի հետ էլ նույնը չպատահի», - հյուրին զգուշացրել էր փաշան: «Իմ գլուխը վաղուց է պարկի մեջ, - պատասխանել էր Միլոշը: - Ուսերիս ուրիշինն եմ կրում»:

Հին ընկերների գիշերային զրույցի ժամանակ, հնգամյա բաժանումից հետո այդպիսի պատմություններ հենց այնպես չեն արվում: Պատրաստվեցի լսելու շարունակությունը, և այն չուշացավ: «Ուսաստանում,

Իսպանիայում մի անգամ չէ, որ նայել եմ մահվան աչքերին,- ամփոփեց Ֆաբիեն,- բայց նույնն եմ մնացել, իսկ հիմա իմ գլուխն իմը չի: Անես մեռել եմ, և իմ մարմնում ուրիշ մարդ է հաստատվել: Նրա ուղեղում մտքեր են ծնվում, որպիսիք երբեք չեմ ունեցել, և այնպիսի բաներ է անում, որոնց համար նախկինը կզնդակահարեր նրան որպես հանցագործի»:

Իզնատի Ելովսկի: Ալեքսանդր I կայսեր կամեր- քարտուղարի մատյանը

Հունիս, 1826 թ.

«Վեպն ավարտված է, սկսվում է Ռուսաստանի պատմությունը»,- ասել է Մետեռնիխը, երբ նրան հայտնել են թագավորի մահվան լուրը, սակայն որոշ վեպերում ավելի շատ ճշմարտություն կա, քան հուշերում ու պատմաբանների աշխատություններում:

«Ո՛չ սառն էր, ո՛չ տաք»,- իբր մերձավորների շրջանում ավագ եղբոր մասին այդպես է արտահայտվել Նիկոլայ Պավլովիչը,- սակայն ուժգին կիրքը, որն ընդունված է հարգել անկախ նրանից, թե ինչ նպատակով և ում է ուղղված, հաճախ որևէ մեկին կյանքից դուրս մղելու ցանկություն է թաքցնում: Իմ թագավորը նման բան չուներ: Նրանցից չէր, ում Ավետարանը միշտ բացվում է «թուր» բառի վրա:

Նա մշտապես ջանում էր կանգնել ծայրահեղությունների միջև, ամենուր և ամեն ինչում փնտրում էր միջին գիծը: Նրանց,- իսկ այդպիսիք մեծամասնություն են,- ովքեր օժտված չեն հոգու նրբությամբ և չարի ու բարու բնատուր չափով, դա շարքային երեսպաշտություն էր թվում: Պրոտեոսը նրա ամենաանմեղ մականունն էր: Իրար դեմ մարտնչող կուսակցությունները նրա մեջ ո՛չ հաստատուն կողմակից էին գտնում, ո՛չ բացահայտ հակառակորդ, իսկ այդպիսի դեպքերում կուսակցական մարդը միշտ պատրաստի բառեր ունի՝ երկերեսանություն, կեղծավորություն, խորամանկություն: Կուսակցությունների կարծիքներն ամրագրվում են կուսակցականների գրած գրքերում և կրկնվում պատմագիրների կողմից: Դրան խանգարելն իմ ուժից վեր է:

Պետերբուրգում ժողովուրդը խոսում է, թե ցարը չի մահացել, այլ ևս-վով անցել է ծովից այն կողմ, նրա փոխարեն ինչ-որ զինվոր, թե լաքեյ է թաղված: Կազանյան Աստվածամոր եկեղեցում հուղարկավորման կարգ կատարելիս ևս բաց դագաղում էր և այնքան նման չէր իրեն, որ այդպի-սի խոսակցություններ չէին կարող չծագել: Սոտիկից ևայելիս տպավո-րություն էր ստեղծվում, որ մարմինն ուրիշի գլուխ են կպցրել: Անհնար էր հավատալ, որ դիմափոշու հաստ շերտի տակից թափանցող եթովպական դեմքով այդ սարսափելի ծերունին պայծառափայլագույն վեհապետ Ալեք-սանդր Օրհնյալն է:

Արակչենի կալվածքում՝ Գրուզինոյում, պատի ժամացույցն այնպես է լարված, որ օրը միայն մի անգամ է խփում՝ ժամը 10.52-ին, երբ կանգ առավ թագավորի սիրտը: Ժամացույցի մեխանիզմն ամեն օր երեք զար-կով տանտիրոջ սրտում սեր է արթնացնում առ հանգուցյալը: Ինչպես իր հիմնած ռազմական բնակավայրերում ևս ամեն ինչ ժամանակացույցով է անում. ևսխաճաշում է, գնում արտաքնոց, սիրում հանգուցյալ թագավո-րին: Մենք վարժվում ենք ամեն ժամ, ևույնիսկ ավելի հաճախ հնչող ժա-մացույցի զարկերին, և գիշերն էլ այն չի արթնացնում մեզ, բայց օրը մեկ զարկը լրիվ ուրիշ բան է:

Դժվար թե Օծը գևար դրան, եթե թագավորը ոչ թե առավոտյան, այլ գիշերվա երկուսին կամ երեքին վախճանվեր: Նրա սերը չէր դիմանա ամեն գիշերվա արթնացումներին:

Ես հաճախ եմ մտածում՝ արդյո՞ք թագավորի մահն անխուսափելի էր: Ծատերը շատ են ուզում հավատալ դրան, որպեսզի խուսափեն կատար-վածի պատասխանատվությունից, բայց մեզ հարմար է անխուսափելի հա-մարել այն, ինչից չի հաջողվել խուսափել: Այդպես ավելի հեշտ է հաշտվել դրա հետ:

Մենք վարժվել ենք մահվան մասին մտածել որպես մեր մարմինը խոցող նետի,- բայց այն մեր մեջ կարող է փշի պես ապրել, որը փտելով՝ աստիճանաբար թունավորում է մեր արյունը: Մենք աչքաթող ենք անում, որ գալիքը մեզ կործանումով է սպառնում ոչ ավելի, քան անցյալը: Վերց-նենք չարաբաստիկ բրնձի խաշուկը, որ Տարասովը Բախչիսարայում

ԼԵՈՒՌՆ ՅՈՒՋԵՖՈՎԻՉ

տվեց թագավորին: Հենց այն էլ վարակը պահեց մարմնում, բայց չէ՞ որ թագավորն ինքն էր Տարասովին ու Կոստանդինին խնդրել պատրաստել այդ թուրմը: Նրա մասին իմացել էր, երբ ձիու սմբակի հարվածից հետո սրունքի բորբոքումը խորացել էր:

Մի տարի անց, Ղրիմում, տեսողը կրկին թուլացրել էր ստամոքսը, ինչը, որքան հիշում եմ, նրա հետ միայն երկու անգամ էր պատահել: Ողջ կյանքում հակառակ ազդեցության դեղերի պետք էր ունեցել: Կեղևահան սալոր, կանաչ թեյ. ահա նրա դեղերը: Մի խոսքով, եթե չլիներ Բրեստ-Լիտովսկի այդ հովատակը, թագավորը ողջ կմնար:

ԷԼԵՎԱՆ

Շառլ-Անտուան Ֆաբիե: Ապստամբի օրագիրը

Հուլիս, 1826 թ.

Չէի կարծում, որ Քյոթահյան այդքան երկար չի կարողանա գրավել Աթենքը: Քաղաքն արդեն երեք շաբաթ դիմանում է: Պարետ Գուրասը կողոպուտներով ու հարկերով քաղաքացիներին հասցրել է մուրացկանության, բայց նրանք առաջվա հնազանդությամբ ենթարկվեցին նոր տերերին ու քաջաբար մեռնում են իրենց ունեցվածքը ոչ թե մահմեդականներին, այլ հավատակիցներին տալու իրավունքի համար: Ստրուկի համար ազատությունը տեր ընտրելու հնարավորությունն է:

Գուրասը կողոպուտով ու կողոպտածը վաճառելով էր զբաղված: Այդ երկու զբաղմունքի միջև երկու կես լինելով՝ չէր բարեհաճել նորոգել քաղաքային ամրություններն ու կազմակերպել պաշտպանությունը: Դա նրա փոխարեն արեց Յանիս Մակրիյանիսը, որն աչքի էր ընկել Արգոսի և Նեոկաստրոյի պաշտպանության ժամանակ: Նա վայելում էր ժողովրդի սերը, իսկ Կոնդուրիոտիսը, որպեսզի Կոլոկոտրոնիսի դեմ պայքարում իր կողմը քաշի, նրան գեներալական աստիճան շնորհեց: Անցած աշուն Մակրիյանիսը հաստատվել էր Աթենքում՝ սիրով ամուսնանալով մի տեղացի թրքուհու հետ, ինչը մեր ժամանակներում ամնվազն հարգանքի է արժանի: Ձմռանը ինձ մոտ եկավ՝ գունդ ընդունվելու խնդրանքով: Ասացի, որ գնդապետի կոչումով իրավունք չունեմ ղեկավարելու գեներալին, բայց պատրաստ եմ նրան լեյտենանտի կոչում առաջարկել: Ծիծաղելով համաձայնեց: Դա միանգամից իմ համակրանքն առաջացրեց: Ես մարդու մասին դատում եմ առաջին տպավորությամբ ու հազվադեպ եմ սխալվում:

Երբ թուրքերը մոտենում էին, ու որոշեցի գունդը հետ քաշել Նավային, աթենացիները պատվիրակություն ուղարկեցին՝ խնդրելով պաշտպանության համար Մակրիյանիսին թողնել քաղաքում: Ես նրան թույլ տվեցի մնալ ու ճիշտ արեցի: Առանց նրա Թյուրախյան վաղուց գրաված կլիներ Աթենքը:

Կոնստանտին Կոստանդին: Թափառիկ բժշկի նոթերը

Օգոստոս, 1826 թ.

Օգոստոսի 3-ին Թյուրախյա Ռաշիդ փաշան գրոհով վերցրեց Աթենքն ու պաշարեց Ակրոպոլիսը: Մանրամասներն իմացանք Աթենքում մնացած լեյտենանտ Մակրիյանիսից: Ինչ-որ մեկը նրա կամակը հասցրել էր Ֆաբիենին, իսկ նա ցույց տվեց ինձ: Կոպիտ մոխրագույն թղթի երկու թերթ՝ երկու կողմից գրած մի մարդու ձեռագրով, որը գիտի իր գրչի տակից դուրս եկածի գիւրը:

«Նա տառաճանաչ չի, - ձեռագրով խառնվածքը բացատրելու փորձերս ընդհատեց Ֆաբիեն:- Գրագիրն է գրել թելադրությամբ»:

Նամակը պահել էին հագուստի տակ կամ կոշիկի մեջ: Թուղթը պահպանել էր բազում ծավալածքների հետքերը ու տեղ-տեղ մաշվելուց ծակծկվել, ստիպված էինք տառեր կազմել երկու կեսից, ինչպես այբուբենը սովորելիս անում են երեխաները:

«Նավայինից ձեր հեռանալուց հետո,- հայտնում էր Մակրիյանիսը,- ինձ ծանոթացրին աթենացի Սիմեոն Չաքարիցայի և Ներուձոն Մեծելոյի հետ: Նրանք օգնության բերեցին իրենց մարդկանց: Բոլորս բարձրացանք քաղաքային պարիսպներն ու գիշեր-ցերեկ, առանց հանգստի կռվեցինք երեսունչորս օր: Պարիսպը դրսից պաշտպանում էին աթենացիները՝ քաջարի Սորֆոպոլոսի հրամանատարությամբ, Բուբոնիստրայից կանգնած էր Մամուրիսը՝ Գուրասի մարդկանց ու գյուղացիների հետ, Սուրբ Գևորգից մինչև ամբողջ Ստատիս Կածիկոյանիսն էր: Բոլորն արիաբար էին կռվում և արժանապատիվ պահում իրենց: Թուրքերը հրանոթներ էին շարել քաղաքի շուրջը, անընդհատ կրակում էին: Անթիվ-անհամար էին, իսկ մենք լավ

Է, եթե հինգ հարյուրյակ լինեինք: Ամեն տեղ չես հասնի, կուզես երկու կես եղիր...»:

Մինչ կարողում էի, Ֆաբիեն մտմտում էր իրեն տանջող հարցի շուրջ՝ պե՞տք էր, արդյոք, գնդով մնալ Աթենքում: Ստացվում էր, որ՝ ոչ, քաղաքը, մեկ է, չէինք պահի, իսկ Ակրոպոլիսի պաշտպանության համար մարդիկ բավականացնում են: Նրան տանջում են կասկածները՝ արդյո՞ք ճիշտ է վարվել:

«Քյութահյան հրանոթներով ավերեց մեր ամրությունները,- կարողում էի ես,- վերականգնեցինք՝ որքան կարող էինք: Սպանվածներն ու վիրավորներն անհաշիվ էին: Օգոստոսի երրորդ օրը, արևածագից մի ժամ էլ չէր անցել, թուրքերը ներս խուժեցին: Պարիսպներն այսուայնտեղ փլվել էին, որովհետև անհնար է ամենուր հասնել ու ամեն ինչ վերականգնել, երբ գնդառումբերը չեն թողնում գլուխ բարձրացնես: Եվ ահա ներս խուժեցին: Քյութահյան առավոտից զինվորներին ռոմ էր խմացրել ու միակամից երեք կողմից թողել քաղաքի վրա: Մերձամարտի մտանք և այդպես կռվելով՝ նահանջեցինք մինչև ամրոց...»:

«Քյութահյան,- ասաց Ֆաբիեն, տեսնելով, թե ուր եմ հասել,- Աթենքում հրեշտակային մեծահոգություն և դրսևորել: Ոչ մի բնակիչ չի սպանվել, ստրկության չի վաճառվել: Միտլոնգիից հետո համոզված է, որ առանց այն էլ սարսափեցնում է հույներին»:

Շարունակեցի կարդալ. «Մեզ քշեցին ամրոց, իսկ այնտեղ ահավոր խառնաշփոթ է: Ասեղ գցելու տեղ չկա: Կանայք, երեխաներ, այծեր: Կռվերն էլ էին շատ, բայց երբ ներս մտանք, պաշարման փորձ չունեցող Գուրասը լրիվ դուրս քշեց: Կռվերը բաժին ընկան թուրքերին: Ասում եմ. «Էդ ի՞նչ ես անում, ախր պաշարման մեջ ենք»: Իսկ նա՝ ինձ. «Երկար չենք դիմանա»: Աթենքում եղած եվրոպացիներն էին համոզել, և Գուրասը հավատում է նրանց: Այ երբ հաց չենք ունենա, իսկ մեր կռվերը թուրքերը կլափեն՝ փառաբանելով Գուրասի հիմարությունը, դառնորեն կզղջա: Ես դրա փորձն ունեմ, քաղցել եմ Արտում, Նեոկաստրոյում արդեն շուր էլ չունեինք, այնպես որ, զինու ու ամեն կարգի մթերքի պաշար տեսա: Վեցհարյուր օխա բրինձ էի առել, լոբի, սիսեռ, տավարի ու խոզի միս աղ դրի: Ամեն ինչում

հույս Տիրոջ ողորմածության վրա է, բայց երկար չենք դիմանա: Այսպիսի մեծ ամրոցի համար փորձառու մարտիկները քիչ են»:

«Ակրոպոլիսը Մակրիյանիսի համար պարզապես ամրոց է,- նկատեց Ֆաբիեն:- Հույները չեն գիտակցում նրա նշանակությունը»:

Հիշեցրի, որ բոլորովին վերջերս Ակրոպոլիսում կանգնած էր թուրքական կայազորը, և հունական ջոկատներն էին այն պաշարել: Թուրքերի զնդակների արճիճը սպառվել էր, սկսել էին ջարդել Պարթենոնի սյունների թմբուկները, որ արճճե առանցքները հանեն, այդ ժամանակ հույները նրանց արճճի պաշար էին ուղարկել:

«Է՛-Է՛-Է՛,- ձեռքը թափ տվեց Ֆաբիեն,- գիտեմ էդ հեքիաթը: Հույներն սիա թե ինչ կուղարկեին թուրքերին...»:

Շարժումը շատ ավելի եռանդուն էր, քան ենթադրում էր խոսակցության լարվածությունը: Նրա նյարդայնությունն ակնհայտ է: Օրերս ջարդեց ըստ կարգի ժամապահ կանգնելու փոխարեն եկեղեցի գնացած զինվորի քիթը: Դեռ լավ է, որ զինվորը վախիսներից էր: Հույները նման բաները չեն ներում:

«Ակրոպոլիսը չի կարելի վստահել հույներին, այնտեղ եկեղեցիներ կշարեն,- ասաց նա:- Ամբողջ Պարթենոնը կդարձնեն եկեղեցի: Ակրոպոլիսը պետք է հանձնել բրիտանական ենթադատության: Անգլիացիները բոլորից լավ են հասկանում նրա նշանակությունը»:

Ես այդ գաղափարը վերագրեցի նրա հիվանդագին վիճակին: Նույնիսկ հագուստից է երևում ինչքան է նիհարել: Դեմքը սմբել է, այտոսկրերի տակի արևայրուքը դեղնավուն երանգ ստացել:

Ես օգտվեցի նրանից, որ մենակ ենք, և առաջարկեցի. «Հանվի՛ր, ուզում եմ նայել: Տեսդ դուրս չի գալիս»:

Հեշտությամբ համաձայնեց ու մի քանի րոպեից, մինչև գոտկատեղը մերկ պառկած էր մահճակալին: Բարձր կրունկները նրան հասակ են ավելացնում, սակայն պառկած վիճակում ընկերս կտրուկ փոքրացել էր: Ամազ գունատ կրծքին մեղայուն էր՝ անգլուհու նվիրած գանձով: Դեն քաշեց, որ չխանգարի: Առաջ երբեք Ֆաբիենի հանված չէի տեսել ու միայն հիմա հասկացա, որ նրա մարմնական բնույթը հակասում է ստանձնած դե-

րին: Իմ կյանքն ու մահը կախված էին մի մարդուց, որի ծանրության տակ նույնիսկ խախուտ մահճակալը չճկվեց:

Անպարկեշտ բժշկական կատակներ անելով՝ նայեցի կոկորդը, լսեցի սիրտը, մատնահարեցի փորը: Ոչ մի շեղում նորմայից, բացի մի քիչ մեծացած լյարդից:

«Ի՞նչ կա էդտեղ», - անհանգստացավ՝ զգալով, որ մատներս կանգ առան կողաշարի վրա:

Ծիծաղեցի նրա կասկածամտության վրա ու խորհուրդ տվի ավելի հաճախ ուտել, ավելի շատ քնել ու քիչ նյարդայնանալ:

«Ես Աթենքից հեռացա, որ փրկեմ գունդն ու պահպանեմ գործողությունների ազատությունը, իսկ հիմա ասում են, թե այդպես վարվելու իրավունք չունեի», - բարեհաջող ավարտված բուժզննությունից զգացած թեթևության ալիքի վրա խոսում էր նա՝ հագնվելով ու թափահարելով դեռ թևքերը չգտած ձեռները: - Թե Գուրասի ու Մակրիյանիսի հետ պիտի լստեի պաշարման մեջ»:

«Դրա մեջ իմաստ կար, - դավաճանաբար անցա նրա ընդդիմախոսների կողմը: - Եվրոպայում շատերն են հավատում, որ եթե թուրքերը վերցնեն Ակրոպոլիսը, կավերեն Պարթենոնը: Մեզ օգտակար է այդ մոլորությունը: Ակրոպոլիսի պաշտպանությունն ապացուցում է, որ հույներն արժանի են իրենց նախնիներին: Որքան երկար տևի, այնքան հավանական է, որ Անգլիան, Ֆրանսիան ու Ռուսաստանը պատերազմ հայտարարեն Բարձր Դռանը»:

«Դո՞ւ էլ ես այդպես կարծում, - զայրացավ Ֆաբին: - Հետաքրքիր է, այդտեղ ի՞նչ եք ուտում բոլորդ»:

«Դու կովերն Ակրոպոլիսից դուրս չէիր անի», - գտա պատասխանը, բայց նա չզնահատեց կատակս:

Ֆաբին գնաց քաղաք, որտեղ մնաց մինչև երեկո: Վերադառնալով գնդի շտաբի պետ, միաժամանակ՝ հելլենասերների հրամանատար մաջար Չեկեիին հրամայեց ջոկատը հավաքել ճամբարի հետևում: Այդպես ենք ասում գյուղին, որտեղ կանգնած ենք:

Հավաքատեղում ինձ մոտեցավ Գրիգորի Մոսցեպանովը՝ միակ ռուսը հելլենասերների մեջ: Նստեցինք արևից ճերմակած քարերին: Այստեղ չկա մեկը, որի հետ խոսի մայրենի լեզվով, բացի ինձնից և օդեսացի հույն Յիկուրիսից, ու որպեսզի իրենից փախս չտամ, ջանում է հետս խոսել բժշկությունից: Արդեն բազմիցս լսել եմ նրա կյանքը փրկած տգրուկների և ինչ-որ հրաշագործ բժշկի՝ անտեր շների սիրեցյալի մասին: Շները, ասում է, կրծել են ինչ-որ շանորդու սեռական անդամը, իսկ այդ բժիշկը տեղն է կարել, չնայած ավելի լավ կլիներ՝ չկարեր:

Հիմա նորից հիշեց տգրուկներին. թե վատ չէր լինի դրանցից ունենալի իմ լազարեթում: Համաձայնեցի՝ ասելով, որ հույները Մորեայում արյամբ են վճարել տգրուկներով ազատ բուժվելու իրավունքի համար:

«Ինչպե՞ս», - չհասկացավ նա:

«Թուրքերի օրոք մարդկանց այդպիսի բուժման համար բանտ էին դնում,- բացատրեցի ես:- Օսմանյան կայսրությունում բոլոր տգրուկները պատկանում են սուլթանին, դրանց պետական մենաշնորհի կա, ինչպես Ռուսաստանում՝ աղի վրա»:

Մոսցեպանովն ապշած էր այդ բռնատիրությունից: Մտախոհ գլխով արեց, ասես վերջապես հասկացել էր, թե ինչու ենք դիմել ապստամբության, ու հետաքրքրվեց՝ շա՞տ են հիվանդներն իմ լազարեթում: Իմանալով, որ երեքն են, այն էլ՝ փորլուծով, խորիմաստ կկոցեց աչքերը. «Վայ թե բոլորը հելլենասերներ են»: Հաստատեցի ենթադրությունը, և նա գոհացավ, որ իր փորը պինդ է:

Հելլենասերները մեկական ու խմբերով գալիս էին գյուղից ու մեր կողքին նստոտում խոտերին: Մեկը ամիսներով է պատրաստվել այստեղ գալուն, այդ մտքին վարժեցրել կնոջը, սովորել լեզուն, մյուսը նախաճաշին թերթում կարդացել է Միսոլոնգիի անկման մասին, դուրս է եկել տնից ու չի վերադարձել: Ես նրանց բաժանում եմ երեք խմբի. առաջինները՝ իրենց բանակներից արձակված սպաներն ու ենթասպաները, որոնք ունակ չեն վերադառնալու խաղաղ կյանքի, երկրորդը՝ նրանք, որ սիրահարված են հին Հելլադային ու երազում են նրա վերածնունդը, երրորդը՝ մաջարներ, իտալացիներ, իռլանդացիներ, որոնք համակրում են մեզ, քանզի իրենք էլ

ճնշվում են օտարներից: Հանդիպում են ևսև Ֆաբիեի նմանները, որոնք դժգոհ են սեփական հայրենիքից ու որոշել են ուրիշը վերցնել, որ վերափոխեն ըստ իրենց ճաշակի: Մոսցեպանովն այդ տիպերից ոչ մեկին չի համապատասխանում: Հավատացնում է, թե այստեղ է եկել հանուն հավատի կռվելու, բայց մեր եկեղեցիները դուր չեն գալիս նրան աղքատության պատճառով, և մենք՝ նույնպես, չնայած եթե հետաքրքրվենք մեր հանդեպ նրա բողոքներով, այս կարգի մի բան կլսենք՝ որ Պետերբուրգում, Գոստինի դվորի մոտ, հույներն անաստված գներով ծովասպունգ են ծախում, իսկ այդ սպունգները բանի պետք չեն, առնելն ու շարտելը մեկ է լինում:

Մեր դիմաց անմշակ դաշտ էր՝ ծածկված կակաչներով: Մթնշաղիկ դրանք ոչ թե ալ կարմիր, այլ մուգ էին թվում չորացած բարձր խոտի ֆոնին: Քաղաքին մոտ՝ այծերը կերել էին, իսկ այստեղ խոտն անվնաս էր չորացել: Դրանից այն կողմ ձգվում էին վայրի պիստակի, խնկածառի, մորենու թփուտները: Մյուս կողմից դեպի ծովն էին իջնում մեր նոր երևութական մայրաքաղաքի կղմիկները տանիքները, դրանցից այն կողմ բարձրանում էին Պալամիրայի բաստիոնները: Անկյունային աշտարակի ազդանշանային լույսը դեռ չէր վառվում, ինչպես և Բուրժի ամրոցիկի փարոսը՝ ծովածոցի մուտքին: Դրանք պետք է վառվեն ոչ ավելի շուտ, քան երկինքը լրիվ կձուլվի ծովին: Արևն արդեն մայր էր մտել, բայց ծոցը շարունակում էր թույլ վարդագունել. վերջին ճառագայթները, հորիզոնի հետևից բարձրանալով, ոսկեգոծում էին ամպերի ստորին եզրերը, իսկ ամպերը դրանք անդրադարձնում էին ջրի վրա: Ես միշտ դրա մեջ մահից հետո կյանքի խոստում եմ տեսնում:

Մեր կողքին նստած Չեկեին ասաց, որ վենետիկցիների օրոք այս տեղերում շատ հարուստ բերք են հավաքել, իսկ հիմա դաշտերը լքված են ու արոտատեղ են ծառայում այծերին: Հույները հողի հետ գլուխ դնել չեն սիրում:

Նրա հայրը մաջար է, մայրը՝ Ռալմաթիայի իտալուիի: Չեկեին ծառայել է տարբեր բանակներում, տիրապետում է բազում լեզուների, այդ թվում՝ հունարենին, դրա համար էլ հույս ունի ժամանակի հետ զբաղեցնել Ֆաբիեի տեղը: Անհարմար էի զգում հիշեցնել նրան, որ հեղափոխությունների

ժամանակ վերջինները կարող են դառնալ առաջին, բայց երկրորդները՝ երբեք:

«Հույները բաժանվում են երեք դասի: Վաճառականներ, նույն ինքը՝ ավագակներ, նավաստիներ, նույն ինքը՝ ծովահեններ, և տերտերներ ու միաբաններ: Գյուղացիները քիչ են, ու եղածն էլ՝ ծույլ», - դասավորեց մեզ, ինչպես սևկերը կույտ-կույտ բաժանելով, նույն թեթևությամբ, որով ես նրա ենթականերին բաժանում էի երեք տարատեսակի: Ուրիշինն ավելի հեշտ է դասակարգել, քան սեփականը:

Իմ վիճակը երկիմաստ է: Ուրախ եմ, որ հելլենասերներն ինձ յուրա-յին են համարում, բայց տհաճ է, որ իմ ներկայությամբ քամահրանքով են արտահայտվում հույների մասին: Սովորաբար ավելի բորբոքված եմ առարկում նրանց կարծիքին, որքան այն ինձ արդարացի է թվում, բայց հիմա գործը դրան չհասավ. հայտնվեց Ֆաբիեն: Տրամադրությունը զգալիորեն լավացել էր. նշանացի կանգնեցրեց Չեկեիին, որն ուզում էր շարվելու հրաման տալ, ու մոտ հրավիրեց մեզ: Հելլենասերների հետ իրեն պահում է որպես առաջինը հավասարների մեջ:

Հելլենասերները խմբվեցին նրա շուրջը. Եվրոպայի բոլոր ազգերի զավակները. երկու մուլատ՝ Նոր Գրանադայից, հինգ ամերիկացի և ավեքսանդրիացի մի հրեա: Կարբոնարներ, մասոններ, հանրապետականներ, սահմանադրականներ, իդեալիստներ, արկածախնդիրներ: Մարտիկներ, զինեսերներ, փառամուլներ, երազողներ, հնությունների սիրահարներ, Էսքիլեսի ու Պլուտարքոսի ընթերցողներ, Բայրոնի երկրպագուներ. յուրաքանչյուրը հետապնդում է իր սեփական ուրվականին, սակայն բոլոր տարբերություններով հանդերձ, ի մի գալով, զինվորներին կարգապահության ու զինվորական հմտության օրինակ էին ծառայում, որից հույները զուրկ են: Առանց նրանց մեր գունդը քիչ կտարբերվեր մյուս հունական ջոկատներից: Ազգակիցներս գնահատում են նրանց, բայց չեն սիրում:

Նավալիոնում այլ կարգի հելլենասերներ էլ կան՝ այն թագակիր այրե-րի գործակալներն են, որոնք ցանկանում են Հունաստանը միապետություն տեսնել, իրենց ժառանգներից մեկնումեկին՝ գահին: Նրանք անընդհատ փոխադարձ խարդավանքներ են նյութում, բայց միավորվում են գնդապետ

Կառլ Թլոյդեկի դեմ. նրան մի գումարտակ զինվորներով այստեղ է ուղարկել Եվրոպայի գլխավոր հելլենասերը՝ բավարական թագավոր Լյուդվիգը, նպատակ ունենալով որդուն՝ արքայազն Օտտոնին հելլենների թագավոր դարձնելու գաղափարի իրագործումը: Թլոյդեկը ընդունում է ցանկացածին, որը համաձայն է բավարական համազգեստ հագնելու: Նրա զինվորների ռոճիկն անհամեմատելի է այն զրոշների հետ, որ մեզ վճարում է կառավարությունը:

Մեր կամավորների մեծ մասը հունական զգեստ է հագնում. լայն շավար, շապիկ, ժիլետ՝ եռաշար արծաթե, եթե միջոցները բավականացնում են, կամ անագե կոճակներով, կլոր թասակ: Ուղքերին՝ լեռները մագլցելուն հարմար ցարուզներ են, կոշկատակերը դաբաղած կաշվից: Հագուստը հարմար է և մարտում չի գրավում թուրքերի ուշադրությունը: Հելլենասերները ցանկալի ավար են թուրքերի համար, նրանց համար լավ գլխագին են վճարում, բայց ես որպես բժիշկ կարող եմ ինձ բլուզ ու լայնեզր գլխարկ թոյլ տալ՝ առանց նրանց կողմից սպանվելու վտանգի:

Մտցեպանովն անդրոշմ կոճակներով ժիլետ է հագնում, որը նվիրել է Ցիկուրիսը, սակայն թասակին նախընտրում է շքագլխարկը, ցարուզներին՝ սապոզները: Հունական գահը, որ դեռ գոյություն չունի նույնիսկ թղթի վրա, նա վերապահել է ռուսական մեծ իշխաններից մեկի՝ Կոնստանտին Պավլովիչի կամ Սիխայիլ Պավլովիչի համար, բայց դա նրան չի խանգարում դառնորեն սզալու թոյլ տված սխալի համար. թե, հիմա՛ր դու հիմար, եկել ես Ֆաբիեի մոտ, երբ պետք էր Թլոյդեկի մոտ գնալ: Թագավորական ռոճիկն ու բավարական համազգեստների գեղեցկությունը նրա պարզ հոգին ավելորդում են բաց թողնված հևարավորությունների համար աստուանքով:

«Աթենքն ընկել է, Ակրոպոլիսը պաշարված է,- խոսեց Ֆաբիեն, երբ բոլորը հավաքվեցին:- Միջևբերդում փակված են հինգ հարյուր հույն՝ չհաշված տեղի բնակիչներին: Հրամանատարները կապիտան Գուրասն ու լեյտենանտ Մակրիյանիսն են, բայց երկար չեն դիմանա: Մենք պետք է մի օրով կամ գոնե մի քան ժամով մտնենք Աթենք, փչացնենք պաշարողական հրանոթները, խլենք կամ ոչնչացնենք մթերքի ու վառոդի պաշարները»

րը: Մեզ հետ կգան Կարախակկիսի լեռնցիներն ու աշխարահագորայիսները»,- ավելացրեց նա, հենց մտածեցի, որ մենք հիկզ հարյուր մարտիկ ունենք, իսկ Քյուրսիյան՝ տասըհազարանոց հեծելազոր ու հրետանի:

«Իսկ բավարացիները»,- հարցրեց ինչ-որ մեկը:

Ֆաբիեն անպարկեշտ շարժումով արտահայտեց իր վերաբերմունքը Քյուրդեկի և Լյուդվիգ թագավորի ու դրա հետ միասին արքայազն Օտտոնի հանդեպ և առաջարկեց. «Աշխարհագորայիսները երկու հազար են, Կարախակկիսը նույնքան ունի: Անսպասելի հարձակման դեպքում կարելի է հաջողության հույս ունենալ...»:

Ես նայեցի Մոսցեպանովին: Այնպես էր լսում, ասես Ֆաբիեի ձայնով ճակատագիրն էր խոսում իր հետ:

«Ափ ենք իջնում Էլևսինում,- զևգում էր այդ ձայնը:- Մտնում ենք քաղաք, նույն պահին Գուրասն ու Մակրիյանիսը թիկունքից կխփեն թուրքերին: Նրանց նամակով կգոուշացնենք: Մեկնում ենք լույս տասնիննի գիշերը...»:

Ֆաբիեն մոլվում էր ապացուցելու, որ իզուր չի գունդը դուրս բերել Աթենքից: Ըստ երևույթին պլանը հասունացել էր այն բանից հետո, երբ նրան էին հասցրել Մակրիյանիսի նամակը, և միայն մի քանի ժամ առաջ էր հաստատվել Նավպլիոնի զինվորական խորհրդում: Ոգևորությունից ոտնետոտ էր անում տեղում, ինչպես երեխան, որի միզապարկը լցվել է:

Վաղնջական անցյալում Աթենքից Էլևսին, Դեմետրեի տաճար էր տալում սրբազան ճանապարհը, որով անցնում էին Էլևսինյան միստերիաների մասնակիցները: Մենք անցնելու էինք այդ ճանապարհով, ավելի ճիշտ՝ ճանապարհի վրայով: Նախկինը, եթե նրանից որևէ բան մնացել է, հողի տակ է անցել՝ մեզնից հեռու, իրենց մեռյալների մոտ:

Այն ժամանակներում, երբ Քարոնը դեռ մեռյալների թագավորության տիրակալը չէր, այլ սովորական մակույկավար, այստեղ կատարվում էին խորհրդավոր Էլևսինյան միստերիաները: Գիտնականներից ոչ մեկը չի համարձակվի ասել, թե հատկապես երբ, հայտնի է միայն, որ դա հավերժ մեռնող ու հառնող աստվածուհու տոնն էր: Նրա հետ տեսակցելու թույլատրվում էին միայն օծյալները: Նրանց ստվերները մեզ կդիմավո-

րեն աստվածուհու սրբարանի ավերակներում, ու բնավ չեմ գարմանա, եթե դափնետերևների խշռոցի մեջ լսեմ Պողոս առաքյալի բառերը՝ ապագա կյանքի մասին, բայց կիրառելի Հելլադայի համար, երբ վերադառնա մահվան ստվերների հովտից. «Սերմանվում է ապականությամբ և հարություն առնում առանց ապականության, սերմանվում է անարգությամբ և հարություն առնում փառքով, սերմանվում է տկարությամբ և հարություն է առնում գործությամբ...»:

Հելլենասերները սկսեցին ցրվել: Իմ կողքով անցան Ֆաբիեն ու Չեկեին, որն ասում էր. «Իբրահիմ փաշան կարող էր գրավել Աթենքը՝ Ակրոպոլիսի հետ միասին, բայց չի ուզում ներխուժել Ատտիկա: Ատտիկան նրա փաշալքքը չի: Նրա փաշալքքը Մորեան է: Ամայացնում է, որ բնակեցնի Եգիպտոսի արաբներով: Անցյալ տարի նա թուրք զեներալներից միակն էր, որ գթասրտություն դրսևորեց, հիմա դա ուրիշ մարդ է»:

«Հիմա բոլորս ենք ուրիշ», - արձագանքեց Ֆաբիեն:

Նրանց ձայները մարեցին հեռվում, և այդ ժամանակ Մոսցեպանովը հարցրեց, թե այսօր ամսի քանիսն է:

«Տասնհինգը», - ասացի ես:

Նա լրջախոհ տեսքով ծալեց բութ մատը, ցուցամատն ու միջևամատը՝ հաշվելով մեկնելուն մնացած օրերը: Հեռավոր եկեղեցական զանգահարությունը մի քանի պղնձադրամ թափեց քարերին: Մոսցեպանովը շրջվեց այդ ձայնի վրա ու խաչակնքվեց: Ես լույսն արեցի, բայց խաղաղություն չկար: Մտքերս խառնվում էին, ինչպես անքնության ժամանակ: Անպատեհ վնասված ոտնաթաթից անհանգստությունս անցնում էր վիրաբուժական գործիչներով պայուսակի փոկին, այնտեղից վերադառնում օգնականիս հիվանդությանը, որն իմ հետևից պիտի բերեր կարբուլաթթվով, սպիրտով ու վիրակապերով արկղը, բայց այդ և շատ այլ մտահոգություններ ու տագնապներ մտքիս մեջ առկայծում էին այն հիշողության ֆոնին, որ հիմա Ակրոպոլիսի վրա է սևեռված ողջ Եվրոպայի ուշադրությունը. նրա պատկերը կախում են ցուցափեղկերում, պալատներում ու պառլամենտներում: Գիտեի. երեք օրից մեզ վրա կսառչի աշխարհի աչքը:

Գրիգորի Մոսկապանովի գրույցը Մատվեյ Մոսկապանովի հետ

Օգոստոս, 1826 թ.

Երկար ժամանակ քեզ կամակ չէի գրում ու չէի ստանում, բայց մտքում հաճախ եմ խոսում քեզ հետ: Այ քայլում ու խոսում եմ: Ոչ բարձրաձայն, իհարկե, չնայած երբեմն ինքս էլ չեմ նկատում, ինչպես է որևէ բան բարձրաձայնվում:

Տեղիս ընկալմամբ՝ Քյուլթահյա Ռաշիդ փաշայի գորքը բանակ է, մերով՝ երեք դիվիզիա, ճիշտ է՝ կանոնավոր: Դրանցով եռօրյա պաշարումից հետո կա վերցրեց Աթենքը: Հույները քաշվեցին Ակրոպոլիս ու փակվեցին այնտեղ, կամավորական կես հարյուրյակ: Մեզ օգնության ուղարկեցին նրանց: Երեկոյան ափ իջանք Էլևսին բնակավայրի մոտ ու գիշերը շարժվեցինք դեպի Աթենք: Ձիավոր միայն Ֆաբիեն էր: Ես առանց մատների էլ վատ քայլող չեմ, իսկ այնպիսի ոտքով, որ նրանն է, հեռուն չես գնա:

Քսան, թե երեսուն վերստ պիտի անցնենք, իսկ հրացանը ծանր է: Ուսումնարանից հետո հրացան չեմ կրել, բայց դեռ ջահելներից հետ չէի մնում: Սապոգներս ամուր են, ձախ՝ անմատ ոտքիս համար պատվերով է կարվել, չի լիկլիկում: Միայն կրունկս էի հարել՝ քարերին խփելով, բայց հիմա կրունկի ժամանակ չի:

Հետախույզները հայտնեցին, որ մինչև քաղաք թուրքեր չկան: Ծովախորշի վերևը, որտեղ ափ էինք իջել նավերից, մի մարտկոց կար, և այն էլ չէր կրակում: Մերոնք անցած գիշեր կոտորել էին քնած հրետանավորներին: Նրանց հրամանատարը ֆրանսիացի էր, լրիվ ջահել տղա, բերեցին Ֆաբիեի մոտ: Պարզվեց, որ հին ծանոթներ են: Մոտ էի կանգնած ու լսեցի Ֆաբիեն ինչպես պահանջեց, որ ինչ-որ ծովածոց հիշի, որի ափին կանգնած էին եղել, ու նորալուսինը փայլում էր ծովի վրա: Չգիտեմ ինչ էր եղել այդ լուսնի հետ, բայց ֆրանսիացին կախեց գլուխը ու լուռ էր: Ֆաբիեն կամացուկ ինչ-որ բան ասաց ականջին ու հեռացավ, իսկ այդ խեղճին յաթաղանի տակ առան: Շրջվելով՝ նստեցի ափին, որ ալեկոծության աղմուկը խլացնի նրա ճիչերը: Գիտեմ՝ չկա ավելի մեծ տառապանք, քան երբ սրի

տակ են առնում: Գևորգը սրի համեմատ ընկերուհի է: Ճանապարհը ծովից բարձրանում է լեռը: Բարձրացանք, ու վերևից տեսա այդ ֆրանսիացուն: Մերոնք շորերը հանել էին, պառկած էր միտակ շապիկով ու վարտիքով: Գլուխը չէին կտրել, վերքերն այդ բարձրությունից չէին երևում:

Կոստանդիսը նույնպես նայեց, անմիջապես փախցրեց հայացքն ու ասաց. «Եթե նրա տեղը գերմանացի լիներ, իտալացի, ով կուզես՝ ողջ կմնար: Ֆաբիեն միայն ֆրանսիացիներին չի ներում, եթե որպես վարձկան ծառայում են թուրքերին: Անխնա է նրանց հանդեպ»:

«Յուրայիններից,- ասացի ես,- ավելին են պահանջում»:

Նա կնճռոտեց ճակատը: «Խնդիրն այդ չէ: Այս պատերազմում թշնամին որքան շատ է նման քեզ, այնքան ատելի է»:

Ու մի քիչ հապաղելով՝ ավելացրեց. «Ֆաբիեի համար Ֆրանսիան ազատության հայրենիքն է: Եթե ֆրանսիացին կռվում է ազատության դեմ, ուրեմն դավաճանել է հայրենիքին»:

«Ստացվում է՝ հայրենիքը բարձր է ազատությունից», - հարցրի ես, բայց պատասխան չստացա:

Երրորդ ժամն է՝ գնում ենք: Ցիկուրիսը խնայեց ինձ, վերցրեց հրացանս: Քայլում է երկու հրացանով ու մեկ է՝ բերանը չի փակվում: Տախել է դեռ, չի վախենում շունչը կտրվի: Դեռ քայլելիս էլ գինի է խմում տափաշից: Ինձ էլ առաջարկեց, բայց հրաժարվեցի: Գիտես, որ գինու մեծ սիրահար չեմ: Լավ գինի կիմեի, բայց այստեղից կամ թթու է, կամ խեժով: Խմում ես, ոնց որ փսիկնք ծամես:

Ահա մտանք անտառ, ծառերը խշշում են: Ինչ ծառեր են՝ չի երևում, ասենք, չգիտեմ էլ դրանց այստեղ ինչ են ասում: Ճանապարհի սկզբում անցանք ընկուզենիների մոտով: Մթան մեջ տերևներից չճանաչեցի, մինչև որ թափված ընկույզները չսկսեցին գլորվել ոտքիս տակ: Մի քանիսը վերցրի, փորձում եմ իրար սեղմելով ջարդել ափիս մեջ, չեն ջարդվում: Բանտից հետո ատամներս այն չեն, որ կրծեմ, իսկ եթե փորձես քարով ջարդել, հետ կընկնես: Լավ է, Ցիկուրիսը սովորեցրեց, թե ոնց դանակը խրեմ դրանց կիսվածքի մեջ ու պտտեմ: Մեկը բացեցի, ու էստեղ Ֆաբիեն է ձիավոր անցնում մեր կողքով:

ԼԵՆԻՆԻ ՅՈՒՋԵՖՈՎԻՉ

Կանգնեց կողքիս, հարցրեց՝ չե՞մ հոգնել: Ասացի, որ ոչ, և այդ ընկույզն էլ, երկու կես արած, ափիս վրա պարզեցի նրան:

Գլուխն օրորեց. «Մերսի՛, ես այդ ընկույզից չեմ ուտում»:

«Իզուր,- ասում եմ,- գիտե՞ք հույներն ինչ են ասում սրան»:

«Ի՞նչ», - հարցնում է:

Պատասխանեցի, ինչպես Ցիկուրիսն էր սովորեցրել. «Աստծու կաղին»:

Ծամաճոնեց շրթունքները. «Նրանց ամեն ինչը աստվածային է»:

«Էդպիսի երկիր է», - ասացի, բայց ևս արդեն առաջ էր անցել ու չսեց:

Գնում ենք մեկ շարասյունով, առաջապահը Կարախակախի լեռնցիներն են: Ավարի հույս ունեն, դրա համար էլ ոչ մեկին առաջ չեն թողնում: Հոգեառներ են, դրանցից վատը չկա, դրանցից Լույնիսկ արբանաքիներն են վախենում, իսկ այստեղ նրանցով մայրերը վախեցնում են երեխաներին: Նրանց ատամանը, ինչպես ինքն իրեն կոչում է, մեկ հրեշտակ է, մեկ դև, բայց, կարծում եմ, եթե հարցնես այդ երկուսից որևէ հիմա նրա մեջ, ինքն էլ չգիտի:

Մեր գունդը հետևապահ է, կենտրոնում աշխարհագրայիններն են: Կեսը հավաքվել է Իբրահիմ փառայից փախած գյուղացիներից, մյուս կեսը՝ Լավահանգստային պանդոկների ու բիլիարդանոցների խաժամովից: Մեկը ոտաբորիկ է, մյուսը՝ հարբած, որը դանակով ու մահակով՝ հրացանի փոխարեն, ոմանք այնպիսի մուշկետներով, որ պետք է սայլով տանես: Երկուական են տանում՝ գերանի պես ուսերին դրած: Հարյուր հոգի պետ են, ոչ մեկը ոչ մեկին չի լսում:

Օգոստոսին երկու լիալուսին է լինում: Առաջինն անցել է, երկրորդին դեռ շատ կա: Արևելքում, ուր Աթենքն է, երկինքը գորշացավ, և աստղերն էլ այնքան շատ չեն, որքան մեր գլխավերևում: Գիշերն անցնում է:

Մի ժամ առաջ մի փոքրիկ գյուղ անցանք՝ եկեղեցով: Կոստանդիսն ասաց՝ Դափնեական վանք է, այդտեղից Աթենք տասը վերստ է: Երբեք այստեղ չի եղել, բայց մայրը ծնունդով այս տեղերից է:

Ես էլ Աթենքում չեմ եղել: Մեր գունդը ձմռանն այնտեղ էր կանգնած, այնտեղից էին շարժվել Միսոլոնգի, բայց չէին հասել, իսկ ես այդ ժամա-

ևակ նստած էի Եավպիոնի մոտ: Ֆաբիեն ինձ այնտեղ էր թողել տասը հեղինասերների հետ: Հանձնարարել էր ընդունել կամավորների Եվրոպայից, ինամբ տանել, տեղավորել բնակարաններում ու գլխավորը՝ հետևել, որ ծառայության չգնան Քլոյդեկի մոտ: Ֆրանսիացիները պիտի յուրայիններին դիմավորեին, գերմանացիներն՝ իրենց հայրենակիցներին, իսկ ես՝ ինչ-որ լեհուկների: Ֆաբիենն նամակ էին գրել, որ ցանկանում են նրա դրոշի տակ կռվել հունական ազատության համար, բայց ըստ երևույթին մտքափոխ էին եղել: Թեթևամիտ ժողովուրդ է: Մեր գնդում ոչ մեկը չկա, և ինձ թողեցին որպես լեհ: Ոնց էլ կայենք՝ ես ու դու Կիևում ենք մեծացել, լեհերեն ջարդում ենք:

Առջևում մեկը էլի հոտ հասեց, շնչել չի լինում: Աջ ու ձախից սար է, նեղվածք, քամի չի փչում: Սովորական բան է, զինվորական. հացը վատն է, հետն էլ՝ Վերափոխման պահք: Սիսեռ ու լոբի ենք ուտում: Փորս շատ է չարչարում:

Լուսանում է, ճանապարհը պտույտ է տալիս բլրի շուրջը: Հետո հարթավայրն է: Այն կողմից, որտեղ Աթենքն է, երկինքը վարդագուևում է: Երևում է սարը, սևը վարդագուևի վրա, միայն գագաթն է ոսկեգոծված: Գիտեմ, որ Գամետան է: Իջնում ենք դաշտ... Ա՛խ: Տեսնում եմ Ակրոպոլիսի ժայռը: Պարթենոնն եմ տեսնում:

Ես քու պորտը...

Շառլ-Անտուան Ֆաբիե: Ապստամբի օրագիրը

Օգոստոս, 1826 թ.

Ստտենում էինք Աթենքին: Ձի հեծած՝ առաջ անցա շարասյունից ու բարձրացա քաղաքը բլուրորդ բլուրներից վերջինի գագաթը: Դիմացս ծագող արևից վարդագուևած դաշտն է, որի վրա իշխում էին երկու կողմնորոշիչ Ակրոպոլիսի ժայռն ու մակվիսից, ինչպես ծովի ալիքներից բարձրացող Լիկաբետոսի մերկ քարափը: Մինչև քաղաք թուրքական զորք չէր երևում:

Համոզվելով, որ Քյութահյան մեզ չի սպասում, վերադարձա գունդ, երբ հանկարծ առջևում բղավոցներ ու հրածգություն լսվեց: Դա միայն մեկ

բան կարող էր նշանակել. մեր առաջապահը դարանս է ընկել:

Հրամայեցի պատրաստվել մարտի և իրավիճակը հասկանալու համար նորից անցա շարասյան գլուխն ու տեսա, որ ոչ մի դարան էլ չկա. Կարախակակիսի լեռնցիներն էին գոռում ողջ կոկորդով և օդ կրակում: Թաղաքից երկու կիլոմետրի վրա որոշել էին ոգևորել Ակրոպոլիսում նստած ընկերներին ու ցույց էին տալիս, որ օգնությունը մոտ է:

Կես ժամից մեզ վրա թափվեց թուրքական հեծելազորը: Կարախակակիսի մարդիկ ցրիվ եկան, որ հետո կրկին հավաքվեին, իսկ աշխարհագրաբանները փախան խմբով, ոչխարների պես: Երկու հազար փախստակաները սրբեցին-տարան իմ մարդկանց, որոնց սկսել էի քառանկյուն շարել: Ստիպված էինք Էլասին հասնել լեռնային կաճաններով, որտեղ հեծելազորը չէր կարող մեզ հետապնդել: Բարեբախտաբար, մինչև սփառակալ հետևակի հասնելը հասցրինք բարձրանալ նավերն ու հեռացանք ափից:

Առավոտյան առաջին միտքս այն էր, որ պետք չէր Կարախակակիսին առաջապահ թողնել, բայց, ցավոք, այդ միտքը ծածկվում է շատ ավելի տառապալից հիշողությամբ. աչքիս առաջ կանգնում է իմ հրամանով սրատված ֆրանսիացի հրետանավորը: Տեսնում եմ արտասուքից թրջված կիսամանկական դեմքը: Աստված իմ, ոնց էր հեծկլտում, ոնց էր գթություն խնդրում: Դաժանությունս խորամանկաբար վերագրում եմ պատերազմական սովորույթներին, չնայած գիտեմ իրական պատճառը:

Երբ Զսերքսեսի հորդաները խուժեցին Հելլադա, հույները Ակրոպոլիսում մարդկանց զոհաբերեցին ատվածներին: Առաջ իմ պատկերացմամբ այդ պատմությունը սև բիծ էր այն դարաշրջանի վրա, որն ինձ մարդկության ոսկեդարն էր թվում, իսկ հիմա ես՝ աթեիստս, հանրապետականս, չասեմ, թե հավատում, բայց ընդունում եմ, որ մարտից առաջ արված արյունոտ զոհաբերությունը հաղթանակ է խոստանում, ինչպես որ կառուցվող ամրոցն անառիկ կլինի, եթե անկյունաքարը ցողեն մարդկային արյունով:

Երեխա ժամանակ մորս հետ անտառում գիհենու մի պինդ ճյուղ կտրեցինք, որ աղեղ սարքեմ, ու դանակով կտրեցի մատս: Մի ուրիշ մայր կնետվեր համբուրելու խեղճ մատիկս, կկապեր թաշկինակով, իսկ իմ մայրը, չնայելով արցունքներին, բռնեց ձեռքս, պահեց ճյուղի վրա, այնպես,

որ մի քանի կաթիլ արյուն ընկավ փայտին, և ասաց. «Այ հիմա հրաշալի նետուադեղ կունենաս»:

Թվում է՝ նման դեպքերում իմաստ ունի թափել միայն սեփական արյունը, չէ՞ որ նրանք, ում վճարում ենք հաջողության համար, հեշտությամբ են տարբերում իսկական ոսկին կեղծից: Մյուս կողմից, եթե որևէ մեխանիզմ գործարկվում է բանալիով, դրա համար նախատեսված բոլոր բանալիները պիտի նույն ձևն ունենան, բայց ոչինչ չի խանգարում, որ պատրաստված լինեն տարբեր մետաղներից:

ԿՐԱԿԸ

Կոնստանտին Կոստանդին: Թափառիկ բժշկի նոթերը

Օգոստոս, 1826 թ.

Էլևսինից վերադառնալուց երկու օր անց ինձ մտո՝ լազարեթ մտավ Մոսցեպանովը՝ օդեսացի հույն Յիկուրիսի հետ: Մոսցեպանովին հունարեն է սովորեցնում, բայց մեծ կասկածներ ունեմ, որ դասերին ավելի շատ խմում են, քան գործով զբաղվում: Երախտապարտ աշակերտն ուղեկցում էր վիրավոր ուսուցչին: Աթենքի մոտ, երբ թուրք հեծյալը Մոսցեպանովի գլխին էր բարձրացրել սուրը, Յիկուրիսը պաշտպանել էր նրան երկու ձեռքով պահած հրացանով: Հարվածի պահին բաց էր թողել, ու սուրը փողով սահելով՝ վիրավորել էր նախաբազուկը: Մոսցեպանովը չէր վնասվել, բայց ապրած վախից ձախ կոպը թրթռում է, ասես կտրիճավարի աչքով է անում ինչ-որ մեկին, իսկ երեսը քերծոտվել է փշերից, ինչպես իմ դեմքը: Բուլոբս հեծելազորից փրկություն էինք փնտրում մակվիտով պատած բլուրներիս: Այնտեղ մնաց իմ լայնեզր գլխարկը:

Փոխեցի Յիկուրիսի վիրակապը: Մոսցեպանովը հայացքը փախցնում էր նրա վերքից, իսկ Յիկուրիսը ոչ միայն նայում էր, այլև փորձում էր փորփրել կեղտոտ մատներով: Ստիպված էի խփել ձեռքին, միայն դրանից հետո դադարեց ինձ ցուցադրել արհամարհանքը ցավի հանդեպ:

Հինգ տարի առաջ Յիկուրիսը Իպսիլանտիի հետ Վալախիայում էր, ծառայում էր նշանավոր Ֆարմակիի հրամանատարությամբ, բայց հիվանդության պատճառով չմասնակցեց Սեկոսի արշավանքին, որի ժամանակ թուրքերը ոչնչացրին նրա ողջ ջոկատը, իսկ հրամանատարին գերի վերցրին: Յիկուրիսը դեռահաս տարիքում էր ընդունվել «Ֆիլիկի Էտերի»

և հետերիստների հետ շփումները նրան՝ շարքային նավաստու որդուն, ազգային ոգով դաստիարակության սաղմեր էին տվել: Առանց դժվարության կթվարկի մի տասնյակ օլիմպիական աստվածների, գաղափար ունի Աթենքի և Սպարտայի պետական կարգի տարբերություններից, գիտի ով ում դեմ է կռվել Թերմոպիլեսում, բայց դրանով հանդերձ՝ կարող է ասել, որ պարսիկների հետ ճակատամարտից առաջ Լեոնիդաս արքան աղոթում էր Սուրբ կոյս Աստվածամորը:

Ցիկուրիսն օտար չէ մուսաներին ու դեմոտիկայով ոտանավորներ է հորինում, ավելի ճիշտ, ժողովրդական երգերը վերափոխում է հայրենասիրական կերպի: Նրա գրչին է պատկանում Ֆարմակիի գոհվելու մասին հանրահայտ երգը: Այնտեղ պատմվում է, թե Կոստանդնուպոլսում, տանջալից մահապատժին սպասելով, այդ հոգեշահ տեսարանով հիանալու հրավիրված ռուսական, բրիտանական ու ֆրանսիական դեսպանների ներկայությամբ Ֆարմակին ինչպես է հայացքը հառում երկինք, տեսնում ծիծեռնակների երամն ու խնդրում նրանց՝ սիրուն թռչուններին, թռչել Ֆրանսիա ու հայտնել այնտեղ ապրող գեղեցկուհի կնոջը, թե ինչպես արհաբար ընդունեց մահը:

Ես հեղինակին տեսել էի ուշագնացության աստիճանի հարբած-ընկած սեփական մեզի լճակի մեջ: Գիտեմ, թե ի՛նչ արդարակյացն էր Ֆարմակին: Բայց հենց երգը հասնում է այդ ծիծեռնակներին, արցունքը խեղդում է կոկորդս,- մասամբ, գուցե, այն պատճառով, որ նրանց քնքուշ սուլոցի մեջ, ինչպես կենդանի արարածներից ոչ մեկի արծակած հնչյուններում, ներառյալ ամորձատների հրեշտակային տենորներն ու երգեցիկ թռչունների գեղգեղանքը, լսվում է այն ձայների արծագանքը, որ լսելու ենք այլ աշխարհ անցնելիս, եթե այս աշխարհում մեզ տղամարդուն վայել ենք պահել:

Էլևսին լողալուց առաջ մեզ տվեցին անցած ամիսներին չլճարված ռոճիկի մի մասը: Մոսցեպանովն ու Ցիկուրիսը պատրաստվում էին գնալու Նավպլիոն և ինձ առաջարկեցին միանալ իրենց: Մերժեցի, բայց մեկ ժամ անց ընդունեցի Ֆաբիեի ու Չեկեիի նույնպիսի առաջարկը. նրանք քաղաք էին գնում գնդային սայլակով՝ պատրաստվելով տեղի տրատորիումներից

ԼԵՆԻՆԻ ՅՈՒՋԵՖՈՎԻՉ

մեկում գիևի ու տապալկած իշխան վայելելու: Հինգ վիրավորներ մնացին օգնականիս խնամքին: Ֆաբիեն չէր ուզում Աթենքի տակ կրած անհաջողությունից հետո երևալ Նավպլիոնում, բայց Չեկեին համոզեց, այլապես հույները կարող էին մտածել, թե ամաչում է մարդամեջ դուրս գալուց, հետևաբար ընդունում է իր մեղքը կատարվածի համար, իսկ դա թույլ տալ չի կարելի, առանց այն էլ նրանք բոլոր հաղթանակներն իրենց են վերագրում, իսկ պարտությունները զցում օտարերկրացիների վրա: Ճանապարհին ևս շարունակում էր հիմնավորել իր դիրքորոշումը ու միաժամանակ հայիոյում Կարաիսկակիսին՝ թուրքերից վերցրած ինչ-որ փողեր հիշեցնելով, ու որ Բայրոնը նրա պատճառով Լեպանտոյի տակ վարակվել էր մալարիայով:

«Լավ է, որ Բայրոնի մարմինը տեղափոխեցին հայրենիք, ոչ թե թաղեցին Ակրոպոլիսում, ինչպես սկզբում ուզում էին,- հիշեց Ֆաբիեն:- Թուրքերը կարող էին պղծել աճյունը»:

«Եթե նրան թաղեին Ակրոպոլիսում,- քմծիծաղեց Չեկեին,- դագաղում վաղուց ոչինչ մնացած չէր լինի»:

«Ինչո՞ւ»,- չհասկացա ես:

«Մարմինը զմռսել էին, որ տեղափոխեն Անգլիա,- բացատրեց ևս,- ու երբ հասել էին փորոտին, Միսոլոնգիի բնակիչները խնդրել էին ի հիշատակ իրենց հանձնել նրա սիրտը: Սիրտը չտվին, տվեցին թոքերը: Դրանք որպես սրբազան մասունք զետեղեցին եկեղեցում, բայց թոքերն այնտեղ երկար չմնացին»:

«Տերտերները ստիպեցին հանել՞ այնտեղից», - ենթադրեց Ֆաբիեն:

Իմ գլխում ծագեց նույն միտքը, բայց պարզվեց՝ թոքերը պարզապես գողացել էին:

«Երևի ծախել են նրա տաղանդի որևէ երկրպագուի», - ասացի:

«Ավելի ճիշտ՝ երկրպագուի,- ճշտեց Չեկեին:- Եթե ևս թաղվեր Ակրոպոլիսում, թուրքերին ոչինչ չի մնա պղծելու: Հույները հրաշալի առևտրականներ են: Հենց իրենք էլ կհանեին դիակն ու մաս-մաս կծախեին»:

Առափնյակում իջանք կառեթից: Իրիկնաժամին փողոցը լեփ-լեցուն էր զբոսնող մարդկանցով: Նավպլիոնը համարյա Նեապոլի պես է հնչում և նշանակում է նույնը: Ամենուր իտալերեն էր լսվում, բայց հունարենն էլ վեր-

ջերս ավելի ու ավելի հաճախ էր հանդիպում: Ծովի և ափի երկարությամբ ձգվող պանդոկների, գինետների, սրճարանների, բիլիարդանոցների արանքով բազմաբնույթ գանգվածով հոսում էին անզվական և ավաստիներն ու զբոսաշրջիկները, բավարացի սպաները, տեղացի պատրիկներ՝ քրեական տեսքով հաճախորդների ու ծառաների շքախմբերով, դեռ չկազմավորված կամ վաղուց ցիրուցան եղած պարտիզանական ջոկատների միևնույն ատամները զինված հրամանատարներ, արատավոր դեմքերով լևանտացի վաճառականներ և նրանց մորեացի գործընկերները՝ ազնիվ ավագակների մոռթներով: Տեղական նեգոցիանտները, եվրոպականություն ցուցադրելով, թևանցուկ զբոսնում էին ամբողջովին սևազգեստ կանանց հետ, որոնք արհամարհանքով էին նայում նարնջագույն ալբանական թասակներով էժանագին պոռնիկներին ու նախանձոտ հանդիմանությամբ՝ թանկարժեքներին, որ վառվռում շորերով էին, ինչպիսիք Հունաստանում կրում են միայն մահմեդական կանայք, և կեղտոտ փետուրներով լայնեզր գլխարկներով: Վերջիններս, մեծ մասամբ նեապոլիտանոիներ, այստեղ իրենց տանն են գգում: Երբ նրանց թիվը հանկարծ աճում է, նշանակում է, որ կառավարությունը զինվորներին ռոճիկ տալու միջոցներ է գտել, ու փողը շուտով կարժեզրկվի: Այդպիսին է Ադամ Սմիթի նկարագրած հատկությունը. փողն էժանանում և նրանց ձեռքին, ովքեր չգիտեն՝ միևնույն վաղը կապրեն՝:

Ֆաբիեն ընտրեց մի իտալուհու, ամենից մանրամարմին: ժյատ Չեկեին թասակով մի աղջիկ ջոկեց՝ գգուշացնելով, որ նա օգտագործվելու է բացառապես ըստ նշանակության, առանց նախնական գինու և ուտելիքի: Ես ոչ մեկին չընտրեցի: Որպես բժիշկ շատ լավ գիտեի, թե ինչով են սպառնում նման հաճույքները, եթե չնախապատրաստվես: Չեկեին ասում էր, թե հոնորեայով, իսկ ավելի լավ է՝ սիֆիլիսով, չհիվանդացած սպան հեղինակությունն չունի զինվորների մոտ, բայց ես առարկեցի, որ հրամանատարական գդակի և նույնիսկ պրոտոպալիկարի թանաքամանի հավակնություններ չունեմ:

Թասակով աղջիկը ստվերի նման հետևեց մեզ ու ձայն չէր հանում, փոխարենը՝ Ֆաբիեի ընտրյալը անդադար խոսում էր: Նա իրեն Ջիզի էր

անվանում և իր մասին խոսում երրորդ դեմքով. «Ձիզին սոված է, արագ գևանք», «Ձիզին պիպի ունի, դաևող գևացեք, հետևներիցդ կհասնի»: Նրա հակասական ցանկությունների ցանկն ընդարձակվում էր, մինչև որ Ֆաբիեն չկարգադրեց լռել:

Թե այդ աղջիկն ինչին էր պետք՝ չէի հասկանում: Որքան հիշում եմ միայն մի անգամ էր մարմնավաճառ բերել իր մոտ, բայց հետո, երբ ինքս բոլոր նախազգուշական միջոցները ձեռնարկելով՝ այցելեցի այդ կնոջը, ասաց, թե մեր հրամանատարի նիզակը, որ Տերը պարզել է բոլոր տղամարդկանց, կտրված է: Հիշում եմ մտածեցի՝ չարժեր, որ կրծքին կրեր իր մեղայունը: Յայլքի մազերն այն դարմանների թվում են, որոնց առեղծվածային իշխանությունը մեր մարմնի ու ոգու վրա գիտական բացատրություն չունի: Փարիզյան դիպլոմով բժշկի իմ թերահավատությունը մնացել է անցյալում, պատերազմն իմ մեջ արթնացրել է հորից ու մորից ավելի հեռու նախնիների սևապաշտությունը: Պատրաստ եմ ընդունելու, որ մեկնելիս այդ անգլուխին հոգացել է, որ բաժանման ընթացքում սիրեցյալին զրկի այրական ուժից:

Չինանոցի հետևում, գլխավոր զբոսատեղից մի քիչ կողք ընկած, բայց նրա ցանկացած կետից լավ տեսանելի՝ իրարից կես քայլի վրա պառկած էին հունական հագուստով չորս հոգի: Ձեռքերը ծալված էին կրծքի տակ, յուրաքանչյուրի կրծքին՝ մաշված անագե ափսե՝ երկու-երեք սևին տվող պղնձադրամներով: Նրանց կողքին նստած էր մի ձեր հույն ու սոճու ճյուղով քշում էր մեռածների դեմքերին նստող ճանճերը:

Ըստ երևույթին, սպանվել էին փախուստի փորձ անելիս, թիկունքից: Դիմացից հագուստի վրա շեղբի կամ գևակի հետքեր չկային: Բոլորի կուպերը փակ էին, միայն ամենամոտիկի մի կուպը բաց էր մնացել, երևում էր սպիտակուցի շերտը՝ կապիճից դուրս ընկած ակնախնձորի տակ: Ծնոտները կապված էին ցարուզների կապիչներով: Արդեն քայքայման բժեր էին երևում ճակատի արևառ մաշկի տակից: Գեղջկական խոշոր թաթերը, որոնց վրայից անհետացել էին աշխատանքից ուռած երակները, դեմքերից անկեղան էին թվում: Վերքերից արյունը վաղուց էր հոսել, մարմինների տակ քարասալերը մաքուր էին, չոր: Ջրոսնողները նույնիսկ չէին ջա-

ևում հեռվից շրջանցել նրանց, թերևս միայն կանայք էին մեքենայաբար քշտում փեշերը: Ամենազգայունները քթին էին տանում թաշկինակները, չնայած համարյա նեխահոտ չկար: Ծովի քամին հեշտությամբ հաղթահարում էր հոտը: Մեր գլխավերևում ճախրում էին ճայերը: Պատերազմի հիևգ տարիներին նրանք ագռավներից վատ չէին սովորել մարդու միս ճաշակել, ու հիմա դրան ժանգոտած ծխնիների ճռռոց հիշեցնող սողկալի ճիչերով գորշափետուր մրցակիցներին հետ էին պահում ավարին ոտնձգելու մտադրությունից: Թվական գերակշռությունը նրանց կողմն էր:

Մտտեցան Ցիկուրսն ու Մոսցեպանովը: Ասացին, որ այդ չորսին գիշերը կտեղափոխեն փակ տարածք, թե չէ ջրագռավները կկտցեն դեմքերը, իսկ ցերեկը սորից կբերեն այստեղ: Դեռ բավարար փող չի հավաքվել հոգեհանգստի ու թաղման համար: «Տերտերներն առանց փողի հոգեհանգստ չե՞ն անի», - հեզևանքով հետաքրքրվեց Ֆաբին:

«Տերտերները կին ունեն, երեխաներ: Բոլորն էլ ապրել են ուզում», - իր սարսափելի ֆրանսերենով նրանց արդարացրեց Մոսցեպանովը՝ աչքով անելով ինձ, ասես այն չէր ուզում ասել, ինչ ասում էր:

Ֆաբին հանեց քսակն ու ափսեներին բաժանեց ողջ պարունակությունը: Զիզին հուսահատ հայացքով հետևում էր անազին զևգացող դրամներին: Արդեն հասկացել էր, որ ստիպված պիտի ուրիշ հաճախորդ փնտրի: Ես, Մոսցեպանովն ու Չեկեին էլ մեր բաժինը բերեցինք, իսկ Ցիկուրիսը ցեղակիցների օրինակով ձևացրեց, թե դա իրեն չի վերաբերում: Իմ ժողովուրդը զուրկ է սենտիմենտներից: Հրեաների պես՝ մենք էլ պատրաստ ենք մեռնել հանուն հավատի ու խեղդվել գրոշի համար: Մորեացի հույները բարբարոսաբար ագատատենչ ու սակավապետ են, իսկ այնպիսիք, ինչպիսիք ես ու հայրս ենք, ցրված են աշխարհով մեկ, Աֆրիկայից մինչև Տագանոռոգ ու Պետերբուրգ, ու նաև նրանով են նման Իսրայելի որդիներին, որ կամ ողջ կյանքում սողում ենք չորեքթաթ, որ ավելի ամուր կառչենք օտար հողից, կամ գլուխներս ցցում երկինք, որ ընդհանրապես այն չտեսնենք:

Մեր ընկերախումբը ցրվեց: Ֆաբին վերադարձավ ճամբար, Ցիկուրիսը որոշեց այցելել ծանոթ օդեսացի նավաստիներին, Չեկեին իր ալբա-

ԼԵՆԻՆԻ ՅՈՒՋԵՖՈՎԻՉ

Լուսու հետ կորավ ամբոխի մեջ, իսկ ես ու Մոսցեպանովը մտանք մեր գինվորների շրջանում հայտնի մի էժանանոց տրատորիա, որ կից էր Լույնքան խղճով՝ քրքրված կեղտոտ մահուդով պաստառած կաղոտն սեղաններով բիլիարդանոցին: Այդ սեղաններից երեքը պատկանում էին Խարային՝ Սանտա Ռոզայի սիրեցյալին, որը ժպտով էր ընդունել նրա մահվան լուրը:

Ֆաբիեն ինձ մի անգամ բերել էր այստեղ, որ ցույց տա այդ կնոջը: Սպասում էի, որ կտեսնեմ Էվմենիդեսի և Շառլոտա Կորդեի հիբրիդը, բայց տեսա մի շարքային հույն քաղքենուհու, ինչպիսիք լիքն էին Տագանուզում: Նրանք շորերի հուղարկավորման գույնը անճաշակ զուգորդում էին մոդայիկ ձևերի հետ, մռայլ էին դրսում, շողոքորթ՝ մորս հետ, ու ճղճղան իրենց ընտանեկան շրջանում, բայց առաջին տպավորությունս, որից կուռքեր ենք կերտում մեզ համար, կեղծ դուրս եկավ: Խարան հիմա այնպիսի տեսքով էր բազմել աթոռակին, ասես աչքերս ինձ խաբում էին, և ևս իրականում արժվի պես ճախրում էր ծխախոտի ծխի ամպերի և մահուդի վրայով քերծոտած գնդերը գլորող խաղացողների գլխավերևում: Ոչինչ չէր վրիպում նրա գիշատիչ հայացքից:

Գիտու շուրջը Մոսցեպանովն ինձ հետ կիսեց իր մտքերն այն մասին, թե որքան երջանիկ են ապրելու հույները թուրքերին ու եգիպտացիներին վրնդելուց հետո: Հունաստանի ապագան նրան պատկերանում է որպես Ռուսաստանի պատճեն, բայց առանց ռուսական գանձագողության, հարբեցողության, անարդար դատարանի և հայիոյական զազրախոսության: Տանասեր գեղջուկները, ազնիվ դատավորներն ու իմաստուն միապետը այն կբարձրացնեն վեհության ու փառքի գագաթը: Սուրբ Սոֆիա վերադարձված գանգերի դողանջի ներքո Աթենքում կհիմնվի ակադեմիա, Սալոնիկում ու Նավպլիոնում՝ համալսարաններ: Այդ հաստատությունների ներքին կազմությունը ևս տեսնում է հին կիկլաս բուրսայի նմանությամբ, որի մասին ինձ հենց ինքն էլ պատմել է, իսկ արտաքուստ հիշեցնում են Բանականության թագավորություն, ինչպիսին այն պատկերվում է մեր հայրերի ջահելության ժամանակի փորագրանկարներում՝ սյունասարահներով, շատրվաններով, ձիթենու և դափնու պուրակներում դրված փիլիսոփաների անդրիներով:

Նրա իդեալը ծուռ հայելու պես անդրադարձնում է Ֆաբիեի երգանքն ազատ Հունաստանի մասին, որն օրինակ է տալիս ողջ մարդկությանը: Մոսցեպանովը կանգնած էր այն ճանապարհի սկզբին, որն իմ ընկերն անցել էր համարյա մինչև վերջ:

«Օճվերով կլողան շոգենավեր»՝ իր հովվերգության ամփոփիչ վրձնահարվածն արեց նա, ու դրանով երևակայությունը սպառվեց:

Առաջարկեցի բիլիարդ խաղալ, բայց նոր էինք շարել խաղազևներն ու զինվել զարկածողերով, երբ խաղացողներն ու տրատորիայի այցելուները Խարային խնդրեցին իրենց համար որևէ բան երգել: Այլ հարավային երկրներում հասարակ ժողովուրդը կենսախինդ է, տխրությունը հասարակության բարձր դասերի արտոնությունն է, բայց մեզ մոտ նույնիսկ նավաստիներն ու առևտրականներն են սիրում մահվան երգեր: Չարմանալի չէ, որ Խարան երգեց հենց իր հորինած երգը Սանտա Ռոզայի մասին: Երբ երգը հայտարարվեց, որոշեցի, որ խոսքը Նավարիկում նրա անձնագրիության մասին է, բայց սխալվում էի:

Ահա այդ բալլադի համառոտ բովանդակությունը:

Սանտա Ռոզան արշալույսին վեր է կենում անկողնուց և ասում իր սիրելիին. «Մնաս բարով, ես լքում եմ քեզ»:

Կինը տարակուսում է. «Ինչպե՞ս: Ինչո՞ւ: Մի՞թե Մորեայում ինձնից գեղեցիկ աղջիկ կա»:

«Շատ են գեղեցկուհիներն աշխարհում,- պատասխանում է Սանտա Ռոզան,- բայց իմ սիրտը մեկին է պատկանում»:

«Անունը Հունաստա՞ն է», - հարցնում է աղջիկը:

«Ո՛չ», - առարկում է նա:

«Ազատությո՞ւն», - հետևում է հարցը:

Պատասխանը նույնն է:

«Մա՞հ», - շարունակում է հարցնել կինը և ստանում իր ենթադրության հաստատումը:

Մահ բառը Խարան երգեց իտալերեն, որը Նավալիկում բոլորը թեկուզ մի քիչ գիտեն: Հունարեն բառն արական սեռի է և կխախտեր ողջ կառույցը:

Երգն այնքան պարզ էր, որ Մոսցեպանովը հաստատ ամեն ինչ հաս-

ԼԵՆԻՆԻ ՅՈՒԶԵՖՈՎԻՉ

կացավ: Իտալերեն *morte*-ն առավել ևս չպիտի շփոթեցներ նրան, բայց երբ հասարակությունը ծափահարեց ու ոգևորված՝ զարկածողերով սկսեց թխկթխկացնել սեղաններին, նրա ձեռքերը մնացին գրպաններում:

«Դուր չեկա՞վ», - հարցրի ես:

«Նա է գայթակղել: Ինքը դա չէր անի», - պատասխանեց ոչ թե ինձ, այլ սեփական մտորումներին:

«Ո՞վ նա,- չհասկացա,- Մա՞հը»:

«Նա», - ասքերով Խարային ցույց տվեց Մոսցեպանովը:

«Ձեր կարծիքով,- զարմացա ես,- Խարան սիրեցյալին ներշնչում էր, որ սիրում է ոչ թե իրեն, այլ իր մա՞հը: Ինչո՞ւ»:

«Ձանձրացել էր նրանից», - հակիրճ բացատրեց Մոսցեպանովը:

Ընդհանրապես, նա այնքան պարզունակ չէ, որքան թվում է: Վաղուց եմ նրա մեջ այլասության հակում նկատել: Հնարավոր է, որ մշտապես հիշատակվող տգրուկները, որ ծծել էին նրա վատ արյունը, և՛ այդ արյունը, և՛ կծած անդամով չարագործը, և՛ նրան խեղած շները ինչ-որ բանի այլաբանությունն են, ինչո՞ւ չեմ հասկանում, չնայած տվյալ դեպքում ամեն ինչ փոքրիշատե հասկանալի է. Սանտա Ռոզան իրենով խորհրդանշում էր հելլենասերներին, Խարան՝ նրանց բարոյախոսություններից հոգևած Հուսաստանը:

Մայր Բորիս Չիխաչով: Հիշատակարան

Սեպտեմբեր, 1826 թ.

Իմ գրառումներում նշվում է. Մոսցեպանովի մատանին հանձնվել է Նատայա Բաժինային 1825 թվականի մարտի 21-ին: Այդ օրվանից մի անգամ չէ, որ այցելել եմ նրան, և այդ օրերը նույնպես արձանագրված են: Նրա մոտ եղել եմ գործերով Նիժնիտագիյան գործարաններ այցելելիս, և միշտ՝ ոչ դատարկածեմ. մեկ գլխաշոր եմ նվիրել, մեկ հայելի, մեկ որդուն որևէ քաղցրավենիք կամ խաղալիք: Նկատել եմ, որ պատուհանի ապակին ճաքել է, նորն եմ բերել, զինվորներս փոխել են: Հիմա չի դգգում, երբ խփում է Երուսաղեմ մուտքի եկեղեցու մեծ զանգը: Նա ինձ թեյ էր հյուրա-

սիրում, ես պատմում էի Մաշայի, կնոջս մասին:

Կինս մահացել էր ծննդաբերության ժամանակ: Մաշային մեծացրել էի, ամուսնացրել, և այդպես էլ ամուրի էի: Պատահում էր՝ վերջնական որոշում ես ամուսնանալ, հարսնացու ես փնտրում, որ դուրեկան լինի, դու էլ կարծես իրեն ես դուր գալիս, բայց ամուսնությունը շտապելու գործ չի: Մինչև բանը դրան հասնի, մեկ էլ տեսար՝ չհամբերեցիր, այցելեցիր ուրախ տուն կամ որևէ գինվորական այրու, հյուրդ թափեցիր, և ահա՛ ընտրյալդ արդեն առաջվա պես լավը չի: Նայում ես նրան ու մտածում՝ ինչի՞ս է պետք: Երեխաներ ծնելո՞ւ: Մաշա ունեմ, երկու թոռ, ու դեռ կլինեն, զբաղմունք, փառք Աստծո, կա: Գումարտակում գործը շատ է, չես հասցնի ձանձրանալ:

Հիմա ուրիշ է: Պառկում ես որևէ մեկի հետ, ցանկությունդ կատարում, բայց, մեկ է, Նատայյան է աչքիդ առաջ: Ընդ որում, ինչն է տարօրինակ, նույնիսկ քնելուց առաջ, անկողնում, նրա մասին եմ մտածում, ու գիշերն էլ երազ է գալիս, բայց երբեք մերկ չեմ տեսնում: Չենք պառկում իրար հետ, այլ զբոսնում ենք գեղեցիկ վայրերում կամ գրուցում ենք: Երագում հաճախ ժպտում է ինձ, չնայած արթմնի երբեք նրան ուրախ չեմ տեսել: Նրա այդ ժպտից երագախաբ եմ լինում, բայց դրանից արթնանալուց էլ վատը չի դառնում: Գնդերը դատարկ են, իսկ հոգիդ՝ լիքը:

Մոսկուսնովին վերջին անգամ տեսել էինք նախանցյալ սեպտեմբերին, Պերմում, բայց երկու տարին իմ ու նրա համար նույն ժամանակը չեն: Տարիքը, երբ մարդ գիտակցում է իրեն, սկսվում է տասնհինգ տարեկանից: Նատայյան հիմա քսանհինգ տարեկան է, լավ, քսանյոթ, ես՝ քսանասունն անց, ուրեմն ստացվում է, որ նա Մոսկուսնովին չի հանդիպել իր բանական կյանքի մեկ տասներորդը, իսկ ես արդեն քսաներորդը: Այդ երկու տարին իմ օրացույցով կրկնակի կարճ է, քան նրա: Իմ հաշվարկով՝ վերջերս եմ տեսել, նրա հաշվարկով՝ վաղուց: Հետևաբար կարող էր մոռանալ կամ չմտածել նրա մասին:

Մի շիշ մադերա վերցրի, կոնֆետներ, նարինջ ու մեկնեցի Նիժնիտագիյան գործարաններ: Եկատերինբուրգից հեռու է, մի օրում չես տեղավորվի, բայց կատաղած շան համար յոթ վերստը ճամփա չի: Գնում եմ, ճանապարհի երկարությամբ արոսենուց կարմրած անտառներ են, չոր

խաշամ է թափված: Օղև ասես ապակի լինի: Եղևնիների յուրաքանչյուր ճյուղը երևում է: Գեղեցկություն:

Գիշերեցի վաշտում: Երեկոյան Նատալյային լուր տվի, որ հաջորդ օրը կայցելեմ, ու կեսօրին նրա մոտ էի: Զուգվել-զարդարվել էր իմ այցելության կապակցությամբ, հրավիրեց սեղանի մոտ: Ասացի, որ նախաճաշել եմ, բայց թեյից չեմ հրաժարվի: Հանեցի մադերան, կոնֆետները լցրի ափսեի մեջ: Մի նարինջը շերտ-շերտ կտրեցի, բայց կեղևահան չարի, միջուկը Ֆեդենկան կերավ, նրա տեղը դրեցի մոմի կտորը: Կեղևով շուրջը պատեցի ծաղկաթերթերի տեսքով, վառեցի պատրույզն ու տղային տարա խորդա-նոց: Այնտեղ մթան մեջ էլ մնաց իր չինական լապտերիկի հետ, իսկ ես վերադարձա սեղանի մոտ, գինի լցրի բաժակները: Նատալյան իր բաժակից միայն կում արեց՝ ասելով, որ գինու սիրահար չի: Կոնֆետից մի քիչ կծեց, մնացածը դրեց թղթի մեջ: Խոսքը խոսք բերեց, ու ես հարցրի. «Կամուս-անամ՝ս ինձ հետ»:

Նատալյան ազատ է, կցագրված իրբիտյան քաղաքնությանը: Հայրը մահացել է, եղբայրները նրան ղեկավար չեն, որևէ մեկից թույլտվություն խնդրելու կարիք չունի, բացի մորից, դե, նա էլ դստեր թշնամին չի: Իմ կողմից ամեն ինչ այնքան էլ հեշտ չի, բայց Ուրալում ազնվական կոչումն ավելի փոքր նշանակություն ունի, քան այլ վայրերում:

Ստաժում էի՝ Մաշայի հետ ինչ-որ կերպ կբացատրվեմ, կհասկանա հորը, իսկ որ այդպիսի տիկնոջով մեր աստիճանավորներն իրենց շրջապատ չեն ընդունի, մի կերպ կդիմանամ: Փոխարենը՝ ընկեր կունենամ ծերությանս, որ սարերի հետևում չէ:

«Կամուսանամ», - ոչ միանգամից պատասխանեց Նատալյան, բայց և ոչ այնպես, երբ մարդ միանգամից ամեն ինչ որոշած է լինում, բայց ձևացնում, թե մտածում է: Ձև էլ չարեց, թե ականջներին չի հավատում: Վերջին այցելությանս այդ ոգով ակնարկներ էի արել, նրա խելքով՝ դժվար չէր ամեն ինչ հասկանալ:

Վեր կացա ու համբուրեցի շրթունքները: Թույլ պատասխանեց: Ձեռքերս իջան կողերով, որ կանգ առնեն ազդրերի վրա, բայց այստեղ խորհանոցից վերադարձավ Ֆեդենկան: Մոմը մինչև վերջ վառվել էր, նարնջե

լապտերիկը՝ կռկվել: Նատայան վերցրեց որդու ձեռքից, ու հանկարծ տեսա, որ նրա մեջ էլ կրակը մարել է, դեմքը՝ թռչել, քիթը՝ ցցվել, ինչպես վառարանի ծխնելոյզը՝ հրդեհից հետո: Ի՛նչ քսանհինգ: Երեսուն ու ավելի, ամենաքիչը: Ո՞ր էին աչքերս:

Նա դա կարդաց դեմքիս ու մեղավոր ժպտաց, ինչպես երբեք չէր ժպտացել իմ երազներում: Ժպիտի հետ իմ առջև կրկին հայտնվեց այն կինը, որի մոտ երեկ գալիս էի արոսնու անտառներով, բայց անմիջապես էլ հասկացա, որ ուրիշ բանի համար է ներողություն խնդրում, նրա, ինչ դեռ պատրաստվում էր ասելու: Վրան ընկած էր ստվերն այն մարդու, որին այսուհետև պետք է մոռանար:

Պարզվեց, որ խնդրանք ունի:

Մոսկուկները կալանավորելուց ու Եկատերինբուրգ տեղափոխելուց հետո նրա ունեցած-չունեցածը տարել էին գործարանի գրասենյակ, և արդեն երեք տարի այնտեղ էին պահում: Չե՞մ կարող, արդյոք, այնպես անել, որ դրանք տան իրեն:

Կառեթս, զինվոր-կառապանը՝ նստիքին, կանգնած էր սանդղամուտի տակ: Քառորդ ժամից մտա այն աշխատասենյակը, որտեղ ժամանակին ջանում էի Մոսկուկներից իմանալ նրա գաղտնիքը: Հնոցների ու մեխանիզմների նույն ուրվանկարներն էին պատերին, սեղանին՝ նույն գրապարագաները՝ թանաքամաններին դրոշմած դեմփողվյան հին սամույրով: Սիգովը տեղում էր, իսկ ես հույս ունեի, որ չեմ տեսնի: Նրա հետ Մոսկուկների մասին խոսել չէի ուզում: Նա, իհարկե, ամենուր լրտեսներ ունի, նրան, իհարկե, հայտնել են, որ այցելում եմ Նատայային. կհամադրի մեկը մյուսի հետ, իսկ եթե իրերը գողացվել են, չի ցանկանա խոստովանել, և վրեժ լուծելով իրեն անհարմար վիճակի մեջ դնելու համար՝ կմերժի խնդրանքս որևէ վիրավորական պատրվակով: Մտածում էի, որ նրա համար ցավալի կլինի հիշատակումը մի մարդու մասին, որի գրապարտագրերը չէին կարող ընդհանրապես անհիմն լինել, և որի մահը մասամբ իր խղճին էր: Բայց երբ հնչեց Մոսկուկների անունը, Սիգովի դեմքին ոչինչ չարտահայտվեց: Նրա համար անցած-գնացած օրերի բան էր:

Մեռած թշնամու իրերի մասին ոչինչ չգիտեր կամ էլ երեք տարում

հասցրել էր մոռանալ, բայց խորհրդատվության համար կանչված գործակատար Ոյաբովը զեկուցեց, որ դրանք արկղի մեջ են պահվում, արկղը նկուղում է:

Նարցրի՝ չի՞ կարելի, արդյոք, դրանք տալ ինձ: Սիգովը զարմացավ, բայց դա կանխատեսել էի ու բացատրություն պատրաստել. թե հանգուցյալի՝ Կազանում ապրող եղբայրը՝ պաշտոնաթող մայրը Սատվեյ Մոսցեպանովը, պահանջում է դրանք իրեն հանձնել որպես օրինական ժառանգություն: Ավագ եղբոր անունն ու աստիճանը նշվում էր նամակում, որը Պերմից նրան էր ուղարկել կրտսերը: Նա այն ժամանակ գրկված էր նամակագրության իրավունքից, և ես էի իմ անունով նամակը հանձնել փոստատուն:

«Իսկ դո՞ւք ինչ կապ ունեք», - հարցրեց Սիգովը:

Այդ հարցն էլ էի կանխատեսել և անմիջապես պատասխանեցի, որ եղբոր միջևորդությունը քննարկվել է Պերմի գավառական դատարանում ու բավարարվել: Դատական քարտուղարն ընկերս է, գիտի, որ ծառայության բերումով լինում եմ Նիժնիտագիյան գործարաններում, ու խնդրել է վերցնել իրերը:

Ոյաբովը ևս մի մի գրասենյակային ծառայողի հետ կեչափայտի մի մեծ արկղ բերեց: Վրան կողպեք կար, բայց առաջնապատի ու կափարիչի արանքում սոսնձված կնիքով թղթի երիզը պատռված էր:

«Ինքն իրեն է պոկվել», - ասաց Սիգովը, երբ ուշադրությունը հրավիրեցի դրա վրա: - Ո՞ւմ է պետք այդ հնոտին»:

Կողպեքը տեղի տվեց ծառայողի բերած բանալիների առաջին իսկ կապին: Բանալին ակնհայտորեն բախտաբերի էր ընտրվել, այնպես որ, կարծում եմ, ցանկացածը հարմար կգար: Նետ զցած կափարիչի տակից ամպի պես դուրս թռավ ցեցը, նամշած լաթերի հոտ եկավ: Ոյաբովը ձեռքը պարզեց վերևում դրված ոչխարենու կացավելյային, բայց Սիգովը, փոշուց կնճռոտվելով, հետ պահեց նրան և ինձ առաջարկեց վերցնել բոլոր իրերը՝ արկղի հետ միասին: Նրա պահանջով ստացական գրեցի, որ վերցրել եմ Մոսցեպանովի լիարժեք պահպանված ողջ ունեցվածքը: Թուղթն առանց կարդալու խցկեց սեղանի դարակն ու ըմբռնումով գլխով արեց,

երբ նրա առաջ դրեցի արկղի կողպեքը՝ որպես Մոսցեպանովին չպատկա-
նող իր: Ոյաբովը ծառայողի հետ արկղը տեղավորեց ինձ սպասող կառե-
թում, իսկ Նատայայի սենյակ տարանք երկուսով՝ կառապանի հետ: Փթից
մի քիչ պակաս քաշ կունենար:

Տասը ռուպե չանցած արկղը դատարկ էր: Պղնձաշրջանակ սրբա-
պատկերները, երկու գիրքն ու հախճապակե թանաքամանը Նատայան,
փոշին առնելով, դրեց սեղանին, սոճու արմտիքով անհմուտ շրջահյուսած
իշխան Իպսիլանտիի դիմանկարը հենեց պատին: Մնացած իրերը, հպան-
ցիկ նայելով, հատակին էր թափում:

Աստված իմ, ի՛նչ հնուտի էր: Յեցն այդտեղ խրախճանք էր արել, բայց
առանց դրա էլ քիչ բան կփոխվեր: Գլխարկները վատ տևտեսուհու թխած
բլիթներ էին հիշեցնում, շապիկների վրա՝ ժանգաքծեր, բրդե ծածկոցը
շղարշ էր դառել, իսկ գայլագույն նապաստակի մորթով աստառածն այն-
պիսի տպավորություն էր թողնում, ասես մինչև արկղում հայտնվելը, մի
տասը տարի չէր օգտագործվել:

Հատակից վերցրի իրերից մեկի հետ ընկած թղթի կտորը: Արկղում
պահվող Մոսցեպանովի ունեցվածքի ցուցակն էր: Վերջին տողում նշվում
էր. «Փողը թղթադրամներով՝ 36 ռուբ., արծաթով 3 ռուբ., պղնձով 24 ռուբ.»:

«Կա՞», - հարցրի ես:

Նատայան օրորեց գլուխը, իսկ հարցին, թե է՛լ ինչ է պակասում,
ասաց՝ սուսերն ու ծխամորճները: Գլխիս դրի շքազլխարկն ու վճռական
ուղղվեցի դեպի դուռը՝ տենդագին մտածելով՝ ո՞նց եմ Սիգովին բացատրե-
լու, թե ինչու հանկարծ որոշեցի ստուգել արկղի պարունակությունը: Ոչ մի
ճշմարտաման բացատրություն մտքովս չէր անցնում, և երբ Նատայան,
հասկանալով կասկածներս, փակեց ճանապարհս, ամենաստոր կերպով
ուրախացա դրա համար ու պարտքս համարեցի հարցնել:

«Համարյա քառասուն ռուբլի, կատա՞կ բան է: Եվ սուսերն էլ ինչ-որ
բան արժի»:

«Մի՛ գնացեք, պետք չի», - խնդրեց նա:

Խոժոռված դեմքով, իբր դժգոհություն արտահայտելով, որ թույլ
չտվին պաշտպան կանգնել ճշմարտությանը, իսկ իրականում նահանջե-

լու փոքրոգի պատրաստակամությամբ, մի բաժակ մաղերա կով տվի, լցրի երկրորդը: Նատայան այդ ընթացքում խուրճ արեց հատակին թափած իրերն ու Ֆեդենկայի օգնությամբ քաշ տվեց բակ: Քիչ անց ես էլ դուրս եկա նրանց հետևից: Մոսցեպանովի ունեցվածքը կիտված էր սեպտեմբերվերջի լքված մարզին: Արևի պայծառ լույսի տակ՝ ասես շրջմովիկի մահվանից հետո դեն նետված խղճուկ քրջեր լինեին, որ նրան և՛ հագուստ, և՛ անկողին էին ծառայել: Նատայան կույտի վրա ինչ-որ յուղոտ հեղուկ լցրեց շից:

«Նավթա է,- ասաց նա:- Պեչորայից են բերել, Ուստ-Միսոլսկից: Գրիգորի Մաքսիմովիչը սրանից յուղ էր քամում կանթեղների համար»:

Ֆեդենկան մոր կարգադրությամբ քաշ տվեց-բերեց Իպսիլանտիի նկարն ու գցեց կույտի վրա: Չիսկաց կայծքարը: Արևի տակ կրակը համարյա չէր երևում, սակայն հունական գահի կռնատ հավակնորդը պատվեց բշտիկներով, բռնկվեց ու ջրացավ ծխի մեջ: Բոցն արագ բռնեց ողջ կույտը: Նատայան նայում էր աչքերի հարբած փայլով, իսկ ես նեղվեցի: Տոեկի պես վազել էի Սիգովի մոտ՝ այդ իրերի հետևից, նվաստացել նրա առաջ, խաբել: Ինչի՞ համար:

Կրակի լեզվակները խարոյկից սողացին բանջարանոցի փրերի վրայով: Նատայան վերցրեց բահն ու սկսեց հող լցնել վրան, որ կրակը չհասնի մարագներին ու բաղնիքին: Սկատեցի, որ իմ հայացքից խուսափելով՝ փորձում է կռանալ կամ շրջվել: Արցունքներն է թաքցնում՝ մտածեցի, բայց երբ համենայն դեպս կարողացա տեսնել դեմքը, ապշեցի: Ո՛չ տխրություն էր արտահայտում, ո՛չ ցավ, ո՛չ դառնություն՝ նախորդ կյանքին հրաժեշտ տալու համար, որն այդ օրը բնական կլիներ թաքցնել ինձուհից, այլ վրեժխնդիր ու հաղթական հրճվանքի պես մի բան: Նույն վայրկյանին հասկացա, որ Մոսցեպանովը ողջ է, ու Նատայան դա գիտի: Վրեժ էր առնում նրանից, որ մոռացել է իրեն, իր մոտ չի կանչել: Հոգու աչքերով պիտի տեսներ իր բանջարանոցում, իսկ իրականում՝ սրտում վառվող այդ կրակը: Ես կրակին նայում էի նույնքան ուժեղ, սակայն բովանդակությամբ և իմաստով տարբեր զգացումով. ուզում էի զոհաբերություն տեսնել մեր ապագայի զոհաստեղանին:

Շուտով մարզին միայն անկշիռ սև քրջերի մոխրակույտ մնաց: Զամի

չկար, բայց մոխիրը թրթռում էր տաք օդի հոսանքի տակ: Մի քանի փերթ փորձում էին թռչել: Տիաճ էր հետևել այդ հետամահու կյանքին: Մենք երկու բահով հող լցրինք դրանց վրա ու վերադարձանք տուն: Նատայան նյարդային ծիծաղում ու քաշքշում էր Ֆեդենկային, բայց ես չէի շտապում կիսել նրա ուրախությունը՝ կասկածելով, որ այդ ամենը վատ է վերջանալու: Հանգուցյալ կնոջս ու Մաշայի նույնպիսի անբնական ուրախությունը հաճախ ավարտվում էր արցունքներով:

Նատայան խորդանոց տարավ կրակե մահապատժից խույս տված արկղն ու երկար մնաց այնտեղ: Ներս եկավ լացից աչքերն ուռած, ևստեց սեղանի մոտ և ինձ չառաջարկելով միանալ՝ թափով երկու բաժակ մաղերա քամեց: Ամեն բաժակի վրա մի կոնֆետ կերավ, ընդ որում՝ չկծելով, այլ ամբողջությամբ խցկելով բերանը: Ոչինչ չհարցրի, բայց չէի կասկածում, որ եթե Մոսցեպանովը մեռած է, ապա իմաստ չունեն կազմակերպել այդ աուտոդաֆեն: Նատայան ինքը խոսեց նրա մասին:

Պարզվեց՝ Մոսցեպանովի եղբայրը, այլաբանորեն, որ ևս մակը բռնելու դեպքում ոչինչ չհասկանան, նրան գրել էր, որ Գրիգորի Մաքսիմովիչը ձմեռել է իր մոտ, իսկ տաքերն ընկնելու հետ ուղևորվել հարավ: Դրանից հետո Նատայան եղբայրներից ևս մակ չէր ստացել: Մտածում էր, որ Գրիգորի Մաքսիմովիչը Կազանից Վոլգայով լողացել է Հունաստան:

«Վոլգայով Հունաստան չես հասնի», - ասացի ես:

Նա լռեց ու սկսեց մոլեգին շարժումներով կլպել նարնջի կեղևը: Եղունգների տակից ցայտող հյուսիս կաթիլները փայլվում էին արևի տակ: Փոքրիկ ամառվա եռուն շրջանն էր:

Մտածեցի, որ եթե Մոսցեպանովը ողջ լիներ, մեկ տարուց ավելի ժամանակում ինչ-որ կերպ լուր կտար:

Նատայան կրկին կարդաց մտքերս:

«Դուք արդեն երկու անգամ թաղել եք նրան, - պատասխանեց չբարձրաձայնվածին, - իսկ սիրտս երբեք չի ասել, որ նա մեռած է: Ու հիմա էլ չի ասում»:

«Իսկ եթե ես մեռնեմ, կասի՞», - հարցրի ես:

Նա կրկին ձեռքը տարավ գինուն: Առաջ ընկնելով՝ շիշը հրեցի սե-

ղանի մյուս ծայրը: Այնտեղ դրված էին արկղից հանած գրքերը՝ հրետա-
նային կանոնագիրքն ու Էլի մեկը, ավելի հաստ: Բացեցի, և ականջներիս
մեջ հնչեց Սոսցեպանովի ձայնը. «Պնացեք գիմնագիա, ինդրեք ժողովո-
րական լուսավորության հանդեսը...»: Թողարկման տարին ու համարը մո-
ռացել էի, բայց հաստատ այդ հանդեսն էր:

«Վերցնե՞մ», - նայեցի Նատալյային:

Անտարբեր գլխով արեց: Պարզ էր, որ այնտեղ պահված գաղտնիքն
անհայտ է նրան: Պայմանավորվեցինք, որ հաջորդ շաբաթ պորուչիկ Պե-
րեվոզիկովը նրան կբերի ինձ մոտ՝ Եկատերինբուրգ, կգնանք ծանոթա-
նալու Մաշայի հետ: Հարցրեց՝ կարո՞ղ է Ֆեդենկային հետը բերել: Ասացի՝
հաջորդ անգամ, ամսագիրը դրեցի ծոցս ու մեկնեցի:

Նշումներով հողվածը, ինչպես Կոստլապովի մոտ գտած գրքերում,
վերնագրված էր «Հունական կրակի պատմության ու քիմիական հատկու-
թյունների մասին»: Հենց առաջին էջի լուսանցքներում կտրուկ ուղղահա-
յաց գծով առանձնացված էր պատմությունն այն մասին, թե Կոնստանտին
Մեծը ինչպես էր դրսի կանչ լսել, իսկ հետո հրեշտակը նրան բացել էր այդ
հրաշք-գեղեցի գաղտնիքը, որը հարյուրամյակներով Բյուզանդիան փրկել
էր սարակինոսներից ու սլավոններից: Ես, բնականաբար, գիտեի դրա մա-
սին: Այդ հեղուկ խառնուրդի մասին, որով հույները վառեցին կիևցի Իգորի
նավատորմը, պատմվում է գիմնագիական դասագրքում: Այն լցնում էին սի-
ֆոնների մեջ, վառում ու դարբեցի փուքսերով կրակը փչում թշնամու գոր-
քի, իսկ ծովամարտում՝ նավերի վրա: Տուրն անգոր էր մարելու այդ կրակը:
Արաբներն ու ֆրանկները չկարողացան հույներից կորզել այդ խառնուրդի
գաղտնիքն ու իրենք նույնպես գտնել չկարողացան: Անհաջողության էին
մատնվել և՛ ալքիմիկոսները, և՛ ժամանակակից գիտնականները, ներառ-
յալ՝ հողվածի հեղինակը: Նա միայն զգուշորեն ենթադրում էր, որ խառ-
նուրդի բաղադրության մեջ անմշակ նավթայի, նույն ինքը՝ նավթի հետ,
բորակ, չմարած կիր, հանքային յուղեր ու խեժ է եղել: Հնարավոր է՝ նաև
պոտաշ: Պակաս հավանական է՝ հանքածյութ: Թե ինչ բաժնեչափերով էր
այդ ամենը խառնվում, հանելուկ էր նույնիսկ այն դեպքում, եթե բաղադրիչ-
ները ճիշտ գուշակվեին: Հողվածի հեղինակը գալիս էր եզրակացության,

որ հրեշտակի արարածն անհասանելի է մահկանացուին, սակայն Մոսցեպանովը, ըստ երևույթին, իրեն այդ կանոնի տակ չէր համարում: Ինչ-որ վերին կանչ էր հիշատակվում Եկատերինբուրգի հարցարանին տրված նրա պատասխաններում:

Ուրեմն ահա՛ ինչի համար էին այդ բոլոր տառապանքները:

Մի՞թե նա՞ հրետանավորը, չգիտեր, որ այդ տեսակի հրկիզող խառնուրդը վաղուց օգտագործվում է զինվորական գործում: Դրանք տարբեր բաղադրություն, բայց նույն հատկություններն ունեն: Կոնգրիվի հրթիռները, բրանդսկուզեյի տիպի ռումբերը:

Գուցե համենայն դեպս հասկանում էր, բայց հույս ուներ Արակչենի ու հանգուցյալ թագավորի միջոցով համոզել հույներին, որ բացել է նրանց հնագույն գեներլ գաղտնիքը: Հիշեցնել փառավոր հաղթանակները, որ այդ գեներլ նրանց բերել է նախկինում: Ոգեշնչել նոր հաղթանակներին: Չմեյ Գորինիչը նրան պետք է հասցներ Պետերբուրգ, այնտեղ ավելի հեշտ էր թվում առաջ մղել իր նախագիծը, բայց այդ համեմատաբար սթափ դատողություններով հանդերձ, իրեն միայն մի ոտքով բանականության հողի վրա կանգնած մարդու պես էր պահում:

Ես հիշեցի այն ամենը, որ լսել էի նրա մասին ու լրացրի սեփական դիտարկումներով: Նպատակին հասնելու անմարդկային համառությունը, կատաղության պոռթկումները, որոնք ընդմիջվում էին մռայլության տևական շրջաններով, դյուբող ռիթմիկ խոսքը՝ միևնույն բառերի կրկնությամբ, որպեսզի դրանք հմայախոսքի նման անեությունից կանչեն նրա նշած առարկաները, վերջապես ծիծաղաշարժ վստահությունը, որ խիզախորեն մերկացնելով ղեկավարական չարաշահումները, կարելի է հաջողության հասնել քմիայում,- այդ ամենը մատնում էր մոլագարին: Առաջին տպավորությունը ճիշտ դուրս եկավ, բայց իմ մեջ արդեն բույն էր դրել տագնապը: Եթե Նատալյան նրան այդ հատկությունների համար է սիրել, արդյո՞ք ինձ էլ կսիրի: Ես լրիվ ուրիշ մարդ եմ:

Բացված հանդեսը ծնկներիս էր: Վաղուց էի կարդացել հողվածի առաջին պարբերությունը, որն այնպիսի կրքով էր ընդգծել, որ մատիտը տեղ-տեղ ծակել էր թուղթը: Այդտեղ հայտնվում էր, որ ճակատամարտերում

ԼԵՈՒՆՊ ՅՈՒԶԵՖՈՎԻՉ

բյուզանդական գործերի առջևից հունական կրակի հրանետներ էին տա-
նում և թշնամուն սարսափի մատնելու համար դրանք երբեմն պատրաստ-
ված էին լինում վիշապի տեսքով, ներսում՝ հրկիզող խառնուրդի անոթ-
ները: Երբ վառում էին, վիշապի երախից բոց էր արձակվում, ռունգերից՝
ծուխ, իսկ եթե պարսպակործան բաբանը կամ կատապուլտից արձակված
քարը ջարդում էր այդպիսի հրեշի կողը, հոսում էր սրա սև արյունը, որը
հողը չէր քաշում: Նատալյան այսօր դրանով ցողում էր Մոսցեպանովի հնո-
տին, որ հեշտ վառվի:

Բազմաթիվ մարդիկ էին փորձել գտնել գաղտնիքը, և ահա ես հաս-
կացա:

Եվ ի՞նչ:

Ո՛չ ուրախություն, ո՛չ նույնիսկ հանդարտ գոհություն: Անձայրաձիր
տխրությունն էր պատել ինձ:

Անցնում էինք անտառով: Ճանապարհի երկարությամբ՝ եղևնուտ,
կաղամախիներ: Ողջ ուժով հեռու նետեցի ամսագիրը, որ էջերը խղճալի
թափ թալով, չհասկանալով, թե որ մեղքի համար իր հետ այդպես վարվե-
ցին, թռավ ու թաղվեց խաշամի մեջ:

Քարոս

Կոնստանտին Կոստանդին: Թափառիկ բժշկի նոթերը

Նոյեմբեր, 1826 թ.

Ֆաբիեն ինձ կարդալու տվեց Մակրիյանիսի նոր ուղերձը:

«Թշվելով ամբողջ,- գրում էր նա,- մենք բաժանվեցինք, և ամեն մեկը զբաղեցրեց իր տեղը: Մորֆոպոլուսին ու ինձ բաժին ընկավ Խրիստոս-պիյոտիսը, որտեղ քարանձավ է ու վերևից երկու սյուն. այդ օրվանից էլ կանգնած ենք այնտեղ: Մահ ու արյունից աչք չենք բացում. թուրքական հրանոթները Կոլոնակիից խփում են լուսաբացից մինչև մայրամուտ: Ամֆիթատրոնից մինչև գլխավոր դարպասի աշտարակը կանգնած են Նարուձոնս ու Պապակոստասը, Արևմտյան բաստիոնում՝ Գուրասի մարդիկ են, իսկ Առյուծի բաստիոնում,- ամենաձանր տեղը,- Դավարիսն ու նրա գեղջուկները: Այդ դժբախտներին Գուրասը վայ թե միայն վերջին շապիկն է թողել, բայց չէ՞ որ նրանք իրենց անասունն ու ամբողջ ունեցվածքը բերեցին քաղաք, պաշարման ընթացքում կերակրում ու հագցնում էին կողոպտված աթենացիներին: Գուրասը, անիծված լինի, քանի պարետ էր, լրիվ կողոպտեց Աթենքը...»:

Մակրիյանիսը նամակները թելադրում է. դրանց մեջ կենդանի խոսք է: Կարդալիս լսում էի նրա ձայնը, ու համակրանքս նրա հանդեպ վայրկյան առ վայրկյան աճում էր:

«Արևմտյանից մինչև Առյուծի բաստիոն պարսպից այն կողմ խրամ էր փորված,- շարունակում էր նա:- Վառողով լցրինք ու պատրույզն իջեցրինք մեջը: Այդ հատվածը պաշտպանում էին Դանիլիսի՝ մի ազնիվ հայրենասերի աթենացիները, նրան հետո, Միտրոս Լեկասի հետ թուրքերը

բռնեցին ու ցից հանեցին մեր աչքի առաջ: Այդ խրամի պատրույզը լաթից էր: Իսկ մենք փոքր կարիքը հոգում էինք հենց այնտեղ: Ո՞ր գևաս, երբ բոլոր կողմերից կրակում են: Եվ ահա առավոտյան թուրքերը պատրաստվեցին հարձակման: Մեծ բազմությամբ կուտակվել էին բաստինոսի առաջ, հենց այնտեղ, որտեղ խրամի վառողը պայթեց նրանց տակ: Դա տեսնելով՝ շարք ենք կազմում ու սվինամերկ ելնում նրանց դեմ: Փորձում ենք վառել պատրույզը, բայց մեր մեզից թրջվել է, չի վառվում: Փորձում ենք վառել, չենք կարողանում: Աթենացիներից մեկը մերկ ձեռքերով վերցրեց վառվող ածխակոթն ու դրեց պատրույզի վրա: Կրակը ջրի պես բուռն առավ այդ քաջը՝ հանուն Հելլադայի, բայց սատանի լաթը չի վառվում ու չի վառվում: Կրակն անցավ վրայով ու հանգավ: Թուրքերը հարձակվեցին մեզ վրա...»:

Եվ վերջապես.

«Միջնաբերդը խժռում է նրանց, ում տարիներով սնել է: Ամեն օր մարդիկ են զոհվում, իսկ սրիկա Գուրասն իր համար տաճար է սարքել, վերևից հող լցրել, որ արկերից վտանգ չիկի, ընտանիքը թաքցրել այնտեղ և ինքն էլ թաքնվել է: Իր քավոր Ստավրիս Վլախոսին էլ հացկատակների ավազակախմբի հետ ապաստան է տվել նկուղում: Նրանց ավազներ է նշանակել, իսկ պրոտոպալիկար կարգել է Սուրմելիսին: Սա էլ զեկուցագիր է հորինել՝ իբր Գուրասը պարիսպներից դուրս է կռվում, այն դեպքում, երբ նա և ազգականները քթները դուրս հանած չկան: Մենք դուրս ենք եկել պարիսպներից՝ թուրքերի հետ զարկվելու, իսկ դրանք, որ գետնի տակ են նստած, Սուրմելիսի միջոցով կառավարությանն ու թերթերին գրել են, թե, իբր, կապիտան Գուրասը դուրս է եկել թուրքերի դեմ ու ջարդել: Նկուղում նստածները փառաբանում էին տաճարում նստածներին: Մենք դրա մասին իմացանք թերթերից, երբ մի աթենացի դրանք բերեց ամրոց, ու կորցրիկք խոսելու ունակությունը: Հետո զազագեցինք, և ես ի լուր ամենքի հայտարարեցի. «Այսօրվանից ոչ ոք ամրոցից դուրս չի գա, մինչև չկարդանք նրա մոտ եղած բոլոր թղթերն ու չստորագրենք, որ դրանց մեջ ամեն ինչ ճշմարիտ է»:

Իսկ Գուրասին այսպես ասացի. «Գևա, զբաղեցրու տեղդ պարիսպների հետևում, այդ ժամանակ էլ ուզածիդ չափ կգովերգես սխրանքներդ»:

Խիզախ ու փառասեր մարդ էր, դուրս եկավ և անմիջապես էլ սպանվեց, իսկ հիմա լուրեր են տարածում, թե մարդասպանը ես եմ: Թող գեղենական կրակի բաժին դառնամ, եթե նման բան եմ արել կամ թեկուզ մի վայրկյան մտքովս անցել է:

Ես նամակը վերադարձրի Ֆաբիեն:

«Չեմ հավատում,- նկատեց նա,- հաստատ հենց ինքն էլ սպանել է, բայց դա նշանակություն չունի: Ինքն է, ինքը չի՝ ի՛նչ տարբերություն»:

«Ինչպե՞ս թե», - զարմացա ես:

«Մակրիյանիսի համար առանց Գուրասի ավելի հեշտ կլինի պաշտպանել Ակրոպոլիսը, իսկ մնացածի վրա՝ թքած,- ցինիկ պատասխանեց Ֆաբիեն: - Դուք բոլորդ այստեղ կարող եք իրար կոկորդ կտրել, խնդրեմ, ձեր գործն է, բայց՝ մի պայմանով. թուրքերը չպիտի գրավեն Ակրոպոլիսը»:

Պաշարման առաջին շաբաթներին Զյուֆահիան ծանր հրետանիով անդադար խփում էր Ակրոպոլիսին: Այդպիսի հրանոթների երկու մարտկոց դրվել էր Մուսեյոնում, բայց գնդառումբերն ու արկերը անգոր էին ժայռափոր բաստիոնների դեմ: Իսկ եթե բարձր էին նշան բռնում, դրանք թռչում էին լեռան վրայով և ընկնում թիկունքում: Որոշ արկեր խփում էին Պարթենոնի սյուների՝ մարմարի կտորներ թռցնելով: Դրանով անհանգստացած էին հելլենական մշակույթի գլխավոր գնահատողները՝ անգլիացիները: Նրանց չէր մտահոգում, որ Իբրահիմ փաշան Մոդոնում գերիների շուկա է բացել, որտեղ հարյուրավոր մորեացի գեղջուկների վաճառում է Աֆրիկա,- իսկ այստեղ Զյուֆահիայից պահանջեցին դադարեցնել հրետակոծությունը՝ մերժման դեպքում սպառնալով վառել թուրքական նավատորմը Պիրոսում:

Ահագին սակարկելուց հետո նա Ակրոպոլիսը պաշարողական թևա-նոթներով չհրետակոծելու պարտավորություն ստորագրեց: «Times»-ն ու «Morning Chronicle»-ը դա շեփորեցին Եվրոպայով մեկ, բայց խորամանկ փաշան խախտեց պայմանագիրը՝ պահպանելով հավատարմությունը նրա տառին:

Հոկտեմբերին Կրիեգոտիսը չորս հարյուր մարտիկներով, պարենի ու վառոդի պաշարով ճեղքեց-օգնության հասավ պաշարվածներին. դրանից

հետո Զյուբահիան հասկացավ, որ Ակրոպոլիսն արագ գրավել չի կարողանա, ու որոշեց մի հսկա խրամ փորել: Տեղն ընտրեցին ժայռի հիմքում, ուղիղ Պարթենոնի տակ: Սակրավորներն այնտեղ ոչ մեծ լիցքեր են պայթեցնում, հետո զինվորները քլունգ ու բահով մաքրում են հողի ու քարի կույտերը: Աշխատողների թվից դատելով՝ խրամում ահռելի հզորության ական է դրվելու:

Սակրիյանիսի մարդիկ պահում են բերվող վառոդի արկղերի ու տակառների հաշիվը: Արդեն համարյա երկու հազար օխա է, այսինքն՝ վեց հազար ֆունտ, բայց էլի կավելանա: Զյուբահիան սպասում է, թե երբ կոր պաշարներ կբերեն: Գրոհը կսկսվի պայթյունից անմիջապես հետո: Պարթենոնը վերջնականապես կավերվի, Ակրոպոլիսի պաշտպանները կգոհվեն պայթյունից, կամ թուրքերը կկոտորեն:

Չորրորդ ամիսն է՝ հարյուրավոր մարդիկ նեղվածք միջնաբերդում են: Առաջ այնտեղ թուրքական կայազորն էր կանգնած ու բնակվում էին մահմեդականները՝ իրենց այդտեղ շատ ավելի անվտանգ զգալով, քան ստորին քաղաքում, սակայն տերերից լքված զորանոցները, խառնութենն ու տները ամայացել են: Կահույքը վառվել է օջախներում, շուրջը մերկ քարեր են, կեղտ, զարշահոտ, խոնավություն: Վառելիքը չի հերիքում, ո՛չ տաքանալ է հևարավոր, ո՛չ տաքացնել աղքատիկ ճաշը: Տրի չնչին բաժինները Սակրիյանիսն անձամբ է բաժանում: Գինին քիչ է, բայց երեկոները, ֆլոյերի սուլոցի տակ երգեր են հնչում, որոնք երեխա ժամանակ երգում էր մայրս: Ատտիկայում առանձնապես շատ են Քարոնի մասին երգերը: Մահը մեզանում պառավ չէ, ինչպես մյուս ժողովուրդների մոտ, այլ ծերունի: Քարոնը ոտքով է ման գալիս, բայց հեշտությամբ անցնում է արաբական նժույզներ հեծածներին, նրա դեմքն ու հագուստը խատուտիկ են, ինչպես լուսանի մորթին, աչքերը՝ երկու փայլակ: Չորեղ պալիկարները՝ սարակիևոսների ու թուրքերի սարսափը, մարտահրավեր են նետում նրան ու մարտնչում Պառնասի լեռներում, գերեզմանոցներում, եկեղեցու դարպասների տակ կամ այդպիսի մենամարտերի համար նախատեսված մարմարապատ հրապարակում, ընդ որում՝ նախապես գիտենալով, որ հաղթանակը հակառակորդին է լինելու: Չկա ոչ մի երգ, որն այլ կերպ ավարտվի, բայց

սփոփանքը հենց դա է: Միշտ այդպես է եղել, ասում են կրակը երգիչներին ու լսողներին, այդպես է լինելու բոլորի հետ, մի՛ վախեցիր, մի՛ լա, դու ոչև՛ չով վատը չես այն հերոսներից, որոնց արդեն հաղթել է այդ խատուտիկը:

Շառլ-Անտուան Ֆարիե: Ապստամբի օրագիրը

Դեկտեմբեր, 1826 թ.

Գրում եմ Նավպլիոնից Ֆալերոն լողացող նավի վրա: Շատ բարե-նպաստ եղանակ է. ամպամած, երկնքում ոչ մի աստղ: Չնայած՝ լիալուսին է: Այսինքն, չի երևում, բայց ամպերից այն կողմ ինչ-որ տեղ կա և ամենա-անպատեհ պահին կարող է դուրս լողալ: Ալյուսին գիշերների սպասելու ժամանակ չունենք:

Շուվն անհանգիստ է, ալեկոծ, բայց գրել կարելի է: Խնդիրն այլ է: Մեկ ամսից ավելի չեմ բացել այս տետրը, վերջին գրառումից հետո այնքան բան է կատարվել, որ շատերի մասին ստիպված եմ համառոտ հիշատակել:

Հոկտեմբերին իմացանք, որ Զյութահիան պատրաստվում է պայթեց-նել Ակրոպոլիսի պատը՝ ուղիղ Պարթենոնի տակ: Սակրիյանիսը դրա մա-սին հայտնել էր Նավպլիոն, բայց անգլիական էսկադրան հեռացավ Կոր-ֆու, իսկ մենք անգոր էինք որևէ բան ձեռնարկել:

Նոյեմբերի 12-ի առավոտյան թուրքական զորքերը հետ քաշվեցին անվտանգ տարածության վրա, բնակիչները լքեցին քաղաքն ու հետները տարան իրենց անասունները: Միջնաբերդի մոտակա տների բնակիչները ողբում էին իրենց բախտը: Կեսօրին Զյութահիան հրամայեց վառել պատ-րույզը: Պատկերացնում եմ կրակն ինչպես է պատրույզի վրայով վազում դեպի ամուր զմռսված քարանձավը, անհետանում պատի տակի փոքրիկ, մկան ծակի չափ անցքում: Ի տարբերություն Սակրիյանիսին խաբած լա-թի կտորի, սա չոր է: Սակրավորները թաղվել են հողի մեջ, փակել ականջ-ները: Այդ ամենն այնքան պարզ եմ տեսնում, ասես ներկա եմ եղել, բայց լսողության օրգանները չեն ենթարկվում երևակայությանը: Պայթյունը լսել չեմ կարող, միայն գիտեմ, որ երկինքը չի պատռվել ձեռակերտ ամպրո-պից, թռչունները չեն թափվել գետնին: Կոստաս Խորմովիտիսը, Լագումի-

ծիս մականունով, այսինքն՝ սակրավորը, գտել էր ականը վնասազերծելու միջոցը: Այն երեք շաբաթում, երբ Քյութաիիան սպասում էր վառողի վերջին բաժնեչափին, պաշարվածները, գիշերներն աշխատելով, մի դյուժին հորանցքեր էին բացել դեպի քարանձավը: Վառողի գազի մի մասը դուրս եկավ դրանցով, պայթյունի ուժը նվազեց, ի լրումն՝ պարզվեց, որ խրամի միջնապատն ամուր չէ: Հարվածի այիքը ցրիվ տվեց ու սպանեց սակրավորների ողջ խումբը: Շատ բան կտայի այդ պահին Քյութաիիան դեմքը տեսնելու համար:

Մենք դրա մասին իմացանք հաջորդ օրվա երեկոյան: Ամբողջ գիշեր Նավպիոնում ցնծություն էր, կրակում էին հրանոթներից ու հրավառու-թյուն անում, իսկ մի շաբաթից եկավ ինձ համար սպասելի, բայց հույներին հանկարծակիի բերած լուրը. անհաջողությունից գազագած թուրքերն անցել էին գրոհի: Մակրիյանիսին մեծ կորուստներով հաջողվեց հետ մղել, իսկ երկու օր անց նրա ուղարկած մարդն ինձ գեկուցեց, որ նա՝ ծանր վիրավոր, թողել է Ակրոպոլիսն ու բժշկի է սպասում Աթենքի և Նավպիոնի միջև գտնվող գյուղերից մեկում:

Սլացա նրա մոտ՝ հետս վերցնելով Չեկեիին ու մտերիմ մի քանի սպաների: Մակրիյանիսը մեզ ընդունեց անկողնում պառկած: Անսմուտ դրված վիրակապերը պրկել էին կուրծքը, աջ ուսն ու վիզը՝ մինչև ծնոտ: Առյուծի բաստիոնի մոտ, մինչ Խորմովիտիսը վնասազերծում էր հերթա-կան ականը, նա կրակելով պաշտպանվել էր սիփահիներից, վիրավոր-վել երեք գնդակով ու շատ արյուն կորցրել: Գիշերը նրան պատգարակին դրած անցկացրել էին թուրքական դիրքերով: Կարծում եմ, որ ժամապահ-ներին կաշառելուն օգնել էին նրա թրջուռի կնոջ՝ իսլամի գրկում մնացած ազգականները:

Մակրոյանիսը կայագորի հրամանատար էր նշանակել Խորմովիտի-սին, չնայած այդ պաշտոնին հավակնում էր Կրիեզոտիսը, որը Ակրոպո-լիս էր մտել դեռ հոկտեմբերին. նրա հավակնություններին զորավիզ էին չորս հարյուր մարտիկներն ու Կարաիսկակիսի հեղինակությունը, որին նա ենթարկվում էր: Երկու կուսակցությունների մրցակցությունը թուլաց-նում էր պաշարվածներին, բայց ավելի վատ լուրն այն էր, որ սպառվում էր

նրանց վառողը: Կրիեգոտիսի բերածը հերիքեց մեկուկես ամիս: Մի քանի շաբաթ անց, մի քիչ ուշ կամ շուտ, կախված նրանից, թե ինչպես կծախսեին մնացորդները, կայագորը ստիպված անձնատուր էր լինելու:

Ես սկսեցի հանդիպում փնտրել Կոլոկոտրոնիսի կամ Կոնդուրիոտիսի հետ: Վերջինս նախագահ է համարվում, չնայած ոչինչ չի կառավարում, առաջինը՝ գլխավոր հրամանատար, չնայած զորք չունի: Նրանք առում են իրար, ուստի պետք է յուրաքանչյուրի հետ առանձին խոսել և մեկի հետ խոսակցությունը թաքցնել մյուսից: Կոնդուրիոտիսն իր ղեյլաններով ու գրումներով նստել էր ինչ-որ մեկի առանձնատանն ու անհասանելի էր, բայց Կոլոկոտրոնիսը հավանություն տվեց Ակրոպոլիս վառողի պաշար հասցնելու իմ ծրագրին: Փառք Աստծո, որ գոնե դա լիուպի ունենք:

Այսօր՝ դեկտեմբերի 3-ին, երկու հնամաշ նավերով, որ կառավարությունն առասպելական գևով առել էր Կոնդուրիատիսի հայրենակիցներից՝ հիդրացիներից, և անվտանգ չէին տարվա այդ եղանակին, Նավալիոնից լողացինք Ֆալերոն: Այնտեղից Աթենք մոտ մեկ մղոն է, ափ ենք իջնելու վաղը երեկոյան: Մակրիյանիսի մարդիկ մեզ կդիմավորեն ափին ու կառաջնորդեն Ակրոպոլիս:

Ինձ հետ է ողջ գունդս՝ 434 հույն ու 68 հելլենասեր: Համարյա յուրաքանչյուրը վառողի պարկ է կրում, կաշվից, որ բերը անձրևից կամ ափ իջնելիս չթրջվի: Անձամբ ենք կարել մատակարարների տված կաշվից, բայց դա չհերիքեց, ստիպված էինք օգտագործել գիևու տիկերը: Եթե ամեն ինչ հաջող անցնի, Խորմովիտիսը երեք հազար ֆունտ վառող կստանա: Ռա երկար կբավականացնի, նույնիսկ նկատի ունենալով խրամներ սարքելու նրա սերը:

Քաղաքում լրտեսներ կան, ուստի ճանապարհվեցինք մայրամուտից հետո: Լոցմանները նավերն անցկացրին Բուրծի ամրոցիկի փարոսի մոտով, հեռվում խարիսխ գցած նավերի մոտով, որոնց պատուհաններում լույս էր երևում: Այդ պատկերն անընդհատ տանջում է հոգիս հարմարավետության մասին հիշեցումով, որից զրկված եմ: Մի անգամ Սյուզիի հետ երեկոյան զբոսնում էինք նավահանգստում, ու նրան ասացի այդ տրամադրության մասին: Ի պատասխան, ցույց տալով առափնյակի տների լու-

ԼԵՆԻՆԻ ՅՈՒՋԵՖՈՎԻՉ

սավոր պատուհանները, ևս հարցրեց՝ դրանք ևույնպիսի զգացումներ չէ՞ն արթնացնում: «Ոչ,- պատասխանեցի,- ինձ ոչ թե պարզապես հարմարավետությունն է ձգում, այլ հարմարավետությունը՝ տարերքի մեջ»: Ըմբռնումով սեղմեց ձեռքս՝ ասելով, որ իրեն Արեսի սաղավարտում բույն հյուսած աղավախ է զգում: Այդ օրերին մեր սիրավեպը հասել էր գագաթնակետին:

Նավահանգստից դուրս գալիս տախտակամածին կանգնած էի Չեկեի ու Ֆիկուրիսի հետ, որն իբրև պարզև երկամյա սթափության համար՝ վերադարձվել էր վաշտապետի պաշտոնին: Պատմում էր, որ շաբաթ օրն է ծնվել, դրա համար էլ խեղդվելուց չի վախենում. ջրահարսերը հովանավորում են շաբաթվա վեցերորդ օրը ծնվածներին և նավաբեկության դեպքում իրեն ափ կհանեն: Կատակի պես էր հնչում, բայց այդ տոնը տուրք էր քաղաքավարությանն իմ հանդեպ, որը նման բաների չի հավատում: Գետահարսերին ժամանակակից հույները միացրել են ծովահարսերի հետ և ի լրումն՝ նրանց ձկան պոչեր կպցրել, Զարոնը նրանց մոտ մահվան սուրհանդակ, թե գերեզմանոցների տիրակալ է, կենտավրոսները՝ նրա հովիվները, որոնք գիշերները սարերով քշում են թափառիկ հոգիների հոտերը, հավերժահարսերը՝ հիստերիկ ու չար անտառային վիուկներ: Ժողովրդական երևակայության այդ արարվածքները խղճուկ ու տգեղ են, ինչպես անչափահասի հագին՝ վերակարված հայրական հագուստը: Դրանցով բնակեցված Հունաստանը իմ մանկական երազանքների ծաղրանմանակում է թվում:

«Պետք է խոսել: Գնանք քո նավասենյակ», - առաջարկեց Չեկեին, երբ ջրահարսերի սիրահարը լքեց մեզ:

«Մրսո՞ւմ ես», - հարցրի ես:

«Կարող եմ ականջ դնել», - համարյա շշուկով պատասխանեց ևս, չնայած առանց այդ էլ վատ էի լսում նավասարքերի մեջ սուլող քամու և ձայների գվվոցի միջից:

Մեր նավը երկուսից մեծն է, այնտեղ տեղավորվել էին բոլոր հելլենասերներն ու գևդի երկու երրորդը: Նավամբարներում ծնկահար գարշահոտ ջուր է կանգնած, որը նավահանգստում ոչ ոք չէր բարեհաճել դուրս թափել. երեք հարյուր մարդ՝ հրացաններով, փամփշտատուփերով, վառողի

պարկերով ու մթերքով, փորձում էին տեղավորվել վերին տախտակամածին՝ այդ պայմաններում հևարավոր հարմարություններով: Մարսափելի աղմուկ էր: Ոչ ոք ուշադրություն չէր դարձնում մեզ: Չեկեհին հրամայեցի այդտեղ խոսել: Դժկամ ենթարկվեց ու հայտնեց՝ ինչ նախորդ օրն էի Կոլոկոտրակիի մոտ տեղի ունեցած գրույցի ժամանակ լսել ծանոթ իտալացուց: Քութահիային հետ են կանչել Ստամբուլ, նրա փոխարեն նշանակվել է Զյուհին փաշան: Նա մի շաբաթ առաջ է ժամանել Աթենք, հետևաբար մոտակա օրերին պետք է հարձակման սպասել: Նոր գլխավոր հրամանատարը կցանկանա ցույց տալ, որ հնից լավն է:

Երկրորդ լուրը շատ ավելի վատն էր:

«Ոչ մի եգիպտական դիվիզիա չի մասնակցել Աթենքի պաշարմանը,- հիշեցրեց Չեկեհին:- Զյութահիան ու Իբրահիմ փաշան թշնամիներ են, գժովել են դեռ Միսուլունգիի տակ, բայց Իբրահիմ փաշան Զյուհին փաշայի հետ թշնամություն չունի: Մի քանի օր առաջ երեք գումարտակով Տրիպոլիսից շարժվել է Աթենք: Կարծում եմ արդեն այնտեղ է»:

Նիմա հասկացա, թե ինչու էր ուզում ինձ նավախուց տանել: Այդպիսի տեղեկությունն ավելի լավ է գաղտնի պահել զինվորներից: Իբրահիմ փաշան սարսափ է ներշնչում նրանց, ինչո՞ւ ևս մեկ անգամ փորձության ենթարկել մարդկանց սերը հայրենիքի հանդեպ:

«Կներես, որ երեկ չասացի,- ասաց Չեկեհին:- Չէի ուզում անհանգստացնել ծով դուրս գալուց առաջ: Առանց այն էլ հոգսերդ շատ են: Դե, երեկ ասեի, ի՞նչ էր փոխվելու»:

«Ոչինչ», - համաձայնեցի ես, չնայած, անկեղծ ասած, ինձ անհանգստացրին նրա մտերիմ հարաբերությունները Կոլոկոտրոնիսի մարդկանց հետ: Ըստ երևույթին ակնկալում է նրա հովանավորությունը: Չեկեհին աչք ունի իմ տեղին, դրա համար էլ աչքի ընկնելու առիթ է փնտրում: Շտաբային խորհրդակցության ժամանակ, գիշերը, առաջարկեց Կրիեզոտիսի պես ճեղքել-անցնել Ակրոպոլիսը, բայց ես մերժեցի այդ գաղափարը: Կրիեզոտիսի վառողը քիչ էր, իսկ կռվի մեջ մտնել առձեռն համարյա հինգ հարյուր պարկ կրելով, կնշանակեր վտանգի ենթարկել մեր կյանքն ու ողջ գործը: Բավական էր մեկ գնդակ, որ կրակ ու մոխիր դառնայինք:

Ռուրքերը Ակրոպոլիսը շրջապատել էին խրամատների գծով, բայց տեղ-տեղ ծուլացել էին քաղել մակվիսը կամ փորել քարքարոտ հողը, կամ այն լայնության խրամատներ էին փորել, որ հավն էլ կհաղթահարեր: Մակրիյանիսն այդ բոլոր տեղերը նշել էր գծագրի վրա, որ նրան էր հասցրել իմ մարդը: Բացի այդ, ինձ մոտ է մի աթենացի փախստականի գծած տեղանքի քարտեզը: Վրան, ինչպես մանկական նկարում, պատկերված են տնակներ, այգիներ, ջրհորներ, փոքրիկ մարդկային կերպարանքներ, որոնք մրջյունի չափսի ոչխարներ են արածացնում, խնամքով գծագրված էին տարակերպ տերևներ՝ տարբեր տեսակի ծառերի վրա,- բայց այդ գեղանկարը, ինչպես և Մակրիյանիսի գծագիրը, գիշերով զուտ օժանդակ նշանակություն ունեին: Մթան մեջ հիմնականում պետք է հույս դնել ուղեկցորդների վրա:

Իբրահիմ փաշայի ժամանելը լրջորեն փոխում էր իրավիճակն ու բարդացնում մեր խնդիրը: Եգիպտական հրածիզները՝ ավստրիացի ու ֆրանսիացի սպաների հրամանի տակ, բնավ այն չեն, ինչ բոսնիացիներն ու այբանացիները՝ Քյութահիայի կամ Քյուտին փաշայի: Նույնիսկ եթե այսօր կամ վաղը գրոհ չլինի, եգիպտացիների ներկայությունը նվազեցնում է հաջողության մեր հնարավորությունները: Նրանք առնվազն գիտեն, որ պահակետում քնել չի կարելի, ինչը չես ասի նրանց զինակիցների մասին:

Ես ու Չեկեին կանգնել էինք նավակողին, դեմքով դեպի ծովը, երբ թիկունքում ինչ-որ իրարանցում սկսվեց: Հետ նայելով՝ տեսա, որ զինվորները մի հնամաշ առագաստ են ձգում տախտակամաձին, որը նրանց համար և՛ փոռց էր լինելու, և՛ ծածկոց: Տաք-տաք քննարկում էին, թե ով, որտեղ ու զլուվը որ կողմ պիտի պառկի, որ առագաստը հերիքի բոլորին, չնայած երևում էր, որ ցանկացած պարագայում բոլորին չի հերիքելու: Երկրորդ առագաստը բերեցին, բայց փռելու ձևն ավելի սուր բանավեճ բորբոքեց: Հետոն գուռակելը դժվար չէր. հիմա, ինչպես միշտ՝ հույների դեպքում, երկու թշնամի կուսակցություն կգոյանա, գումարած փոխզիջման կուսակցությունը, որը համառությամբ չի զիջում նրանց, ում փորձում է հաշտեցնել, առաջնորդներ կառաջադրվեն, փաստարկները կփոխարինվեն վիրավորանքներով ու մեղադրանքներով, ընդհուպ՝ քաղաքական: Միջամտել

անօգուտ էր: Իջա նավախուց ու բացեցի օրագիրս:

Պատուհանից այն կողմ ցուրտ էր ու խավար, բայց սեղանիս անպետք գինի, հաց, պանիր, կանաչի կա: Մատիտը չի փշրվում, գումելաստիկ ունեմ՝ անհաջող դարձվածը կամ սխալ օգտագործված բառը ջնջելու համար: Որպես ֆրանսիացի՝ պահանջկոտ եմ ոճի հարցում: Մենք ողջ կյանքում այգի ենք տնկում, որ ծեր հասակում զբոսնենք այնտեղ. իմ օրագիրը նրա ծառուղիներից մեկն է: Ձբոսանքի հաճույքը չպիտի մթազնես ո՛չ աղբը, ո՛չ չինձած խոտը, ո՛չ եղինջը՝ ցանկապատի տակ:

«Գնացեք առաջ, վստահությունը կհասնի ձեր հետևից», - աշակերտներին խորհուրդ էր տալիս դ'Ալամբերը: Տասնհինգ տարեկանում ես նշանաբան դարձրի այդ հորդորը, որն ինձ կենսական իմաստության ապօթեղ էր թվում: Եվ ահա հանեցի հիշողության խորդանոցից, փչեցի փոշին, և այն կրկին շողշողաց ադամանդե նիստերով:

Գրիգորի Մոսցեպանովի խոսակցությունը Նատալյա Բաժինայի հետ

Դեկտեմբեր, 1826 թ.

Ձեզ մոտ այդտեղ ձմեռ է, սառնամանիք, իսկ մեզ մոտ եղանակը՝ ինչպես ձեզ մոտ՝ Խաչվերացին, բայց հազվադեպ է անձրև գալիս, չոր է: Ափին՝ ոչ մառախուղ, ոչ մեզ: Ձմեռ է, ծովը սառել է ու ցրտին վրան գոլորշի չի կանգնում: Քամի կա, բայց մեծ ալիք չի անում: Տրի այդպիսի շերտը շարժելու համար տարածություն է պետք, իսկ այստեղ հորիզոնը մոտ է՝ մեկ հրվանդան, մեկ կղզի: Նայում եմ նավից՝ շուրջը պարզ, մաքուր, չնայած արդեն երեկոյանում է: Հունաստանում լինում է այդպես. լույս է հորդում, իսկ թե որտեղից՝ Աստված գիտի, ասես ամպերի տակ անտեսանելի անմար կանթեղ է կախված: Այդպիսի երկիր է:

Իսկ ժողովուրդը ամեն կարգի ժողովուրդ են, ու զինվորների մեջ էլ տարբեր մարդիկ կան: Կան, որ բանտն է նրանց կարոտում: Ծով դուրս գալուց մի օր առաջ մեզ ռոճիկ տվեցին անցած ամիսների համար, և ահա երկու հոգի գալիս են մոտս ու ասում. «Քո թագավորին Աստված առել է ու

քեզ էլ կառնի, եթե կեսը մեզ չտաս»: Լավ է, Յիկուրիսը պաշտպան կանգ-
նեց: Բոլոր փողերը տվեցի, որ պահի, Էդպես չեն կորչի:

Նա հիմա իր վաշտում է, իսկ ես նստած եմ Կոստանդիսի հետ: Հագիս
մետաքսաքանթանի խալաթ է՝ սերթուկի վրայից, չեմ մրսում, իսկ սիրտս
երբեք չի տաքանում: Ոչ մի տեղ, բացի քո մոտից և լեռնագագաթի այն
քաղաքից, ուր քնելուց առաջ բարձրանում եմ, օթևան չկա նրա համար:
Ապրում եմ, ինչպես մանկատան սոված երեխան, որ պատի ծակից ուտիճ
է քչփորում-հանում, ու՝ բերանը, ու գոհ է դրանով:

Ռուսաստանում գոնե փորձում էին իմանալ իմ գաղտնիքը, իսկ հույ-
ներին այն ընդհանրապես չի հետաքրքրում, դեռ ինձ էլ կշտամբում են
հանգուցյալ թագավորի համար: Ես եմ պատասխանատու, որ սուլթանի
դեմ չի օգնել իրենց: Աչքերս փակեցի, տեսնում եմ առավոտ է, սև կատուն
քայլում է ձյան վրայով, ասես լող է տալիս: Թաթերը չեն երևում, մինչև փո-
րը թաղվում է ձյան մեջ: Բանջարանոցիդ սնձենու ճյուղերին խաձկտիկնե-
րը սառած պտուղներ են կտցում:

Պու նոր-նոր վեր ես կացել անկողնուց, անհագնվել՝ նրանց ես նա-
յում, քնից տաքացած, կրծքերդ չկապած, թշիղ՝ բարձի հետք, ոտքերիդ՝
հին կաճյակները, ճտքերը կտրել-կարճացրել եմ, որ տանը հագնես ու տո-
տիկներդ չմրսես: Պատուհանը դեռ եղյամապատ է, նայում ես միջով ու
կկոցվում. առավոտյան ժամերգության զանգերը տվին, իսկ մի ապակին
ճաքած է, տնքում է, հոգի հանում:

Երուսաղեմ մուտքի եկեղեցու զանգը այստեղիների նման չի. սրան-
ցով ճնճողով էլ չես վախեցնի: Մեր գործարաններում թուջե կոչնակն ավելի
բարձր է գվվում: Եկեղեցիներն այստեղ ցածրիկ են, մութ, մերի հետ չես
համեմատի, բայց մեկ-մեկ երեկոները Նավալիոնում Սուրբ Սպիրիդոնի
զանգն այնպես նուրբ է ծլնում, ասես հատ-հատ պղնձադրամներ թա-
փեն քարերին, ու սիրտդ կարծես ճանկում են կատվի թաթով: Լաց լինելու
աստիճանի մեղքանում եմ բոլորին՝ և՛ քեզ, և՛ ինձ, և՛ հանգուցյալ թագավո-
րին, և՛ հույներին:

Քեզ Պերմից գրել էի, թե ոնց եմ քնելուց առաջ ծածկոցը գցում գլխիս
կամ շոջվում դեպի պատը, մատներս պարզում աչքիս առաջ, շարժում ու

մտածում, որ դրանք իմ քաղաքի բնակիչներն են, բայց հարազատներից ու ծանոթներից ոչ մեկին չէի պատկերացնում: Այնպես, ինչ-որ մարդիկ, որ սիրել են ինձ, որոնց սիրել եմ, անանուն, անդեմք: Իսկ վերջին ժամանակները մեկ մորս ու հորս եմ տեսնում, մեկ հանգուցյալ կնոջս, մեկ սպա ընկերոջս, որին ֆրանսիական ռումբը կտոր-կտոր արեց Շամպոբերի մոտ, մեկ հարևանի տղային, որ երեսուն տարի առաջ նավակից թռավ Դևեպրն ու դուրս չլողաց, հետո նրանց ու նրանցպեսներին հանդիպում եմ իմ քաղաքում: Շրջում են փողոցներում կամ խմբվում հրապարակում, հարյուր հոգի, բոլորը մեռած: Ձեռքով են անում, կանչում իրենց մոտ:

Ցիկուրիսն ասում է՝ դա դեռ ոչինչ, ավելի վատ է, եթե նրանց մեջ կա մեկը, որը որտեղ էլ կանգնի, արևի տակ, թե մթան մեջ, լույսն ու ստվերը պուտերով են ընկնում վրաս: Այդ պուտավորը Զարոնն է, առաջ նավակով էր մարդկանց մառախլապատ գետով տեղափոխում ելիսեյան դաշտեր, իսկ հիմա չես հասկանում ով է՝ թաղային գերեզմանոցի պահա՞կ, թե՞ մահվան թագավորի ֆելդեգեր, թե՞ հենց մահն ինքը:

Իսկ որ լույսն ու խավարն էլ փոխնիփոխ են իջնում վրան, դրանով մեզ սփոփանք է տալիս, թե այն և այս աշխարհների միջև տարբերությունն չկա, ամեն տեղ նույնն է: Ինձ դեռ ոչ երագում է հայտնվել, ոչ նախաքնի երագանքներում: Ուրեմն դեռ կապրենք:

Գիշերվա դեմ Ֆայերոնում կլինենք: Կիջենք նավերից ու մթով կշարժվենք Աթենք, դեպի ամրոցով լեռը, որի նկարը քո պատին է, եթե մնացել է: Զինվորներն ասում են՝ չենք բարձրանալու, վառողի պարկերը կշարենք ժայռի տակ, հույներն իրենք կբարձրացնեն վերև, իսկ մենք մինչև առավոտ նավ կվերադառնանք, բայց դրան այնքան էլ չեմ հավատում: Մենք անտեսանելի գլխարկներ չունենք. կարելի՞ էր ասել, որ հինգ հարյուր մարդ մտնի քաղաք, ու ոչ մի ժամապահ տազնապ չբարձրացնի, ոչ մի շուն չհաչի:

Բայց, դե, դեկավարության որոշելիքն է, իսկ ես մի դեպք հիշելով՝ լավի հույս ունեմ: Առաջ իմ կյանքում կատարված շատ բաների մեջ հիմա կատարվողի բացատրությունն եմ գտնում, և որքան վաղուց է առաջինը, այնքան երկրորդը ստույգ է:

Ես ու եղբայրս դեռ երեխա էինք, Կիևում էինք ապրում: Մի անգամ մի ջրածիծառ թռավ մեր տան վրայով, ու,- քամին քշեց, թե աչքերը մթնեցին,- թևով դիպավ հողմացույցին ու ընկավ տանիքին: Մատվեյը դուրս եկավ ձեղնահարկով ու թռչունը բերեց ինձ: Մտածում էինք՝ թևն է կտորել, բայց շոշափեցինք՝ երկուսն էլ անվնաս են: Դրեցինք խոտին, հետ քաշվեցինք, որ չվախենա. իսկ նա պառկել է, նույնիսկ թաթերին չի կանգում: Ուտքերը ստուգեցինք. ամեն ինչ կարգին է: Կարող էր, իհարկե, հարվածից ներսում որևէ բան պոկած կամ վախից թռչնային ուղեղը խախտված լինել, բայց աչքերին նայեցի՝ սպիտակ փառ չի կապել, ինչպես հիվանդ թռչուններինը, սուր է նայում, ծակող: Իսկ թռչել չի ուզում: Հետո արդեն հարևանի աղջիկն ասաց, որ ջրածիծառները գետնից թռչել չգիտեն, պիտի բարձրությունից թողնեն, այդ դեպքում կթռչի:

Երեքով գնացինք Ղևեպրի ափը, կանգնեցինք դարավանդի գլխին ու չենք համարձակվում ցած նետել թռչունը: Փափուկ սիրտ ունեինք ես ու եղբայրս, սարսափում էինք, որ կջախջախվի: Աղջիկը վերցրեց, կանգնեց զառիթափի ծայրին, կարգադրեց որ գոտկատեղից բռնենք ու ամուր պահենք, կռացավ, ջրածիծառին բռնած ձեռքերը պարզեց, բացեց մատներն ու նրան թողեց անդունդը: Թռչունն ընկնելով՝ թաքտաց օդում, թևահարեց, հրվեց օդից ու թռավ-գնաց, շնորհակալություն էլ չհայտնեց:

Ջրածիծառը ծիծեռնակի եղբայրն է, նրանք ու մեկ էլ աղավնին Աստծու ամենասիրելին են, և եթե նա այդպես է արել, որ ջրածիծառը միայն անկման մեջ ճախրի երկինք, իսկ հարթ տեղից՝ ոչ, մեղք չի՞ արդյոք ինձ ու քեզ համար բողոքել Նրանից, թե Սիգովին թույլ է տվել ինձ բանտ գցի, որտեղ կորցրել եմ կյանքի առաջնային բարիքը՝ առողջությունս: Եթե չլինեին իմ դժբախտությունները, մի՞թե այստեղ կլինեի: Ուղիւն, որով երկրային խորխորատներից հասել եմ այս նավն ու կհասնեմ Աթենք, ոչ մեկն առանց վերին առաջնորդության անցնել չի կարող:

Աթենք

Կոնստանտին Կոստանդին: Թափառիկ բժշկի նոթերը

Դեկտեմբեր, 1826 թ.

Ես անկարող եմ նկարագրել կյանքը իր ողջ կոպիտ պարզությամբ: Հենց գրիչը հայտնվում է ձեռքիս, կյանքի և իմ միջև, ինչպես երեխայի և կեցության անանց սարսափի արանքում, կախվում է կիսաթափանցիկ վարագույրը, որն ինձ խանգարում է տեսնել մարդկանց ու հանգամանքները այն պարզությամբ, որով տեսնում եմ իմ հիվանդներին ու նրանց հիվանդությունները: Այն ամենը, ինչի մասին գրում եմ, նման է դիմանկարին մի մարդու, որը նկարչին բնորդել է մոծակի ցանցի հետևից, սակայն տեսողության անհստակությունը և որպես հետևանք՝ վրայի վառ բծերով առանձնացող բուն կտավի թափանցիկությունը բավական հստակ պատկերացում են տալիս, թե ինչպես եմ ընկալել լույս դեկտեմբերի 5-ի գիշերը մեզ հետ կատարվածը, երբ ավի իջանք Ֆալերոնում:

Ափիանումից չորս ժամ առաջ ես ու Մոսցեպանովը նստած էինք տախտակամածին: Մեջքով հենվել էի նավակողին, որ խուսափեմ քամուց: Ցիկուրիսը, արդարացնելով Ֆաբիեի վստահությունը, չէր հեռանում իր վաշտից, իսկ նրա աշակերտն ու բաժակակիցը միացել էր ինձ: Բերանից ցցվել էր չվառած ծխամորճը: Կրակ վառելն ու ծխելը արգելված է: Մեր բեռի վրա ընկած մի պատահական կայծից բոլորս, նավի հետ միասին, կարող էինք օդ թռչել:

Ֆաբիեն կանգնեց կողքիս:

«Իբրևաիմ փաշան Աթենքում է,- ասաց ականջիս՝ գլխով անելով ննջող Մոսցեպանովի կողմը, իբր՝ թող չիմանա:- Մա նավի վրա, պետք չի, որ գաս մեզ հետ»:

Նրա տազնապը փոխանցվեց ինձ, բայց հասկանում էի, թե Իբրահիմ փաշան ինչով է սարսափելի Քյութահիայից: Եթե թուրքական ուղեկալները հայտնաբերեն մեզ, նրա ողջ զորավարական արվեստը անօգուտ կլինի անկառավարելի գիշերային մարտում՝ մակվիսի դաշտում կամ քաղաքային արվարձաններում: Այդպիսի մարտերում ամեն ինչ վճռում են պատահականությունն ու ճակատագիրը, իսկ ուժն ամեն դեպքում մեր կողմը չէ:

«Մնա՛,- կրկնեց Ֆաբիեն:- Ավելի հանգիստ կլինեմ»:

Ես ասացի, որ կզնամ բոլորի հետ, ու վեր կացա: Ուզում էի մի անգամ էլ տեսնել Ատոիկայի ափերը, մինչև կթաքնվեին մառախուղի մեջ: Դիմացը գորշ ծխապատի պես կանգնել էր Կոլիադայի գագաթը: Երկու հազար տարի առաջ նրա ստորոտին էին կառանվել Թեմիստոկլեսի ջախջախած պարսկական նավատորմի մնացորդները:

Թուրքական նավատորմը կանգնած է Պիրոսում: Երբ երեկոյան ժամը տասնմեկին մեր երկու նավերը մտան Ֆայերնյան նավահանգիստ, այն դատարկ էր: Մակրիյանիսի խոստացած ուղեկցորդները մեզ սպասում էին ափին ու լապտերով նշան արեցին, որ ամեն ինչ կարգին է, կարելի է իջնել:

Ես ու Մոսցեպանովը հայտնվեցինք առաջին իսկ ջուրն իջեցրած մակույկում և առաջինն էլ ափ իջանք. հենց նավաքթին էինք նստած: Ծովում, անդրադառնալով ջրից ու ցրվելով օդում, թույլ առկայծում էր երկնալույսը, իսկ ցամաքում այնպիսի խավար էր, որ ճնշում էր ակնախնձորների վրա: Սպիտակին էին տալիս միայն ծովային աղի հետքերը քարերին, բայց մինչ բարձրանում էինք ծովեզրյա դարիվերը, ամպերի տակից դուրս նայեց թուրքերի դաշնակիցը՝ լուսինը: Կրճոտած, լղզված աջ եզրով սկավառակն անհաջողությամբ էր սպառնում այդ գիշերվա մեր բոլոր ձեռնարկներին:

Ուղիղ իմ առաջ մի խոտածածկ պարապուտ տեսա՝ կիսված բացգույն կրաքարով սալած ճանապարհով, որի եզրերը կերել էին հողն ու խոտը, ինչպես երկրի ստվերը՝ լուսինը: Գունատ քարաշերտը երևում էր ավելի հեռվից, քան դաշտի շուրջը ձգվող մակերևույթը: Թվում էր՝ երկուերեք տասնյակ քայլի վրա ճանապարհը կտրվում է գետնից և այդուհետև անցնում օդով: Ավելի հեռվում ու բարձր առկայծում էր երկու թույլ կար-

միր կրակ: Ազդանշանային խարույկներն էին: Ակրոպոլիսի պաշտպանները մեզ համար որպես ուղենշան էին վառել: Խարույկները պատված էին ընդհանուր լուսապսակով և այնքան բարձր ու այնքան իրար մոտ էին, որ մեկ երկնային մարմնի տպավորություն էին ստեղծում՝ երկատված տեսողական խաբկանքով: Պիտի ուղղություն պահեինք նրանց վրա:

Ծովն այդտեղ Աթենքին մոտենում է ավելի, քան որևէ այլ տեղ: Ակրոպոլիսը ցերեկով երևում է ափի ցանկացած կետից: Ֆալերն ու Յասոնը այստեղից են լողացել ոսկեգեղմի հետևից՝ Կոլխիդա, Մենեսթեոսն ու Ագամեմնոնը՝ Տրոյա, Թեսևսը՝ Կրետե: Ինձ մանկուց ծանոթ անունները ոչինչ չէին հուշում, բացի իմ ներկա կյանքում դրանց անտեղիությունից:

Հայտնվեց Ֆաբին՝ իր շտաբով, համհարզներով և անձնական թիկնազորի ուղղափառ այբան-սուլիացիներով: Բոլորը, ինչպես և ես ու Սոսցեպանովը, ասիական խալաթներով էինք, որ երթի պատահական ակա-նատեսները մեզ թուրքի տեղ ունեն:

«Հին Հելլադայում ամենաարժանավոր քաղաքացիներին թաղում էին ճանապարհների երկայնքով: Ճանապարհորդները տապանագրերը կարդալով՝ հիշում էին նրանց,- մոտենալով՝ ասաց Ֆաբին՝ ինձ հաճելիորեն զարմացնելով նրանով, որ այդպիսի պահին մտորում է նման բաների մասին, ուրեմն ես էլ անհանգստանալու բան չունեմ:- Եթե այսօր զոհեր ունենանք, հետագայում նրանց պետք է թաղել այստեղ»:

«Մենք քրիստոնյաներ ենք,- նկատեցի:- Քրիստոնյաները հանգուցյալների համար գերեզմանատուն ունեն»:

«Դրանք ինչո՞վ են լավ ճանապարհներից», - հետաքրքրվեց նա:

«Նրանով, որ հողն այնտեղ սրբազործված է», - խոսակցությանը միջամտեց Սոսցեպանովը, բայց պատասխանի չարժանացավ:

Ֆաբին հանեց Մակրիյանիսի պատրաստած գծագիրը: Նրա մարդկանցից մեկը լապտերը մոտեցրեց թղթին, սկսեցին ճշտել շարժման երթուղին: Երեքն էլ թուրքի պես էինք հագնվել ու խոսքի մեջ թուրքերեն բառեր էին օգտագործում: Ալեքսանդրիայի հույներն այդպես չեն խոսում, իսկ մայրս հորս ազդեցությամբ այդ ատտիկյան սովորությունից դեռ իմ ծնվելուց առաջ էր ազատվել:

ԼԵՆԻՆԻ ՅՈՒՋԵՖՈՎԻՉ

Լուսինը չէր անհետացել, միայն ժամանակ առ ժամանակ մթնում էր վրայով փերթ-փերթ սահող ամպաքուպներից: Օգոստոսին, Էլևսինից Աթենք ճանապարհին չէի նյարդայնանում բացառապես անփորձության պատճառով: Թուրքական հեծելազորի հարձակման ժամանակ ծերուկ Քարոնն իմ կողքով էր անցել, բավական մոտ, որպեսզի ճանաչեի նոր հանդիպման ժամանակ:

Սպասերը սկսեցին շարել մարդկանց: Ես ու Մոսցեպանովը կանգնեցինք հելլենասերների հետ ու միայն հիմա հիշեցինք նրա պայուսակում պահվող հաստ դեղին կտորի երկու շերտերի մասին. դեռ Նավպլիոնում էին տվել մի բուռ քորոցների հետ, որ գլխներինս փաթթոցի պես մի բան սարքենք: Եթե որևէ թուրք նկատի, մեր ուրվագծերը ոչ մի կասկած չպիտի հարուցեն: Ես Մոսցեպանովի համար փաթթոց կապեցի, նա՝ իմ:

Շարայունն անաղմուկ շարժվեց ու շարունակում էր նույն կերպ անձայն քայլել: Ո՛չ խոսակցություն էր լսվում, ո՛չ հայիռյանք ու ծիծաղ, ո՛չ խիտ զորաշարքում անխուսափելիորեն իրար խփվող զենքի ու հանդերձանքի մետաղյա մասերի զևզոց: Մոսցեպանովը սապոզներով էր, բայց վրայից լաթեր էր փաթաթել, պայտիկները չէին զևզում քարերին: Ճանապարհի երկու կողմով քամուց ալիքվում էր չորանալուց անկշռելի դարձած խոտը:

Մինչև Ակրոպոլիս հինգ վերստ էր: Վառողը պիտի դատարկեինք հյուսիսային՝ ամենաբարձր և ուղղաբերձ լանջի տակ: Հյուսիսից Ակրոպոլիսն անմատչելի է, այստեղից արտելք կազմակերպելը նույնպես անհնար է: Այդ կողմից թուրքական խրամատներ չկան, պահակետեր չեն դրվում: Տեղիս աղքատ հյուղակներն ավար չեն դառնում զորքին, թուրքերն այստեղ չեն հայտնվում:

Չախից ճերմակ բծերով լողացին տների պատերը: Մարդու կացարանի հոտ եկավ, այգիներում քամին այնպես չէր աղմկում, ինչպես ծովեզերքի սոճիների մեջ, բայց ոչ մի տեղ լույսի նշույլ չէր երևում: Շների հաչոց էլ չէր լսվում: Ուղեկցորդները խոստացել էին, որ շները մեզ հաստատ չեն մատնի թուրքերին, ու չսխալվեցին: Համարյա բոլոր շները տերերի հետ լքել էին Աթենքը կամ նրանց հետ նստած էին Ակրոպոլիսում, եթե պաշարման հին-

գերորդ ամսում արդեն բոլորին չէին կերել: Մնացածը խելամտորեն լռում էին՝ սեփական փորձով համոզվելով, որ զավթած քաղաքում լավ պահակներն առաջինն են զոհվում. դիակապուտները չէին ինսայում նրանց:

Ուղեկցորդները միշտ շարասյան գլխին էին, իսկ Ֆաբիեն հետ մնաց ու քայլում էր իմ կողքով՝ պատմելով, որ ժամանակին Ֆալերոնից Աթենք ճանապարհն անցնում էր Իտոնի դարպասներով:

«Պապսանիոսի գործերո՞ւմ ես կարդացել», - կռահեցի ես:

Նա անտեսեց իմ հարցն ու շարունակեց. «Այդ դարպասների մոտ էր ամագոնուիի Աստիոպեի տապանաքարը: Նա սիրահարվել էր Թեսևսին ու դավաճանել ընկերուհիներին, երբ նրանք պաշարել էին Աթենքը, ինչի համար մեկ այլ ամագոնուիի՝ Մուլպադիան, սպանել էր նրան որպես դավաճանի, ապա սպանվել Թեսևսի ձեռքով: Աթենացիները երկուսին էլ հուշարձան էին կանգնեցրել. Մուլպադիային՝ պարտքին հավատարիմ լինելու, Աստիոպեին՝ սիրո ուժի համար, որը ստիպել էր անտեսել պարտքը: Մեր ժամանակներում դա անհնար է: Մակրիյանիսի կինը թրքուհի է, բայց պատկերացրո՞ւ որևէ մոլեռանդ հայրենակցուհի մորթի նրան դավաճանության համար ու վճարի կյանքով: Մի՞թե թուրքերը արձան կկանգնեցնեն ուրացողին: Երբե՞ք: Ինչպես և հույները՝ մարդասպանին»:

Ուզում էի ասել, որ աթենացիներն ու նրանց միկրծքանի հակառակորդները պաշտում էին նույն աստվածներին, բայց նա արդեն հեռացել էր: Շարասյունը կանգ առավ: Չինվորների մոտ մեկ երրորդը մնաց տեղում, մյուսներն ու հելլենասերները շարժվեցին առաջ: Կողքիս ինչ-որ մեկը ենթադրություն արեց, որ եթե թուրքերը հայտնաբերեն մեզ ու փորձեն կտրել ծովից, մնացածները թիկունքից կխփեն նրանց: Մնացողներն իրենց պարկերը մեզ էին տվել: Մինչև այդ Մոսցեսպանովը թեթև էր քայլում, նրա պարկը տանում էր Ցիկուրիսը, բայց հիմա ստիպված էր ուրիշի պարկը վերցնել:

Երկու ամագոնուիիների տապանաքարերը վաղուց անհետացել էին, Իտոնի դարպասները՝ նույնպես: Քաղաքը կծկվել էր. հին պարիսպները, եթե պահպանվեին մինչև մեր օրերը, մեծ կլինեին նրան, ինչպես ճերուտուն՝ ուժերի ծաղկման շրջանում կրած հագուստը: Թուրքերի կառուցած

ամրությունները, որ Մակրոյանիսը հապճեպ ևորոգել էր, Կոլոնակիի կողմից մոտենում են Ակրոպոլիսին, ինչպես հույները կոչում են Օդեոնը, բայց դրանց չհասած՝ դուրս եկանք ճանապարհից: Գիտեի, որ Ակրոպոլիսը մերկ բլուրներ են շրջապատում, բայց դրանց արանքում տեղ-տեղ մացառուտներ էին երևում: Այստեղ էլ այդպես էր. իծաշարուկ, իրար ծոծրակի նայելով՝ ձգվեցինք մակվիսը հատող մի քանի նեղ կաճանով: Դրանք մեկ միանում էին, մերթ բաժանվում, սակայն բլուրը տանում էին նույն ուղղությամբ: Մոսցեպանովն իմ առջևից էր քայլում, խփվում էի նրան, երբ կանգ էր առնում՝ ուղքով շոշափելով կաճանի անհարթությունները կամ դուրս պրծած արմատները: Հեշտ չէր խեղված ուղքով մթության մեջ քայլել այդպիսի տեղանքում, այն էլ՝ բեռով, բայց նրանից տրտունջ չստեցի: Վառողի պարկը մեջքին էր, աջ ուսից կախված էր հրացանը, ձախից՝ քաթանե պարկը՝ ուտելիքի ու գինու մեր ընդհանուր պաշարով: Այն ինձ ուղեցույց աստղ էր ծառայում, ինչպես գիշերով եղջերվածագին՝ եղջերու-մայրիկի սպիտակ հետույքը:

Կաճանը ավելի ու ավելի կտրուկ էր բարձրանում լեռը: Մացառուտը կրկին անհետացավ. լանջին ցրված քարերը ստիպում էին, որ ամեն մեկն ինքը ընտրի իր ճանապարհը: Ակրոպոլիսի ազդանշանային կրակները տեղաշարժվել-մոտեցել էին երկնակամարի կենտրոնին. այդպես երկրի պտույտն է տեղաշարժում երեկոյան հայտնված աստղաբույլերը: Մի պահ, գլուխս բարձրացնելով, դրանցից մեկը չտեսա ու հասկացա, որ ոչ թե ձուլվել է մյուսին, այլ անցել ժայռի հետևը: Ստորոտը հանկարծ հայտնվեց աչքիս առաջ: Սոտավորապես հասակիս բարձրության վրա ժայռը լուծվեց խավարում, սակայն գլխապտույտ բարձրությունը ենթադրվում էր հիմքի հզորությամբ: Վաղ անցյալում այստեղից ցած էին նետվում ինքնասպանները:

Առջևից քայլողները դանդաղեցրին ընթացքը: Բարձունքում առկա-ծեցին ջահերի կրակները: Պաշարվածները նկատել էին մեր մոտենալը, բայց թե ինչպես են բարձրացնելու վառողի պարկերը, հանելուկ էր: Գետնուղու մասին միտքը մերժեցի ժայռի միջով փորելու անհնարինության բերումով. դեպի թուրքական խրամը Խորմովիտիսի փորած գետնու-

ղիներն անցնում էին ժայռի ստորոտը ծածկող հողի շերտով: Ճիշտ է, վաղ անցյալում Էրեքթեոնից Արտեմիսի տաճար հյուսիսային լանջի տակով գաղտնի անցք կար. դրանով, զրում է Հերոդոտոսը, պարսիկները, մտնելով բևակիչներից լքված Աթենք, բարձրացան Ակրոպոլիս, բայց մտքովս չէր անցնի, որ այն հասել է մեր օրերը, մինչև որ Մոսցեպանովի հետևից չմտա այնտեղ, ուր զինվորներն իջեցնում էին վառողի պարկերը, ու չտեսա երկու տասնյակ մարդկանց՝ առանց զենքի և հազված ոչ այնպես, ինչպես մենք, առանց խալաթների ու փաթթոցների: Ֆաբիեն կիսածայն ինչ-որ բան էր բացատրում նրանց, երկուսը, ավագի իրավունքով, նույնպես խլածայն պատասխանում էին: Թե ովքեր են ու որտեղից էին հայտնվել, հուշում էր երկու ժայռաբեկորների արանքում բացված նեղ անցքը, որը, ըստ երևույթի, մինչ այդ ծածկված էր եղել ճիմով ու քարերով: Այնտեղ մուրձն ավելի թանձր էր, քան դրսում:

Ես նետվեցի Ֆաբիեի մոտ ու զգուշացրի, որ այստեղ ինչ-որ բան այն չէ, մեզ դավաճանել են, թուրքերը չէին կարող չիմանալ այդ անցքի մասին: Նա լուռուժուն չէր կողմ քաշեց ինձ, իսկ մեր կողքին կանգնած Չեկեին ասաց. «Պատերազմի սկզբում թուրքերը լցրել են, ու չգիտեին, որ մաքրվել է: Մակրիյանիսը երկու ամիս է ծախսել դրա վրա»:

Հինավուրց գետնուղին, որի ներսում հևարավոր էր միայն մեկական շարժվել, սկսեց կոչ տալ Խորմովիտիսի մարդկանց, բայց այն երկուսը, որ բանակցություններ էին վարում, մնացին դրսում: Չեկեին նրանցից մեկին տվեց վառողի պարկը, որը փոխանցվեց ժայռի մեջ անհետացած յուրայիններից մեկին, վերջինին նրանցից, որ, ինչքան հասկացա, շղթայածն ձգվում էին դեպի ամենավերը:

Շուտով ջահերը վերևում մարեցին: Ըստ երևույթին հանգցրել էին անվտանգության համար, երբ առաջին պարկը հասել էր գագաթին: Պարկերի մոտավոր թիվն իմանալով ու տեսնելով, թե ինչ արագությամբ են անհետանում գետնի տակ, հաշվեցի, որ ամբողջ գործողությունը երկու-երեք ժամ կտևի: Եթե թուրքերն այդ ընթացքում մեզ հայտնաբերեն, կհասցնենք մթնով վերադառնալ Ֆալերոն:

Ցիկլոպիսն իր վաշտով ու Չեկեին հելլենասերների մեծ մասի հետ

անցան մարտական պահպանության, մյուսները ցրվեցին լեռնալանջին՝ հանգստանալու ու վերադարձից առաջ մի կտոր բան ուտելու: Ես ու Մոսցեպանովը առաջվա պես երկուսով էինք: Օգնականս վախեցել էր լողալ Ֆալերոն ու Լախորեին հիվանդ էր ձևացել, ուրիշին գտնել չհասցրի ու ծանրաբեռնվեցի վիրակապերի արկղով, սպիրտի շշերով, յոդով, կարբոլաթթվով, բայց չազատվեցի ևսև սեփական բժշկական պայուսակից, ուստի ևսվի վրա Մոսցեպանովին տվեցի վերցրած ուտելիքը: Հիմա ևս բացել էր տոպրակը, իմ արկղի վրա դասավորել հաց, ոչխարի պանիր, տապակած հավի միս: Իր համար մեկական կտոր կտրեց այդ ամենից ու դանակը փոխանցեց ինձ՝ ասելով, «Թուր չկա, գոնե դանակ լինի»: Ըստ երևույթին ևկատի ուներ, որ եթե բանը հասնի ձեռնամարտի, դա իր գեներն է լինելու:

«Լա՛վ, դուք էլ,- ոչ այնքան բնական՝ նման վիճակներում փրկարար թեթևամտություն պատկերեցի:- Նավ կբարձրանանք ու վաղը երեկոյան տանը կլինենք»:

«Տունը սարերի հետևում է, մահը՝ թիկունքում»,- պատասխանեց ևս տխուր ժողովրդական ասացվածքով, որն ինձ ստիպեց փշաքաղվել: Որոշ պահերի բազմապատիկ օգտագործումից բթացած իմաստությունը ստանում է Լախնական սրությունն ու խոցում սիրտը:

Սկսեցինք ճաշել: Մոսցեպանովի պատմությունների ուղեկցությամբ, թե ինչպես է ստիպված աղի փոխարեն վառողով ձիու միս կերել կովի ժամանակ, ևսև հունական հավի մսի, չխոսելով արդեն ռուսականի մասին, թե որքան լավն է ձկից, որի մեծ սիրահար չի: «Կռվում եղել եմ, բայց չեմ վիրավորվել,- հիշում էր ևս:- Մատներս հրասայի անիվն է ճզմել, իսկ ամբողջ մարմնիս վրա երկաթի ոչ մի հետք չկա: Մարմնիս մաքուր է: Միայն ձախ կոպիս մի փոքրիկ սպի ունեմ, ինչպես ծաղկախոտից: Չորս տարեկան եմ եղել, դայակս այգում ևստացրել է գիշերանոթին, մի կտոր հաց է տվել՝ վրան մուրաբա քսած, ու գնացել իր գործերով: Մուրաբան լայտել եմ ու հացը ծամելով՝ Լայելիս եմ եղել, թե ոնց են հավ ու աքլոր քուջուջ անում: Աքլորը սկսել է ձեռքիս հացը կտցել: Ձեռքս բարձրացրել եմ, որ նրան չհասնի, տեղս ևստած՝ ճչացել, մայրիկին եմ կանչել: Աքլորն եղպես էլ հացին չի հասել ու չարությունից կտցել է աչքս: Լավ է, որ կոպին է դիպել»:

Հավի մսի՞ց էր միտքն անցել աքլորին, թե՞ շարունակում էր պտտվել թուրքերի հետ հևարավոր հանդիպման շուրջը, որի դեպում նրա մաքուր մարմնին շատ ավելի սարսափելի բան էր սպառնում, քան աքլորի կտուցը:

«Ո՞ր ականջիս մեջ է զնգում», - հարցրեց Մուստեպանովը:

«Ձախ», - ասացի:

«Չգուշակեցիք,- մի քիչ միտք անելով՝ որոշեց նա:- Ուրեմն դուք եք հավաքելու»:

Տոպրակի մեջ դրեցի ուտելիքի մնացորդները, վեր կացա ու վերադարձա վառողի պարկերի մոտ: Պակասել էին, բայց իմ հաշվարկներից դանդաղ էին նվազում: Հանգուցյալ թագավորն էլ այդ կարգի թվաբանության թուլություն ուներ: Բոլոր ուղևորությունների ժամանակ, հատկապես վերջինի՝ դրիմյանի, ցանկանալով ստույգ իմանալ, թե որտեղ կլինենք վաղը կամ մի շաբաթից, երեկոները մատիտը ձեռքին գումարում ու բազմապատկում էր վերստերը, ժամերը, օրերը, շատ էր տխրում, երբ կյանքը հերքում էր իր հաշվարկները, բայց հավատում էր, որ պարզապես սխալ է թույլ տվել ու հաջորդ անգամ ամեն ինչ ճիշտ կհաշվի: Ես այն ժամանակ չէի հասկանում, որ փորձում էր ընտելացնել ապագան, որից սարսափում էր:

Երկինքը համարյա մաքրվել էր, աստղալույսը մեզի պես կանգնած էր օդում: Մի քանի զինվոր, լեռնալանջի քարերի արանքում խուսանալով, ստորգետնյա անցքին էին մոտեցնում հիմնական խմբից առանձին դրված պարկերը: Միայն նրանց ուրվագծերն էի տեսնում, և այդ ստվերների պարի ողջ ֆանտաստիկությամբ հանդերձ,- լեռան ստորոտում, որի գագաթը պսակում էր Եվրոպայի մեծագույն սրբություններից մեկը, տասը հազարանոց թուրքական բանակի հարևանությամբ, որ ցանկացած պահի կարող էր դուրս արձնել խավարից,- այդ իրավիճակում տեղի ունեցողի սովորականության տարօրինակ զգացում պատեց ինձ: Հաջորդ վայրկյանին հասկացա պատճառը: Ուղեղս բնազդով պաշտպանվում էր վախից ու ներշնչում իրեն, որ մահը քիչ հավանական է, քանզի առանձնակի ոչինչ չի կատարվում:

Չգիտեի՝ Ֆաբիեն հատկապես երբ գործն ավարտած կհամարի ու կորոշի վերադառնալ, իսկ հարցնել չէի ուզում: Նա իր խաղերն ունի

ճակատագրի հետ: Ինչպես շատ աթեիստներ, հավատում է ճակատագրին ու թաքուն հույս ունի, որ բարեհաճ կլինի իր հանդեպ, քանի դեռ ինքը բանի տեղ չի դնում իր կյանքը:

Փորձեցի կողմնորոշվել ու հասկանալ, թե որ կողմն են Ֆալերոնս ու ծովը, որտեղ՝ Օդեոնը, Արեոպագոսը, Աթենքի կենտրոնական թաղամասերը: Ես այդ քաղաքի մասին գիտեի ամեն ինչ, որ հնարավոր էր կարդալ հին հեղինակների գործերում, բայց մակույց տեսել էի մորս աչքերով, ինչպես Ալեքսանդրիան՝ հորս: Ալեքսանդրիական շուկաների, մզկիթների, լումայափոխի կրպակների շերտի տակ նա տեսնում էր Պտղոմեոսյանների մայրաքաղաքը, իսկ մորս համար հայրենի քաղաքը հյուսված էր Միխայիլ Ակոմիսատի երգերից ու նրա մարած վեհության համար հեղված արցունքներից. «Քո փառքը լեռներ էր շարժում, իսկ հիմա խաղում է միայն ամպերի հետ: Օ՛, իմաստության մայր, ո՞րն են քո գանձերը: Ո՞րն է չքացել գեղեցկությունը: Ինչո՞ւ այստեղ ամեն ինչ կործանվել ու վերածվել է ավանդությունների...»:

Սկսեցի մրսել: Տաքանալու համար հետուառաջ էի քայլում, ու քայլերի ռիթմով կրկնում տրտունջը մարդու, որը տառապում էր կյանքում երբեք չտեսածի հետ բաժանումից. «Սեղուները լքեցին Գիմետան... Կալիբոնն այլևս չի խոխոջում...»:

Հասնելով վերջին՝ տորից էի սկսում: Եվ ամեն սկզբի հետ բուն բաների գեղեցկությունը կարևոր էր դառնում դրանց արտահայտած վշտից, տրվեցի նրանց հոսքին, որն ինձ քշեց այն երջանիկ ժամանակները, երբ արցունքները, որ ինձնից՝ տասնամյա տղայից քամում էին, կրթում էին իմ սիրտը:

Այդ երանելի վիճակից ինձ հանեց մոտիկ պայթած հրացանի կրակոցը:

Քիչ անց՝ երկրորդը, երրորդը:

Լսվեց ինչ-որ մեկի խուճապահար աղաղակը. «Թուրքե՛րը»: Չիկվորների մի մեծ խումբ հետ թռավ ժայռից: «Կանգնի՛ր: Հե՛տ» բղավոցների ու փախչողների ոտքերի տակ խճաքարի խշռոցի միջով լսում էի հրացանների լիցքավորվման ձայները: Մոսցեպանովը նույնպես ուսից իջեցրեց

հրացանը, բայց մեր կողքով վազող Ֆաբիեն խփեց ձեռքին: «Չկրակե՛լ: Չկրակե՛լ»,- գոռում էր նա:

Սի քանի ձայն կրկնեցին նրա հրամանը, և ամեն ինչ խաղաղվեց: Աշխարհը շուրջը համրացավ, ասես բոլորս հանկարծ հայտնվել էինք ջրի տակ: Ինձ քաշեց ջրապտույտներից մեկը: Չգիտեմ՝ ինքնուրույն էին շարժվում, թե ենթարկվելով սպաների հրամաններին, որոնք խլանում էին ականջներիս մեջ հնչող արյան խշշոցից:

Ես անմիջապես տրվեցի խուճապին, և հաջորդ տասը րոպեներին, չնայած, զուցե և քսան կամ, հակառակը, հինգ րոպեներին, անում էի նույնը, ինչ մյուսները,- քայլում էի, երբեմն վազում, եթե առջևից կամ հետևից վազում էին: Դեմքիս խփվող ճյուղեր, ստվերների ու լուսնալույսի բծերի խելահեղ պար՝ ուրիշ ոչինչ: Երբ նորից հայտնվեցին ձայները, վախեցնող բարձր էին, ինչպես թիթեղյա խուփի տակ: Խճաքարի խշրտոցը տառապագին խփվում էր ականջներին: Ալիք-ալիք լսվում էր ոտքերի խուլ թփթփոցը: Բազմագլուխ-բազմատո գազանը սարսափահար սլանում էր մացառուտով: Ես նրա մի մասն էի ու տեղի ունեցողը գիտակցում էի բանականության նույն աստիճանով, որ կարող էր ունենալ իմ մատը կամ հողը:

Սակվիսում պտույտ անող կաճանները սկսեցին միանալով մեկ հունի մեջ: Դրա հետ ընդարձակվեց ժամանակը, որի մեջ ապրում էի, և ներկայի հետ բացվեց մոտ ապագան: Պարզ ասած, ինձ վերադարձավ իրավիճակը գոնե կես ժամ առաջ գնահատելու ունակությունը:

Ուր որ է դուրս էինք գալու Ֆալերոնի ճանապարհը: Եթե թուրքերը հետապնդեն ու փորձեն խանգարել նավ բարձրանալուն, նավային հրանոթները հետ կքշեն նրանց: Բաց տարածության մեջ սիփահիներն ի վիճակի չեն դիմանալու նույնիսկ չնչին հրետանային կրակին:

Սիայն հիմա պարզեցի, որ այդ ամբողջ ընթացքում ինձնից երկու մարդ առաջ գնում էր Մոսցեպանովը: Վազելիս սապոզների լաթերն արձակվել էին, պայտիկները զնգացին քարերին, երբ հետ թռավ՝ բաց թողնելով ընդառաջ ելած Չեկեիին: Ես իմ հերթին առաջ թողեցի Ֆաբիենին, որն անսպասելի հայտնվեց ու հրեց հետևից: «Սիփահիները,- շնչակտուր գեկուցեց Չեկեին,- Շատ են ու դեռ գալիս են»:

Սիրտս թպրտում էր, բոլոր երակներս վազքից լայնացել էին, իսկ ուղեղիս անոթները, հակառակը, սեղմվել: Աչքերս կայծկլտում էր, ինչպես ուժեղ գլխացավից առաջ: Անորսալի ալիքները, արևից շիկացած ավազից բարձրացող օդի շիթերի պես, կրճատում էին տեսադաշտը, ու հասկացա, թե Զարոնի դեմքն ու հագուստը ինչու են պուտավոր, լուսանի մորթու պես: Պուտերը մորթու վրա չեն, այլ նայողների աչքերում:

Շառլ-Անտուան Ֆարիե: Ապստամբի օրագիրը

Դեկտեմբեր, 1826 թ.

Ինձ չէր հետաքրքրում թուրքերն ինչպես են իմացել մեր մասին: Պատահականություն, դավաճանություն, ինչ-որ մեկի անզգուշությունը. մի՞թե նույնը չէ: Կարևորն այն էր, թե իրենց ինչպես կպահեն այն հարյուր հիսուն զինվորները, որոնց թողել էի Ֆայերոնից Աթենք կեսճանապարհին: Նրանք առայժմ կյանքի նշաններ ցույց չէին տալիս: Փոխիրաձգությունը շարունակվում էր, բայց կրակոցների բռնկումներից հասկանում էի, որ թուրքերի կրակին պատասխանում են ինձ հետ մնացած մարդիկ:

Տիկուրիսը գլխից պոկեց փաթթոցն ու դեն նետեց: Այդպես վարվեցին նաև մյուս սպաները, Չեկեին ու նրան շրջապատող հելլենասերները: Ես հետևեցի նրանց օրինակին՝ ափսոսելով, որ առաջինը չեմ արել: Շարժումը խոսքից արտահայտիչ էր. նշանակում էր, որ մեզ այլևս քողարկում պետք չէ, թշնամուն դեմ հանդիման ընդունում ենք մեր իսկական տեսքը:

Շուրջս համարյա աննշմար, բայց անդադար շարժում էր եռում: Զինվորները դանդաղ տեղաշարժվում էին իրենց իսկ կազմած շրջանում, որի կենտրոնում ես էի: Գիտեի, որ առաջիկա րոպեներին այդ պտույտը կարագանա, շրջանը կտրոհվի բազում մասերի, և կենտրոնախույս ուժը կսկսի նրանց նետել այն ուղղությամբ, ուր մենք ավելի քիչ կուզեինք գնալ: Վրա էր հասնում պահը, երբ միաձույլ մարդկային գանգվածը տրոհվելու էր հյուպենների: Մինչև իսկական խուճապը դեռ հեռու էր, բայց իշխանությունս զինվորների վրա ամեն վայրկյան թուլանում էր:

Ձմռանը գունդը կանգնած էր Աթենքում, իմ մարդիկ ուսումնասիրում

Էին քաղաքը: Ո՛չ հավաքների պետք եղավ, ո՛չ մտքերի փոխանակության, որ երեք հարյուր գլուխներում ծնվեր նույն միտքը. պետք է քաշվել Ակրոպոլիս, քանի դեռ թուրքերը չեն փակել մեր փրկության վերջին ճանապարհը: Գունդն իմ եկթակայության տակ պահելու վերջին հնարավորությունն ընդհանուր պոռթկումը գլխավորելն էր, որին դիմադրելը, մեկ է, վեր էր իմ ուժերից, բայց ես հապաղում էի: Կրիեգոտիսը պաշարվածներին և՛ վառող էր հասցրել, և՛ պարեն, իսկ մենք մթերքի միայն երեք օրվա պաշար ունեինք, որի կեսն արդեն կերել էինք: Երեք հարյուրից ավելի զինվորները կուժեղացնեն Ակրոպոլիսի կայագորը. նույնքան նոր ուտող բերանը կարագացնի նրա պարտությունը: Ղրա մեղքը կղնեն ինձ վրա, մինևույն ժամանակ կհիշեցնեն, որ Քյութահիայի մոտենալու ժամանակ գունդը դուրս եմ բերել քաղաքից: Հունաստանում արած մնացած ամեն ինչ մոռացության կմատուլի կամ այնպես կմեկնաբանվի, թե միշտ գործել եմ ի վնաս հունական ազատության:

Նույն ստորգետնյա անցքով պարեն էլ կարող էր հասնել Ակրոպոլիս, բայց միանգամից մեծ պաշար տեղափոխելը բարդագույն գործողություն էր, ինչպիսին իրականացրինք այսօր: Դժվար թե մոտակա ժամանակներս որևէ մեկն ի վիճակի լինի կրկնելու, ասենք, թուրքերն էլ այս գիշերվանից հետո կուժեղացնեն պահակետերը: Իսկ եթե այլուր ու աղ դրած միսը տեղափոխվեն փոքր խմբաքանակներով, կամ կամավորները կհոգնեն մշտական վտանգից, կամ ի վերջո նրանց հետքը կգտնեն, և այդ ժամանակ կրկին կփակեն գետնուղին:

Ես հետևողականորեն շարադրում եմ մտքերս, բայց դա պարզապես սուրբ է պայմանականություններին, որ ընդունել եմ օրագիր վարելիս: Ո՛չ մի միտք չունեի, որ կարողանար բառ դառնալ՝ դրանց նշանակության աճի կամ նվազման կարգով. ուղեղիս մեջ շիկացման տարբեր աստիճանի կետեր էին բռնկվում ու մարում ավելի վաղ կամ ուշ՝ կախված նրանից, թե որքան վառ էր պատկերանում ինձ հետագայի այս կամ այն տարբերակը, և որքան երկար էի դիտարկում: Ելք էի փնտրում այնպիսի հանգամանքներում, որից ելք չկար:

Փորձել ճեղքել-դուրս գալ ծո՞վ:

Ենթադրենք այդպիսի հրաման տվեցի: Ո՞վ կգա իմ հետևից: Հելլենասերները, այն էլ ոչ բոլորը, սպասերի մի մասը ու կես հարյուրյակ զինվոր:

Այո՛, պատվով կզոհվենք, բայց մյուսները կքաշվեն Ակրոպոլիս ու մեկ-երկու ամսից, քաղցից օրորվելով կհանձնվեն Քյուիին փաշայի ողորմաձուրթանը: Ավելի ազնիվ չի՞ լինի, որ մենակ վերադառնամ գետնուղի: Այնտեղ դեռ վառողի մի քանի պարկ մնացել է: Ու սպասելով, որ թուրքերը մոտենան, պայթեցնեմ... Մի ակնթարթում պատկերացրի, թե ինչպես է Սյուզին «Times»-ում կարդում, որ գեղապետ Ֆաբիեն վառող էր տանում Ակրոպոլիսում պաշարվածներին և պայթեցրել է իրեն գերի չընկնելու համար:

Ակրոպոլիսի կես ճանապարհին մնացած հարյուր հիսուն հոգին առաջվա պես կենդանության նշաններ ցույց չէին տալիս: Մեր պահակետերը նահանջել էին, իսկ թուրքերը չէին ուզում մինչև առավոտ անկանոն կռվի բռնվել թփերի ու քարերի արանքում և, ըստ երևույթին, ինչպես ես կվարվեի նրա տեղում, սպասում էին, որ նախ հարմար դիրքում հետ մղեն դեպի ծով ճեղքելու մեր փորձերը, հետո արդեն գրոհեն: Ուժեղը նախընտրում է կռվել ցերեկվա լույսի տակ:

Չգացի, թե ինչպես զինվորական գանգավաճի շարժումը, որ առաջ պարփակված էր իր ներսում, սկսեց ուղղորդվել դրսից: Ես այլ ընտրություն չունեի, բացի նրա մասը դառնալուց: Վկաները կհաստատեն, որ Ակրոպոլիս քաշվելու հրաման չեմ տվել ու ստիպված եմ միացել գնդին՝ չցանկանալով առանց ղեկավարության թողնել: Սուպիացիներն ու Ցիկուրիսի մարդիկ, հենց իր գլխավորությամբ, ուսերով ու հրացանների կոթերով ինձ համար ճանապարհ բացեցին նեղ կամանիս խտացած մարդկային հոսանքում: Իշխանությունը, միացած ուժին, դեռ գործում էր, ինքնին՝ ոչ: Առաջ մղվեցին ամենակտիվները: Ես ու Չեկեին մի տասնյակ հելլենասերների հետ հետ մղեցինք նրանց ու գնացինք եթե ոչ առաջին, ապա երկրորդ շարքում: Անբաժան Կոստանդինը հետևեց ինձ, Մոսցեպանովը՝ նրան:

Լուսաբացը սարերի հետևում չէր, բայց Աթենքի կողմից ոչ մի աքաղաղ չէր ազդարարում նրա գալուստը: Թուրքերը բոլորի վզերը վաղուց ոլորել էին: Քաղաքում մնացած սակավաթիվ բնակիչները, փողոցները լցվող

Քյուիին փաշայի զինվորների հրածությունից ու աղմուկից արթնացած, պահվել էին տներում: Լսվում էր, թե նրա հեծելազորն ինչպես է շարժվում դեպի հյուսիսային լեռնալանջը: Նա չէր կասկածում, որ մենք արդեն այնտեղ չենք:

Նիհարության պատճառով գիշերները սառչում էի, իսկ հիմա այտերով ու ճակատով զգալով սառցեղեն քամին, այն որպես մարմնիս հետ կապ չունեցող արտաքո մի բան էի զգում: Արագ էինք գնում, ժամանակ առ ժամանակ վազքի անցնելով, բայց լույսն ավելի արագ էր բացվում: Հարավային լանջի շրջադարձին, դեռ հեռվից, միջնաբերդի դարպասների գլխին, նույն ինքը Ակրոպոլիսի մուտքից վեր, տեսա միջնադարյան ամրությունը, որը թուրքերից շատ առաջ Պրոպիլեյներում կառուցել էր Աթենքին տիրող կատալանյան կամ ֆրանսիական բարոններից մեկը: Նրա քառակյուն աշտարակի վերնամասն ուրվագծվում էր գորշացող երկնքի ֆոնին: Ֆալերոսի ճանապարհին մեզ սպասող թուրքական հրամանատարներն ուր որ է հայտնաբերելու էին մեր անհետանալն ու նետվելու էին հետապնդման, բայց մենք համարյա նպատակակետի մոտ էինք:

Հողը փոխարինվեց քարերով: Ուտք էինք դրել դեպի ամրոցի դարպասները տանող ճանապարհի վերջին հատվածին, երբ իմ առջևից գնացողները կանգ առան ու հետ քաշվեցին, իսկ ես ու շքախումբս շարունակում էինք նույն արագությամբ: Ամեն ինչ մի ակնթարթում կատարվեց. մեր խումբը, որին երկու կողմից պատում էին հանդիպակաց հոսքերը, անցավ առաջ, ու մարող սրտով հասկացա, որ կատարվել է այն, ինչի մասին ես ու Չեկեին ջանում էինք ոչ միայն չխոսել, այլև չմտածել, որ չարթնացնենք խավարում ննջող սարսափը. ուղիղ մեր առաջ, գուցե քսան քայլի վրա, ճանապարհը փակել էին զինվորների շարայուները՝ մարտի պատրաստ հրացաններով: Աչքի զարնեցին հարազատ ֆրանսիական համազգեստները: Մակրիական ծովածոցում ես դրանք տեսել էի Իբրահիմ փաշայի արաբների հագին: Փշաքաղված սվիններով նրանց խիտ շարքը հասնում էր լեռան ստորոտին, իջնում լանջն ի վար և անհետանում լուսաբացի մշուշում:

Կարկամաճ՝ սպասում էի համազարկի, բայց լսեցի ինչպես է մեկը

ԼԵՆԻՆԻ ՅՈՒԶԵՖՈՎԻՉ

Ֆրանսերեն տալիս անունս. «Ֆաբիե: Գևդապե՛տ Ֆաբիե: Չայն տվեք: Գիտեմ, որ այստեղ եք»:

«Չխոսե՛ս,- շնչաց Չեկեին:- Արծազանքս՝ կսպանեն ու կանցնեն մեզ»:

Նշան արեց, որ սուլիցիները պաշտպանեն ինձ: Մտակա երկուսին հետ մղելով՝ քայլեցի ճակատագրին ընդառաջ, որն ինձ հայտնվեց ոչ բարձրահասակ, լայնակուրծք մարդու կերպարով, որը շքազիխարկով էր և առանց էպոլետների հասարակ զինվորական սերթուկով: Այդ նույն ասկետիկ կոստյումով, որն իրեն կարող է թույլ տալ բացարձակ, որևէ հաստատման կարիք չունեցող իշխանության տերը, նա Ուրազա-բայրամի նախօրեին կանգնած էր ափին կառնված թիանավի տախտակամածին, բայց հիմա տարածությունը մեր միջև շատ ավելի փոքր էր: Արդեն բավականաչափ լուսացել էր, որ կարողանայի տեսել նրան: Դեմքին խելք և ուժ էր կարդացվում, բայց երկուսն էլ սքողված էին ինչ-որ երրորդով, որին անուն գտնել չէի կարողանում. և այդ երրորդը թույլ չէր տալիս նրան վերագրել արտաքինի ու խառնվածքի կապի մեր սովորական պատկերացումները: Դրա հետ մեկտեղ՝ դա հուսական ռամիկի սովորական դեմք էր, և նա, ըստ էության, այդպիսին էլ կար: Հիմա, այդ ժամանակվա զգացողություններս փորփրելով՝ մտածում եմ, որ նրա մեջ վանում էր կոպիտ կամքի կնիքն ու գրավում քառասնամյա տղամարդկանց համար հազվադեպ դիմագծերի պատանեկան նրբությունը:

«Այստե՛ղ եմ», - գոչեցի ես:

Ինձ պատասխանեց համաչափ, անարտահայտիչ ձայնը մարդու, որին չի մտահոգում ասվածի նշանակությունը շեշտադրությամբ ընդգծելը: Արքայազնը դրա կարիքը չունի:

Անբասիր ֆրանսերենը հորդեց նրա շրթունքներից, բայց հրացանափողերի տակ միանգամից չկարողացա հասկանալ. խանգարում էր միտքը, որ հենց նա ավարտի, ես կմեռնեմ:

Կամային ջանքով վերադարձրի ինքնատիրապետումս ու հասկացա, որ Իբրահիմ փաշան սկսել է հաճոյախոսություններից՝ իմ խիզախության ու բարոյական սկզբունքների վերաբերյալ: Նրա գովեստներում բուտա-

Ֆորական արևելյան փքունության կշռյլ իսկ չկար, փոխարենը՝ իմ մասին ստույգ տեղեկություններ էին: Ակնհայտորեն երեկ չէր իմացել իմ գոյության մասին: Ըստ երևոյթին, տեղեկություններ էր հավաքել, հետաքրքրվել ինձնով, ինչպես ես՝ իրենով:

Դրանից առաջ սուլիցիները, Ցիկուրիսը, Մոսցեպանովն ու առաջին գիծ հանված հելլենասերները նշանառության տակ էին առել նրան, ինչպես որ եզիպտացիներն՝ ինձ: Մեզնից յուրաքանչյունը մյուսի կյանքի գրավականն էր:

Անասելի լարված էի, բայց արդեն հասկանում էի, որ շուտափոյթ մահ չի սպառնում: Թիկունքով զգում էի զինվորների շփոթմունքը, որոնք արագ հասկացել էին, թե ինչ թշնամու ենք հանդիպել: Նրանց առաջնորդի անունը տազնապալի շշուկով անցավ շարքերով, բայց ի վերջո այն ազդեցությունը չունեցավ, ինչից ես ու Չեկեին վախենում էինք: Հետ չնայելով՝ զգում էի, թե ինչպես են իմ մարդիկ կրկին մեկ ամբողջություն դառնում: Գունդը դարձյալ հավատում էր ինձ, ապավինում ու սպասում իմ խոսքին:

Իբրահիմ փաշան իմ արժանիքներից անցավ իմ քաղաքական հայացքներին: Մի երկու ընդհանուր արտահայտություն,- և մեջբերում հնչեց Ռուսոյից: Ականջներիս չհավատացի, ու չնայած համարյա անմիջապես հիշեցի, որ ժան-ժակը պատանի Իբրահիմի՝ Փարիզի զինվորական դպրոցի սանի կուռքն է եղել, մեջբերումն ասես ջևարի հնչյուն լիներ տանջախցում, վարդի թուփ՝ սպանդանոցում:

Նախնադարյան վիճակում, նրա միտքը փոխանցեց Իբրահիմ փաշան, մարդիկ ապրում էին կրքերով, սակայն պետության ի հայտ գալով՝ սովորեցին կրքերը ենթարկել բանականությանը: Ահռելի նշանակությունը, որ հույները տալիս են ազգային զգացումին, այն վերածելով անսանձ կրքի, հաստատում է, որ նրանք վերադառնում են վայրենության վիճակի: Դե՞տք է, արդյոք, որ բանական մարդը դրա մեջ խրախուսի նրանց:

Հարցը հռետորական չէր, Իբրահիմ փաշան պատասխանի էր սպասում, բայց ես չէի ուզում նրա հետ այդ թեմայով բանավիճել նման իրավիճակում: Նրա փաստարկները ի սկզբանե ծանրակշիռ էին իմից: Երեք հետևակային գումարտակ ուներ, երկու հազարից ավելի մարտիկ, ես՝ վեց

ԼԵՆԻՆԻ ՅՈՒԶԵՖՈՎԻՉ

անգամ քիչ, և եթե նույնիսկ առաջինը կրակ բացենք, դա ոչինչ չի փոխի: Համազարկից հետո կհանդիպենք սվիսներին: Մեր հրացանները սվիս չունեն, իսկ սրով զինված է, լավագույն դեպքում, ամեն երրորդը, ասենք նաև, ո՞ր է երաշխիքը, որ ամբողջ գունդն իմ հետևից կգնա գրոհի: Որ կեսը ցիրուցան չի լինի թփուտներում: Այդ բուպեներին մտքումս գործողությունների ոչ մի պլան չհաստնացավ, միայն փոքրոգաբար ձգում էի անխուսափելիս:

«Շարունակե՛ք», - գոչեցի ես:

Իբրահիմ փաշան արաբերեն ինչ-որ բան հրամայեց: Լսվեց քարերին իջնող խզակոթերի կոտորակազարկը. նրա զինվորները հրացաններն առան ոտքի: Դա ոչ այնքան վստահության նշան էր, որքան գերազանցության ցուցադրում: Նա, իհարկե, համարժեք սիրալիրություն էր ակնկալում իմ կողմից, բայց ես այդպիսի հրաման չտվեցի: Ինձ ուղղված հրացանների փողերը դարձան վեր, իսկ նրան նշան բռնածները մնացին նախկին դիրքում:

Ես պատրաստվեցի «Կրակ» հրաման տալու, հենց նա չեղարկի իր հրամանը, բայց դա տեղի չունեցավ: Նրա շրթունքներին իմ թուլության հանդեպ ներողամտության ժպիտ հայտնվեց:

«Ալլահի պատգամաբերը մեզ պատվիրել է սրել սուրը, երբ ոչխարը նայում է նրան», - ասաց նա ու նշան արեց, որ ուզում է շարունակել խոսքը:

Ինձ շոյեց նրա վստահությունը, որ առանց հրամանի իմ մարդկանցից ոչ մեկը չի համարձակվի կրակել իր վրա: Եթե իմանա՛ր, թե ինչ վիճակ է իրականում:

«Ես ծնունդով հույն եմ, - խոսեց Իբրահիմ փաշան: - Խորթ հայրս ալբանացի է, Զյուբահիան ու Զյուհին փաշան վրացիներ են...»:

Նա էլի մի քանի նշանավոր օսմանյան գետերալների ու նահանգապետների անուններ տվեց: Պարզվեց՝ մեկը բուլղարացի է, երկրորդը՝ չերքեզ, երրորդը՝ եգիպտական դպտի, չորրորդը՝ ֆրանսիացի:

«Մենք՝ այլ հավատի մեզ ծնվածներս, - համարյա մտերմաբար հնչում էր նրա ձայնը, - պահպանում ենք մանուկ տարիների, նախկին կյանքի հիշողությունը, բայց որքան լավ ենք հիշում այն աշխարհը, որտեղից դուրս

ենք եկել, այնքան ուժգին ենք ցանկանում լուծվել այս մեկի մեջ: Մենք այն ավելի ենք գնահատում, քան այդ աշխարհին արյան իրավունքով պատկանողները, իսկ նրա համար մեր օտարածին լինելն արատ չէ, այլ արժանիք: Կա՞ր, արդյոք, Եվրոպայում թեկուզ մեկ գեներալ կամ մինիստր, որ ծնունդով մահմեդական լինի: Ինձ այդպիսիք հայտնի չեն: Դուք սարսափում եք խոստովանել, որ ապագայի ձեր իդեալը ներկայիս Օսմանյան կայսրությունն է...»:

Ես կանգնել էի մեզ բաժանող դատարկության մի ափին, նա՛ մյուս: Իմ թիկունքում իրար սեղմվող բեղավոր մարդկանց ամբոխն էր՝ խայտաբղետ խալաթներով, ոմանք՝ գլխների ծռված ապուշ փաթթոցներով, նրա թիկունքում կանոնավոր շարքով ջահել տղամարդիկ էին՝ ածիլած դեմքերով, արևմտյան ձևվածքի միակերպ համազգեստով: Նրանք իրենցով մարմնավորում էին կարգը, մենք՝ քաոսը:

«Կարծում եք, որ ազատ Հունաստանը ոգու վեհության օրինա՞կ կտա աշխարհին: Որ հելլենասերները կդառնան այն հատիկը, որից կաճի ժողովուրդների եղբայրությունը,- Իբրահիմ փաշան ոչ միայն իմ կյանքի ապշեցուցիչ իմացություն էր դրսևորում, այլև իմ համոզմունքների, որոնք, ճիշտ է, մերժել էի, բայց ոչ մինչև վերջ. դրանք երբեմն վերադառնում էին, ինչպես արևոտ եղանակին մի բաժակ լավ գինուց հետո վերադառնում են երիտասարդության մեր հույսերը:- Ես խղճում եմ ձեզ, գնդապե՛տ: Ձեզ հիասթափություն է սպասում: Եթե կարողանաք մեզկից հույներով բնակեցված թեկուզ մի պատառ հող պոկել, հաջորդ օրը ձեր հելլենասերները կբաժանվեն ըստ ազգությունների ու կսկսեն իրար կոկորդ կրծել այնտեղ սեփական կարգերը հաստատելու համար: Իսկ հույները, եթե նրանք բաժին ընկնի Ակրոպոլիսը, մաս-մաս կանեն ու վարձակալության կտան եվրոպացիներին: Ձեզկից փող կառնեն Պարթենոնը տեսնելու հևարավորության համար...»:

Ես նրա ասածը չեմ գրի առնում, այլ իմ լսածը: Ավելի հակիրճ էր խոսում, պարզ, կտրուկ, ես նրա ասածը լրացնում եմ իմ մտքերով, այնքան էլ չհասկանալով՝ այդ պահին էին ծնվել, երբ լսում էի, թե՞ ծնվում են հիմա՝ որպես իրականում նրա ասածի շարունակություն ու զարգացում: Բառացի չեմ

փոխանցում նրա խոսքը, այլ հետևելով նրա ոգուն ու տրամաբանությանը:

«Մի՞թե դուք սիրում եք հույներին: Դուք սիրում եք նրանց մասին ձեր ֆանտազիաները, ձեր երազներն այն մասին, թե ժամանակին ինչպիսին են եղել և կրկին ինչ կդառնան ձեր հովանու ներքո: Այնպիսին, ինչպիսին կան, նրանք ձեզ հարմար չեն,- ցավոտ արթնացրեց իմ մեջ Սյուզիի հանդիմանությունը:- Դուք նրանց ու ձեզ ներշնչել եք, թե լավագույնը, որ ունեք, իրենցից է, դուք որպես հավասար կընդունեք նրանց ձեր ընտանիք, երբ ապացուցեն, որ արժանի են իրենց մեծ անցյալին, որը դեռ հայտնի չէ, իսկապե՞ս եղել է, թե՞ դուք եք հորինել, և եթե եղել է, արդյո՞ք նրանց է պատկանել, թե լրիվ ուրիշ ժողովրդի: Իրականում նրանք համարյա մենք ենք, մեր միջև տարբերությունը չնչին է, նրանց ու ձեր միջև՝ ահռելի: Նրանք մեր ազգականն են, ձեզ՝ օտար: Եթե նրանց պոկեք մեզկից, դեռ կափսոսեն այն ժամանակը, երբ կիսում էին ճակատագիրը մեզ հետ: Ավելի վատ՝ կանի՞ծեն ձեզ: Մեզ պետք են նրանց նավերը, խանութները, բանկերը, լումայափոխի կրպակները, իսկ դուք դրանցից լիովին ունեք: Մեր մեջ նրանք համարյա առաջին էին, ձեր մեջ վերջին են լինելու...»:

Ես նորից կորցրի նրա խոսքի թելը: Այդ պատերազմն իր սարսափներով իմ առաջ կանգնեց որպես անիմաստ կոտորած, իմ կյանքը՝ սխալների ու մոլորությունների շղթա: Ինձ պատեց անտարբերությունն այն ամենի հանդեպ, որ նրա իմաստն էր, բայց մահն էլ նույնքան աննպատակ էր թվում:

Անտանելի ցուրտ ու մեկություն. ահա ամենը, որ զգում էի:

Դա տևեց մի քանի վայրկյան և նման էր ուշաթափության: Հետո գիտակցությունս պարզվեց, Իբրահիմ փաշայի ձայնի մեջ լսեցի սեփական ձայնս, որ ինձ հետապնդում էր անքնության ժամերին, միայն թե ես ինձ առաջին դեմքով էի դիմում, իսկ նա՝ երկրորդ:

«Հույներ, հույներ, հույներ»,- ծաղրեց նա իմ սևեռումն այդ թեմայի վրա:- Շա՞տ բարիք եք տեսել նրանցից: Ինչքան շուտ մոռանաք նրանց, այնքան լավ: Նույնիսկ եթե հաղթանակը նրանցը լինի, պտուղները դառն են լինելու ձեզ համար: Հույները չեն արդարացնելու ձեր հույսերը: Այն, ինչ ձեզ պետք է, այստեղ չեք գտնի, իսկ ինչ ունեք, կկորցնեք: Հեռացեք այս-

տեղից, գեղապե՛տ: Վերադարձե՞ք Ֆրանսիա: Թագավորը կների ձեզ...»:

Նա առանց անցման սկսեց թվարկել այն պայմանները, որոնցով ինձ առաջարկվում էր ցած դնել զենքը:

Երկրորդ կետի վրա որոշեցի ընդունել դրանք:

Կոնստանտին Կոստանդին: Թափառիկ բժշկի նոթերը

Դեկտեմբեր, 1826 թ.

Զգվանքով էի լսում նրան: Եվ զգվանքն ավելի ուժեղ էր, քան նրա հանդեպ վախը: Մահմեդականություն ընդունած հույն, խաբուսիկ-նրբագեղ դեմքով ասիական բուրբոն՝ նա ֆրանսիական համազգեստ էր կրում, սովորել էր Ֆրանսիայում, կարողանում էր դանակ-պատառաքաղ օգտագործել, Ռուսո էր կարդացել,- ու դրա հիման վրա իրեն Արևմուտքի բոլոր գայթակղություններն անցած մարդ էր համարում: Առավոտները հայելուն նայելով՝ նա, իհարկե, տեսնում է մի մարդու, որը հպարտորեն վեր է բարձրացել կեղծավոր արևմտյան բարոյականությունից ու չի ցանկանում ընդունել միայն վերջերս ստրկավաճառությունից հրաժարված ֆրանսիացիների իրավունքը՝ մեղադրելու իրեն Մոդոնում գերիների շուկա բացելու համար: Այո՛, այնտեղ վաճառում են Տրիպոլիսի շրջակա գյուղերից հավաքած ջահել տղամարդկանց ու կանանց,- բայց ո՞վ է նրանց Աֆրիկա ու Սիրիա հասցնում իրենց նավերով: Նույն հույները: Ինքն իրեն ոչնչացնող ժողովուրդն արժանի չէ ապրելու: Ասենք, հույն գեղջուկներն էլ բթամիտ են, ծույլ: Եգիպտոսից վերաբնակեցված աշխատասեր ֆելլախները Մորեան կղարձեն ծաղկուն պարտեզ:

Իբրահիմ փաշայի կողքին կանգնած սպաները արաբի նման չէին, բայց գլխներին ոչ թե շքազլխարկ էր, այլ փաթթոցներ: Բնականաբար, եթե որևէ մեկը կարող էր հասկանալ նրա հոգին ու կիսել նրա զգացմունքները, ապա միայն իսլամ ընդունած եվրոպացիները: Նրանք հենց դրա համար էլ հեքիաթային ռոճիկ էին ստանում: Սակրավորական աշխատանքները դեկավարելը կամ հրետանու կառավարումը նրանց ժամանցն է:

Այդ հիմա կարող եմ հեզնել, իսկ այն ժամանակ սիրոս գանգի պես

խփում էր ականջներինս մեջ, ոտքերս կպել էին հողին: Մոսցեպանովի խորհրդով վերջին քառորդ ժամս իր պես ջանում էի մոտ կանգնել Ֆաբիեն: Տեղը հրամանատարի կողքին Մոսցեպանովն ամենամեծն էր համարում, որովհետև մարտում սուլիցիները նրա հետ մեզ էլ կպաշտպանեին: Նրա թվացյալ-ռացիոնալ հաշվարկը մեզ դրեց եգիպտական հրացանների փողերի տակ: Ամպրոպի ժամանակ կայծակը խփում է ամենաբարձր ծառերին, որոնց տակ դժբախտ հիմարները փրկություն են փնտրում անձրևից: Առաջին շարքում ողջ մնալու հնարավորությունը փոքր էր: Մոսցեպանովն իր ռուսական ճակատագրապաշտությամբ հնազանդվել էր բախտին, իսկ ես փորձում էի հետևանց խցկվել շարասյան խորքը: Ապարդյուն ջանքեր: Խիտ զինվորական զանգվածի մեջ նույնիսկ չկան սողանցք չգտնվեց: Չինվածներից ոչ մեկը չցանկացավ տեղփոխ լինել անզենիս հետ:

Ֆաբիեից աջ կանգնած էր Չեկեին, ձախ՝ երկու սուլիացիներ ու Յիկուրիսը: Յիկուրիսից ձախ ու ինձնից աջ՝ Մոսցեպանովը: Տեսնում էի՝ նրա համար որքան դժվար էր պահել կրակի պատրաստ հրացանը: Ամեն անգամ շունչ առնելիս կրծքի տակ ինչ-որ բան խռխում էր: Ըստ երևույթին լարումից ու հոգևածությունից բրոնխները կծկվել էին, օդը դժվարությամբ էր անցնում թոքերը: Ուսից կախված տոպրակում ամենայն հավանականությամբ ուտելիքի մնացորդներն էին, որ հանել էի իմ բժշկական արկղից: Արկղը մնացել էր մեր հացկերույթի տեղում:

Ես մի բան էի ուզում՝ ապրել: Երբ Իբրահիմ փաշան եգիպտացիներին հրամայեց «Հրացանները ոտքի՛», իսկ ինքը մնաց մեր մուշկետների նշանառության տակ, իմ մեջ հույսի թույլ կրակ արկայծեց: Այդպիսի վտանգի չէր գնա, եթե վստահ չլիներ, որ իրավիճակի անելանելիությունը մեզ ստիպելու է հանձնվել: Ես անասելի ուզում էի դա ու վախենում, որ Ֆաբիեն, ցանկանալով պահպանել արժանապատվությունը, կծգձգի մինչև Քյուիին փաշայի մոտենալը: Արդեն լսում էի մեր հետքով եկող եգիպտական հետևակի պայտերի զնգոցը քարերին: Եթե մամլակի մեջ առնեն, ոչ ոք անձևատուր լինելու բանակցություններ չի վարի մեզ հետ:

Իմ կարծիքով Իբրահիմ փաշայի ողջ խոսքը երկու րոպե տևեց, բայց

այն ժամանակ ինձ անվերջանալի էր թվում:

Նայեցի Ֆաբիեն, և ինձ տիաճորեն զարմացրեց, թե դեմքի ինչ արտահայտությամբ է լսում այդ աֆրիկյան սիրենին, որի երզը բաղկացած էր կեղծ դայլայլներից ու շարքային հիմարություններից: Դրանք առաջինն են գալիս ցանկացածի մտքին, որը փորձում է դատել Հոմաստանի մասին, բայց սթափ դատողությամբ հնոտու պես դեն են նետվում, իսկ Ֆաբիեն դրանք լսում էր իբրև երկնային հայտնություն: Այդպես է լինում, երբ որևէ մեկը քեզ շարադրում է քո իսկ նվիրական մտքերը: Բոլորս էլ մեզ այնքան բարձր ենք դասում, որ մեր սրտինը կարողալու ունակությունն անհնար է թվում առանց վերին հուշման:

Կրկնում եմ այս դատողությունները Ֆաբիեի մտքերը կարողալու իմ այսօրվա ջանքի պտուղն են: Երեկ պարզապես սպասում էի, թե Իբրահիմ փաշան երբ կավարտի իր սոփեստություններն ու կպահանջի ցած դնել գեները: Հույս կար, որ Ֆաբիեի խելքը կբավականացնի առևտուր չանելու և ընդունելու ցանկացած պայման: Թվում էր՝ գործը դրան է գնում, երբ հանկարծ լռության մեջ հնչեց Տիկուրիսի հիստերիկ-գնգուն ձայնը:

«Հանգիստ թող մեզ: Կորի-գևա քո Եգիպտոսը», - հունարեն գոչեց նա:

Հողը փախավ ոտքերիս տակից, սակայն մեզնից մեկի լեզվից թռած վիրավորանքին ընդհանրական պատիժ չհետևեց:

«Ալլահի պատգամաբերն ասում է՝ եթե մեկի ծեռքից մի պատառ ընկնի, պետք է վերցնել և ուտել, ոչ թե թողնել շեյթանին», - նրան հանգիստ պատասխանեց Իբրահիմ փաշան:

Վերջապես նա անցավ նրան, ինչին անհամբեր սպասում էի՝ անձևատուր լինելու պայմաններին: Առաջարկվեց հետևյալը. հույները, զինվորներն ու սպաները խաչի կամ սրբապատկերի վրա երդվում են, որ գեներ չեն բարձրացնի սուլթանի դեմ և գնում ուր կուգեն, հելլենասերները խոսք են տալիս, որ երբեք չեն վերադառնա Հոմաստան, ինչից հետո նրանց, ողջ ունեցվածքով, նավով կուղարկեն Լիվոռնո, Ֆաբիեն ազատ է մեկնելու նրանց հետ կամ օգտվելու Իբրահիմ փաշայի հյուրընկալությունից այնքան, որքան կկամենա:

«Հուսամ, գնդապետ, ձեզ կբավականացնի իմ ազնիվ խոսքը: Չէի ու-

զի երդվել Ղուրանի վրա»,- ժպտաց նա:

Ավելի ճիշտ՝ ցույց տվեց ժակիքները:

Ֆաբիեն ձևացրեց, թե մտածում է առաջարկի վրա, բայց դեմքից երևում էր, որ որոշումն արդեն կայացրել է, և այն չի տարբերվում իմ սպասումներից: Համենայն դեպս առաջին տարին չէինք իրար ճանաչում:

«Պիտի խորհրդակցեմ իմ մարդկանց հետ»,- ասաց նա:

Ղա նրա շահերից էր բխում: Ցանկանում էր ապահովագրել իրեն, եթե ռազմական միևնույնությունում որևէ մեկի մտքով անցներ քննություն սկսել, թե հատկապես ինչպես է տեղի ունեցել կապիտուլյացիան:

«Երեք րոպե եմ տալիս»,- Իբրահիմ փաշան բարձրացրած մատների թվով սահմանեց այդ խորհրդակցության առավելագույն տևողությունը:

Ֆաբիեն, իրեն շտապողականությամբ չնվաստացնելով, մեջքով դարձավ եգիպտացիներին: Շրթունքներն անծայն շարժվում էին, բայց դժվար թե արդարանում էր ինքն իր առաջ, ավելի շուտ բառեր էր քնտրում, որ հասցնի սահմանված ժամանակում զինվորներին հունարեն շարադրել այն, ինչ Իբրահիմ փաշան ասել էր ֆրանսերեն: Չեկեին, հելլենասերների մեծ մասը և ես ու Մոսցեպանովը թարգմանության կարիք չունեինք:

Անասելի թեթևություն էի զգում: Չնչին իսկ կասկած չունեի, որ Իբրահիմ փաշայի պայմանները կընդունվեն: Միայն մի հարց էր անհանգստացնում ինձ ո՞ւմ շարքին կդասեն՝ հույների՞, թե՞ հելլենասերների: Հույս ունեի, որ հազուստու ու ֆրանսերենս թույլ կտան միանալ վերջիններին:

«Ապրելու ենք»,- շնջացի Մոսցեպանովին:

Նա գլխով արեց ու քաշեց ձգանը:

Քսան քայլից արձակված գնդակը հետ շարտեց Իբրահիմ փաշային: Կողքին կանգնած սպաները բարձրացրին նրան:

Երկու կողմից թևափն կրակոցները: Մեզ վրա կախված ժայռից վերադարձող արծազանքը խլացրեց գնդակների սուլոցը: Տեսա Ֆաբիեի շփոթված դեմքը, հետո սուլիացիները ծածկեցին նրան: Նրանցից երկուսն ընկան իմ կողքին: Մոսցեպանովն ինչ-որ տեղ չքացավ, իսկ ես քիչ էր մնում ոտքս դնեի մեռած Չեկեիի մարմնին, միայն վերջին պահին կարողացա ցատկել վրայով:

Յիկուրիսը զոհվեց աչքիս առաջ: Քնդակը ծակել էր ճակատը, բայց արյունը դեռ չէր հոսել դեմքին, երբ ինձ քշեց-տարավ հետևիցս հորդող զինվորների բազմությունը: Կայազորը պարիսպների վրայից մեզ պաշտպանեց հրաձգությամբ:

Եգիպտական զորաշարքն անսպասելի թեթևությամբ քանդվեց՝ մեզ համար ճանապարհ բացելով դեպի դարպասները: Դրանք բաց էին: Մի քանի բռնակ անց մտանք Ակրոպոլիս: Ես տեսա դիմացս բարձրացող Պարթենոնը, ու ողջ անցած կյանքս ինձ այդ պահին նախադուռ թվաց:

Արո՞ղուխ

Ճառ-Անտուան Ֆաբիե: Ապստամբի օրագիրը

Դեկտեմբեր, 1826 թ.

Մեր հաջողությունը փոքր արյունով հատուցվեց: Հիմնականում զոհվել են առաջին շարքում կանգնածները՝ Չեկեին, չորս հելլենասերներ, երեք սուլիացի, որոնք գրոհի սկզբում պաշտպանում էին ինձ, Ֆիկուրիսն ու նրա երկու զինվորները: Մոսցեպանովը թեթև վիրավորվեց ատրճանակի գնդակով:

Հաջորդ օրը թուրքական հին զորանոցում, որ մեզ էր տրամադրել Խորմովիտիսը, հավաքեցի սպաներին և առավել մտերիմ հելլենասերներին: Նախօրեին բոլորս մոտիկից տեսել էինք ամեն ինչ, ու որպեսզի ոչ մեկը սխալ պատկերացում չկազմի տեղի ունեցածի մասին, բացատրեցի, թե ինչ է կատարվել իրականում:

Նախ և առաջ հիշեցրի, որ եգիպտացիները ճանապարհը փակել էին այնտեղ, որտեղից սկսում է բարձրանալ: Մենք ներքևում էինք հայտնվել, ուստի նրանց ավելի վատ էինք տեսնում, քան իրենք՝ մեզ: Ներքևից, իմ կարճ հասակով, չէի կարող ճիշտ գնահատել հակառակորդի քանակը. հետևի շարքերից ավելի վատ էր երևում, բայց կողքիս կանգնած Չեկեին, որն ինձնից մի գլուխ բարձր էր, հասկացավ, որ եգիպտական զորաշարքերը, թվացյալ խտությամբ հանդերձ, մեծ խորություն չունեն: Հիմա մենք գիտենք. Իբրահիմ փաշան, շտապելով կտրել մեր ճանապարհը դեպի Ալրոպուլիս, իր երեք գումարտակից հասցրել էր հավաքել երեք հարյուր մարտիկից ոչ ավելի: Մտածում էի, թե վեց անգամ ավելի մարդ ունի, քան մենք, այն դեպքում, երբ թվական գերակշռությունը մերն էր: Սևացած եր-

կու հազար եգիպտացիները մոտեցան, երբ ամրոցի դարպասները փակվել էին մեր հետևից, իսկ Զյուլիին փաշայի հեծելազորը ուշացավ ևս կես ժամով:

Ձորանոցում ոչ սեղան կար, ոչ աթոռ: Ինչ կարելի էր վառել, վաղուց վառվել էր օջախներում ու վառարաններում: Ես կանգնած էի խոսում: Մարդկանց փոքր մասը նախընտրել էր այդ դիրքը, մյուսները նստել էին հողե հատակին կամ պպզել պատի տակ:

«Եվ այսպես,- շարունակեցի ես,- Չեկեին թաքուն շնջաց ականջիս, որ արաբներն ավելի քիչ են, քան թվում է: Ես ձևացրի, թե համաձայն եմ անձնատուր լինելու, ու շրջվեցի գինվորների կողմը՝ իբր նրանց կարծիքը հարցնելու, իսկ իրականում՝ որ նրանց տանեմ մարտի: Չախից Ցիկուրիսն էր, նրա հետևում՝ Մոսցեպանովը: Առաջինին որպես վատ հրաձիգ գիտեի, երկրորդին՝ շատ լավ, ուստի շուկով Ցիկուրիսին կարգադրեցի Մոսցեպանովին փոխանցել կարգադրություն՝ հենց գրոհի հրաման տամ, կրակել իբրահիմ փաշայի վրա, բայց Մոսցեպանովի նյարդերը չդիմացան: Ավելի շուտ կրակեց»:

Իմ գործողությունները հավանության արժանացան առանց քննադատության, բայց և առանց խանդավառության: Նախօրեի ոգևորությունն անցել էր, մարդկանց տրամադրությունը լավ չէր: Բոլորն արդեն հասկացել էին, թե ինչ պայմաններում են ձմեռելու: Ճանապարհի պաշարից մնացած վերջին գինով հիշեցինք զոհվածներին ու ցրվեցինք:

Մութն ընկնելուն պես Աթենքից ամրոց թափանցեց մեր լրտեսը և Խերմովիտիսին, ևս էլ՝ ինձ, հայտնեց, որ իբրահիմ փաշան սպանված չէ, ուսից է վիրավորվել: Նախօրեին գժտվել է Զյուլիին փաշայի հետ՝ մեղադրելով, որ նրա պատճառով մեզ հաջողվեց ճեղքել-մտնել Ակրոպոլիս, իսկ այսօր առավոտյան իր գումարտակը հետ է տարել Տրիպոլիս:

Եթե այդ ամենի համար ուժ է ունեցել, ուրեմն վերքը վտանգավոր չէ: Տա՛ Աստված:

Գրիգորի Մոսցեպանովը Նատալյա Բաժինային

Դեկտեմբեր, 1826 թ.

Թղթի մի փոքր կտոր է մնացել: Պետք է մանր գրել, որ շատ տեղավորվի, բայց ես հույունքաշարի վարժ չեմ: Կարճ կգրեմ: Նստած ենք պաշարման մեջ, սարի գլխի այն ամրոցում, որ քո տան իմ փորագրանկարում է: Ստորոտին, որտեղ մի կին քշում է այծին, մարտ եղավ թուրքերի հետ, ես գնդակահարեցի թուրքական գեներալին, ու նրա զինվորները փախան, ու մենք մտանք Ակրոպոլիս: Գեներալի համհարզը ատորճանակից կրակեց ինձ վրա, գնդակը քերծեց կողս: Մի քանի օր պառկեցի և արդեն ոտի վրա եմ, երեկ ժամապահ էի կանգնել, իսկ ուրիշ գնալու տեղ չունենք: Շուրջը աղբ է, կեղտաջուր, արտաքսնոցի գարշահոտ: Պարթենոնը չեչոտ է, սարսափելի, մարմարե կոյսերն Էրեքթեոնում կախել են քթերը, ով ունի, իհարկե: Կարծես հենց իմ տեսիլքի մեջ եմ ընկել. շուրջս, ինչպես այնտեղ, անթիվ-անհամար թշնամիներ են, մենք նրանց մեջ՝ կղզի ծովում, ժայռուտ լեռը նույնքան բարձր է, ու պարիսպը՝ ամուր, բայց եղբայրների պես չենք ապրում: Հոյները զգվածվում են իրար հետ, քիչ է մնում կռվի հասնի, ու մեր գալով էլ այնքան ուրախ չեն: Իրենք ուտելու բան չունեն, իսկ այստեղ՝ երեք հարյուր ուտող բերան է հայտնվել: Հիմա Ծննդյան պահք է, մսի երես համարյա չենք տեսնում, չնայած պատերազմի ժամանակ ուտել թույլատրվում է, ներառյալ՝ միսը: Պետերն իրենց ու յուրայինների համար աղ դրած ունեն, բայց մենք այն պասից դուրս էլ չենք տեսնում: Օրը մի գդալ յուղ, լոբի ու մի բուռ բրինձ են տալիս վոիկի համար ու պահուց բլիթ-լագանա: Տրի հարցն ընդհանրապես վատ է. ոչ լվացքի, ոչ լվացվելու: Նույնիսկ խմել ուզածիդ չափ չես կարող: Մյուսները քաղցից քնելով են փրկվում, իսկ իմ քունը չի գալիս: Պառկում եմ, փաթաթվում քրջերով, մթան մեջ, ինչպես միշտ, չում երկու ձեռքերիս մատները, շարժում եմ, կենդանացնող տաք եմ փչում վրաները, բայց շունչ տալ չեմ կարողանում: Քաղաքս, ուր քնելուց առաջ մտնում եմ, ամայի է, խավար: Իմ ողջ կյանքում այնտեղ հասնելուն պես քնել եմ, իսկ հիմա գիշերվա կեսը անքուն տառապում եմ: Ստքերը չեն հոսում, ցատկոտում են լվերի նման, գլուխս ուռչում է դրանցից: Իսկ առաջ

ուզածդ տեղից, թեկուզ բանտից, բարձրանում էի այդ սարն ու երջանիկ էի: Մի բան է լավ. Կոստանդինս ասում է՝ հույները, ջիուղների պես, իրենց փոստն ունեն. հույն նավաստիները նամակները հասցնում են բոլոր նավահանգիստները, իսկ այնտեղից ուրիշ հույներ ցամաքով, իրար փոխանցելով՝ հասցնում են անհրաժեշտ մարդուն: Ավելի քան մեկ տարում քեզ տասնմեկ նամակ եմ գրել, սա տասներկուերորդն է: Կոստանդիսը խոստացել է, որ երբ պաշարումից դուրս գանք, բոլորը ոչ պետական փոստով կհասցնեն քեզ, ոչ ոք չի բռնի: Իսկ դրանց հետևից մեկ էլ տեսար ես էլ եկա: Մեզ մոտ այստեղ խոսում են, թե տեր թագավոր Նիկոլայ Պավլովիչն ուզում է հույների համար կռվել թուրքերի դեմ: Աղաչում եմ Աստծուն, որ այդպես լինի: Այդ դեպքում հույները նրան կպատմեն իմ մասին, և նա միապետական ողորմածությամբ կների ինքնակամ մեկնելու օտար պետություն:

Կոնստանտին Կոստանդին: Թափառիկ բժշկի նոթերը

Հունվար, 1827 թ.

Մոսկվայի վերաբերյալ եր իբրահիմ փառայի մոտ ծառայող ֆրանսիացիներից, թե ավստրիացիներից մեկը: Գնդակը դիպել էր ձախ կողին ու հարվածային ոչ մեծ ուժի պատճառով խրվել կողերի արանքը՝ բարեբախտաբար չվնասելով ո՛չ սիրտը, ո՛չ թոքերը: Ունելիով հանեցի, լվացի, ախտահանեցի ու կապեցի վերքը: Մոսկվայում մի քանի օր պառկեց գորանոցում, հետո սկսեց քայլել՝ ինձ վստահեցնելով, որ միանգամայն առողջ է:

Սկզբում զինվորները սխրանքի պատվին ամենալավ պատանուներն էին թողնում նրան ու համբերատար լսում բոլոր անհեթեթությունները, որ լուրջ տեսքով բարբառում էր: Ականջս չարչարող հունարենով, վշտալի դիմախաղեր ու պաթեոսիկ ժեստեր հավելելով՝ նա տարատեսակ հանդիսատեսի առաջ կատարում էր միևնույն համարը՝ պատմում էր, թե ինչպես է տեսել իր կրծքին պահած ատրճանակը, ու սիրտը վախից այնպես է սեղմվել, որ գնդակը կողքով է անցել, երբ ուղիղ սրտին պիտի դիպչեր, եթե մի վայրկյան առաջ նրա չափսերը չփոքրանային:

«Խիզախ ռազմիկին վախն էլ է օգնում», - այսպիսի արտահայտություններ ավարտում իր պատմությունը:

Առանց այդ ամփոփման պարզապես զվարճապատում կմնար, իսկ այսպես վերածվում էր փիլիսոփայական ասքի՝ պատմողի կյանքից:

Նրա ելույթների մյուս թեման հունական կրակն էր. թե՛ բացել է այդ լեզենդար զենքի գաղտնիքը և մտադիր է հայտնել հույներին: Չինվորները՝ հասարակ գեղջուկ տղաներ, հատկապես ապշում էին, որ այդ կրակն անհնար է հանգցնել ջրով:

Մի անգամ, երկուսով էինք, հարցրի, թե ինչու անծամբ կամ Ֆաբիեի միջոցով այդ նախագիծը չի ներկայացրել ռազմական մինիստրություն:

«Այստեղ ինչի՞ց պատրաստես,- բացատրեց Մուստեպանովը:- Նույնիսկ նավթա չկա, չխոսելով արդեն մնացածի մասին: Թե չէ կարծակեհեք սիֆոններից ու ես եգիպտական մարախը կվառեհեք գրողի ծոցը»:

Այդ օրը մինչև երեկո անձրև էր գալիս, շորերն ու կոշիկները խոնավացել էին: Չորացնելն անհնար էր: Փայտը վառել էինք, կերակուրը սառն էինք ուտում: Մուստեպանովը, որն առանց այն էլ տառապում էր առանց թեյի, այն նույնիսկ որևէ մոլախոտով թրմած եռջրով չէր կարող փոխարինել:

Ի լրումն այդ բոլոր դժբախտությունների՝ թուրունն էլ պրծավ, որն այստեղ ոչ թե ոսկու քաշ ունի, այլ շատ ավելի: Նորն առնելու փող չկար, փոխանակելիք նույնպես, իսկ ձրի արդեն ոչինչ չէին տալիս: Նրա սխրանքը մոռացվել էր, բոլորն իրենց հոգսին էին:

Տրտմագին ծծելով դատարկ ծխամորճը՝ Մուստեպանովն ինձ հասկանալ տվեց, որ զոջում է իր անհարկի խիզախության համար. ավար, բոլորը գիտեն, որ Իբրահիմ փաշան իր խոսքի տերն է, և այստեղ ռմբազևների տակ, ցրտի մեջ, առանց թուրունի ու թեյի նստելու փոխարեն ավելի լավ կլիներ հանձնվեհեք ու մեկնեհեք Լիվոռն: Այնտեղից Ֆլորենցիա ընդամենը մի հարյուր վերստ է: Լիվոռնոյից կանցնեք Ֆլորենցիա, որն էլ հենց իրեն պետք է:

Նարցին, թե ինչ գործեր ունի Ֆլորենցիայում, պատասխանեց, որ կոմս Դեմիդովն այնտեղ դեսպանորդ է Տոսկանայի դքսի մոտ. Մուստեպանովն ուզում էր զեկուցել նրա ուրալյան տիրույթներում կատարվող այլան-

դակությունների մասին: Սկսեց պատմել, բայց ինչ-որ կապույտ շիլայից ու նրանից հետո, թե գործարանային ուսումնարանի սաներն ինչպես էին գրածը գումելաստիկի փոխարեն բուկու պատառով ջնջում, դադարեցի լսել:

Նրա վերքն արդեն համարյա լավացել էր, երբ հանկարծ, Ծննդյան տոներից առաջ, թարախակալեց, հետո տաքությունը բարձրացավ: Մյուս վիրավորների հետ նրա խնամքն էլ հանձնեցի պաշարման ժամանակ այրիացած իմ օգնական կանանց: Թուրքերը նրանց ազատել էին ամուսիններին խնամելու հոգսից, և նրանք բարի դիցանուշներ էին դարձել ուրիշների համար:

Ակրոպոլիսում ուրիշ բժիշկ չկար, ու ստիպված ստանձնել էի բոլոր վիրավորների ու հիվանդների խնամքը: Լազարեթը նախկին օսմանյան գրասենյակում էր, որից մերկ պատերն էին մնացել, ու հարմարեցված չէր հոսպիտալային կարիքների համար: Ձմռան ամիսներին այդպիսի բարձունքում համարյա չդադարող քամուց պաշտպանվելու և հրետակոծության ժամանակ անվտանգ լինելու համար պատուհանները փակել ենք սյուների մարմարե սալերի բեկորներով. ցերեկային լույսի համար պիտի հանես այդ շարվածքի տարրերից մեկը, ստույգ որոշակի, հակառակ դեպքում ամբողջ շարվածքը կփլվի: Ճարպի մեջ լողացող թռչի պատրույգով կավե ճրագը շքեղություն է: Ցերեկը, հատկապես արևոտ եղանակին, օդը ներսում թեթևակի տաքանում է, բայց գիշերները սառն է, ինչպես նկուղում: Վառելիքը ստիպված ենք խնայել, վառարանը վառում ենք օրը մեկ, երեկոները, և՛ տարբեր ծագման ու ծավալի երեք-չորս վառելիքայտի կտորով: Դրանք միասին այնքան տաքություն են տալիս, որքան կեչու մեկ ճղոնը: Ո՛չ ծածկոց, ո՛չ ներքնակ, վիրավորները պառկում են հողե հատակին՝ տակները փռելով ինչ կարողացել են ճարել ընկերները կամ կանայք, ու ծածկվում փալաս-փուլուսով, որ Ակրոպոլիսի պաշտպանները մետաքսի ու թավշի գնով ծախում են իրար: Ոչխարենին դրամական արժեքով ընդհանրապես անգին է:

Վերքը թուլացրել է Մոսցեպանովին: Թարախակալման պատճառը կեղտն էր, հետո մշտական ցրտից թոքերի բորբոքում սկսվեց: Շնչառու-

թյունից առաջ էլ լսում էի, որ թոքերը թույլ են: Դեղորայքի բացակայության ու վատ սննդի պատճառով հույսը միայն լավ խնամքն էր, և արդարացվեց. արթնուտի Քրիստան՝ դեռ սեպտեմբերին, առաջին գրոհի ժամանակ գոհված ծովասպունգի վաճառականի այրին, Մոսցեպանովին ավելի շատ ուշադրություն է հատկացնում, քան մյուսներին: Մոսցեպանովը նրա համար հերոս է, որի մասին Ատտիկայում ու Սորեայում երգեր են հյուսում: Քրիստանի վերաբերմունքը չի փոխվում նույնիսկ նրանից, որ այդ քաջը բացարձակ չի դիմանում ցավին: Վիրակապելիս բռնում է ձեռքը, ինչ-որ քնքուշ բառեր շնչում, իսկ նա տնքում է, գոռում կամ հայհոյում այլանդակ բառերով, որ Ռուսաստանում նույնիսկ կառապաններից ու զինվորներից չեմ լսել: Քրիստան այդ ամենը կրում է հրեշտակային հեզությամբ:

Մի անգամ լսեցի՝ Մոսցեպանովն ինչպես է նրան շարադրում իր կարծիքը Իբրահիմ փաշայի մասին: Լրիվ հակադրությունն էր նրա, որ դրանից առաջ ինձ էր հայտնել:

«Նրանք,- ասում էր Մոսցեպանովը՝ նկատի ունենալով մահմեդականներին,- Ղուրանի վրա երդվելիս վերջում ասում են ինչալլահ: Այսինքն, եթե Ալլահին հաճո է: Իսկ եթե հաճո չլինի, այսինքն՝ շահավետ չլինի իրենց, երդումը կատարելը պարտադիր չի: Իսկ ազնիվ խոսքը նրանց համար՝ թքած, թքած ու սրբած: Փառք Աստծո, քաջությունս հերիքեց այդ ճիվաղի վրա կրակելու: Աղոթեցի ու կրակեցի, թե չէ Քյուսիին փաշան բոլորիս, ինչպես Դանիլիսին ու Միտրոս Լեկասին, որ ձեզ խրատ լինի, ցցի հանած կշարեին Ակրոպոլիսի շուրջը: Պարսպի վրայից կնայեիր, թե ոնց եմ շունչս փչում ցցին»:

Քրիստան ախ էր անում, բայց շարունակում էր աղ դրած մսի արգանակ կերցնել նրան: Ծղոտ է ճարել տակը փռելու համար, ծածկում է իր կիսափեշերով ու կոֆտաներով: Մոսցեպանովը պառկում է դրանց տակ, ինչպես հիվանդ երեխան՝ մոր շորերի կույտի:

Այսօր անցնում էի նրա մոտով. բռնեց փողքս, ստիպեց նստեմ ու հագի միջից դժվարությամբ ասաց. «Ցիկուրիսին սպանեցին, իսկ ես ռոճիկս պահ էի տվել նրան: Բոլոր փողերս մոտն էին: Ֆաբիեին ասեք, թող վնասս հատուցի գնդային գանձարկղից»: Դա նշանակում էր, որ իզուր էի հույս

ղնում Քրիստոսի վրա: Այդպիսի պահանջները սովորական են մեռնողների համար: Նրանց ուղեղը բորբոքված է լինում, տրամաբանական կապերը խախտվում են, զգում են, որ վերջը մոտ է, բայց չեն գիտակցում և իրենց վիճակը բացատրում են ինչ-որ ֆանտաստիկ պատճառներով, որոնց վերանալու դեպքում իբր ամեն ինչ կարգի կընկնի:

Սուտ խոստացա, որ կկատարեմ ինդրանքը, և ուզում էի հեռանալ, բայց Մոսցեպանովը թույլ չտվեց: Թույլ ձեռքն ու կառչուն մատները նույնպես բնութագրական են գերեզմանի եզրին կանգնածների համար:

«Դուք՝ հույներ՞ո՞ղ էլ,- հարցրեց,- երբ մարմնի խալերը շատ են, համարում եք, որ դա երջանկություն է բերում»:

Չգիտեի, բայց ասացի՝ այո՛: Հասկանալի էր, որ դրա մեջ ուզում էր ոչ թե ազգային նախապաշարմունք, այլ մարդկային բնության՝ բոլոր ժողովուրդների համար ընդհանուր, հետևաբար ճիշտ դիտարկում տեսնել:

«Դուք բաղնիք չունեք,- շարունակեց նա,- կարգին չես լողանա: Նավպլիոնում երկու ամիս ինձ տկտր չէի տեսել: Յուրտ էր, շորերով էի քնում, իսկ երբ առաջին անգամ վիրակապում էիք, տեսա. Աստվա՛ճ իմ: Ամբողջ կուրծքս ոնց որ հնդկացորենով ծածկված լինի: Խալերը փոքրիկ են, իրար կպած, իսկ ողջ կյանքում ոչ մի հատիկ չեմ ունեցել: Ի՞նչ է ստացվում: Դժբախտ եմ եղել, երջանի՞կ կդառնամ»:

Այդ անսպասելի հայտնված խալերը, որ նրա վրա չէի նկատել, կորած փողերի հետ նույն շարքում էին. երկուսին էլ ծնունդ էր տվել մարող գիտակցությունը:

«Մեռնել առանց տանջվելու. ահա իմ երջանկությունը», - այնքան հասարակ ասաց Մոսցեպանովը, որ վատ զգացի:

Ախիթարելով՝ ձեռքս դրեցի ուսին, ի պատասխան ամեն ինչի սպասելով, բայց ոչ նրան, ինչ արեց: Ինչպես մայրս մահվան նախորդ շաբաթների, երբ արդեն վեր չէր կենում անկողնուց, և բոլոր բառերը վաղուց ասված էին, և ես առանց բառերի սերս արտահայտելու համար այսպես ձեռքս ղնում էի ուսին,- Մոսցեպանովը երեխայի պես թեքեց գլուխն ու այտը քսեց ձեռքիս:

Ակամա հետ քաշեցի:

Նրա հանդեպ կարեկցանքից ուժեղ էր ամոթը, որ այդ անբառ տրտունջին չէմ կարող համազոր զգացումով պատասխանել:

Մայրը Բորիս Չիխաչով: Հիշատակարան

Նոյեմբեր, 1827 թ.

Երեկ գումարտակ չգնացի. ուժեղ մրսել ու պառկած էի տանը: Ճաշին Ֆեդենկան վերադարձավ Լեռնային ուսումնարանից և մոր կարգադրությամբ, որն այնպիսի ահեղ շշուկով արվեց, որ դռան մյուս կողմից լսեցի, մտավ ինձ մոտ՝ հարցնելու, թե ինչպես եմ:

Սովորաբար ինձ հետ լարված է լինում, իսկ հիմա ազնվամորիով թեյ խմեց, փափկեց ու ասում է. «Պատկերացրե՞ք՝ մի քուղ ունեք: Չասենք, թե գրպանում, բայց հենց դրա մասին մտածում եք, ինչ-որ տեղից կախվում է ձեռքի տակ: Օրինակ, մրսել եք, ու եթե քաշեք,- ա՛յ քեզ բան,- մի շաբաթից ո՛չ կոկորդն է ցավում, ո՛չ հագում եք: Կամ չեք ուզում ծառայության գնալ, քաշում եք քուղը, և ահա երեկո է, ընթրում եք մայրիկի հետ, իսկ գումարտակում բոլոր գործերն արված են: Կուզեհի՞ք այդպիսի քուղ ունենալ»:

Միայն մի մարդ էր կարող այդպիսի հանելուկ տալ նրան:

«Քեզ ո՞վ է տվել այդ հարցը,- հարցրի:- Գրիգորի Մաքսիմովի՞չը»:

Ֆեդենկան վախեցավ: Մեծ տղա է, հասկանում է, որ իմ ներկայությամբ պետք չի հիշել Մուսցեպանովին, մայրը դրա համար գլուխը չի շոյի: Ստիպված հաստատեց իմ ենթադրությունը:

«Ո՛չ,- վճռեցի ես,- պետք չի ինձ քո քուղը: Մեկ-երկու քաշեցիր, կարող է համի ընկնես: Մեկ էլ տեսար՝ կյանքդ անցել է, արդեն ծերունի ես, պառկած դագաղում: Էստեղ՝ քաշես, չքաշես, մահը չես շրջանցի»:

Ֆեդենկան սրտնեղեց իմ խորաթափանցությունից: Հազարից մեկ ուզում էր դաս տալ, բայց չստացվեց:

«Այդպես էլ կա,- գլխով արեց նա:- Գրիգորի Մաքսիմովիչն ասում էր. Էդ քուղ չի, սատանան է պոչը կախել»:

Ես ծիծաղեցի ու մոռացա, բայց Մուսցեպանովը, ինչպես ասում են, անունը տուր՝ սուփրան գցիր: Երեկոյան մի անձանոթ տղա եկավ, ներկա-

յացավ որպես Իվան Դիմիտրակիի որդի՝ Վերխտուորիեից, առանց փոստային կնիքների ու հասցեատիրոջ անվան նամակ էր բերել, և ասաց, որ հայրը պատվիրել է հանձնել տիկին Չիխաչովային:

Գիտեմ այդ Դիմիտրակիին: Պիստակ, ընկույզ, դափնու տերև, չիր ու այդ կարգի բաներ է ծախում: Ի՞նչ գործ կարող է ունենալ Նատայայի հետ:

Ձեռքս պարզեցի, որ վերցնեմ ծրարը, բայց տղան չտվեց, իսկ երբ հարցրի՝ ի՞նչ է ծրարի մեջ, պատասխանեց, որ չգիտի: Ասաց՝ հորն են փոխանցել, պատվիրելով հասցնել Նատայա Բաժինային՝ Նիժնիտագիլյան գործարաններ, բայց այնտեղ մորից իմացել են, որ նա իմ կինն է և ինձ հետ այստեղ է ապրում:

Փորձերը՝ պարզելու, թե նամակն ումից է, նույնպես հաջողություն չուներեցան. Դիմիտրակի-կրտսերը նույնն էր պնդում. բերել են ու՛ վերջ: Գնաց միայն այն բանից հետո, երբ խորքի սենյակներից կանչեցի Նատայային, և նա անձանոթից անձամբ վերցրեց նամակը, որը չգիտես ինչպես Վերխտուորիեում ընկել էր նրա հոր մոտ: Ուզում էի հիսուն կոպեկ տալ նեղության համար, բայց չվերցրեց:

Նատայան իր սովորական անշտապությամբ ատամներով բռնեց ծրարի անկյունը, որ եզրով պատռի, բայց չթողեցի: Անցանք խորքի սենյակները, վերցրի գրչահատ դանակն ու կոկիկ կտրեցի եզրը: Ներսում ավելի փոքր ծրար էր և Նատայային հասցեագրված նամակ՝ ոմն Կոնստանտին Կոստանդինից: Առաջինը ես կարդացի:

Հայտնվում էր, որ նա՝ Կոստանդինն ու Գրիգորի Մուսցեպանովը յոթ ամիս թուրքերի կողմից պաշարված հունական Ակրոպոլիսում են եղել: Կայազորը հետ է մղել չորս գրոհ, բայց հուլիսին, երբ պարենը սպառվել է, անձնատուր են եղել պատվավոր պայմաններով. հույներն ու հելլենասերները դարպասներից դուրս են եկել զենքով, բաց դրոշներով և անգլիական զինվորների պահպանության տակ հասել Պիրոս, այնտեղից բրիտանական ֆրեգատը նրանց հասցրել է Նավպլիոն: Այնտեղ Մուսցեպանովն ամուսնացել է հույն կնոջ հետ, որը վիրավորվելուց հետո խնամել էր նրան և իր հոգատարությամբ փրկել մահից: Հարսանիքի հոգսերով զբաղված՝ նա Կոստանդինին, որը կապ ուներ հունական փոստի հետ,- այդպես են

ԼԵՆԻՆԻ ՅՈՒԶԵՖՈՎԻՉ

կոչում առևտրական կարիքների համար օգտագործվող ազգակցական ու հայրենակցական կապերի ցանցը ողջ աշխարհով մեկ ցրված հույներին միջև,- խնդրել էր իր սամակներն ուղարկել տիկին Բաժինային՝ Ուրալ: Կոստանդին իր կողմից ուշադրություն էր հրավիրում այն բանի վրա, որ Մոսքեպանովը սամակներ է գրել մեկուկես տարի, ուստի դրանք համարակալված են՝ 1-ից 12, ինչը ցույց է տալիս, թե ինչ հաջորդականությամբ պիտի կարդացվեն:

Նույնիսկ չեմ փորձի թղթի վրա արտահայտել ինձ այդ պահին պատած զգացումները: Չսպելով դրանք՝ սամակը փոխանցեցի Նատալյային ու սպասելով, որ կարդա, հարցրի. «Գիտեի՞ր, որ ես այնտեղ է»:

«Չէ՛: Էս խաչը»: Նա արագ, իր ոճով խաչակնքեց սրբապատկերի կողմը:

Ուզում էի դուրս գալ, որ կարողանա մենակ, առանց իմ ներկայությունից քաշվելու կարդալ այդ սամակները, բայց խնդրեց, որ միասին կարդանք: Նստեցինք կողք կողքի, գլուխ գլխի ու կարդացինք բոլոր տասներկուսը: Առաջին իսկ սամակում գտնվեցին ինձ անլուծելի թվացող երեք հարցի պատասխանները. Մոսքեպանովն ինչպես է անհետացել Պերմի հաուպովախտից, ինչպես է նրա մատանին ընկել Կոստյապովի մոտ և ինչ էին նշանակում Լենային ձմեռոցում գտած կանոնագրքի ու Ավետարանի լուսանցքներում մատիտով արված նշումները:

Ես Նատալյայից արագ էի կարդում և ամեն անգամ սպասում, թե երբ հնարավոր կլինի շրջել էջը կամ անցնել հաջորդին: Այդ ընթացքում աչքս ակամա առնում էր Աթենքի և Ակրոպոլիսի տեսարանով փորագրանկարին: Ակնհայտորեն ինչ-որ գրքից պոկած նկարը Մոսքեպանովինն էր. Նատալյան չէր ուզում հետը վերցնել, բայց ես պնդեցի ու կախեցի երևացող տեղում՝ ցույց տալով, որ հիմքեր չունեմ նախկին կենակցի հանդեպ կասկածելու կնոջս: Պատկերների լողզված ուրվագիծն ու ընդհանուր անճաշակությունը վկայում էին, որ ոչ միայն նկարիչն ինքը երբեք չի եղել Աթենքում, այլև՝ ում աշխատանքը պատճենել է, երկու-երեք նույնպիսի վատ պատճենով հեռու է բևորինակի հեղինակից:

Պարթենոնի գլխին սևին էր տեսել երկնքի կեսը պատած ամպը: Նրա

գծագրության մեջ կարելի էր վիշապ տեսնել, եթե որոշեիր, որ հենց այդ ես ուզում տեսնել ու երևակայությամբ լրացնեիր չբավարարող կամ թերահամարմամասերը: Գլխի շրջանում, այնտեղ, ուր ենթադրվում էր հրեշի մոռթը, բաց երախից արծակվող բոցի պես, դուրս էին պրծնում ամպերի արանքից թափանցող արևի ճառագայթները: Խեղճ բանասերկուն, ցանկանալով տիրել այդ վիշապային կրակին, հենց ինքն էլ վառվել էր դրա մեջ: Թռչող օձը նրան չէր անցկացրել մահվան միջով: Դեռ մինչև Նատալյայի հետ կսկսեինք կարդալ, հասկացա, որ դա ուղերձ է այն աշխարհից:

Ամեն նամակի վերջում, բացի վերջինից, ծռակող շրջանակ էր՝ «Պաշիկ» գրությամբ: Դրա նշանակությունը բացատրվում էր 1-ում, բայց առանց այդ էլ հասկանալի էր:

«Դե ինչ: Համբուրի, ես կշրջվեմ», - առաջարկեցի ես:

«Հիմա ես արդեն համբուրող ունի», - պատասխանեց Նատալյան, մի քիչ ավելի անտարբեր, քան եթե դա իսկապես չհուզեր նրան:

Եվ այդ ժամանակ ես վերջապես խիզախեցի ու նրան հայտնեցի այն, ինչի մասին մտածում էի մի ժամ առաջ, բայց չէի համարձակվում ասել:

«Իմ գումարտակում մի հույն կար Տագանուզից, - ասացի: - Հունական երգեր էր երգում ու պատմում, թե ինչի մասին են: Ահա դրանցից մեկը... Վիրավոր կլեֆտը հայրենի վայրերից հեռու մեռնելիս ընկերոջը խնդրում է կնոջը չհայտնել իր մահվան մասին: Գրիր, խնդրում է, որ ամուսնացել եմ ուրիշի հետ ու երջանիկ եմ օտարության մեջ: Ապա ընկերոջը, թե հենց իրեն ասում է. ինձ կին կդառնա հողը, աներ՝ շիրմաքարը, աներորդներ՝ նոճիները իմ գերեզմանին»:

Նատալյան փչեց-հանգցրեց մոմը, վեր կացավ ու մոտեցավ պահարանին՝ ճանապարհին ես երկու մոմ հանգցնելով, որ ապակու մեջ տեսնի ոչ միայն իր արտացոլումը, այլև գիշերն ու երկինքը: Սառնամանիքին երկինքը պարզվել էր: Լուսնալույսով օծված մերկ թփերի սովերներն ընկել էին աստղերն անդրադարձնող ձյան վրա, և ինչպես լեռան գագաթին, գետի ափին կամ սիրելի խաղաղ օջախի մոտ, հիշողության ու թախծի զգացողություն արթնացավ, սահմանազժին երկու տարերքների, որոնցից մեկն իր մեջ է առնում մյուսի ծնածը:

Մի քիչ սպասելով՝ հետևեցի Նատալյային ու կես քայլի վրա կանգնեցի նրա թիկունքում: Չէր կարող չսեյ մոտենալս, բայց շարունակեց մնալ նույն դիրքում: Գրկեցի նրան: Եվ նույն պահին, ասես հենց դրան էր սպասում, ողջ մարմնով շրջվեց իմ կողմը, բացեց շապիկի վրայից հագած խալաթիս օձիքը, գրկեց, դեմքը սեղմեց կրծքիս: Շապիկի միջով մաշկիս զգացի նրա արցունքների տաք խոնավությունը: Մի քիչ լաց եղավ կրծքիս, ու զնայեցիս ընթրելու:

Նատալյա Չիխաչովայի խոսակցությունը Գրիգորի Մոսցեպանովի հետ

Նոյեմբեր, 1827 թ.

Չգիտեմ որ ամսվա որ օրն էք մահացել, բայց այդ օրվանից քառասուն օրը վաղուց անցել է: Հոգու հիշատակության համար փող տվեցի Պայծառակերպության եկեղեցում, մում վառեցի և անհրաժեշտ աղոթքներն արեցի. որ ճիշտ լինի, ամեն ինչ եկեղեցում տված թղթով եմ անում, բայց եթե մի բան էլ ժամանակին չի արվել, էլ չես ուղղի: Սիրտս ինձ չէր ասել ձեր մահվան մասին, ուրեմն Տերը իմ մեղքերի և ձեզ դավաճանելու պատճառով խոսք չէր դրել այնտեղ:

Մինչ ձեր հոգին չարչարանաց ճանապարհ էր անցնում, չկար մեկը, որ նրա համար խնդրեր Աստծուն, և դրանից հետո էլ ոչ ոք չհոգաց նրա համար: Ես նրա համար խաչումաչ ծղոտիկներով մի գավաթ ջուր չդրի սեղանին, որ հոգին լվացվի չարչարանքից հետո:

Տանը սրբապատկերները չծածկեցի սրբիչով ու քառասուներորդ օրը չհանեցի, գավաթի կողքին սեղանին չդրի: Ոչինչ չունեմ ձեր հոգին՝ սրբվելու համար, ոչինչ՝ փաթաթվելու:

Հետո էլ չվերցրի այդ սրբիչը, չբարձրացա Աղվեսասար, չկանգնեցի լճակի ափին, թափ չտվի սրբիչը, չարձակեցի հոգին քամուն և լույսին և ողջ երկնային արձակությանն ընդառաջ:

Կամ գուցե նրան պետք չէ՞ր ոչ լվացվել, ոչ էլ սրբվել: Մաքուր է նորածնի հոգու պես:

Կոնստանտին Կոստանդիսը Իգնատի Ելովսկուն

Ապրիլ, 1829 թ.

Երբ թագավոր կայսեր ծառայության մեջ էի, ինձ հետ զրույցներում ուզածին չափ ծաղրում էիք դժբախտ հույներին և ազատության մեր ձգտումը, և ես այդ ժամանակ հնարավորություն չունեի արժանապատվորեն պատասխանելու: Մասնավորապես, հավատացնում էիք, որ Հունաստանի կործանումը գալու է Եգիպտոսից, հիշո՞ւմ եք: Կուզեի իմանալ՝ ձեր կարծիքը նախկին՞ն է մնացել այն բանից հետո, երբ Նավարինի ճակատամարտում դաշնակցային նավատորմիկը վառեց եգիպտական նավատորմը, և նրա ածխացած մնացորդները ծովով մեկ սփռվեցին Նավարինից Նավպլիոն:

Կայսր Նիկոլայ Պավլովիչը գթասիրտ ու խորաթափանց եղավ իր գահակալ նախորդից. ռուսական բանակը ջախջախեց սուլթանի զորքն ու հասավ Ադրիանապոլիս: Անգլիացիները գրավեցին Միսոլոնգին, Մեզոնի ֆրանսիական կորպուսը Իբրահիմ փաշային վնդեց Սորեայից: Աթենքը մերն է, Պարթենոնի վրա բարձրացվել է հունական դրոշը: Սպիտակն ու կապույտը հաղթեցին կանաչին: Ակրոպոլիսի պաշտպանության ժամանակ ցուցաբերված արիությունը մեր օգտին տրամադրեց աշխարհիս ուժեղներին: Պատերազմը դեռ չի ավարտվել, բայց տերությունների կողմից Հունաստանի ճանաչումը մոտակա շաբաթների հարց է:

Մենք մի հիևավուրց երգ ունենք թուրքերի կողմից Կոստանդնուպոլսի գրավման մասին: Ահա համառոտ բովանդակությունը:

Սև երեքշաբթիի, այսինքն՝ 1453 թվի մայիսի 28-ի առավոտյան, մի վանական խոհանոցում ձուկ էր տապակում ու հանկարծ լսում է ինչ-որ տեղից իրեն դիմող ահեղ ձայնը. «Փախիր, վանական: Փրկվի՛ր: Հիմա քաղաք կխուժեն թուրքերը»: Վանականը միայն ծիծաղում է, թե ավելի շուտ իր տապակած ձկները կենդանություն կառնեն ու թռչունների պես կճախրեն օդում, քան թուրքերը կգրավեն սուրբ քաղաքը: Հենց նոր էր ավարտել խոսքը, երբ ձկները բարձրացան, պտտվեցին թավայի վրա ու դուրս թռան: Նույն պահին սուլթանի զորքը խուժեց Կոստանդնուպոլիս:

Բարի եղեք, Իգնատի Իվանովիչ, մոտեցեք պատուհանին: Ձեզ մոտ

ԼԵՈՒՆՊ ՅՈՒԶԵՖՈՎԻՉ

հիմա սպիտակ գիշերներ են, պատուհանից այն կողմ ցանկացած ժամի լույս է:

Ի՞նչ եք տեսնում:

Յարսկոն սելոյի վրայով չի՞ թռչում, արդյոք, ձեր սիրած տապակած սաղմոնիկը, որը հենց պատրաստվում էիք ընթրելու:

Եթե՛ այո, ապա օդ է բարձրացել հույների՝ ազատ ժողովուրդ դառնալու ունակության ձեր անհավատության ուժով:

ԱՌՈՐՐՈՒԹՅՈՒՆ

Իգնատի Ելովսկի: Ալեքսանդր I կայսեր կամեր- քարտուղարի մատյանը

Հոկտեմբեր, 1835 թ.

Երեկ հոկտեմբերի 1-ն էր, տասներորդ տարին այն օրվա, երբ տեր թագավորը Բալակլավայում ինձ իր գրադարանավարը դարձնելու և ինձ հետ ծերությունը կիսելու ցանկություն հայտնեց: Այդ օրը ես նվիրում եմ նրա մասին հիշողություններին, վերընթերցում Թովմա Կեմպիացու «Քրիստոսին ընդօրինակելու մասին», անցնում Յարսկոսելսկյան զբոսայգու նրա սովորական երթուղիներով, եթե հաջողվում է մտնել այգի, իսկ Պետերբուրգում այցելում եմ Կոնյուշենսի դվոր, կանգնում սպիտակ գամբիկի խրտվիլակի մոտ, որով, բանակի գլուխ անցած, 1814 թվականին մտել էր Փարիզ: Նրա հետ կապված և ինձ համար կարևոր վայրերը, որպես մասնավոր անձի, անմատչելի են, սակայն բավարարվում եմ նրանով, ինչ կա: Այդպես տևում է տարեցտարի, իսկ երեկ, տասը տարվա ընթացքում առաջին անգամ, մոռացա այդ օրը: Արդարանում եմ նրանով, որ այն դիմավորել էի ոչ տանը, ոչ սովորական իրերի ու գրքերի շրջապատում, այլ Դուվրից Աթենք լողացող շոգենավի վրա:

Ես թագավորի տարիքում եմ, երբ վախճանվեց: Ես էլ, ինչպես նա՝ իմ այս տարիքում, տառապում եմ ստամոքսի թուլությամբ, կեղևահան սալորաչիր եմ օգտագործում ու շատ ճամփորդում: Ճանապարհին ժամանակը դանդաղ է հոսում, իսկ տպավորությունների սրընթաց հերթափոխումը ծերության շեմին լիարժեք կյանքի անգին զգացողություն է պարզում: Կտրել եմ Իտալիայի կեսը, եղել Սուրբ երկրում, Ալեքսանդրիայում: Եգիպտոսն առաջվա պես կառավարում է Մեհմեդ Ալին, իսկ նրա խորթ որդին

հանելուկային կերպով անհետացել է: Ամեն դեպքում, «Ռուսսկի ինվա-լիդ»-ը դադարել է հետաքրքրվել նրանով:

Ավելի հեռու, քան Պետերբուրգից Կրոնշտադտ, շոգենավով չէի լու-ղացել: Պարզվեց, որ արագությունն ու հարմարավետությունը հենց այն-պես չեն տրվում, դրանց գինն առնվում է ոչ միայն փողով, այլև ջղագրգ-ռությամբ ու անքնությամբ: Նավախցի տակ անընդհատ թխկթխկում է շոգեմեքենան: Այդ թխկթխկոցին անհնար է վարժվել դժոխային ռիթմի պատճառով: Նրանից փրկվելու համար ժամերով պտտվում եմ տախտա-կամաձին: Այստեղ այն խլացնում են ալիքների ճողփյունն ու շոգենավի ջրանիվների շրմփոցը: Ջրի աղմուկն անվաթիերի տակ այնքան ծանր չի լսելիքի համար և իր մեքենայական միալարությամբ հանդերձ, ավելի մոտ է բնության ձայներին:

Ուղևորներից մտերմացա միստր և միսիս Լաթթիմորների հետ, մի-ջին տարիքի ամուսնական զույգի՝ Լոնդոնից: Ամուսինը լռակյաց պարոն է, առանց արտաքինի ու բնավորության կտրուկ գծերի, իսկ կինը այն կա-նանցից է, որոնց մասին ասում են՝ ջահել ժամանակ գեղեցկուհի էր: Դեմ-քը, կարծես, հիմա էլ կրում է վաղեմի գեղեցկության հետքերը, որը գուցե և ընդհանրապես չի եղել:

Միստր Լաթթիմորն էլ, ինձ նման, միայն գրքերով գիտի Հունաս-տանը, բայց կինն այնտեղ ժամանակին եղել է: Նրա ասելով՝ այդ երկիրն ապշեցուցիչ կերպով տարբերվում է Իտալիայից, և նույն բարձր ու մաքուր երկնքով, նույնքան, եթե ոչ ավելի շքեղ տեսարաններով հանդերձ՝ զուրկ է կենդանությունից և իտալացիների համար բնութագրական եռուն էներ-գիայից: Հունաստանում քիչ են քաղաքները, դա մի խստաշունչ, ամայի, աղքատ, անհյուրընկալ երկիր է: Իտալիայում ամեն ինչ տրամադրում է ուրախության ու վայելքի, իսկ այնտեղ անընդհատ գիտակցում ես պատ-մական գիտելիքների անբավարարությունը, որոնք անհրաժեշտ են տխուր ներկայից հնոց ժամանակները տեղափոխվելու համար: Եթե կենդանի մարդիկ չեն ուրախացնում, մնում է սփոփանք փնտրել մեռյալների մոտ:

«Այո՛,- համաձայնեցի ես՝ հիշելով Ալեքսանդրիան, որտեղ նույ-նիսկ շնչելը լավ է օժանված թաշկինակի միջով:- Պատմության սիրա-

հարևերին հետաքրքրող երկրներն այնքան էլ հարմար չեն սովորական ճանապարհորդներին»:

Հաջորդ օրը միստր Լաթթիմորից իմացա, որ կինը մասնակցել է ազատության համար հույների պայքարին և ծանոթ է եղել գեղապետ Ֆաբիեի հետ: Առաջին անգամ էր տալիս այդ անունը, բայց չուղեկցեց բացատրություններով. մտքով իսկ չէր անցնում, որ նա կարող է անձանոթ լինել ինձ: Իսկապես, թերթերում կարդացել էի ժամանակին նշանավոր այդ հեղինակների մասին:

Ֆաբիեի հետ հարաբերությունների մասին միսիս Լաթթիմորը բավական անկեղծ էր խոսում: Ճիշտ է, ուղիղ ոչինչ չասվեց, բայց տոնն ու ժպիտը, միաժամանակ խուսափողական ու երազկոտ, կասկած չէին թողնում նրանց մտերմության աստիճանի վերաբերյալ: Նրա պատմածում Ֆաբիեն պարզապես Շառլ էր, իսկ ինքը, երբ շարադրանքի բնականության համար առաջին դեմքով էր հաղորդում իրեն ուղղված նրա ռեպլիկները, հանդես էր գալիս որպես Սյուզի:

Այդ ամենն ասվում էր ամուսնու ներկայությամբ: Սկզբում հասկանալի անհարմարություն էի զգում այդ զեղումները լսելով, բայց հանգստացած` նկատելով, որ միստր Լաթթիմորը հպարտությամբ ու միևնույն ժամանակ զննաբար է նայում ինձ. ասես ստուգում էր` ունա՞կ եմ գնահատելու, թե ինչ գանձ է բաժին ընկել իրեն: Ըստ երևույթին կնոջ սիրավեպը Հունաստանի ազատագրության հերոսի հետ դիտարկվում էր որպես ընդհանուր ընտանեկան դրամագույն:

Ձարմանալի չէ, որ խոսակցությունն անցավ լորդ Բայրոնին:

«Պետք չէ իդեալականացնել նրան,- ասաց միսիս Լաթթիմորը:- Շատ բան նրա կյանքում բացատրվում է նրանով, որ կրթոտ երագում էր Լոնդոնի «Աթենական ակումբի» անդամ դառնալ, բայց չէին ընդունում: Ակումբի անդամները` երիտասարդ արիստոկրատներ, հեղինական արվեստի սիրահարներ էին, իսկ Բայրոնը հունական քանդակի ու խեցեղենի այդպիսի հավաքածու չուներ, որը կփոխհատուցեր ազնվատոհմության պակասը: Բայրոնը Հունաստան մեկնեց ոչ հաևուն նրա, ինչով հիմա բլուրն այդպես հիանում եմ: Պարզապես հասկանալ էին տվել, որ եթե որոշ գումար նվի-

րաբերի հույների զինական կարիքներին ու հետևի, որ փողերը չհափշտակեն, կընդունեն «Հունական ակումբ»:

Ես լսում էի խառը զգացումներով: Մեզ հաճելի է որևէ տհաճ բան իմանալ բոլորի կուռքի մասին, բայց տհաճ է, որ դա մեզ հաճելի է:

Ընթրիքին ընդհանուր նավասենյակում խոսակցությունը պտտվում էր նույն թեմայի շուրջ: Խոսվեց բավարական արքայազն Օտտոնի մասին, որը նախանցյալ տարի դարձել էր Հունաստանի թագավոր: Միսիս Լաթթիմորը զհտեր, թե ինչ ստորջրյա հոսանքներ են նրան հունական գահ բարձրացրել ու հաճույքով բացատրեց, որ նրա թագադրումը մեծ տերությունների փոխզիջման հետևանք է: Նրանցից յուրաքանչյուրը կնախընտրեր նրա տեղև իր թագավորական տան ներկայացուցիչն ունենալ, ու որպեսզի չզժտվեն, կանգ էին առել Եվրոպայի գլխավոր հելլենաստերի՝ Լյուդվիգ թագավորի վրա:

Միսիս Լաթթիմորը կարեկցում էր երիտասարդ թագակրին, որն ուսերին էր առել կիսասիական երկիրը եվրոպական դարձնելու և իր իսկ մեծ անցյալը նրան վերադարձնելու ծանր բեռը:

Միստր Լաթթիմորը հետաքրքրվեց, թե ինչ կարծիքի եմ դրա մասին ու շատ զարմացավ՝ լսելով, որ կարծիք չունեմ:

«Ես դուրս եմ եկել այն տարիքից, երբ մարդն իրեն պարտավորված է զգում ամեն հարցով կարծիք ունենալ,- ասացի:- Վերջին պաշտոնս կայսր Ալեքսանդր Պավլովիչի կամեր-քարտուղարն էր: Զանի դեռ նա ողջ էր, հետաքրքրվում էի քաղաքականությամբ, որ կարողանամ կիսել նրա կարծիքը պետական նշանակություն ունեցող հարցերում, բայց այդ ամենն անցյալում է: Մեռյալներն ուրիշ հոգսեր ունեն: Ինձ հազվադեպ է երազ գալիս հանգուցյալ թագավորը, բայց այն սակավ դեպքերում էլ, երբ երջանկություն եմ ունեցել երազում տեսնելու նրան, ոչ մի անգամ հետո քաղաքականությունից չի խոսել»:

Այս մենախոսությունն արտասանելիս միաժամանակ ամոթով ու սարսափով մտածում էի՝ Աստված իմ, այս ինչե՛ր եմ խոսում: Ինչի՞ համար...

Միստր Լաթթիմորն ապշած էր նայում ինձ, կիևը՝ ծաղրանքով: Ասացի, որ անառողջ եմ: Դա այնքան էլ հեռու չէր ճշմարտությունից, ու քաշվեցի իմ նավախուցը:

Շոգեմեքենան խցի տակ թխկթխկում էր չտեսնված ուժով: Ընդհանուր գծերով գիտեի կառուցվածքն ու հասկանում էի՝ եթե բոլոր մասերի այդպիսի ցնցումով է աշխատում, ուրեմն գոլորշու ճնշումը հասել է սահմանայինին: Շարժաթևերի ու մխոցների կատաղի ընթացքից դողալով՝ ընկա աթոռին, և ուշաթափության մշուշի միջով, հասկանալով, որ ոչ միայն մեքենան է թրթռում, այլև սիրտս, տեսա տեր թագավորին: Ավելի ճիշտ, երկու թագավորի: Մեկը զմռսվելուց սևացած դեմքով պառկած էր Պետրոպավլովյան տաճարում, երկրորդը, հսկա խաչը ձեռքին, լրիվ տարբեր նրանից, ում սիրում էի կյանքից ավելի, արդեն երրորդ տարին կանգնած էր Պալատական հրապարակում, վարդագույն գրանիտե սյան զագաթով հասնելով երկինք, առաջինից երես դարձրած, ինչպես հոգին է շրջվում իրենից լքված մարմնից:

Նենց այդտեղ էլ հիշեցի ամսի քանիսն է:

Պիրոսից լուր էի տվել Աթենքի մեր դեսպանորդին: Ժամանակին ընկերություն էինք արել նրա հոր հետ, ակնկալում էի որդու օժանդակությունը հյուրանոցի ու տեսարժան վայրերն այցելելու հարցում, բայց դեսպանորդը ժամանակավորապես բացակայում էր: Նրա փոխարեն եկավ մի ոչ երիտասարդ պարոն, որը ներկայացավ որպես դեսպանական քարտուղար: Ազգանունը լավ չստեցի, բայց հետո հասկացա, որ դիտմամբ է անհասկանալի արտասանել: Կառապանը տեղավորեց ուղեբեռս, կառք նստեցինք ու շարժվեցինք:

Ճանապարհը սարսափելի վիճակում էր՝ չսալարկած, եզրերին փոշոտ խոտի փնջեր: Չնայած հետո լավացավ, նորոգող բանվորների խմբեր երևացին, միանման, կարծես տարազային, մետաղյա կոճակներով, բայց քրքրված ու կեղտոտ հագուստով:

«Այո՛, գիևվորներ են,- գլխով արեց ուղեկիցս՝ հասկանալով ինչի մասին եմ մտածում:- Բավարացիներ: Օտտոն թագավորն է բերել իր հետ: Ճանճի պես կոտորվում են խեղճերը»:

«Կլիման է մեղավոր»,- ենթադրեցի ես:

«Ավելի շուտ՝ բնությունը»,- քմծիծաղեց նա:

«Հունակահն», - մեքենաբար ևոր ու ակնհայտորեն ավելորդ հարց տվեցի: Այստեղ ուրիշ բնություն չկար:

«Չէ, իրենց բնությունը,- պատասխանեց քարտուղարը:- Անընդհատ ու առանց ընտրության խժռում են այստեղի բոլոր մրգերը, բայց և իրենց զարեջրից հրաժարվելու ուժ չունեն: Օրգանիզմը թուլանում է մշտական փորլուծով: Ցանկացած հիվանդություն գերեզման է տանում նրանց»:

Հանկարծ կտրուկ շրջվեց իմ կողմը. «Մենք ծանոթ չենք, բայց ես գիտեմ ձեզ, ու դուք էլ՝ ինձ: Ես Պերմի նախկին նահանգապետն եմ, բարոն Կրիդները»:

Շփոթվելով՝ ավելի լավ բան չմտածեցի, քան հայտնել, որ Կարասուբազարում այցելել եմ իր հորաքրոջ գերեզմանին:

«Ուզում էի գնալ, բայց այդպես էլ չկարողացա», - հոգոց հասեց նա:

«Եթե երբևէ կարողանաք, պետք է գնալ Կորեիզ,- խորհուրդ տվի ես:- Իշխանուհի Գոլիցինան թագավորին խոստացել է բարոնուհու աճյունը տեղափոխել իր կավածքն ու հուղարկավորել այնտեղ»:

«Չէ՛ մի,- արձագանքեց Կրիդները:- Թագավորի մահվանից հետո մոռացել է խոստումը: Ma tante-ն այդպես էլ պառկած է Կարասուբազարում»:

Բարոնուհին մերժեցրել էր մեզ, այլապես չէի համարձակվի հարցնել, թե ինչպես է նահանգապետից դարձել դեսպանական քարտուղար:

- Եթե կավածքներ չունես ու երեք չամուսնացած աղջիկ ունես, ընտրությունը մեծ չէ,- եղավ պատասխանը:- Հինգ տարի առաջ Հունաստանում բացվեց մեր դեսպանատունը, և գեներալ-համհարզ Պիբիշը՝ գնդային ընկերս, ինձ ընդգրկեց հաստիքակազմում: Նա մեծ ազդեցություն ուներ որպես վերջին թուրքական արշավանքի գլխավոր հրամանատար:

«Այո՛,- հիշեցի,- թագավորի շքախմբում միասին էինք Ուրալյան նրավերջին ուղևորության ժամանակ: Ափսոսում էր, որ Պերմում չի հանդիպել ձեզ»:

«Իսկ ես ուժեղ հաղթաթուղթ ունեի,- հավելեց Կրիդները,- ևոր հունարեն գիտեի»:

Պարզվեց, որ երբ Պերմի՝ նրա դեկավարած Աստվածաշնչյան ընկերությունը սկսել է կոմի-գիրյաներեն թարգմանել Կոսկարանը, բարո-

նուիին որպես նմանատիպ աշխատանքի նմուշ ուղարկել է նույն Աստվածաշնչյան ընկերության՝ Լոնդոնում լույս տեսած Նոր կտակարանի նոր հունարեն հրատարակությունը: Հոգևոր ճեմարանում ոչ ոք այդ լեզուն չգիտեր, և Կրիդները սկսել էր դասեր առնել Պերմում սրբապատկերներ վաճառող մի մարիուպոլցի հույնից:

«Լավ սրբապատկերներ էին, լավ էլ ծախվում էին,- պատմում էր նա:- Մի բան էր վատ. ինչպես ընդունված է հույների մեջ՝ բոլոր սրբերը, ասենք, Մարիամն ու Հիսուսն ինքն էլ, պատկերված էին առանց լուսապսակի: Դրա համար թեմական ղեկավարությունը նրան վտարեց Պերմից, բայց մինչև այդ մի ամբողջ տարի շաբաթը երկու անգամ գալիս էր ինձ մոտ: Կողք կողքի էինք դնում սլավոնական ու հունական կտակարաններն ու կարդում: Որոշ բան սովորեցի, իսկ բանավոր խոսքին տիրապետեցի Նավպլիոնում: Անցյալ տարի Նավպլիոնից տեղափոխվեցի նոր մայրաքաղաք»:

Առջևում հառնեց Ակրոպոլիսի ժայռը: Նայում էի ինչպես կենդանությունն առած երագի: Արդեն Աթենքում էինք: Իրար հետևից ձգվեցին քար ու ցեխից ծեփած տնակները, անտաշ քարով շարած կոպիտ ցանկապատերով այգիները: Վերջապես մտանք կարմրակղմիկոր տանիքներով գերմանական տիպի շինություններով մի ավելի վայելուչ շրջան: Շուրջը շինարարական աղբ էր կիտված: Այս տները, ասաց Կրիդները, բավարական սպաների, ինժեներների, աստիճանավորների համար են կառուցվել:

Փողոցների անվանումները անկյունային տների վրա գրված էին հունարեն ու գերմաներեն: Գոթական *straße*-ն ուժգնացնում էր տպավորությունը, ասես ոչ թե Աթենքում էի, այլ Մյունխենի կամ Գերմանիայի որևէ այլ քաղաքի արվարձանում: Ասենք, լապտերներ ու կառքեր, որպես Եվրոպայի ամենահամեստ քաղաքային կյանքի նշաններ, այստեղ էլ չկային: Անցորդներն էլ հազվադեպ էին, և բոլորը, հագուստից դատելով, գերմանացիներ ու իտալացիներ: Երևի նրանց մեջ եվրոպական հագուստով հույներ էլ կային, բայց իսկական, ազգային տարագով մարդիկ աչքի էին զարնում միայն սրճարանների առջև: Ճիշտ ինչպես թուրքերը Ստամբուլում կամ Յաֆֆայում, ճիշտ նույնպիսի բեղերով՝ նրանք շրջան էին կազմել մուսքի մոտ կամ ուղղակի նստել գետնին, ու չնայած դիրքն ինքը նորու-

ԼԵՆԻՆԻ ՅՈՒԶԵՖՈՎԻՉ

թյունների կամ կարծիքների աշխույժ փոխանակում էր ենթադրում, լռում էին՝ փստացնելով կարճափող ծխամորճերը: Ըստ երևույթին, սոր աշխարհում սրանց բավական էր միայն յուրայինների մեջ լինելը:

Անցանք տակիքից տակիք ձգվող արևապաշտպան պարուսինե ծածկով նեղլիկ առևտրային փողոցն ու ելքին կանգ առանք երկհարկանի, խորդուբորդ աստիճաններով ու կասկածելի մաքրությամբ պատուհաններով մի երկհարկանի շինության առաջ: *Albergo Nuova*՝ կարդացի մուտքի ցուցանակին:

«Լավ հյուրանոց է,- հանգստացրեց ուղեկիցս:- Նույնիսկ ճաշին սպիտակ հաց են տալիս»:

«Իսկ մյուսներում չե՞ն տալիս», - հարցրի:

«Տարբեր», - ասաց նա, ու ես մտածեցի, որ տեղիս կյանքը սրան ճակատագրապաշտ է դարձրել:

Նաջորդ օրը, նախօրեի պայմանավորվածությամբ, բարձրացանք Ակրոպոլիս: Կրիղներն իմ հետևից եկավ կեսօրին, մի ժամից արդեն Պրոպիլեոնի վերելքին էինք: Դարպասների մոտ աթոռակին մի սերթուկավոր երիտասարդ էր նստել, սրա առաջ սեղանին անագե ափսե էր՝ մետաղադրամներով, և կողքին՝ ինչ-որ մանուշակագույն թղթիկներ, որոնցից յուրաքանչյուրի վրա կնիք կար:

«Պետք է տոմս առնել», - այդ բեղավոր ջահելի ներկայությունը բացատրեց Կրիղները:

«Ահա՛ թե ինչ,- ժպտացի ես:- Երբ հույներին վարկեր էին պետք, հավատացնում էին, որ իրենց հնությունները պատկանում են ողջ մարդկությանը»:

«Հարկադրված քայլ է,- հույներին պաշտպանեց Կրիղները:- Հունաստանն աղքատ է, իսկ Օտտոն թագավորը համարյա ոչինչ չի անում արվեստի պահպանման համար: Գանձարկղն այդպիսի ծախսերի չի դիմանում»:

Նա երկու տոմս գնեց: Ուզում էի հատուցել արժեքը, չէ՞ որ ինձ համար էր եկել, բայց նկատեց, որ ռուս մարդկանց միջև այդպիսի մանր հաշիվներն ընդունված չեն:

Բարձրացանք աստիճաններով ու հայտնվեցինք փոշու ամպի մեջ: Տասնյակ բանվորներ քլունկներով ու նիզերով ջարդում էին Պարթենոնն

ու Էրեխթեոնը փակող վնետիկյան ու թուրքական կառույցները:

Հնության կնիքը կրող բեկորներն առանձին էին դարսում, իսկ սովորական քարերն ու աղբը ժայռից թափվում էին ցած: Հելլենական հանճարի մեծագույն ստեղծագործությունների խորամուխ հայեցողության մասին խոսք լինել չէր կարող, բայց ես պատրաստ էի խոստովանելու, որ չնայած աշխատանքն ավարտված չէ, երկու տաճարներն էլ աստիճանաբար ազատվում են վերջին երեք հարյուրամյակում իրենց շրջապատած խանութների, գորանոցների, տնտեսական ու բնակելի շինությունների խայտաբղետ պատից:

Պարթեոնը մուտքից աջ է: Պետք է ասել, որ սպասված տպավորությունը չթողեց: Ես պատմաբան չեմ, անտիկվար չեմ, իսկ ավերածություններն այստեղ այնքան նկատելի են, որ դժվար է իրական պատկերը փոխարինել նրանով, որը պետք է հառնի մեր մտավոր հայացքի առաջ: Մարմարը դեղնել է, սյուները խիտ խզբզված են այցելուների անուններով: Հատկապես շատ են Նավարինի ճակատամարտից առաջ կամ հետո Աթենքում եղած ռուս նավաստիների ինքնագրերը: Մի կողմից դա իմ մեջ ազգային հպարտության պոռթկում առաջացրեց, մյուս կողմից՝ ամոթ հայրենակիցներիս համար և որոշ գրություններ ջնջելու սուր ցանկություն:

Հորիզոնի անեզրությունը. ահա թե ինչն էր ամենից ուժեղ ազդում: Ժայռի եզրին բարձրությունից ու հիացմունքից շունչս բռնվում էր: Պայծառ օր էր, վաղ աշնան թափանցիկ օդում աչքը ոչ մի սահմանափակում չէր գտնում, բացի սեփական թուլությունից: Կրիդները մատնացույց արեց աշխարհի կողմերը, ինչը թույլ էր տալիս իմ առաջ բացված պատկերները դասակարգել չորս բաժնով, որ ավելի հուսալի պահպանեմ հիշողության մեջ: Հյուսիսում տարածվել էին քաղաքի թաղամասերը՝ դրանցից վեր հառնող վիթխարի Լիկաբետոսով. արևելքում, Արրիանայի դարպասները շրջանցելով, դեպի Էլևսին էր ձգվում նույնիսկ ինձ՝ անգետիս հայտնի Էլևսիայան միստերիաների սրբազան ուղին.. արևմուտքում սևին էր տալիս Արեոպագոսի բլուրը՝ երկու քարանձավներով, որտեղ Սոկրատեսի զնդանն էր. վերջապես, հարավում հայացքը սահում էր Պիրեոսի տնակների, նավահանգստի խաղալիք նավերի, կայծկլտացող ծովային կապույտի

ԼԵՆԻՆԻ ՅՈՒԶԵՖՈՎԻՉ

վրայով ու դեմ առնում Սալամինի կամ Էգինի հեռավոր բարձունքներին: Կրիդները չէր կարող ստույգ ասել, թե այդ երկու կղզիներից որն ենք տեսնում:

Պարթենոնի հյուսիսային սյունասրահի մոտ ևս ինձ տարավ դեպի փայտե վահանակը, որ դրված էր ոտնակների վրա ու ծածկված կղմինդրե շվաքարանով: Վահանակի վրա ճերմակին էին տալիս թղթի մի քանի թերթ՝ ճարտարապետական ուրվանկարներով ու դրանց բացատրություններով, սակայն առյուծի բաժինը զբաղեցնում էր սյունաշարով ու զանգվածեղ զմբեթով ինչ-որ շինության տեմպերայով արված պատկերը:

Վերնաճակատն ու քառանկյուն որմնասյուները արված էին պրուսական հելլենիզմի ոճով, իսկ վերևից դրված զմբեթն ասես զիջում լիներ պալլադիական ավանդույթներին:

Կրիդները պերճախոս լռում էր՝ ժամանակ տալով, որ ուսումնասիրեմ նկարը: Հասկացա, որ մեր այստեղ գալու առաջին իսկ րոպեներից ցանկացել է հենց այդ ցույց տալ, բայց չի համարձակվել մինչև գլխավոր տեսարժանությունները նայելը:

«Ի՞նչ շինություն է», - հարցրի. ակնոցս թողել էի հյուրանոցում ու չէի կարող կարդալ բացատրությունները:

«Օտտոն թագավորի ապագա պալատը: Ճարտարապետը նշանավոր Շինկելն է՝ Բեռլինից», - պատասխանեց Կրիդները:

Հարցս, թե որտեղ է կառուցվելու պալատը, զարմացրեց նրան:

«Ահա,- ցույց տվեց դիմացի սյունաշարը, որը մեկ ամբողջություն էր կազմում պալատի հետ:- Չիմացա՞ք: Ախր սա Պարթենոնն է, պարզապես բոլոր տապաված սյուները վերականգնվել են»:

«Մի՞թե,- չհավատացի ես,- թագավորական պալատը պատրաստվում են Պարթենոնում կառուցել»:

Պարզվեց, որ՝ այո՛, այնտեղ, ուր կանգնած ենք:

Ես հելլենասեր չեմ ու երբեք չեմ եղել, բայց Հունաստանի հանդեպ հազարավոր սրտերում բոցկլտացող սիրո հուրը ինձ էլ էր դիպել: Հիմա այն մարել է, ծուխը՝ ցրվել, ու երևում էր, որ նրանից ծնունդ է առել այս անհեթեթ շինությունը՝ Պարթենոնով՝ որպես շքամուտքի սյունասրահ:

«Ղուք էիք ասում,- հիշեցրի Կրիդներին,- որ թագավորը գիշեր ու գոր հոգում է հունական արվեստի հուշարձանների պահպանման համար»:

«Այո՛,- շփոթվեց ևս,- բայց ես այլ բանի մասին էի ուզում խոսել ձեզ հետ: Ժամանակին ձեզ էի ուղարկել բարոնուհու արած նկարը՝ խնդրելով փոխանցել թագավորին: Բարոնուհին պատկերել էր տեսիլքը, որ ևս ունեցել էր Ղրիմում, ոգու աղոթքի ժամանակ, հիշո՞ւմ եք»:

Ասացի, որ նկարով կամակը հիշում եմ, բայց նկարը մոռացել եմ:

Նա մատնացույց արեց վահանակը. «Բարոնուհին ճշգրիտ պատկերել էր այն, ինչ ձեր աչքի առաջ է: Օտտոնի ապագա պալատը տաճարի պատճենն է, որը ևս այդ գիշեր տեսել էր Ակրոպոլիսում: Նա այդ տաճարը ժողովուրդների ապագա եղբայրության խորհրդանշանն էր համարում, քրիստոնեական բոլոր դավանանքների տաճար, դրա համար էլ նկարում գմբեթը խաչով է: Այստեղ խաչ չկա, ահա և ողջ տարբերությունը, եթե չհաշվենք զարդարանքի որոշ մանրամասներ:

«Այո՛, լինում են զարմանալի զուգահեռություններ», - խոստովանեցի ես:

«Չուգահեռություններ՞,- վեր թռավ Կրիդները:- Այդպիսի զուգահեռություններ չեն լինում: Ma tante -ն զուտ պարզ, մարդկային խորաթափանցությամբ չէր օժտված: Ոգու աղոթքում նրան հայտնվել էր ապագան: Հիշե՛ք,- ևս սկսեց ծալել մատները,- կատարվեց նրա կանխագուշակումը Էլբայից Նապոլեոնի փախուստի մասին: Պևանք առաջ. տեր թագավորին զգուշացնում էր, որ հույներին օգնելուց հրաժարվելու համար Աստված կպատժի նրա հպատակներին, ու եղավ քսանչորս թվի հեղեղը: Կատարվեց նաև մարգարեությունը, որ Հունաստանի կործանումը կգա Եգիպտոսից»:

«Մի՞թե դա կատարվել է», - կասկածեցի ես:

«Համարյա,- իրեն չկորցրեց Կրիդները:- Չուտ պատահականություն է, որ Իբրահիմ փաշան չգրավեց ողջ Հունաստանը: Եթե դա նրան հաջողվեր, Անգլիան, Ֆրանսիան ու Ռուսաստանը պատերազմի մեջ չէին մտնի: Ի բարեբախտություն հույների՝ Աթենքում, Ակրոպոլիսի տակ Իբրահիմ փաշան վիրավորվեց ինչ-որ հելլենաստերի գնդակից: Հետո երկար ժամա-

ԼԵՆԻՆԻ ՅՈՒՋԵՖՈՎԻՉ

նակ ապաքինվում էր ու չկարողացավ ավարտին հասցնել շատ հաջող սկսած արշավանքը»:

«Ստացվում է, որ բարոնուհին սխալվել է»,- ոչ առանց չարախնդու-
թյան ամփոփեցի ես:

«Մի շտապեք եզրակացություններ անել,- զգուշացրեց նա:- Այսպես
ասենք, բարոնուհուն բացվել էր մեզ համար երկնքում կանխագծվածը, ոչ
թե մեզ հետ կյանքում կատարվողը»:

«Մի՞թե դա նույնը չէ»,- հարցրի:

Նա ժպտաց. «Ձեզ համար երբևէ ձեռնագուշակություն արե՞լ են»:

Պատասխանեցի, որ՝ ոչ:

«Խիրոմանտները գիտեն,- ասաց Կրիդները,- որ ձախ ափի գծերը
պատմում են, թե մեզ ինչ ճակատագիր է սպասում: Իսկ աջինը՝ իրակա-
նում ինչպես է դասավորվելու մեր կյանքը: Բարոնուհին միայն ձախ ափն
էր նայում...»:

«Շոգ է, հոգևեցի»,- ընդհատեցի նրան ու հետ դարձա դեպի սյունա-
սրահը:

«Եթե հանգուցյալ թագավորը լսեր նրան ու զորքը շարժեր թուր-
քերի դեմ, ողջ կլիներ,- հետևիցս հասնելով՝ շարունակեց Կրիդները:-
Բարոնուհին ցանկանում էր փրկել նրան...»:

Արդեն դարպասների մոտ էինք: Սեղանիկի առաջ ստիպված էինք
շրջանցել գերմանական հագուստով ու հունական կլոր թասակով մի ոչ
երիտասարդ տղամարդու: Կրծքով հրում էր իր ճանապարհը փակած տոմ-
սավաճառին ու զայրագին ինչ-որ բան բղավում՝ դիմելով շուրջը հավաք-
ված ամբոխին: Մի պահ դեմքը ծանոթ թվաց, բայց նշանակություն չտվի:

Որքան երկար ես ապրում, այնքան ավելի ես համոզվում, որ մարդ-
կային բնության տխրահռչակ բազմազանությունն ավելին չէ, քան մի՛Ֆ:
Երիտասարդ հասակում մարդկանց մեջ տեսնում եմք այն, ինչը նրանց
տարբերում է իրարից, իմ տարիքում՝ ինչ նրանց իրար նման է դարձնում:
Վերջինն ավելի շատ է:

«Ի՞նչ է ուզում», - հարցրի Կրիդներին:

«Ուզում է մտնել Ակրոպոլիս: Չի ուզում տոմս առնի,- ներկայացրեց

ևա տղամարդու բողոքը: Ասում է՝ արյուն է թափել այստեղ, և իր օրինական իրավունքն է՝ առանց տոմսի անցնել: Ինքը չափտի վճարի թագավորին, այլ թագավորը՝ իրեն»:

Հայտնվեցին երկու զինվոր՝ կապույտ հունական համազգեստներով, ներքևը՝ սպիտակ ֆուստանել: Երկու կողմից բռնեցին աղմկարարի արմունկները, մի տասը քայլ քարշ տվին ճանապարհով ներքև, չթողնելով, որ դուրս պրծնի և ուշադրություն չդարձնելով նրա ճիչերին, բաց թողեցին: Նրանցից մեկը, որ ավելի ջահել էր, վերջում ծնկով թեթև հասցրեց հետույքին: Կովագանն անգոր կատաղությամբ թքեց նեղացնողի հետևից, և թքի հետ բերանից մի կարճ ու եռանդուն արտահայտություն թռավ, ակնհայտորեն ոչ հունարեն: Հենց այդ անհեթեթությունից էլ ճանաչեցի նրան: Բառերի թվով, ռիթմով ու սկզբնատառով այն կրկնում էր մեր գլխավոր հայիոյանքը, բայց շատ ավելի զզվելի էր հնչում: Հազար տարի առաջ, Պերմում, այդ երեք բառն ինձ հանդիպել էր քննչական գործում և այնքան ամուր սստել հիշողությանս մեջ, ասես այսօրվա հանդիպման կանխատեսությամբ սրտիս էր փորագրվել:

Շուտով Մոսցեպանովի հետ սստած էինք սեղանի շուրջը: Թանկարժեք պաստառներից, «Բավարական սուրճի տուն» դրոշմից և իտալական կահույքից դատելով՝ նրա գործերը վատ չէին: Ճանապարհին իմացա նրա կյանքի պատմությունը Պերմի մեր հանդիպումից հետո, միևնույն ժամանակ անհայտության խավարից ելավ չարաբաստիկ գաղտնիքը, որ նա ցանկանում էր հայտնել թագավորին: Հենց դրանով էլ բարձրացել էր. Կովկասից բերվող նավթից յուղ էր քամում կանթեղների համար և առաքում վանքերին, ընդհուպ՝ Աֆոնի վանքին: Սնացորդները ծախում էր Էրմու փողոցի կրպակին:

Կրիդներից ավելի շուտ էի բաժանվել: Ասաց՝ լսել է, որ Մոսցեպանովն ապրում է Հունաստանում, բայց նրա հետ հանդիպում չի փնտրել: Միասին նրան այցելելու առաջարկիս պատասխանեց, որ ծառայության բերումով պարտավոր է Հունական կառավարությունից պահանջել Մոսցեպանովի արտահանձնումը Ռուսաստան, բայց չի ուզում, ուստի նրան հյուր լինել չի

կարող: Օղենի մոտ հանդիսավոր խոնարհումով հրաժեշտ տվեց ու հեռացավ: Բայց սեղանի շուրջը նստեցինք երեքով: Երրորդը Կոստանդիսն էր:

Մոսցեպանովից տեղեկանալով, որ նախկին լեյք-բժիշկը հարևանությամբ է ապրում ու հիևզ թուլեցից մեզ մոտ կլինի, այնքան էլ չզարմացա: Նախորդ օրվանից ասես շիրմափոսի եզրին եմ կանգնած, աչքիս առաջ իրար հետևից հայտնվում էին մարդիկ, որոնց կարող էի հանդիպել գուցե թե հաջորդ, բայց ոչ մի կերպ՝ այս կյանքում: Այնպիսի զգացում ունեի, որ նրանք կոչված են հիշեցնելու թագավորի մահից հետո իմ գոյության երևութականության մասին:

Ես ու Կոստանդիսը վերջին անգամ հանդիպել էինք տասը տարի առաջ, Տագանոզում, բայց կճանաչեի, եթե նույնիսկ նրա մասին զգուշացված չլիսեի: Քիչ էր փոխվել, միայն մի քիչ լցվել էր, ճերմակել և գլխավորը՝ պայթել կամ թուլացել էր նրա մեջ ձգված զսպանակը, որի ոչ բարձր, նյարդային զևգոցը լսում էի մեր բոլոր խոսակցություններում:

Նրա գալուց առաջ Մոսցեպանովը հասցրեց պատմել, որ իբրև բժիշկ Կոստանդիսը ճանաչված է բավարական ինժեներների և աստիճանավորների շրջանում, բազում բուժառուներ ունի, իտալուհի կին, երկու որդի:

Քրիսան՝ տաստիրուհին, բերեց ու սեղանին գեղեցիկ դասավորեց մրգեր, հաց, պանիր, մի շիշ անխառն, անխեժ գինի, բայց մեզ հետ չնստեց: Նիհար, ամբողջովին սևազգեստ՝ նա գեղեցիկ ու նույնիսկ բարետես չէր, ընդամին՝ խելացի մարդը չէր կարող չնկատել, որ ամուսինների հարաբերություններում կատարյալ ներդաշնակություն է: Նրանց սիրո պտուղը վեցամյա սքանչելի աղջնակն էր, որն ինձ հանդիսավոր ներկայացվեց որպես Եվանգելիա: Մոսցեպանովը նրան Էվի էր ասում:

Օճանոթացնելուց հետո նա դատերը խնդրեց հյուրի համար արտասանել Կոիլովի «Ագռավն ու աղվեսը»: Պատասխանը լռությունն էր: Մոսցեպանովը սկսեց հորդորել դատերը, բայց՝ անօգուտ: «Է՛վի,- դիմեց նրան ու շարունակեց ռուսերեն՝ ցույց տալով, որ նա հասկանում է մեր լեզուն:- Բոլոր հարևանների երեխաները սիրում են ինձ, բոլորը քո ընկերներն են: Երեկ դուրս եմ գալիս տնից, տեսնեմ՝ անձրև է գալու, իսկ անձրևանոց չեմ վերցրել: Անում եմ Յաննի, վազիր մեր տուն, Քրիսայից խնդրիր անձրևա-

ևոցը: Վագեց, բերեց: Նրա քրոջն ասում եմ պարհիր, ուրախացրո՛ւ քեռի Գրիգորիոսին: Նա պարում է: Իսկ դո՞ւ»:

Հորդորներն ու հանդիմանությունները տևեցին այնքան, մինչև որ Էվին լաց եղավ: Միայն այդ ժամանակ Մոսցեպանովը հանգիստ թողեց նրան: Աղջիկը նստեց գորգին և հյուրերի համար հաշվարկված արտիստիկ կանացիությամբ սկսեց օրորել տիրոջան հովվուհու տարազով տիկնիկին, ինչը իմ մեջ շատ հաճելի հիշողություններ արթնացրեց, հետո պառկեցրեց, բացեց երկու ձեռքերի մատիկները և, ինչ-որ բան մրմնջալով՝ սկսեց հերթով շարժել:

Մոսցեպանովն այդ ընթացքում ծաղկացնելով Կոստանդիսիս պատմում էր Ակրոպոլիս մտնելու իր անհաջող փորձի մասին:

«Որոշել էի տեսնել, թե ինչ տեսք է ունենալու Օտտոնի պալատը, պատասխանեց Կոստանդիսի հարցին, թե ինչն էր նրան տարել այնտեղ: Բոլորը դրա մասին են խոսում, իսկ ես այդպես էլ չեմ տեսել»:

Թագավորի անունը հունարեն արտասանեց՝ Օֆոն:

«Շատ բան չես կորցրել,- մխիթարեց Կոստանդիսը:- Այդպիսի այլանդակություն քիչ կա: Եթե կառուցեն, կհեռանամ Աթենքից»:

Մոսցեպանովն անհանգստացավ այդ հեռանկարից, բայց ես համարյա վստահ էի, որ մեկնելու կարիք չի լինի: Նույնիսկ երկնքում մեր ճակատագիրը մաքրագիր չի արվում: Բարոնուհին ամեն դեպքում միայն ապագայի սևագիրն էր տեսել՝ կանխորոշված ու չիրականացած: Պատճառներ չունեի մտածելու, որ Ակրոպոլիսի պալատը բացառություն կլինի կանոններից:

Արդեն գիտեի, որ թուրքերի հետ պատերազմի ժամանակ Մոսցեպանովը ծառայել է գնդապետ Ֆաբիեի հրամանատարության տակ, և հիշելով ուղեկցուհուն՝ հետաքրքրվեցի նախկին հրամանատարով:

Նրա փոխարեն պատասխանեց Կոստանդիսը. «Հուլիսյան հեղափոխությունից հետո Ֆաբիեն մեկնեց Ֆրանսիա, շահավետ ամուսնացավ: Լուի-Ֆիլիպը վերադարձրեց կալվածքներն ու նրան մոցրեց Պերերի պալատ: Ես ու Գրիգորին կապ չենք պահպանում նրա հետ: Ինդիքն ահա թե ինչ է,- կանխեց նա իմ հարցը:- Բավական չէ, որ Ֆաբիեն հանրապետա-

կան է, նաև դավաճանել է իր իղեալներին ու փորձում էր հունական գահին նստեցնել հերցոգ Նամյուրցուն և առաջին մինիստր դառնալ: Ես պատրաստ եմ ընդունելու, որ հույները հանրապետության համար չեն հասունացել, բայց որպես թագավոր մեր վզին փաթաթել ինչ-որ երկրորդական դքսի, նշանակում է մեզ ընդհանրապես բանի տեղ չդնել: Օտտոնի մեջ գրեն մի կաթիլ հունական արյուն կա. մոր գծով Կոմնինների ժառանգն է: Հաճելի երիտասարդ է, ցավն այն է, որ նրա փոխարեն կառավարում են ինչ-որ ժամիշխաններ: Ես ու Գրիգորին հրաշալի հիշում ենք այդ պարոնին: Պատերազմի ողջ ընթացքում նստել էր Նավպլիոնում, իսկ հիմա պարզվում է՝ հենց նա է մեր գլխավոր ազգային հերոսը»:

Խոսակցությունն անցավ քաղաքականությանը: Կոստանդինս էր մենախոսում, ես ու Մոսցեպանովը լուռ էինք: Գինու շիշը դանդաղ էր դատարկվում: Ոչ մեկս գինու սիրահար չէինք:

Ի վերջո Քրիստան նեղվեց, որ ամուսինը չի ուշադրության կենտրոնում: Մոտեցավ մեզ և ցույց տալով նրան, բայց ինձ դիմելով՝ հունարեն ինչ-որ բան ասաց:

«Ասում է, որ ես եմ սպանել Իբրահիմ փաշային,- շփոթված թարգմանեց Մոսցեպանովը,- բայց ճիշտ չի: Ես միայն վիրավորել եմ»:

Նա մեղմ հանդիմանությամբ դիմեց կնոջը, որը կտրուկ օրորեց գլուխն ու էլի մի բան ավելացրեց:

«Չգիտեմ ինչպես թարգմանեմ,- դժվարացավ Մոսցեպանովը:- Ասում է՝ ես նրա մեջ սպանել եմ տղամարդուն: Փաշան տեսել է սրտին ուղղված հրացանը, վախից սիրտը կծկվել է և արդեն չի վերադարձել նախկին չափերին: Ընդմիշտ փոքր է մնացել: Այդպիսի սրտով վախեցել է շարունակել պատերազմը: Նստել է Տրիպոլիում, ինչպես մուկը բնում, քիթն այնտեղից չի հանել, իսկ հետո ֆրանսիացիներից փախել է իր Եգիպտոսը»:

«Եթե մի կողմ թողնենք ժողովրդական պոեզիային հատուկ չափազանցությունները, ամեն ինչ հենց այդպես էլ կա», - նկատեց Կոստանդինը, ու ես վերջապես հասկացա, որ անանուն հելլենասերը, որի մասին Կրիկները խոսում էր որպես ճակատագրի նախասահմանումը խախտած մարդու, ոչ այլ ոք է, եթե ոչ Մոսցեպանովը:

«Ո՞րք է», - հարցրի Իբրահիմ փաշայի մասին:

«Ողջ-ամողջ , - ասաց Կոստանդիսը: - Գժտվել է հոր հետ, քաշվել իր կալվածքն ու հողագործությամբ է զբաղվում: Գյուղատնտեսներ է հրավիրել Ֆրանսիայից: Այդ ասպարեզում, ի տարբերություն զինվորականի, հաջողությունն ուղեկցում է նրան»:

Ես էլ ժպտացի: Նարինջ, ձիթապտուղ, ծներեկ, սուրճի ծառ: Նա, ում մեջ բարոնուհի Կրիդները տեսել էր Եսայու կանխագուշակած թևավոր վիշապին, դարձել էր խաղաղաբարո աֆրիկյան կալվածատեր: Փոթորիկն անցել է, ամպրոպի հուրը շողացել ու մարել: Բոլորն անդորրություն են գտել:

Այդ պահին անկյունից լսվեց մանկական զևզուն ձայնը.

Քանի անգամ են ասել աշխարհին,
Որ ևողկալի է քձևանքը, բայց ի՞նչ,
Քձևողը սրտում միշտ ունի անկյուն...

Հաղթահարելով դժվարընկալելի հատվածը՝ ասմունքողը թեթևացած շունչ քաշեց: Ազոավին ուղարկված պանրի կտորի մասին տողի վրա ձայնը հաստատուն դարձավ, բայց առջևում ևոր փորձություն էր սպասվում «դարսդարսվել» բառի տեսքով: Ասենք, Էվին դա էլ պատվով հաղթահարեց:

Հոր հերոսականությամբ ոգեշնչված, խրախուսված նրա հայացքով, դժվարանալով, բայց չընկրկելով դժվարությունների առաջ՝ նա առակն արտասանեց մինչև վերջ: Բոլորս, ներառյալ տիրոջան հովվուհին, լսում էինք ակնածալի լուրջամբ: Մոսցեպանովի շրթունքներն անձայն շարժվում էին նրա արտասանության հետ: Ոչ մի հուշում նրանից չլսեցի, բայց օղը ճրճթում էր մեամերիկ ազդանշաններից, որ ուղարկում էր դատերը, երբ նա շփոթվում կամ որևէ բառ մոռանում էր:

Դրանից հետո նախկին խոսակցությանը վերադառնալ արդեն չհաջողվեց, մի թեմայից թռչում էինք մյուսին: Ու բոլորը մանր էին թվում հենց ևոր տեսածի համեմատությամբ: Քրիստան սկսեց աննկատ հավաքել սեղանը:

ԼԵՆԻՆԻ ՅՈՒՋԵՖՈՎԻՉ

«Դե ինչ,- Մոսցեպանովին դիմեց Կոստանդիսը:- Յույց տա՞նք»:

Մոսցեպանովը գլխով արեց: Նրանք սպասողական նայեցին ինձ:

Լարվեցի. «Ի՞նչ եք ուզում ցույց տալ»:

«Պևանք, կտեսնեք,- ասաց Կոստանդիսը:- Այստեղից հեռու չի: Աթենքը փոքր քաղաք է»:

Իսկապես, կես ժամում ոտքով կտրեցինք քաղաքն ու վերջին տներից այն կողմ ոչ թե մշակված դաշտեր էին, ինչպես ցանկացած եվրոպական քաղաքի արվարձանում, այլ մի լայնարձակ պարապուտ՝ ճոքերի վերևը հասնող գորշ աշխանային խտով: Տեղ-տեղ, առանձին քարերի ու քարակույտերի շուրջը մզին էին տալիս չոր ցողունների կոզյակները: Հրաշքով հոկտեմբեր հասած երկու-երեք ծղրիդ դատապարտված ճկճկկացնում էին իրենց ջուրօսները:

Քառորդ վերստից կաճանը մեզ հասցրեց մի փոքրիկ եկեղեցի. տանիքը քայքայված էր, մեջտեղը՝ ծակ: Կողքին թափթփված էին ժամանակին այդտեղ կանգնած հեթանոսական տաճարի մարմարե բեկորները, որոնցով էլ եկեղեցին մասամբ կառուցված էր: Մի կողմից եկեղեցուն հարում էր մի ոչ մեծ գերեզմանոց, մյուս կողմից՝ մի փոքրիկ պուրակ՝ հոկտեմբերի թռչնած տերևներով: Ծառերի մեջ հառնում էր տեղիս անտառների արիստոկրատը՝ մշտադալար դափնին:

Եկեղեցին բաց էր, քահանան պատրաստվում էր իրիկնային ժամերգության: Ուզում էի տեսնել, ու չնայած ուղեկիցներս մտադիր էին շարունակել ճանապարհը, պնդեցի, որ ինձ հետ ներս մտնեն: Տաճարը դրսից էլ անշուք էր, բայց ներսը ապշեցրեց խորագույն աղքատությամբ: Տանիքը ծակծկված էր, մերկ պատերին՝ օձագալար ճաքեր: Բյուզանդական ոգով որմնակարված սրբապատկերները փորագրանախշեր ու ոսկեշերտեր չունեին, բեմի միջնադուռը՝ փեղկեր: Քահանան գաղտնածեսը կատարում էր հնամաշ վարագույրի հետևը, որի գլխին կախված էր թղթից կտրած ու փայտե չորսուին քորոցով ամրացված խաչելությունը: Ջարդված խոյակը գրքակալ էր ծառայում:

«Տեսնում եմ, որ զարմացած եք,- իմ զգացումները ճիշտ մեկնեց Կոստանդիսը,- բայց հունաստանում եկեղեցական գրաքննություն չկա: Մենք

տաճարները զարդարում ենք այնպես, ինչպես մեզ դուր է գալիս, և մեր ճաշակը տարբերվում է ձերինից: Ձեզ մոտ գևահատվում է ճոխությունը, մեզ մոտ՝ պարզությունը, դուք ոսկի, ներկեր, լաք եք սիրում, մենք՝ դաշտային ծաղիկներ ու հևագույն արվեստի գործեր: Աստծո աչքին թղթե խաչելությունը ոչնչով չի տարբերվում արծաթյա խաչելությունից: Հույների համար, ըստ Ավետարանի, ամեն ինչ մաքուր է, քանզի նրանք չեն տեսնում անմաքրությունը»:

Մոսցեպանովը խորամանկ ժպտաց, բայց լռեց: Տանտիրոջ հյուրընկալ շարժումով ինձ հրավիրեց շարունակել դիտումը: Պարագծով պտտվեցինք եկեղեցում: Պատերին՝ ոչ մի զարդարանք, բացի կիսաթռչնած ծաղիկներից ու լրիվ չորացած ծաղկեպսակներից, արանքում ճերմակին էին տալիս տետրի թերթերի նման թղթիկներ, ամեն շարքում երկու-երեքական, հենց քարերին փակցված ինչ-որ սոսնձանյութով, որի չորացած շիթերը դուրս էին պրծել անկյուններից: Բոլորը գրված էին բանաստեղծության տեսքով:

«Հոգևոր հիմներ՞ր ես», - եկթաղրեցի ես:

«Ո՛չ,- պատասխանեց Կոստանդիսը: - Հայրենասիրական ժողովրդական երգեր»:

Խնդրեցի որևէ մեկը թարգմանել: Նա ընտրեց ամենակարճն ու բացատրեց, որ դրա հերոսը՝ հետերիստ Ֆարմակին, պատմական դեմք է, Օդեսայից Վալախիա իշխան Իպսիլանտիի անհաջող արշավանքի մասնակից, ապա ներկայացրեց բովանդակությունը. «Թուրքերը գերի են վերցնում մարտում վիրավորված Ֆարմակիին, տանում Կոստանդնուպոլիս և այնտեղ տանջալի մահապատժի ենթարկում ռուս, ֆրանսիացի և անգլիացի դեսպանների աչքի առաջ: Դահիճների ձեռքով խոշտանգված Ֆարմակին հայացքը հառում է երկինք, տեսնում ծիծեռնակների մի երամ և խնդրում, որ թռչեն իր կնոջ մոտ, պատմեն, թե ինչպես է քաջաբար ընդունել մահը»:

Չայնը խզվեց: Արագ շրջվելով, որ չտեսնեմ աչքերում շողացող արցունքները, արագ դուրս եկավ և ուղղվեց դեպի գերեզմանատուն: Ես ու Մոսցեպանովը գևացինք հետևից: Արևը դեռ չէր նստել, բայց օրը

ԼԵՆԻՆԻ ՅՈՒԶԵՖՈՎԻՉ

զգալիորեն հակվում էր դեպի երեկո: Ժամերգության շտապող ոչ մի ծխականի չտեսա:

Գերեզմանոցը ոչ լքված էր, ոչ էլ անխևամ, պարզապես աղքատիկ էր: Շիրիմներին խաչերի փոխարեն քարեր էին, կոպտատաշ, երբեմն էլ առանց մշակման հետքերի, կամ մարմարի բեկորներ, որ առատորեն թափված էին եկեղեցու մոտ: Որոշ տապանաքարեր գրություններ ու նշաններ չունեին, բայց մեծ մասի վրա տարբեր աստիճանի ջանադրությամբ փորագրված էին խաչեր ու հանգուցյալների անունները, երբեմն՝ հակիրճ ասույթներ, պետք է ենթադրել՝ Աստվածաշնչից կամ սուրբ հայրերից: Ավելի հազվադեպ՝ երկրաչափական զարդանախշի մանրամասներ ու բուսական նախշեր էին հանդիպում: Տեղ-տեղ շիրիմներին չոր ծաղիկների փոքրիկ փնջեր էին դրված, թիթեղյա կամ փայտե փոքրիկ սրբապատկերներ, բայց նրա վրա, որին մեզ մոտեցրեց Կոստանդիսը, միայն հողի մեջ թաղված գորշ գոծաքարի մի հսկա կտոր տեսա: Քարտաշի հատիչը միայն դիմային կողմից էր դիպել քարին, որտեղ ոչ կատարյալ հարթ և ուղղահայաց մակերեսին հունարեն փորագրված էր մի անուն, առանց ազգանվան ու որևէ տեղեկության այն մասին, թե ինչով էր զբաղվում այդ մարդը, մինչև այստեղ հայտնվելը.

ΑΛΕΞΑΝΔΡΟΣ:

Ներքևի երկու թվերը նշում էին նրա ծննդյան ու մահվան տարիները: Մեքենայաբար նկատեցի, որ ապրել է քառասունյոթ տարի, ևույնքան, որքան ես էի հիմա, ու մահացել տասը տարի առաջ:

Կոստանդին ու Մոսցեպանովը կանգ առան՝ չփորձելով առաջնորդել ինձ: Հասկացա, որ նպատակակետի մոտ ենք. հենց այդ գերեզմանն էին ուզում ցույց տալ: Երկուսն էլ սպասողաբար լռում էին:

Ծանր դատարկություն հայտնվեց սրտիս տակ, ասես Ակրոպոլիսում հասցրել էին ժայռի եզրին ու խոնարհել անդունդի վրա:

Ինձ ստիպեցի ժպտալ. «Կենտաֆ է, հասկանում եմ... Չեմ հասկանում ում և ինչի համար է դա պետք եղել»:

«Չէ՛, կենտաֆ չի,- խոսեց Կոստանդիսը, ու կրկին, ինչպես շատ տարիներ առաջ, լսեցի ներսում պրկված զապանակի երգը:- Այստեղ թագա-

վոր կայսր Ալեքսանդր Պավլովիչի սիրտն է թաղված»:

Որքան էլ տարօրինակ է՝ միանգամից հավատացի: Ստախոսներն իրենց այդպես չեն պահում:

«Իր նախամահու ցանկությունն էր,- ավարտեց նա:- Մահվանից մի շաբաթ առաջ ինձ կանչեց իր մոտ ու խնդրեց բոլորից գաղտնի այնպես կազմակերպել, որ իր աճյունի մի մասը նեջի Հունաստանում»:

«Մա՛սը»,- կրկնեցի ես:

«Բառը ստույգ չեմ հիշում, բայց իմաստը դա էր: Գիտեմ, որ մարմինը Պետերբուրգ ուղարկելու համար գմոսվելու է, ու ներքին օրգանները պիտի հանվեն... Ամեն ինչ գիտակցում էր»,- իմ չտված հարցին պատասխանեց Կոստանդինը:

Մի հարցում բարոնուհի Կրիդները չէր սխալվել: «Ինչ էլ որ ասեք, ձեր սիրտը պատկանում է Հունաստանին»,- գրել էր նա թագավորին: Կյանքում միայն մի անգամ ճակատագրի հրեշտակը նրան ցույց էր տվել իր աջ ձեռքը:

Աչքիս առաջ լողաց կողպեքով փակված մեծ արծաթյա, շաքարամանի նման անոթը: Այնտեղ թագավորի ներքին օրգաններն էին, սիրտն ու թոքերը: Սպիրտի մեջ՝ դրանք մարմնի հետ ուղարկվել էին Պետերբուրգ, սակայն Տարասովի ու Վիլիեի մեկնելուց հետո երկու ամիս Կոստանդինսի տնօրինության տակ էին: Առանց դժվարության կարող էր փոխել սիրտը կամ վերցնել առանց փոխարինողի՝ հիմնավոր համոզմունքով, որ հուղարկավորությունից առաջ, երբ կորուստը նկատեն, այդ գաղտնիքն իմացողները կնախընտրեն աղմուկ չբարձրացնել:

Կոստանդինը զննաբար նայեց ինձ: Ես լուռ գլխով արեցի:

«Գիտեմ, դուք սիրում էիք նրան,- ասաց նա որոշ դադարից հետո:- Խնդիրն ահա թե ինչ է. ձեր սերը նո՞յնքան ուժեղ կլիներ, եթե նա թագավոր չլիներ»:

Ես շրջվեցի ու քայլեցի դեպի քաղաք: Մեզ եկեղեցի հասցրած կաճանը մի կողմ էր մնացել, չվերադարձա ու գնացի ուղիղ պարապուտով: Ուղեկիցներս հետևեցին ինձ:

«Հիմար հարց է,- հետևից լսեցի Մոսկեպանովի ձայնը:- Նույն հաջո-

ԼԵՆԻՆԻ ՅՈՒՋԵՖՈՎԻՉ

դուքամբ կարող ես իմ Էվային հարցնել՝ կսիրե՞ր ինձ, եթե իր հայրը չլի-
նեի»:

Նա հասավ ինձ ու քայլեց իմ կողքից:

«Ամբարիշտները կփարթամանան խոտի պես», - հիշեցի 91-րդ սաղ-
մուսը:

Ամբարիշտները՝ չգիտեմ, բայց երկար հարավային ամառվա ընթաց-
քում չորացած խոտի ցախավելները դողում էին երեկոյան ուշքի եկած քա-
մու տակ: Չնայած մտրակում էին սապոզներիս ճուղերը:

Գիմետայի ուրվագծերը, որ քիչ առաջ հստակ էին, սկսեցին աղոտա-
նալ իրիկնային մեզի մեջ: Այդպիսի հեռվից Պարթենոնի դեղին մարմա-
րը կուրացուցիչ սպիտակ էր թվում: Իմ առջև փռված էր մի երկիր, որին
երջանկություն ու հավերժ ծաղկում է սպասում:

Մոսցեպանովը մի չոր ճյուղ էր գտել և, ինչ-որ բան սուլելով, դրա-
նով թռցնում էր դրիմյան առյուծատամի նման ինչ-որ դեղին ծաղիկների
գլխիկները: Չգացվում էր, որ գոհ է զբոսանքից, իմ ընկերակցությունից,
կնոջից, դստրիկից, իր անցյալ ու ներկա ողջ կյանքից: Նաև նրանից, որ
թագավորի՝ մշտապես անդորրություն փնտրող սիրտն այն, իր նման այս-
տեղ՝ Հունաստանում է գտել:

Նա դադարեց սուլել ու դեն նետեց ճյուղը: Քաղաքի աղմուկը չէր հաս-
նում մեզ: Խոտը շարունակում էր զնգալ, բայց այդ ձայնը միայն ընդգծում
էր շուրջը տիրող լռությունը: Այն չէին խախտում նույնիսկ թռչունները:
Նրանք երգել էին իրենց ամուսնական երգերն ու լռել մինչև հաջորդ գա-
րուն:

ԲՈՎԱՆՈՎՈՒԹՅՈՒՆ

Հեղինակի կողմից	5
Օձը.....	7
Մարգարեություն	25
Արագիլը.....	49
Կալանավորը	68
Ալեքսանդրիա	89
Հարված	103
Ուղևորություն.....	117
Պերմ.....	131
Կնիքը	158
Փախուստ	179
Մումիան	200
Էլևսին.....	217
Կրակը	234
Քարոն	253
Աթենք.....	267
Ակրոպոլիս	292
Անդրրություն.....	307

Լեոնիդ ՅՈՒԶԵՖՈՎԻՉ

ՀԵԼԼԵՆԱՍԵՐԸ

*Վեպ՝ օրագրերով, նամակներով ու բացակա
գրուցակիցների հետ մտովի զրույցներով
Ոչ պայմանական վեպ*

Թարգմանությունը ռուսերենից՝
Ներսես ԱԹԱԲԵԿՅԱՆԻ

Հրատ խմբագիր՝ Հ. Ալեքսանյան
Սրբագրիչ՝ Մ. Արիստակեսյան
Էջադրումը՝ Հ. Փիլոյանի
Կազմի ձևավորումը՝ Ա. Սարգսյանի

Թուղթը՝ օֆսեթ 60x84 1/16: Ծավալը՝ 21 տպ. մամուլ:

Տպագրվել է «Էդիթ Պրինտ» ՍՊԸ տպագրատանը:

EDIT PRINT
43 D. Malyan str., Yerevan
Tel.: (374 10) 520 848
www.editprint.am
info@editprint.am



ԷԴԻԹ ՊՐԻՆՏ
Երևան, Դ. Մալյան 43
հեռ.՝ (374 10) 520 848
www.editprint.am
info@editprint.am

«ԳԵՂԱՐՄ» ԽԱՆՂԵՍԻ ՄԱՍՆՆԱՉԱՐՈՎ ԼՐԱՅ ԱՆ ՄՆԵԼ

- Թատերախաղեր Արևմտյան գրականությունից – 2010
- Իոսիֆ Բրոդսկի. «Տեղատարափի շայունը» (բանաստեղծություններ) – 2011
- Միխայիլ Բախտին. «Դոստոևսկու պոետիկայի խնդիրները» – 2012
- «Սիրիուսի սրնգահարները» (Վ. Խլեբնիկով, Ն. Գումիլյով,
Վ. Խոդասևիչ), (բանաստեղծություններ) – 2012
- Սերգեյ Դովլատով. «Միայնակների երթը» (պատմվածքներ) – 2012
- Յուրի Լոտման. «Միֆ. Անուն. Մշակույթ» – 2012
- Վառլամ Շալամով. «Կոլիմյան պատմվածքներ» – 2012
- Ժարկո Միլենիչ. «Լեոնը՝ հրաշագործի աշակերտը»
(հեքիաթ-վիպակ) – 2013
- Պավել Ֆլորենսկի. «Իկոնոստաս» – 2014
- Ռուս կոնցեպտուալ պոեզիա (Դ. Պրիգով, Վ. Նեկրասով,
Լ. Ռուբինշտեյն) – 2014
- Հենրիխ Սապգիր. «Ջուգահեռ մարդը» (բանաստեղծություններ) – 2014
- Վասիլի Գրոսման. «Կյանք և ճակատագիր» (վեպ 2 գրքով) – 2014
- «Կամուրջների խռովությունը. մետաֆորիստներ»
(բանաստեղծությունների անթոլոգիա) – 2015
- Ալեքսանդր Սոլժենիցին. «Մատրյոնայի կավածքը»
(պատմվածքներ) – 2015
- Անդրեյ Պլատոնով. «Չևենգուր. Գուրը. Պատմվածքներ» – 2015
- Արդի ռուսական վերլիբր (բանաստեղծությունների անթոլոգիա) – 2015
- Չինաստանի մշակույթի քրեստոմատիա – 2015
- Ջիդի Մաջիա. «Հրեղեն խոսքեր» (բանաստեղծություններ) – 2015
- Մա Քայ. «Սրտի արծազանքներ» (բանաստեղծություններ) – 2015
- Եվգենի Վոդյազկին. «Լավը» (վեպ) – 2015
- Քայ Տյանսիին. «Խաղաղ կյանքի երգը» (բանաստեղծություններ) – 2015
- Ռուս այլախոհական պոեզիա (բանաստեղծությունների
անթոլոգիա) – 2015

- Չինական մտքի և մշակույթի հիմնական հասկացություններ
(հատորներ 1-9) – 2016-2021
- Յու Ջիան. «Անձրևից պատսպարվող թռչունը»
(բանաստեղծություններ) – 2016
- Պավել Բասինսկի. «Լև Տոլստոյ. Փախուստ դրախտից»
(վավերագրական վեպ) – 2016
- Չժան Ցզի-յան. «Երազ ծովի մասին» (բանաստեղծություններ) – 2016
- Վան Ջենչլի. «Երիտասարդ վանականի սիրո պատմությունը» – 2016
- Լյուդմիլա Պետրուշևսկայա. «Մեր. Երջանկություն. Ռեքվիեմ»
(պատմվածքներ)– 2016
- Անդրեյ Բելի. «Պետերբուրգ» (վեպ) – 2016
- «Դիկոռոսներ. Անհայտ պոետների ապաստան»
(բանաստեղծությունների անթոլոգիա) – 2016
- Ռուս մինիմալիստներ (բանաստեղծությունների անթոլոգիա) – 2016
- Իձյե Թան. «Կոնֆուցիականությունը, բուդդայականությունը, դատսիզմը,
քրիստոնեությունը և չինական մշակույթը» – 2016
- Սյուն Շի-ի. «Երկնային կամուրջը» (վեպ) – 2016
- Դոնգ Քիանգ. «Ամուսնություն» (ազգագրություն) – 2017
- Դոնգ Քիանգ. «Կացարաններ» (ազգագրություն) – 2017
- Ինգերբորգ Բախման. «30-րդ տարին» (պատմվածքներ
և բանաստեղծություններ) – 2017
- Ջիդի Մաջիա. «Ընձառյուծից մինչև Մայակովսկի»
(բանաստեղծություններ)– 2017
- Անդրեյ Վոլոս. «Վերադարձ Փանջիռուդ» (վեպ) – 2017
- Դոնգ Քիանգ. «Թաղում» (ազգագրություն) – 2017
- Դոնգ Քիանգ. «Փառատոներ» (ազգագրություն) – 2017
- Դոնգ Քիանգ. «Ուտեստներ» (ազգագրություն) – 2017
- Սյաո Ցյան. «Վիշապի մորուքներն ընդդեմ նախագծերի»
(գրականագիտություն)– 2017

- Ուան Յուլիան. «Մերձակցության աստիճաններ»
(գրականագիտություն) – 2017
- Ֆյոդոր Սոլոգուբ. «Չնչադևը» (վեպ) – 2018
- Ու Չուն. «Չինական մշակույթ. Փիլիսոփայություն» – 2018
- Մարտիրոս Որն. «Մեներն իզուր են այրվել մեղքերիս համար»
(վիպակ) – 2018
- Ս. Ուեյսին, Ճ. Սյուն. «Չինաստանի յուրահատկությունները:
Չինաստանի համաշխարհային ժառանգությունը» – 2018
- «Աղի ձայնը» (20-րդ դարի հետախույզական թվականների սերնդի
չին գրողների պատմվածքներ) – 2019
- 20-րդ դարի ռուսական պատմվածք (անթոլոգիա) – 2019
- Գվինեթ Լյուիս. «Բառսի հրեշտակները»
(բանաստեղծություններ) – 2020
- Պավել Բասինսկի. «Լև Տոլստոյ. Ազատ մարդը»
(վավերագրական վեպ) – 2020
- Ցերինգ Նորբու. «Փրկված գառը» (տիրեթյան պատմվածքներ) – 2020
- Չժան Յավեն. «Դարերի կանչը. Ստորումներ Հոնկոնգի մասին» – 2020
- Կոնֆուցիոս. «Զրույցներ» – 2020
- Մարիա Գրեչ Գանադո. «Երիզվածք» (բանաստեղծություններ) – 2021
- Էլիզաբեթ Քրիստին Յոկուլսոտիր. «Սեր, նյարդերի քայքայում.
Ոչ մի պար Չուկ-քարի վրա» (բանաստեղծություններ) – 2021
- Ալեքսեյ Վառլամով. «Մոագայլը» (վեպ) – 2021
- Միխալ Այվազ. «Այլ քաղաք» (վեպ) – 2021
- Իմանուել Միֆսուդ. «Յուտա Հայմ» (վեպ) – 2021
- Խոսեբա Մարիոնանդիա. «Բանտեր և աքտրներ»
(բանաստեղծություններ) – 2022
- Չինական ավանդական բժշկության հիմնական հասկացությունների
հանրագիտարան (հատորներ 1-2) – 2022
- Նիկոլա Դուրետիչ. «Մահվան և անհետացման ժամանակագրությունը»
(պատմվածքներ) – 2022

Սլավենկա Դրակովիչ. «Ֆրիդա կամ՝ ցավի մասին» (վեպ) – 2022
Միգիզմունդ Կրժիժանովսկի. «Հիշողություններ ապագայի մասին»
(երեք վիպակ) – 2022
Եվգենի Վոդյազկին. «Կղզու արդարացումը» (վեպ) – 2022
Թրևոր Զահրա. «Երեկոյան ժամերգություն» (պատմվածքներ) – 2023



Ոգի-Նաիրի
Vogi-Nairi

www.vogi-nairi.am

Էլ. հասցե՝ vogi.nairi@mail.ru

հեռ.: +374 97252323, +374 94259161